

**DISCEPTATIO IN  
APOLOGIAM  
HISTORICO-  
CANONICAM  
PRO S...**

---

Georg Christoph Neller,  
Adeodatus Ens





30  
D

Ex Bibliotheca  
majori Coll. Rom.  
Societ. Jesu

13-19. 6. 32.

30.5.18

30  
D  
19









# PYTHAGORAS

Novus excussus.

*Sive*

## DISCEPTATIO

In Apologiam Historico-Canonica-  
cam pro S. Provincia Romana Joannem XII.  
Papam, ut Apostatam, reprobante &  
coram Ottone M. Imp. Leonem VIII.

Canonicè eligente,

Die 3. Sept. 1766. in Auditorio Majore A-  
cademiæ Trevirensis exercitio juridico  
publice propositam,

PRÆSIDE ME

(ut in fronte legitur.)

GEORGIO CHRISTO-  
PHORO NELLER

J. U. D. & ad Ss. Theol. Docto-  
ratum admisso, Ss. Canonum Professore pub.  
& Ordinario, Inclytæ Facultatis Juri-  
dicæ h. t. Decano;

Quam

ADEODATUS ENS Canonicus Leodiens-  
sis, & Jûdicii Eccles. Assessor faciebat.

---

Excudebat Candidus Blancarte,  
Leodii Anno MDCCLXVII.



# Adeodatus Ens Theodulpho, Canonico Trevirensi, S. P. D.

S. V. B. E. E. B. V. Rem mihi gratissimam fecisti, dum pro veteri nostra amicitia, & consuetudine muneris loco misisti mihi Vindicias apud vos nuper propugnatas. Ex quo tempore scholam vestram Juris Canonici tenet vir ille clarissimus, miras prodire in lucem concertationes vidimus. Singularem videtur esse ingenio vir. Si commentationes ejus, a pluribus jam annis in lucem datas perlustro; ut perlustravi plerasque omnes, partim a te, mi Theodulphe, partim a familiaribus meis aliis mihi submissas: videor mihi videre redivivum Pythagoram, exemplum sapientiae veteris. Quidquid enim IPSE DIXIT, & PRÆSIDE SE, illud quantumlibet paradoxum, novum, ac fundamento omni destitutum fuerit: tamen vult omnes impresso ori digito altum conticescere, nec contra hiscere quemquam mortalium. Si quid vero alii, quantumlibet magni nominis, virtutis, atque eruditionis famam clari, viri dixerint; sive Doctorum; sive Præfulum, sive summorum Pontificum auctoritate fulserint: si suo id palato non arriserit, nullo loco habendum existimat. Maxime si Jesuitarum quis quid dicere ausus fuerit: hoc unum ad bilem ei in nasum ciendam sufficit; dictaque illorum velut puros putos logos, ac nugas despuit, & conculcat. Pythagoræ tamen gravitati videri posset adjungere aliquid de Diogenis mordacitate cynica. Nam mutire contra eum ausit aliquis:

sentiet continuo fustem Diogenis ; impacta in caput feroce dica. Quæ vult , dicit : audire , quæ non vult , renuit. Hanc quidem ex ejus scriptis videor mihi effingere posse viri imaginem. Nondum tamen effingo , aut pro vera effigie vendito. Falli enim queo. Nihil eo forsitan modestius , nihil demissius , nihil moderatius , aut humanius. Proinde nihil de eo gravius temerè pronuntiavero. Imo potius summæ mihi voluptati fuerit , mi Theodulphe ; si tu , qui hominem abs dubio nôsti propius , errore , quo forte laboro , me liberaveris. Cupiam plane illum nosse , ut existimationem de eo , qua dignus est , & concipere ipse animo , & conciliare ei apud alios possim. Varii enim de illo hominum sermones , ac sensus sunt. Ego inter utramque partem anceps hæreo , nec de viro , haudquamquam mihi satis cognito , quid sentiendum , scio. Hoc unum mihi videor affirmare posse ; quod , cum cæteris in lucubrationibus suis alios sui generis omnes superaverit , in postrema hac seipsum superasse videatur. Tam multa enim in illa occurrunt singularia , eaque , quæ non cujusvis ingenii sit aut excogitare mente , aut verbis complecti. Perlegi illam studiose , atque ita comparatam reperi ; ut cupido me incessest appendendi illam ad stateram ; præsertim cum tribunalibus hoc tempore silentibus , & procul negotiis ruri degens , plusculum nactus essem otii. Non dubito quidem , quin Jesuita , quem aggressus est , se defensurus sit strenue. Non solent enim Jesuitæ hoc in concertationum genere indigere adiutore,

aut

aut defensore aliunde accito. Sed tamen observavi, Jesuitas hætenus armis adversus eum usos quidem validis, sed subtimide. Quis scit, an non a latere suo stantes aliquos Pythagoræ hujus Atlantes continuò respicere debeant, ne offendant. Nos Leodienfes assueti sumus sententiam libere, atque ingenue dicere, nec gratiæ inservire. Neque abs re futurum putavi; si intelligeret, non Jesuitis solis, sed aliis etiam, qui emunctioris senari esse existiment, exotica ejus asserta graviter olere. Accipe igitur hancce meam in vindicias istas disceputationem. Quam si probaveris, gaudebo: si minus, eundem tamen mansurum tibi apud me, qui semper fuit, amicitiae, ac benevolentiae locum, nullus ambiges. Vale. Dabam in Villa suburbana IV. Non. Oct. 1766.

## Proœmium

### §. I. Occasio disceputationis.

1. Proposuerat vir Clarissimus, quicum hic nobis res est, propugnandam in Auditorio majore Academiae Trevirensis Præsidente se hanc ex Jure canonico Thesin: *Et Papam accusari posse etiam extra casum deviationis a fide, docet inter alia exemplum Joannis XII. & XXIII. depositorum. Non obstante Can. 7. Dist. 21. Can. 6. Dist. 40. Can. 24. IX. q. 3.* Propugnata est 25. Martii 1766.

2. Quoniam hæc IPSE dixerat; oportuisset Pythagoræ hujus auctoritati acquiescere omnes, & imitari illud Virgilii *Æn. L. 2.*

Conticuere omnes, intentique ora tenebant. Maxime cum ortum ex ea Thesi in urbe catho-

6 *Præmii §. 1. Disceptationis occasio.*

lica scandalum, nec datum esset, nec natum (si ipsum dicentem audimus) sed pharisaicum, contra quod nemo est tutus. Nihilominus; aliorum nemine contra hiscere auso, repertus est audax Jesuita. Nomen ejus non prodidit: credo, ut famæ parceret. Is non exhorruit priori Thesi non simplicem duntaxat (quod satis fuisset temerarium) Thesin contrariam opponere: sed suam etiam variis argumentis stabilire; & mense Maja defendendam publice exponere.

Improbum facinus indignè ferens, vix tribus mensibus interpositis, paratas habuit vindicias; quas iterum, PRÆSIDE SE; luci, & disputationi publicæ exposuit 3. Septemb. Anno eodem.

3. Has nunc ventilare aggredior. Sed quoniam tantam in illis rerum, ac verborum confusionem, ac quadrata rotundis misceri reperio; ut non illustrando, sed obtundendo, ac caligine involvendo lectoris cerebro natæ, factæque videantur: opus est ante omnia, ut in certum totam rei summam ordinem redigam; quo suæ quæque loco distributa, ac distincte ob oculos posita expendi clarius, ac facilius possint. Atque imprimis, quod fieri in cujuslibet causæ disceptatione debet, species facti exponenda est fideliter, ac dilucide. Deinde instituenda est quædam quasi litis contestatio, ut constet, quibus in rebus partes utrimque consentiant; de quibus inter se dissideant, atque ita dijudicari possit, quodnam sit verum causæ crinomenon; quid cuique probandum incumbat; ac demum, quàm recte quisque probaverit id, quod incumbere probandum. Sit itaque

§. 2.

§. 2. Species Facti.

1. Albericus, qui fuerat Urbis patritius, opibusque ac clientibus pollens, principatum Romæ sibi arripuerat, filium habuit, Octavianum nomine, a juventute Clericum. Is Patre Alberico mortuo, cum clericus esset, principatum adeptus est; primum. Post, Agapeto II. Rom. Pontifice pariter vitâ functo, etiam Papa Urbis effectus est, & mutato nomine Joannem XII. se dicit.

Rem ita narrat Flodoardus in Chronico ad annum 954. Alii referunt ad annum 956. Verum modica hæc scriptorum de temporum ratione dissensio non mutat facti substantiam.

2. Fuit hic Joannes, dum sedem Apostolicam invaderet, octodecim circiter annorum adolescens, ac pene puer, perditis, & dissolutis moribus.

Quamvis enim Ottoni Frisingensi visum sit durum credere omnia, quæ ei objecta fuere (uti & mihi durum est credere omnia, quæ Vindiciarum scriptor ei impingit, de quibus suo loco videro) fatendum tamen, quod res est, & tanto scriptorum consensu testatum.

Quæ de expeditione adversus Pandulphum, Capuanum Principem infaustis avibus ab eo susceptâ traduntur, non sunt quidem hujus loci: non est tamen omnino abs re, ea paucis his verbis notâsse.

3 Circa hæc tempora Berengarius Italiæ Rex, cum Adelberto Filio suo, in regni societatem



adscito , omnem latè viciniam , ac Romanam etiam Ecclesiam armis infestam habuit , nec sacris parcens , nec humanis rebus , cædibus , & rapinis obvia quæque devastans.

4. Compulsus in angustias Pontifex Ottonis I. Regis Germaniæ , opem imploravit per legatos. Is exoratus , ut refert Lambertus Schafnaburgensis ad annum 962 , cum exercitu in Italiam tendit ; & concisis primo impetu Berengarii , & Adelberti viribus , Romam perrexit ; ubi a Pontifice splendide est exceptus , & Imperii corona ritu solenni ornatus ; cui non solum propria restituit , verum etiam ingentibus eum muneribus honoravit.

5. Otto &c ante , quam Italicam expeditionem susciperet , coram Oratoribus Pontificiis juratus promiserat , se bene consulturum Pontifici , & Romanæ Ecclesiæ ; omniaque Rom. Ecclesiæ bona , a tyrannis sublata , redditurum : & Romæ post præsens , quæ ex tyrannorum faucibus ad id tempus eripuerat , non modo fideliter restituit ; sed donationes etiam a Pipino , & Carolo M. Ecclesiæ Rom. factas splendido diplomate confirmavit.

Vicissim vero a Joanne Papa juramentum accepit supra Corpus B. Petri , & præsentibus omnibus Civitatis proceribus : se nunquam Berengario , & Adelberto suppetias laturum.

6. At Cæsare vix ad extinguendas penitus belli reliquias Roma digresso , Papa fidei datæ , & iurijurandi immemor , non multo post ad Berengarii partes defecit. Ejus Filium Adelbertum

pro-

profugum , ac cum copiolis suis huc illuc discurrentem , precibus multis expugnatus , in urbem , ac suam fidem recepit.

Quo Cæsar comperto , mox soluta , qua Berengarium in Monte Leonis premebat , obsidione , Romam revolavit cum exercitu. Sed Joannes Papa cum Adelberto , & sumpta secum pecunia , non expectato Ottonis adventu , se trans Tiberim jam fuga receperat. Quamvis civium alii Pontificis , alii Cæsaris partibus studerent : omnes tamen receperunt Ottonem in urbem , & , datis obsidibus , ejus se potestati dediderunt.

7. Imperator , urbe in fidem accepta , tertio post die convocavit synodum , ad quam cum accersitus Joannes venire recusaret , sed rescriberet paucis : Audisse se , quod velint alium creare Pontificem ; quod si tentaverint , se illos excommunicare , & omnem alios ordinandi , ac Missas celebrandi facultatem adinere : alia actione decreta in illum altera evocatio. Quæ tamen ad eum non pervenit ; quia longius a Tiberi in secretos nemorum recessus se jam abdiderat.

8. Tertia igitur actione gravium scelerum accusatus est ; atque annuente Imperatore Protoferiniarius quidam Neophytus , id est , vel nondum , vel recens admodum clericorum ordini adscriptus , in ejus locum suffectus , qui se Leonem VIII. nominari voluit.

Synodum hanc habitam fuisse VIII. Idus Nov. anno 963 , id est .6. Nov. constat ex Synodica. Leo VIII. in Palatio Lateranensi consecratus traditur die 6. Nov. A. E.

9. Duobus circiter a consecratione Leonis

mensibus lapsis, Joannes Papa, missum faciens Adelbertum, qui & ipse ultro concessit in Corsicam, Romam rediit, atque a civibus, suarum partium studiosis, intromissus est. Sumpto de quibusdam, qui in eum præcipuè conspiraverant, supplicio, Romæ die 26. Februarii anno 964. celebravit synodum, in qua Concilium ab Ottone, addictisque ejus partibus Episcopis habitum, damnatum fuit, velut prostibulum favens adultero, invasori scilicet alienæ sponsæ, Leoni VIII. Leo ipse anathemate perculsus; qui eum ordinaverant, uti & sacris ab eo initiati, de gradu dejecti; intentata anathematis comminatione prohibitum, ne quis Leonis partes sequeretur deinceps, aut adjutaret.

10. Joannes post assertum sibi denuo Pontificatum non diu superstes fuit. Nam, ut tradit continuator Reginonis, II. Idus Maji, id est, pridie Iduum, sive 14. die, rebus humanis excessit.

11. Dum hæc Romæ gererentur, Leo, qui adventante Joanne vix cum paucis, facultatum omnium nudus ex urbe evaserat, apud Imperatorem, in Camerino Ducatu tum degentem, versabatur.

12. Joanne mortuo Romani paucis post diebus elegerunt Benedictum Diaconum, cognomento Grammaticum. Memores tamen juramenti Ottoni præstiti, nunquam se Papam electuros, aut ordinaturos præter consensum, atque electionem Ottonis Cæsaris Augusti, filiique ipsius Regis Ottonis: missis ad Imperatorem oratoribus, ejus expetiere assensum.

13. Nihil impetrari ab Ottone potuit , tale-  
que ab eo responsum acceperunt Legati: *Quando*  
*dimiseris enssem meum , tunc dimittam , ut Domi-*  
*num Leonem Papam in Cathedra S. Petri non restitu-*  
*am.*

14. Nuntiis reversis , Benedictus nihilominus  
consecratus est , & Benedictus V. appellatus.  
Quod audiens Imperator , majore furore exarsit.  
Undique circumvallavit civitatem Romanam ,  
per diversas civitates cepit depradari , incende-  
re , atque vastare , & funditus dissipare ; & in  
tantam penuriam , & captivitatem eam adduxit ;  
ut modius furfuris venundaretur triginta denariis.  
Consternati autem , & afflicti Romani , & tam  
pessimum malum sufferre non valentes , inno-  
centem Benedictum Imperatori tradiderunt , &  
Dominum Leonem in Romanam & Apostolicam  
sedem susceperunt , spondentes ei obedientiam ,  
& Domino Imperatori super corpus B. Petri A-  
postoli.

Hæc tradit Petrus Bibliothecarius in vita Jo-  
annis XII. nondum edita apud Papebrochium.  
Chronographus Farfensis apud Duchesnium  
Tom. 3. eadem prorsus refert , de Romanis  
hoc addens : Dominum Leonem Papam *coacti*  
receperunt. Ex suo Continuatore Luitpran-  
dino hæc addere potuisset Vindex. „ Quo  
„ audito Imperator urbem vallavit , neminem ,  
„ qui non membris truncaretur , exire per-  
„ misit : machinis , & fame usque adeo affli-  
„ xit , donec , Romanis nolentibus , urbem  
„ reciperet , Leonem virum venerabilem de  
„ bita



„ bitæ sedî restitueret, ac Benedictum, sum-  
 „ mæ sedis inuasorem, ejus præsentia repræ-  
 „ sentaret. L. 6. c. 11. Altum de his in vin-  
 diciis, quas ventilamus, silentium.

15. Leo in urbem receptus mox celebravit synodum, ad quam pertractus Benedictus V. Is, ut erat fatente ipsomet vindice nostro, vir bonæ mentis, postquam acerbè fuisset increpitus à Benedicto Cardinali Archidiacono, respondit: *Si quid peccavi, miseremini mei.* Ut commotus ad lacrymas Imperator, nihil in ejus præjudicium fieri a synodo, commendaret. Ipse vero Benedictus continuo ad Leonis, & Imperatoris pedes procidens, se peccasse, se S. Romanæ sedis inuasorem esse conclamavit. Post hæc pallium sibi abstulit, quod simul cum pontificali ferula, quam manu gerebat, Domino Papæ Leoni reddidit. Tum ille humi sedere jussum casula etiam, & Stola exuit, omni pontificatus, & presbyteratus honore privavit; Diaconatus tamen ordinem, in Imperatoris gratiam, ei habere permisit, & Roma pulsum in exilium eiecit. Synodus hæc habita anno 964.

16. Adaldago igitur Hammaburgensi Archiepiscopo ab Ottone Imp. in custodiam traditus est. „ Archiepiscopus vero magno eum cum  
 „ honore usque ad obitum ejus detinuit. Nam  
 „ vir sanctus, literatusque dicitur fuisse, & qui  
 „ dignus Apostolica sede videretur a Pop. Ro-  
 „ mano, nisi quod per tumultum electus est,  
 „ expulso eo, quem ordinari jusserat Impera-  
 „ tor. Igitur apud nos in sancta conversatione

„ vi-

„ vivens , aliosque sancte vivere docens , cum  
 „ jam Romanis poscentibus à Cæsare restitui de-  
 „ beret , apud Hamburg in pace quievit. Tran-  
 „ situs ejus IV. Nonas , sive 4. die Julii conti-  
 „ gisse scribitur. Hæc Adamus Bremensis. *Lib.*  
 „ 2. *Cap. 6.*

17. Imperatoris Roma discedentis exercitum  
 dira peste correptum , ac magna parte consump-  
 tum fuisse scribit continuator Luitprandi. Ditma-  
 rus *Lib. 2. Chron.* vindicem hanc Dei ob Bene-  
 dictum injuste depositum pœnam exstitisse opina-  
 tur. Deus scit , quid sit rei. Leo VIII, Pontifica-  
 tu diu fructus non est , sed Martio ineunte anni  
 965. mortuus.

Hæc sincera facti , & succincta narratio est,  
 deprompta ex iisdem scriptoribus, quos & Vin-  
 diciarum auctor allegat , videlicet ex Conti-  
 nuatoribus Luitprandi , & Reginonis , Adamo  
 Bremensi , Petro Bibliothecario , Actis synodi  
 Romanæ sub Joanne XII. apud Harduinum. *T.*  
*VI. CC. pag. 631.* Sciens prudens autem præ-  
 sens in tempus omisi quædam , quæ altiore  
 indaginem postulant , ac suum in locum distuli ;  
 omnia discussurus exactissime. Quod monendum  
 duxi , ne forte suspicetur æmulus , me quæ-  
 dam dolo malo suppressere voluisse.

### §. 3. Separantur concessa.

1. Extra controversiam est , Papam Roma-  
 num , si fieret a Fide devius ita , ut in apertam  
 hæresin prorumperet , eamque Ecclesiam univer-  
 sam docere tentaret , e Petri Cathedra fore deji-  
 cien-

14 *Protem. §. 3. Separantur concessa.*

ciendum, suffecto in ejus locum alio Orthodoxo.

Res ex SS. Canonibus, & communi Ecclesiæ sensu tam confessa, & manifesta est, ut de ea Catholicorum nemo ambigat.

Quod si enim, quod absit, &, Vindice pag. 31. n. XX. fatente, nunquam contigit, Papa fieret aperte hæreticus, & hæresin conaretur in Ecclesiam introducere, desineret esse membrum Ecclesiæ: quæ est congregatio fidelium unam Christi fidem, & doctrinam profitentium. Desineret ergo & esse Caput Ecclesiæ. Non potest enim esse caput corporis, cujus membrum non sit. Exauctoratus igitur tum foret, non à synodo particulari Romana, aut alia quacunque, sed a semetipso per voluntarium lapsum in hæresin. Desineret ergo demum esse major reliquis: cum per hæresin hanc suam & corpore Ecclesiæ excidisset, & Pontificatu. Vacaret igitur tum sedes Pontificia; ac fas esset Ecclesiæ per eos, ad quos de jure pertinet, eam alio, more majorum electo, rursus implere.

2. Tempore schismatis, dum duo, vel plures de Pontificatu Romano contendunt, nullusque eorum ab universa Ecclesia agnitus, acceptatusque est; fas est Ecclesiæ, exauctoratis, etiam invitis illis, qui juri suo qualicumque quæsito cedere recusant, & recusando non finire, ut deberent, sed continuare schisma moliuntur, certum sibi Caput eligere.

Id docet nos Concilium Constantiense; quod, hanc partem si spectes, ab Ecclesia universa acceptatum, ratumque habitum est. Nec satis prospexit.

Spexisset Ecclesiæ suæ Christus Dominus ; si non concessisset ei potestatem eligendi sibi tali tempore Pastorem certum , quem oves Christi omnes sequi , ejusque vocem audire cum obedientia debeant.

3. Indubitatum pariter est Joannem XII. fuisse ante synodum ab Ottone I. collectam verum , acceptatumque ab universa Ecclesia Romanum Pontificem.

Quamvis enim non per legitimam electionem in sedem B. Petri , sed per suam, factionisque suæ violentiam eluctatus , vel potius intrusus fuerit : tamen Ecclesiæ accedente post consensu (cui satius visum , Pontificem , pene puerum , nec legitimis suffragiis electum , colere , atque acceptare , quam inconsutilem Christi tunicam diro schismate dilacerare) electionis vitium persanatum fuit.

Electionis vitium sanari per Ecclesiæ universæ , ita perperam electum acceptantis , assensum docet nos exemplum Vigiliï Papæ. Is quamvis malis artibus , suffragante Theodora Augusta , thronum Pontificium invasisset , S. Silverio Papa legitimo , Belisarii ducis (quem auro sibi Antipapa devinxerat) armis , & satellitibus , Pataram primum , Lyciæ urbem , ac dein iterum in insulam palmariam ad exilium deportato ; ubi vir sanctus vel ærumnis , vel , ut alii rentur , inimicorum ferro confectus est. *Procopius de Belgoth. L. 1. C. 25. Liberatus C. 22. Anastasius in Silverio.*

Post Silverii mortem tamen in defuncti locum



acceptatus ab Ecclesia, verus ac legitimus Pontifex habitus est; Pontificaliaque munia, nemine obistente, ac cum laude administravit. Multa pro fidei; & Auctoritatis Apostolicæ defensione acerba perpeßus, vix mortem a Prætoris, a Justiniano Augusto immissi satellitibus sibi paratam effugit. (a) Theodorum, Cappadocum metropolitam; Origenis defensorem acerrimum, & turbarum omnium incentorem omni sacerdotii honore, & communione spoliavit. Mennam Cpolititanum, ac consentientes Episcopos à communione suspendit. (b) Post vero ad eundem Mennas, & Theodorus Casareensis fidei suæ libellos mittentes, ac factorum veniam precantes, in communionem ut denuo reciperentur, rogarunt. (c) denique synodum oecumenicam V. Cpolititanam II. rogatus a Patribus, probavit suo calculo. (d)

(a) *Vigilus in Ep. encycl. & Clerus Italia in libello an. 551. scripto.* (b) *Baronius ad annum 551. N. VII. & XIII.* (c) *Acta Cpolititani II. in Const. Vigil. Coll. I. Apud Hardu. T. 3. Cc. à pag. 54.* (d) *Apud eundem ibidem pag. 218.*

Aliud exemplum persanata, per consensum acceptantis Ecclesiæ, electionis per se se illegitima occurret infra in causa Benedicti IX.

Jam vero Joannem XII. pariter ab Ecclesia universa acceptatum, agnitumque fuisse, negari non potest.

Nam anno 957. rogatus a Lothario, Franciæ rege

Rege, ut monasterii Hümolariensis, quod antea monachæ tenuerant, ad Monachos, propter col-  
lapsam apud illas vitæ religiosæ disciplinam, translationem, a Ludovico, Patre suo, consulenti-  
bus Artaldo Remensi Archiep., aliisque factam, ratam, firmanque esse juberet : quod peti-  
tum fuit, præstitit datis ad Regem literis, quas reci-  
tat Mabillonius *Sec. II. Benedictino pag. 1025.*

Anno 959. Girardus, Augustodunensis Episc., Romam profectus, deprecatus est Joannem, ut Isuardum, ejusque socios, terras Ecclesiæ S. Symphoriani vi detinentes, anathemate feriret. Feriit, & sententiam excommunicationis Archiepiscopis Franciæ, ac Burgundiæ misit : qui illam mandatis ejus obsequentes promulgarunt. *Vid. Hardu. Tom. 6. CC. P. I. pag. 621.*

Anno 960. S. Dunstanus ad Romuliam urbem profectus Pallium a Joanne XII. suscepit. Testis Wilhelmus Malmasburiensis *Lib. I. de Gest. Pontif. Angl. in Dunstano*, & Rogerius Dovedenus, pag. 425.

Ipsemet Otto M. Joannem agnovit verum, ac legitimum summum Pontificem. In diplomate enim suo Anno 962. die 13. Februarii dato, quod exhibet Hardu. *L. C. pag. 623.* ita loquitur : *Ego Otto D. G. . . . Tibi B. Petro Apostolorum principi, & clavigero regni cælorum, & per te vicario tuo Joanni summo Pontifici, & universali XII. Papa. &c.* Imperii item coronam ex ejusdem manibus, quod illo ævo erat Romani Pontificis officium, suscepit.

Artaldus Remorum Archiep., ab Heriberto

B

Co-

Comite (filio suo Hugone in ejus locum intruso) expulsus sede sua fuerat. Sed in synodo Ingelheimensi anno 948. die 7. Junii, Præsidente Marino, Ecclesiæ Polymartienſis Episcopo, & Agapeti II. Legato habita, restitutus, Hugo vero anathemate perculsus est. *Hardu. Tom. 6. CC. P. 1. pag 603.* Synodi hujus sententiam, & Hugonis damnationem confirmavit Agapetus in Concilio Romano. *Hardu. ibid. pag. 615.* Artaldo ad annum 961. vita functo, agebant quidam Episcopi, ut Hugoni sedes nunc vacans restitueretur. Rei discutiendæ causa ad synodum convenere XIII. Episcopi ad Matronam amnem in pago Meldensi ad medium mensem Aprilem anni 962. Hi nihil inconsulto Romano Pontifice statui a se tanto in negotio posse rati, rem ad Joannem XII. referunt. Ac post allatum Roma responsum, rejecto Hugone, Odalrico Remensem sedem detulerunt. Quod argumento est, Joannem XII. ab iis agnitum fuisse summum Pontificem.

Quid multis opus est? Vel ipsa Ottoniana Synodus I. id ipsum agnovit. Prima enim ejus synodica Epistola salutatur Joannem his verbis: *Summo Pontifici, & universali, Domino Joanni, Otto divina respectu Clementia Imperator Aug. cum Archiepiscopis Liguria, Tuscia, Saxonia, Francia, in Domino salutem.* Altera verò in hunc modum: *Summo Pontifici, & universali Papa, Domino Joanni Otto divina respectu Clementia Imperator Aug. sed & S. Synodus, Roma ob servitium Dei congregata, in Domino salutem.*

Neque inter accusationum ipsi intentatarum capita

pita verbum ullum , quo arguatur esse Pontifex illegitimus.

Neque auctor vindiciarum id ire inficias potest, nisi Andabatarum more velit verberare aërem , & causam suam deferere. Antithesista enim suus , sic enim illum vocat , minime negabit , summum Pontificem nullatenus verum , sed illegitimum , posse accusari , damnari , deponi. De solo vero , ac legitimo hæc lis est.

4. Non opus est hoc loco negare , quæ de male feriatis ejus moribus narrantur : nec defendere , quod spreto jure jurando , ac datam Cæsari fidem fallens , ad Adelbertum defecerit.

Neque enim personæ Joannis , sed auctoritati pontificiæ , quam, etsi indignus, gerebat , apologia hæc scribitur. Minime vero terreor iis , quæ pagina 18. N. VIII. lit. b. e pulpito suo , PRÆSIDE SE , pronuntiat vindiciarum auctor : Reddi eo ipso difficillimam probationem harum assertionum : *Ecclesia Romana contra jus peccavit , dum loco nequissimi alium constituit pontificem. Otto M. contra jus peccavit , dum Leonem VIII. pro vero papa agnovit. Archi- & Episcopi Germania , Lotharingia, Italia contra jus peccarunt , dum rejecto Joanne , Leoni obediaverunt , nec Romanam Ecclesiam monentes , nec Imperatorem exhortantes , hoc esse contra Canones , & extra potestatem totius Ecclesie Catholice.* Assertionem has enim probavero tam facile , quam vulpes pyrum comest. Dic , age : si ego , si tu , si quivis nobiscum alius privatus , nulla publica legitima auctoritate pollentes , con-  
spiratione facta arriperemus nobis partes judicis ,

ac consecratiſſimum quempiam ex infima plebe hominem conaremur lata ſententia, ſi non capite, fortunis tamen ſuis multare: audereſne pronuntiare, contra jus minime peccaturos? Quid dicam, ſi idem machinaremur in eum, quem legitime nobis præpoſitum agnoſceremus, cuique obſequii, honorisque exhibendi ſacramentum dixiſſemus? Ita planè; niſi demonſtratum fuerit, conſeſſam hanc Romanæ Eccleſiæ, aliisque, qui interfuere, in legitimum, agnitumque ab omnibus Eccleſiis Pontificem max. poteſtatem eſſe; nihil erit aſſertionum iſtarum probatione facilius. Jam vero, utrum id legitime demonſtrent Vindicix; hoc eſt, quod nunc quærimus.

5. Neque etiam poteſt hoc loco eſſe quæſtio, fueritne Joannes XII. hæreticus, aut apoſtata, qui a fide, & Eccleſia Chriſti defecerit.

Imprimis enim nemo, quantumlibet facinorofus, niſi facinus forte cum ipſa fide pugnans in ſe admiferit, fit hæreticus, & Eccleſia extorris. Certus quippe fidei catholicæ articulus eſt, in Eccleſiæ ſagena ex omni genere piſcium congregatos teneri, bonos, & malos. *Matth. 13. v. 47.* Deinde in illa Ottoniana ſynodo nulla adverſus eum hæreſeos accuſatio prolata eſt. Deum nec hæreſeos, aut apoſtaſiæ a fide reum agere poteſt Vindex. Aut nihil omnibus egit expenſis vindictiarum ſuarum. Probandum enim ſibi aſſumpſit, ſummum Pontificem poſſe, etiam extra caſum hæreſis, & ſchiſmatis plurium Paparum, propter ſolam deformitatem morum accuſari, & deponi. Contendit quidem pag. 38.

N. XXX , & pag. 39. N. XXXI , quod Joannes fuerit hostis Ecclesiæ , ac seipsum eâ extorrem fecerit ; quod habendus sit proditor , traditor , venditor , hostis , apostata , & desertor suæ Ecclesiæ . Sed hoc ipso ex capite convincitur secum ipso pugnare ; quæ ædificare moliebatur , destruere ; suammet Thesin , quam vindicandam sumpsit , prodere , tradere , vendere . Quod ei non esse insuetum , ac novum , non semel videbimus .

6. Nemo pariter inficiabitur , Ottonem magnum iusta adversus Joannem , ad hostes Imperii , & Italiæ à se deficientem , fuisse irâ commotum . Iuste poterat injuriam sibi illatam propulsare , ac Papæ non minus , quam aliorum hostilium principum , molitionibus vim armatam opponere ; salva tamen erga sacram Pontificis potestatem reverentia .

Id vitio non datur Pandulpho , Capuæ principi , de quo in specie facti mentionem fecimus . Non datur tot aliis principibus , defensionis jure , dum hostili Romanos Pontifices in se animo esse cernerent . non semel usis .

7. Vindiciarum scriptor pagina 28 , dicit N. XII ; Argumenta impugnantium depulsionem Joannis XII , & Benedicti V , vel desumi à defectu potestatis , vel a nullitate processus contra Joannem XII. formati .

Verum hoc quidem dixit ; non nego , nec ad causam hanc discutiendam necesse est IPSI dicenti negare omnia . Tantum hic observo , quod ad penitus labefactandas ejus vindicias sufficiat , solum opponere defectum potestatis . Potestas quip-

22      *Proem. §. 3. Separantur concessa.*

pe judicandi in iudice, cum basis & fundamentum cujuslibet actus judicialis sit : hac sola deficiente nullitatem totius processus consequi necesse est ; esto , observata ad unguem fuerint cætera , quæ ad iudicii formam jura requirunt. Quod quamvis qui nesciat , Ictorum nemo sit ; confirmari tamen invictè potest scito ex concilii Tridentini Sess. 14. c. 7. petito, ubi hæc legimus : *Quoniam igitur natura , & ratio iudicii exposcit , ut sententia in subditos duntaxat feratur : persuasum semper in Ecclesia Dei , & verissimum esse Synodus hæc declarat , nullius momenti absolutionem eam esse debere , quam sacerdos in eum profert , in quem ordinariam , aut subdelegatam non habet jurisdictionem.*

Quod hic de iudicio interiori pœnitentiæ S. Synodus declarat ; idem de iudicio etiam exteriori quovis pronuntiat , dum huic declarationi hanc generalem causam præmittit : *Natura , & ratio iudicii exposcit &c.* Nisi igitur constiterit , eum vel illos , qui hoc iudicium contra Joannem exercuere , habuisse in eum ordinariam , vel subdelegatam jurisdictionem , id est , iurisdicundi potestatem legitimam : nullius momenti , ac roboris sententia esse debet ; nec formæ observatæ ratio ulla habenda est.

8. Ut hanc Iudicibus Joannis XII. potestatem adstruat , dicit ead. pag. 28. N. XIII. Priusquam de potestate loquamur , quærendum , quis ergo Joannem exauctoraverit.

Quod & hic dicit , veritati , & rationi omnino consentaneum esse , libens fateor. Qui enim illorum , qui iudicium hoc exercuerunt , iuris-

di-

dicundi potestatem in dubium vocare, aut penitus negare poterimus; nisi sciverimus, quinam id fecerint?

9. Audiamus igitur, a quo exauctoratum fuisse Joannem dicat.

Primum negat id factum ab Ottone (eod. N. XIII.) quippe qui nec actor fuerit, nec testis, nec iudex. Queritur, hoc perperam asseri à suo Antithesista cum, & ex suo Natali Alexandro. Sed Ottonem ait, dedisse suum imperiale *placet* ad aliorum iudicium. N. XIV. deinde negat id factum a synodo Episcoporum Lotharingæ, Saxonix, Franciæ, Germaniæ, Italiæ, extra Provinciam Romanam sitæ. Natalis Alexandristam inculcat, quod hoc contra speciem casus supposuerit, & ideo contra umbras pugnaverit vago hoc argumento: *Synodus particularis fuit, ergo jure non potuit deponere Papam.* Addit eam in rem N. XV. pag. 29. Postulante enim Ottone Imp. quid super hoc S. Synodus decernat: nullum verbum respondit Henricus Trevirensis, Adaldagus Hamburgensis &c. Quis igitur tandem? „ Sancta, inquit N. XV, Romana Ecclesia coram „ suo advocato nato, & extraneis aliarum Ecclesiarum de utroque regno, Germaniæ, Italiæ, que Archi- & Episcopis. Et ne dubium nobis relinqueret, quid demum Ecclesiæ Romanæ nomine intelligat; subdit continuo: „ Per Romanam nam Ecclesiam intelligimus Provinciam Romanam, qua talem, constantem ex Episcopis „ Papæ suffraganeis, Cardinalibus presbyteris, „ & diaconis &c. Hæc Papam, & metropolim



„ tam suum patriarchalem exauctoravit sola. Ver-  
 bum nullum respondente Henrico Trevirensi ;  
 aliisque extraneis Præsulibus , „ Sola Ecclesia  
 „ Romana est locuta ; sola reprobavit Joannem  
 „ velut improbum , & apostatam , nulla opera  
 „ emendabilem , cunctis nocivum &c. Ipsa vero  
 „ sola elegit Leonem . assensum more illius tem-  
 „ poris præbente Imperatore , communionem  
 „ dantibus electo Archi- & Episcopis Imperii : ip-  
 „ sa sola inthronisavit electum , consecravit.

Multa hoc loco nobis narrat PRÆSIDE SE ,  
 quibus non possumus plenam , citra dubitatio-  
 nem omnem , adhibere fidem. Esto tamen. Po-  
 namus casum , qualem ipse statuit. Sola Provin-  
 cia Romana qua talis , qualem describit , exau-  
 ctorarit Joannem , elegerit Leonem , inthroni-  
 faverit , consecravit. Acceptemus tantisper uti-  
 liter hanc , sive veram , sive falsam , hypothe-  
 sin , tamquam propriam ejus confessionem.  
 Tanto certius post suo Thesin ipsius gladio ju-  
 gulabimus.

10. Observat pag. 28. N. XI , Acta ipsa-  
 met duarum Romanarum Synodorum pro Leo-  
 ne VIII non haberi , sed quæ loco eorum in-  
 seruit Tom. suo VI. Harduinus , ex historia  
 Luitprandi esse. 2. Non esse accedendum Lau-  
 noio , qui in dubium vocare voluit acta concilii  
 Romani pro Joanne XII ; ut recte , inquit  
 ipse , sensit Natalis.

Acceptemus & hanc confessionem utiliter.  
 Sed liceat & nobis observare ; Quod Historia  
 Luitprandina a Capite 6. ad 11. Libri 6 non  
 sit

fit Luitprandi Cremonensis Episcopi ; sed alterius cujusdam ignoti nobis continuatoris Historiæ Luitprandinæ, ut fatetur vindex pag. 38. N. XXXI, atque ipsemet illi parum ibidem fidei tribuit. IPSE DIXIT. Non ausim contra hîscere. Inferre tamen licebit : Ergo acta duarum synodorum pro Leone VIII. non habent auctoritatem publicam, acta synodi pro Joanne XII. habent : nisi aliud probetur, non dicendo solummodo, sed argumentis validis ostendendo. Sunt enim in possessione.

His ita utrimque stabilitis pergamus ad controversa.

§. 4. Exponuntur controversa, & quid sit utrimque probandum, statuitur.

1. Ima controversia est, utrum summus Pontifex, ab universa Ecclesia agnitus, atque acceptatus, etiamnum vivens, officio suo non sponte renuntians, sed palam se opponens, nec per hæresin eo excidens, jure possit accusari, judicari & exauctorari propter *solum deformitatem morum* ? Thesis hoc asserit, negat Anti-Thesis.

Hoc ergo Theseos vindici incumbit probandum : & Antithesistæ argumenta refellenda.

2. Altera controversia est, an particulari Ecclesiæ Romanæ, qualem ab ipsemet descriptam vidimus (§. præc. n. 9.) competat potestas legitima exauctorandi Papam, & Pastorem suum. Vindex Theseos hoc asserit, Antithesista nihil hætenus, quod sciam, opposuit. Ego nego.

26 *Proœm. §. 4. Exponuntur controversæ.*

Et hoc igitur incumbit ipsi probandum.

3. Tertio controversum est, an summus Pontifex lege obstrictus sit, ut accusatus de morum deformitate compareat coram sua synodo, ac se purgare teneatur. Vindex Theseos hoc simpliciter asserit. Ego facere id Papam si sponte voluerit, posse, concedo: lege ad hoc faciendum cogi, nego.

Vindici igitur probandum, an & ubi exstet ejusmodi lex.

4. Quarta controversia est: an synodus Romana I. pro Leone fuerit legitima, altera pro Joanne illegitima?

Probandum vindici illam fuisse legitimam, hanc illegitimam.

5. Quinta controversia est, an Joannes XII. factus sit hostis Ecclesiæ, se ipsum extorrem fecerit, perinde atque si abdicasset à se magistratum: & an, nisi venerit ad Synodum, & objecta purgaverit, habendus jure fuerit proditor, traditor, venditor, hostis, apostata, & desertor suæ Ecclesiæ? Affirmat vindex pag. 38. N. XXX, & pag. 39. N. XXXI. Ego hæc omnia nego. Quare incumbent Vindici probanda.

Quinquè hæc capita nisi solidis argumentis comprobaverit vindex, in nihilum concideant totæ, quantæ sunt, ejus vindiciæ. Prius tamen, quam in decretorium descendamus certamen, prævias duas velitationes committamus. In prima contendam, Principia, quæ statuit, vel non esse principia, vel, si sint, ipsummet ea non sequi. In altera, perperam ab eo actionem institui in possessorio.

tio-

Hæc duo ubi ostendero , pergā deinde demonstrare quodammodo ad oculum , nihil eorum , quæ probanda sunt , probari a nostro vindice ; nihil eorum , quæ refellenda sunt , refelli , denique scatere vindicias multis ineptiis , nihil ad propositum facientibus.

§. 5. Expenduntur principia , quæ statuit.

1. Non est integrum cuilibet statuere pro suo arbitrio principia , sive axiomata , quæ suo proposito videantur maximè opportuna. Sed :

2. In principiorum numero censendæ non sunt , nisi propositiones ejusmodi ; quæ vel ita per sese notæ sint , ut alio ex principio notiore demonstrari nequeant ; vel si demonstrari possint , ea probatione minime indigeant ; vel saltem communi sapientum sensu ita receptæ sint , ut non nisi temere negari a quoquam possint. Communis enim omnium consensus quædam naturæ vox est , ut ait Cicero. Aristoteles vero ait , pro veris habenda , quæ omnibus , vel plurimis , & sapientioribus videntur. Ad hanc igitur normam exigamus vindicis principia.

Principium I. pag. 16.

In jure publico. Ecclesiæ , & imperii docent , probantque facta publica , & exempla , donec auctoritate publica , vel sensu communi reprobentur , velut non jure facta.

3. Principium hoc , sano in sensu acceptum , admitti potest tanquam legitimum. Communis enim sapientum sensus est ; standum esse pro jure superioris , quousque non apparet manifesta

sta

28 *Proëm. §. 5. Expenduntur ejus principia.*

ita in ejus præceptis , vel factis injustitia?

4. At vero principium hoc non sequitur ipsemet hac ipsa in causa. Factum enim Joannis XII , qui uti ante tanquam legitimus Pontifex , & superior agnitus fuit ab omnibus (*Proëm. §. 3. N. 3.*) ita censendus est talis mansisse , donec aliud probetur : hujus , inquam , factum Joannis , sedem suam , qua pulsus fuerat , denuo sibi vindicantis , est factum publicum , & exemplum. Hoc auctoritate publica , vel sensu communi reprobare non potest , velut non jure factum. Non auctoritate publica : quia reprobare non potest , nisi ex actis duarum synodorum pro Leone , quæ probavimus , atque ipsemet confiteri debet (*Proëm. §. 3. N. 10.*) carere auctoritate publica. Non ex sensu communi : quia illum probare nullatenus potest , ut ex disputationis hujus decursu planum , manifestumque fiet. Et tamen illud , velut non jure factum , reprobatur ; nihilque eo doceri , & probari contendit.

*Principium II.* pag. 16. Disputationes Doctorum Scholasticæ in contrarium , dum facta quidem ejusmodi concedunt , jus vero negant , non attenduntur , quam diu non resultat ex prædictis alterutrum.

5. Et hoc principium acceptavero non invito , sed in suum illud auctorem detorqueo. Si disputationes Doctorum Scholasticæ Theologiæ , factum exauctorationis Joannis XII. concedentium , jus vero negantium non attenduntur , quam diu non resultat ex prædictis alteru-

teru-

alterutrum; eodem jure disputationes unius Doctoris Scholasticæ Jurisprudentiæ, qui factum Joannis, in suam se sedem restituentis, concedit, jus vero negat, non erunt attendendæ, quousque non resultaverit ex prædictis alterutrum. Primum enim non est vindex, nisi unus Doctor, & non nisi Doctor Scholasticus Juris prudentiæ.

6. Deinde neque auctoritate publica reprobare hoc Joannis XII. factum potest, velut non jure factum; ut modo insinuavimus (N. 4. h. §.) Nisi forte ex inscriptis apologiæ suæ fronti Titulis auctoritatem sibi publicam arrogare voluerit. Neque etiam sensus communis resultat ex ejus vindiciis.

7. Cæterum ex schola neque Theologica, neque canonica petendus est sensus communis Ecclesiæ. Nam sensus communis non est accommodandus sensus scholasticorum; sed potius sensus scholasticorum, ut sana sint, debent se accommodare communi Ecclesiæ sensui.

8. Quis verò fuerit communis, & semper sibi constans Ecclesiæ sensus circa eos, qui vivente legitimo Pontifice, & magistratu se suo non ultro abdicante, vel ipsimet se ingesserunt in sedem pontificiam, vel à clericis quibusdam suffecti sunt, vel potentium factione intrusi fuere: liquido patet ex illo, quod ejusmodi homines in Pseudopaparum numero constanter habuerit, & hodie etiamnum habeat Ecclesia.

9. Eamus per sæcula præcedentia. Primum  
S.

30 *Proem. §. 5. Expenduntur eius principia.*

S. Cornelio Papæ opponentem se vidit Ecclesia Novatianum Sæculo III. Vidit, & exhorruit. *Cornel. Epist. ad Fabian. Cyprian. Epist. 46, Pamelio 44.* Sæculo IV. Ursicius (Ursinus vocatur ab aliis) Damaso Papæ legitime electo oppositus est. *Epist. Synod. Romani Conc. ad Impp. Grati. & Valent. & responsum Impp., apud Coustantin. Rufin. l. 2. c. 10. Sozom. Lib. 6. c. 10.* Sæculo V. Eulalius Bonifacio I. delatum a majore Cleri, populique parte summum sacerdotium moliebatur præripere. *Libell. supp. Cleri Rom. ad Honor. Imp. apud Baron. ad an. 419.* §. 8. Eodem Sæc. V. exeunte Laurentius quidam Symmacho Papæ non modo sub electionis initium, sed & quinquennio post iterum accessit plurimum negotii. *Act. synodi Palmaris apud Hardu. Tom. 2. CC. à pag. 967.* Sæc. VI. Vigilius per factionem Theodoræ Augustæ, expulso S. Silverio, in solum Pontificum intrusus est, ut diximus *Proem. §. 3. ad n. 3.* Sæculo VIII, mortuo Paulo I. Dux Nepesinus Todo fratrem suum Constantinum vi armata, invito clero, & populo, in sedem Apostolicam asseruit; sed is post menses tredecim legitime electo Stephano III, (aliis IV.) ac die 7. Augusti, an. 768. inaugurato, sede iniquè occupata pulsus est. In Synodo a Stephano rite convocata Actione I, habita Anno 769, mense Aprili damnatus, cum postero die instaurare seditionem niteretur in legitimum Pontificem, male multatus, & rejectus est. Sæc. IX. Anastasius oppositus fuit Benedicto III. rite elec-

to,

to. *Anast. Bibliothecarius.* Atque ista quidem evenire ante ortam Sæc. X. inter Joannem XII, Leonem VIII, Benedictum V. contentionem, in qua modo versamur.

10. Post ista tempora, fluente etiam tum Sæculo X. ac sedem Apostolicam tenente Gregorio V. rite electo, ad annum 996; anno altero Crescentius Nomentanus, tyrannidem in urbe exercens, Joannem Placentinum, dictum Joannem XVI, in sedem intrusit; Gregorio Ticinum fugere coacto. *Duo scriptores vita S. Adalberti Prag. Episc. eodem temp. viventes. Chronicum Hildesheimiense ad hunc ann. Sæculo XI. cum Benedictus VIII. legitime electus fuisset anno 1012, Gregorius quidam excitato schismate sedem invasit: a quo Roma expulsus Benedictus ad S. Henricum Germaniæ Regem fugere coactus est. Dittmarus Lib. 6. ad finem. & Rudolphus Glaber; duo Script. istis Temp. coævi. Wern. Rollewinck Fascic. Temporum Schism. 13. Eodem Sæc. XI. occurrit Sylvester III. contra Benedictum IX. De quo alibi redibit loquendi occasio. Res gesta est inter annum 1044, & 1046. Rursus eodem Sæculo ad annum 1061. rite electus, & consecratus est Alexander II, Huic instigante Agnete Augusta, se opposuit Cadalus, sive Cadalous, quem aliqui Honorium II. dictum tradunt. Leo Ostiensis L. 3. c. 20. Petrus Dam. Epist. ad Cadaloum, & altera ad Alex. II, Ejusd. Opusc. 4, in quo disputat: inter Advoc: Regium, & defensorem Eccl. Romana. Eodem item Sæculo Gregorius VII. an-*



**92** *Proem. §. 5. Expendantur ejus principia*  
 no 1058, dum solvendis Alexandro II. mor-  
 tuo justis occupatus esset, magna populi con-  
 cordia, atque acclamatione Pontifex postula-  
 tus est invitus, cui electioni Cardinales sub-  
 scripsere. *Acta Vaticana de rebus gestis Greg.*  
*VII, & ipsemet Greg. Lib. 1. Epist. 3. ad*  
*Guibert.* Anno 1076. Gregorium Henricus IV.  
 Germaniæ Rex in Wormatiensibus comitiis  
 moliebatur deponere. *Lambertus Schafnaburgen-*  
*sis ad dictum ann: Paulus Bernriedensis in Vita*  
*Greg. C. 67. & seqq.* Anno deinde 1080. co-  
 acta Brixix synodo Antipapam creandum cura-  
 vit Guibertum Ravennatensem Archiepiscopum,  
 dictum Clementem III. *Auctor anonym. Vita Henr.*  
*IV. Conrad. Urspergensis. Abb. Censius Camerarius*  
*in Lib. Censuali Cap. 3.* Guiberto mortuo suc-  
 cesserunt tres alii, sed brevis regni. Sæculo  
 XII. post Honorii II. mortem a Cardinalium  
 majore parte electus Innocentius II. die 15.  
 Febr. anno 1130. Postridie ab aliis intrusus est  
 Petrus Leonis, dictus Anacletus II. Inde dirum  
 in Ecclesia schisma, vix tandem mortuo ad an-  
 num 1138. Petro Leonis extinctum. *Annales*  
*Abbatie Margan. ad an. 1130. Acta Eccles. Va-*  
*tic. apud Baron. Ernaldus L. 2. Vita S. Bern.*  
*Clareval. & alii.* Eodem Sæculo XII. Cardina-  
 les omnes, excepto Octaviano, & duobus aliis  
 ejus partes foventibus, electus fuit Alexander  
 III. die 7. Sept. anno 1159. Duo alii Cardina-  
 les superinduxerunt Octavianum, & Victorem  
 IV. dixere. Hinc rursus tetrum, ac funestum  
 schisma. *Scriptor coævus codicis Vaticani.* Sæcu-  
 lo

10 XIV. Joanni XXII. Ludovicus Imp. die 12. Maji anno 1328. Petrum Raynalducii de Vico Corbario ex Ordine Fratrum minorum Antipapam opposuit, indito Nicolai V. nomine. Res est ex illorum temporum scriptoribus testatissima. Eodem Sæculo XIV. ortum est famosissimum illud Occidentis schisma; cum post mortem Gregorii XI, anno 1378. consecutam hinc electus est Urbanus VI., inde Clemens VII.

11. Sed quorsum ista commemoro ad lectoris forte nauseam? Feci id idcirco, ut palam fieret cuilibet; quis jam inde à tertio fidei Christianæ sæculo communis, & constans Ecclesiæ sensus fuerit de iis, qui vivente, & invito Romano Pontifice indubitato, atque ab Ecclesiæ majore parte agnito; in S. sedem vel irrepperint, vel intrusi fuerint. Supra memoratos enim omnes, ac singulos communis Ecclesiæ sensus in Pseudopaparum, Antipaparum, ac schismaticorum catalogo repositos habet. Vigiliam non accepit prius Ecclesia, quam S. Silverio ad superos recepto. Istum communem, ac perpetuum Ecclesiæ sensum repente in uno Leone VIII. mutatum fuisse, magna, validaque probatione indiget, qualem à Vindiciarum auctore nullam prorsus allatam esse, ostendemus. Ex adverso a communiter contingentibus prudens nascitur præsumptio.

12. Aliud quidem occurrit in historia Ecclesiastica exemplum, quod sub incude vindicis eam posset in speciem transformari, ut videri

C

34 *Præm. §. 5. Expenduntur ejus principia.*

deri posset ejus causæ omnino patrocinari. Res vero si, ut vere gesta est, exponatur, palam erit, nulla eam ratione ipsi suffragari. Sæc. VII. Constans Imperator, Monothelitarum infectus contagie, Martinum I. Papam, criminum in eum confictorum obtentu, Româ Constantinopolim abripi, aliûmque ejus loco Episcopum subrogari jussêrat. Martinus die 19. Junii anno 653. summo mane Româ abductus, rebatur, ut necdum aliquando factum fuerat, ita non futurum aliquando, ut in absentia Pontificis eligeretur alius. *Epist. Martini 15. ad Theod. apud Harduin. T. 3. CC.* Clerus tamen interim Romanus, veritus, ne, si cunctaretur ipse, hæreticis faventem obtruderet Cæsar, elegerunt Eugenium. De cujus electione certior factus Martinus assensum præbuit *Epist. ejusd. Mart. ex Chersoneso, quo Cpoli deportatus fuerat, data post pascha anni 655. ubi ait:* „ Verun-  
 „ tamen Deus... Stabiliat corda eorum in Or-  
 „ thodoxa fide, præsertim Pastorem, quem eis  
 „ nunc præesse monstratur. Post hunc Marti-  
 ni consensum, ab Eugenio, & Clero Roma-  
 no acceptatum, is primum cœpit esse Roma-  
 nus Pontifex, & proprio nomine administrare  
 Ecclesiam, quam ante velut Pontificis absentis  
 Vicarius rexerat. Aliud ergo ex his nihil e-  
 vinci potest, nisi electionem alterius, igno-  
 rante, nec opinante superstite priore Pontifice  
 factam, posse per hujus, re post comperta,  
 assentientis ratihabitionem reddi ratam, ac fir-  
 mam. Neutiquam vero sequitur, posse super-  
 stiti

stiti priori, atque omnimodis reluctanti alium suffici; eique viventi, videnti, invito acerbissimum funus duci.

13. IPSE DICIT quidem pag. 41. N. XXXIV. nihil in synodo, Joannem deponere ausa, factum, quam tota S. Romana Ecclesia plenissime consentiente. Sed plenissime id falsum esse, si totius S. Romanæ Ecclesiæ nomine intelligatur non sola provincia Romana, sed toto terrarum Orbe diffusa universalis Ecclesia, quæ vocari solet tota Ecclesia Rom., planissime demonstro; primum ex ipsomet, dicente pag. 33. N. XXI. „Solæ nationes Germanica, „ & Italica salutem (si superis placet) Romæ, „ & Romanæ Ecclesiæ in curis habebant; cæteræ nationes, & Ecclesiæ non curabant, quid „ mali Romæ fieret. Non curare, & plenissime consentire nationes, & Ecclesias cæteras, dic, ex quo tempore idem sonant? Rursus pag. 16. Princip. II. innuit Gallorum Regem, & ipsorum Episcopos ad actum illum non concurrisse, ac propterea scriptores gallos negare, jus illi adstitisse. Non concurrere estne plenissime consentire? Porro pag. 17. N. IV. Primus ille [de Joanne XII.] casus, inquit Vindex, concernebat directe Ecclesiæ Rom., & Imperii Romano Germanici salutem... *Quin se immiscerent Ecclesiæ reliquæ.* Non immiscere se estne plenissime consentire? Idem liquet ex illis, quæ ex Ottonis Frisingensis Lib. 6. c. 3. allegat ipsusmet pag. 18. N. VI. ubi, narrata paucis hac historia, subjungit Otto: *Quæ om-*

36 *Proëm. §. 5. Expenduntur ejus principia:*  
 nia utrum licite, aut secus, acta sint, dicere non  
 est presentis operis. Res enim gestas scribere, non  
 rerum gestarum rationem reddere proposuimus. Quod  
 manifesto signo est, dubitatum ea, qua Otto  
 Frising. scribebat, ætate fuisse, utrum hæc li-  
 cite, aut secus acta fuerint. Non sunt ergo  
 acta plenissime consentiente tota S. Rom. Ec-  
 clesia. Hæc ex ipsomet Pythagora.

14. Non desunt etiam argumenta alia, qui-  
 bus plenissime falsus ostendatur ille totius S.  
 Rom. Ecclesiæ plenissimus consensus. Joannes  
 Beslius in historia Pictaviensium Comitum, &  
 Ducum Aquitaniæ pag. 136, observavit, quod  
 Aquitani, cum vellent annos Pontificum con-  
 jungere cum annis Regum Franciæ, in illa  
 caligine, dum duo erant, qui se jactarent Pon-  
 tifices, loco Pontificis nominarent *Salomonem*,  
 forte, ut significarent, Christum Dominum,  
 novum Salomonem, turbidis istis temporibus  
 æterna sua sapientia gubernare navem Ecclesiæ.  
 Profertur eam in rem diploma, *Datum*  
*menſe Martio, Luna XXIV, Lothario Rege, Sa-*  
*lomone regnante, anno 964.* Cum igitur Joan-  
 nes 14ta Maji ejusdem anni mortuus sit (*Pro-*  
*ëm. §. 2. N. 10.*) non multò ante ejus mort-  
 tem tempore, id est, eodem, quo hinc Joan-  
 nes, inde Leo VIII. gerebant se pro summis  
 Pontificibus, hoc diploma datum est. Ergo in  
 Francia nemini eo tempore constabat de plenif-  
 simo totius S. Rom. Ecclesiæ in electionem  
 Leonis VIII. consensu. Ditmarus item in chro-  
 nico, quod perduxit ad annum 1018, lib. 2.  
 judi-

*Proem. §. 5. Expenduntur ejus principia.* 37  
judicavit Benedictum V, injuste depositum (*Vid.*  
*Proem. §. 2. N. 17.* Hæc scriberet Episcopus  
Mersburgensis, & Germanus Ditmarus; si de plenissimo totius Ecclesiæ in Leonem VIII.  
consensu persuasum fuisset Germaniæ?

15. Si vero totius S. Ecclesiæ Romanæ nomine Theseos vindex accipit totam, sed solam Romanam Provinciam; fucum imprimis facit lectoribus vocis ambiguitate; deinde sumit sibi, velut certum; quod maxime est controversum, atque ab eo nullatenus probatum; videlicet utrum Provincia Romana gaudeat legitima ad exauctorandum suum, atque omnium ovium Christi Pastorem auctoritate. Quo de videbimus ad Controv. secundam. Ægre ferat Vindex, dictum a Nat. Alexandro, Præsules istos nihil obmovisse, ut adularentur Cæsari: negare non poterit, multum constrictam fuisse Cæsaris præsentis timore libertatem;

16. At enim videbitur saltem, si non aperte, tacite ramen accessisse synodo isti, Joannem in ordinem redigere tentanti, plenissimus totius Ecclesiæ Romanæ univertalis consensus. Dicit enim Vindex suæ Theseos pag. 29. N. XV.  
„ Hoc Ecclesiæ Romanæ factum nullus extra-  
„ neorum Archi- & Episcoporum, nullus con-  
„ temporaneorum scriptorum improbavit: similia dicit pag. 20. N. VIII. lit. b. „ Improbavit sane Ditmarus & Episcopus, & ad provinciam Rom. non pertinens, & temporibus illis ita vicinus, ut censeri possit coævus; (*b. §. n. 13.*) improbare non ausurus, si de tacito

38 *Proœm. §. 5. Expenduntur ejus principia.*

totius Ecclesiæ plenissimo consensu ætas illa scivisset quidquam. Non ausus probare Otto Frisingensis Episcopus (*h. §. n. 12.*) Probare autem debuisset, si compertum, exploratumque habuisset hunc plenissimum tacitum consensum. Non ausi probare Franci, qui maluerunt in temporibus tam perplexis scribere *Salomone regnante*, quam vel Joanne, vel Leone (*h. §. n. 13. cit.*) Cur autem hac cautione (quam tempore schismatum familiarem fuisse Francis ostendit Papebrochius in Leone VIII.) uterentur; nisi ignorassent penitus istum plenissimum consensum. Quis non miretur frontem hominis, jactantis tanta fiducia; quorum veritas nulla ratione evinci, falsitas vero revinci tam perspicue possit? Fixum igitur, ratumque sit, ex communi, probatoque tot sæculorum usu Ecclesiæ sensu Pseudopapas habendos, qui in vi-vi, & inviti legitimi Rom. Pontificis sedem quoquo modo evaserint. Idem ergo de hoc Leone VIII. sentire possumus.

17. Propter synodum Joannis, inquit pag. 41. in N. XXXIV., nemo ante Baronium negavit Leoni VIII. locum in Catalogo Pontificum. Etiam post Baronium, quem non sequuntur omnes, reperitur passim in Pontificum catalogo, & ordine. Qui enim ejusdem nominis Pontifex ordine sequitur ad annum 1049. non VIII, sed Leo IX. dicitur. At quid jam postea? simili ratione in quibusdam Rom. Pontificum catalogis reperitur Joannes XVI. contra Gregorium V. erectus; Gregorius VI. post

post Benedictum IX ; Benedictus X. ante Nicolaum II. a populo per tumultum , contradicentibus Cardinalibus , & Episcopis electus ; Urbanus VI. alique post ipsum , tempore magni schismatis ante Martinum V. electi. Nihilominus communi sensu Ecclesiæ Joannes XVI , Benedictus X. palam habentur pro schismaticis ; de Gregorio VI , Urbano VI , ac magis de reliquis , qui ante Martinum V. fuere electi , dubitatur in hanc horam , num fuerint legitimi. Nihil certum igitur pro Leone VIII. statui ex Rom. Pontificum catalogis potest. Papebrochius ( Jesuitam hunc ab eo nominari sine impacto aculeo miror ) in Joanne XVI , & Leone VIII , Pontifices istos retur in Catalogo relictos propterea , quod existent quædam eorum acta ; quæ annis labentibus per errorem , vel ignorantiam priscorum temporum , ac mutati à Baronio ordinis , tribui possent sequentibus ejusdem nominis ; si & ipsi eundem nominis ordinem , sive numerum retinuisent. Inclinat item eo Papebrochius , uti refert vindex ; ut saltem post abdicatam a Benedicto V. pontificiam dignitatem , Leonem VIII. legitimum Pontificem censerì posse existimet. Ait enim , cur non possimus credere , Benedictum , virum utique humilem , & sanctum , in Rom. synodo depositionis suæ sententiam , licet injustam , ratam tamen habuisse , ne contra nitendo nihil sibi nisi malum , Ecclesiæ vero scandalum accerferet. *In Leon. VIII. n. 3.* Et iterum *in Ben. V. n. 1.* „ Potuit certe vir Sanctus , ut



40 *Proem. §. 5. Expenduntur ejus principia.*

„dixi, quamvis injuste depositus, noluisse, ut  
 „suâ causâ schisma fieret, ideoque abdicasse,  
 „quod citra gravius malum non poterat retinere.  
 Quamvis non satis compertum sit, an post pi-  
 am hanc Benedicti cessionem, universa Ecclesia  
 Leonem, quem coacti dura obsidione, inedia,  
 atque ærumnis Romani receperunt (*Proem. §.*  
*2. N. 14.*) acceptaverit, ut olim Vigiliū:  
 si tamen dare hoc ultro voluero; ac propte-  
 rea post alteram a mortuo Joanne electionem,  
 eum legitimum fuisse Pontificem; & in Roma-  
 norum Pontificum catalogo merito retinendum  
 concessero; nihil id-prodesse causæ Vindicia-  
 rum posset, nec nostræ officere. Neque enim  
 inde sequitur, primam electionem vivente,  
 & reluctante Joanne in synodo prima Ottonia-  
 na institutam, vim habuisse, ac Joannem jure  
 exauctoratum: qua sola de re hic nobis con-  
 tentio est.

18. Anget te tamen forte scrupulus aliquis,  
 mi Theodulphe. Forfan enim tute tecum:  
 Adeodate, elabetur manibus anguilla, quam  
 teneri manifeste existimas; modo dixerit, nul-  
 lum eorum, quos commemorasti, Pontificum  
 fuisse ob deformitatem morum, & à synodo  
 particulari sua Rom. depositum: adeoque ali-  
 am eorum, ac præsertim S. Silverii cum Vi-  
 gilio, aliam Joannis XII. cum Leone causam  
 esse: quoniam ille sanctus; hic impius fuit.  
 Non elabetur, ne metue; sed nec prævola.  
 Non possunt eodem tempore, & uno quasi  
 halitu dici omnia. Elabi non poterit, nisi

pro- 9

*Proem. §. 5. Expenduntur ejus principia.* 48  
probaverit duo hæc capita : Posse legitimum Pontificem deponi invitum ob solam deformitatem morum ; & posse deponi ab Ecclesia particulari Rom. de quibus erit Controy. 1 , & 2. disceptandi locus. Duo hæc capita cave amittas ex oculis ; ac cætera sine omni scrupulo , atque inoffenso pede decurres ; perspicueque intelliges , illud Silverii sanctitatem inter , & Joannis improbitatem discrimen ad rem non esse , quousque duo illa , quæ dixi , non probaverit capita. Revertamur ad principia.

*Principium III. pag. 16. ead.* Ad hoc raro perveniunt ratiocinia Recentiorum , qui e. g. Sæc. XVI. priore , aut nostro primum inceperunt quæstionem juris suscitare contra facta antiquissima e. g. Sæculi X , vel XI , ante ipsos non reprobata.

19. Ne tenuem quidem umbram principii in hoc principio reperio , crassam vero falsitatem non unam. Falsitates videamus primo loco. Contra facti quidem , in quo versamur , veritatem quæstionem suscitavit nemo antiquus , suscitavit nemo recentior. Quod vero quæstio juris contra hoc factum sæculo primo nostro , aut superiore suscitata fuerit ; aperta est falsitas. Ea enim quæstio jam tum agitabatur tempore Ottonis Frisingensis (*b. §. n. 12.*) Nec minus falsum est , hoc factum ante recentiores non fuisse reprobatum. Reprobavit enim Dithmarus (*b. §. n. 13.*) vicinus illorum temporum : quod ille facere ausus non fuisset solus , nisi scivisset in eadem multo plures suæ ætatis esse sententia.

**42 Proœm. §. 5. Expenduntur ejus principia.**

20. Inspiciamus principium ipsum. *Quod ad hoc* (videlicet, juxta principium I, ad res suas auctoritate publica, vel sensu communi stabilendas) *raro perveniant ratiocinia recentiorum hujus, vel superioris Sæculi, ex quo lumine naturæ per se notum est? ex quo per consecutionem evidentem deducitur? cui innititur vel omnium, vel plurium, & sapientiorum sensui? Factiosorum quorundam hujus, & superioris sæculi hoc principium est; quod ostiatim inculcare nituntur devotæ sibi plebeculæ auribus, eo consilio, ut assuefaciant vulgus, despiciatui habere Doctores à suo grege alienos; qui dolos eorum, & fallacias solent investigare, proferre, dissipare Volunt soli audiri, & suscipi; alioquin nihil proficient artibus suis. Vid. La Realite du Projet de Bourg. fontaine, P. 1. §. 1. Qui libellus etsi e Gallia exterminatus, Romæ tamen recuditur. Isti interim despectis aliis scriptoribus „ Captant plerumque veteris „ cujuspiam viri scripta paulo involutius edita, „ quæ pro ipsa sui obscuritate dogmati suo „ quasi congruant. Ut illud nescio quid, „ quodcunque proferunt, neque primi neque „ soli proferre videantur. Vinc. Lir. c. 11.*

21. Ut statuere prudenter possimus, quid de posterioris ævi scriptoribus sentiendum sit: duos illorum ordines distinguendos, non quidem pro auctoritate dixero PRÆSIDE ME, sed pro tenuitate mea existimem.

22. Primum pono eorum, qui dicta SS. voluminum, Decreta CCorum, effata SS. Patrum

trum, acceptas a majoribus traditiones, mores, consuetudinesque Ecclesiæ, historiam Ecclesiasticam candide proferunt: nihil suomet ex cerebro depromptum addunt, aut sine ullo vestigio antiquitatis sibi credi solis postulant: nihil adulterant; nihil alienum in sensum per vim verbis illatam detorquent; nihil quod maxime ad rem faciat, suppressum lectoris oculis eripiunt: ex candide, atque integre narratis non texunt fallacias, & sophismata; sed ducem rationem, exactamque dialecticam sequentes ratiocinantur apposite: librorum, atque auctorum delectum faciunt, ac pretiosum a vili separant: si damnatorum ab Ecclesia scriptorum quandoque sententias proferant, non eo id consilio faciunt, ut illas adoptent, ac defendendas suscipiant; sed ut sincere expositas certius refellant: denique contra æmulos suos argumentorum solidorum armis, non inanibus convitiis decertant. Ejusmodi cujuscunque ævi, sive novi, sive antiquioris fuerint, scriptores magni faciendos existinem, velut fidos custodes, ac conservatores paternarum traditionum: nec facile ab iis, quamquam in rebus ad religionem non pertinentibus inter se non nunquam dissideant, cum despectu discedendum putem: quando pars illorum potissima in rebus ad fidem, ac pragmaticam, ab ipsomet Christo Dno constitutam, sanctionem Hierarchiæ Ecclesiasticæ, cui religio nostra omnis innititur, spectantibus in eandem conspirat sententiam. A qua minime nos retrahi debere arbitror paucorum, quam

**44** *Protém. §. 5. Expenduntur ejus principia.*

quamvis doctorum , ac piorum singularibus opinionibus. Ita enim dum ipsis in antiquissimis Patribus singulares quasdam unius , aut alterius opiniones notamus ; quibus contradicant majore numero sive antiquiores , sive cœvi , sive posteriores etiam alii ; horum potius , quam illorum auctoritatem sequimur. ut e. g. quis hodie defendat cum D. Hieronymo , mendacium non semper esse peccatum. *Vide Vinc. Liv. c. 3. & 4.*

23. Altero in Recentiorum ordine eos colloco , qui prioribus contraria omnia faciunt ; & quo minus sanæ rationis adferre possunt , hoc plus spirant audaciæ. Pluribus verbis opus non est. Hujusmodi homines non modo nauci faciendos , sed etiam arguendos , obsecrandos , increpandos omni in patientia , & doctrina cum D. Paulo existimo ; nec publice etiam illis parcendum , si sua insomnia publice spargere non omiserint : ne rudes , vel ex semisse ; aut ex quadrante tantum eruditos fallaciis suis irretiant. Huic principio communem omnium bonorum sensum assentiri , nullus ambigo.

24. Interim , an ad id , quod hoc suo in principio vindiciarum scriptor postulat , ipse pervenerit , docebunt sequentia ; ubi suo unumquodque loco ventilatum fuerit.

*Principium IV. ibid.* Auctoritas recentiorum ejusmodi , ut ut eruditorum , redditur suspecta ex spiritu nationis , vel suæ professionis ; item ex loco , ubi scribunt ; ex fine politico aulæ suæ ,  
*quem*

**Proem. §. 5. Expenduntur ejus principia.** 45  
*quem non pauci scribes à latere suo stantem continuo respicere debent, ne offendant.*

25. Primo exigat, cuicumque libuerit, hoc principium ad dotes in principio requisitas (*h. §. n. 2. & 19.*) & desiderabit in eo principium... Cujus genii est ea, quæ suæ causæ opportuna videntur, quantumvis incredibilia, simplicibus inculcare velut certa, omnibusque nota ita, ut de iis dubitare perinde non liceat, ac de axiomatis mathematicis, e. g. hoc: *Si de aequalibus demantur aequalia, quæ remanent, sunt aequalia?* Quis, nisi temerarius, & Christianæ charitatis expers judex, pronuntiet audacter, ac persuadere nitatur aliis: Recentiores ejusmodi (qui hoc, & superiore sæculo scripsere) insuper habita veritate, ac paterna traditione, spiritum duntaxat nationis, vel suæ professionis, vel loci, ubi scribebant, vel finem politicum aulæ suæ secutos? Quis hoc temere credat de tot viris, ut ut eruditis, virtute conspicuis, dignitate fulgentibus, de rep. sacra, ac politica tam præclare meritis: modo id IPSE DIXERIT, & PRÆSIDE SE, scriptor inter recentiores recentissimus? Quinam hoc principium popello persuasum optent, non est necesse (*ex h. §. n. 19.*) repetere.

26. Quod si hoc principium in eos hujus, & superioris ævi scriptores statueret, qui ad secundum ordinem recentiorum, *supra n. 21.* descriptum, pertinent: bonos omnes sibi facile assentientes haberet. Ex ipsa enim scribendi ratione, illic & n. 21. expositâ, & factis

46 *Proœm. §. 5. Expendantur ejus principia*  
Etis nimium quantum dilucide apparet , non veritatis , sed alterius spiritus eos ductum sequi.

27. Neque etiam videt , hoc suo principio suorum scriptorum , ac testium , quorum auctoritate nititur , fidem suspectam reddi , imo nullam.

Scriptor actorum synodi primæ contra Joannem scribebat in Ottonis comitatu , cujus finem politicum a latere suo stantem debebat sine dubio continuo respicere , ne offenderet. Repexisse , liquet ex ipsismet actis , in quibus Otto magnifice ubivis extollitur : Joannis XII. passus pene omnes atro calculo notantur. Reginonem , vel ejus continuatorem , non avertisse multum oculos ab Imperatore , gravis ex eo suspicio est ; quod in Benedictum V. reperiatur iniquior ; ut observat Papebrochius , & observare potest quivis legens Reginonem ; quamvis ad extremum laudet Benedicti pietatem. Jam vero Sigebertus Gemblacensis , quem Vindex laudat pag. 19. N. VIII. lit. d. , non modo suspectæ , sed nullius fidei est. Est enim apertus schismaticus , Henrici IV. à Gregorio VII. graviter dissidentis , partibus efflictim devinctus. Non voluit is quidem adulari Ottoni I , sed ut assentaretur Henrico IV. , eumque confirmaret in suo adversus S. Gregorium VII. odio , laudavit Ottonis factum , & Leonem VIII. agnovit rite electum. Teste ad hoc comprobandum alio opus non est , quam oculis cujusque , qui schismatici hujus hæc de re scripta legere voluerit. Reperiet item  
in

*Proœm. §. 5. Expenduntur ejus principia. 47*  
in ejus Chronico ad annum 1074. impactam  
Gregorio VII. palmarem calumniam; quali ve-  
ro is negasset, quod *Sacramenta, quæ in Eccle-*  
*sia fiunt, Baptismus scilicet, Chrisma, Corpus &*  
*Sanguis Christi, Spiritu S. latenter operante eorun-*  
*dem Sacramentorum effectum, seu per bonos, seu*  
*per malos intra Ecclesiam Dei dispensentur &c. va-*  
*lida sint.* Quod nunquam Gregorio in men-  
tem venit. Sed in sua Synodo, Romæ anno  
1074 Dom. 1. Quadr. habita, prohibuit dunta-  
xat, ne *populus sacerdotum conjugatorum aut*  
*concubinariorum ullo modo officia recipiat.* Ut  
constat ex Epistola Gregorii ad Ottonem Con-  
stantiensem data, quæ exstat Tom. X. Concil.  
Labbei pag. 315. Quæ fides autem habenda  
homini Schismatico, & mendaci?

28. Universe demum suspectos habere pos-  
sumus eos, qui in supremam Romani Ponti-  
ficis auctoritatem calamum acuere non veren-  
tur. Cum enim nulla per septendecim jam  
sæcula hæresis extulerit caput, quod conterere  
omni studio non laboraverint Romani Pontifi-  
ces: compertum est, nullum per tam diutur-  
na tempora fuisse fidei catholicæ hostem, qui  
non fuerit Pontificiæ auctoritatis inimicus. An  
autem omnes, qui Pontificiæ auctoritatis inimici  
extitere, fuerint fidei hostes, meum quidem non  
est definire: si tamen schisma vel fecerint,  
vel faverint schismati, suspectæ non minus  
auctoritatis sunt, quam cæteri.

*Principium l. pag. 16. Nominatim Gallorum*  
*scriptorum auctoritas, dum factis Imperatorum,*

&



48 *Proœm. §. 5. Expenduntur ejus principiâ.*  
& Episcoporum Imperii, ad quæ ipsorum Reges, & Episcopi non concurrerunt, jus adstittisse negant; non debent contra Germanos, Italosque, qui S. R. Imperium constituunt, suscipi ab his, qui sunt de S. R. Imperio.

29. Neque hoc in principio [*ex h. §. n. 2. & 19.*] vel fucata apparet principii species. Si tamen ageretur de peculiaribus quibusdam nationis Germanicæ cum S. Sede concordatis, aut privilegiis huic inclyto Imperio (cujus & nos Leodientes pars esse gloriamur) concessis, atque ad universalem Ecclesiam non pertinentibus: posset relinqui huic principio locus. Nemo enim negaverit facile, ex iis, quæ sunt Germanis propria, argumentum duci non posse ad Gallos, Hispanos, Afros, aliosque; neque vicissim ab his ad illos. Concilium enim Constantiense Sess. 43, 21 Mart. 1408. habita diserte cavet: *Concordata, cum una natione facta, non adferent in aliquo alteri nationi præjudicium.*

30. At vero agitur hoc loco de sanctione pragmatica Hierarchiæ Ecclesiasticæ, quæ ex Christi Dni constitutione non intra solius Germaniæ, Italiæque, ac S. R. Imperii terminos continetur, sed ex voluntate ejusdem Christi Dni ad omnes nationes, tribus, & linguas extenditur. Hujusmodi autem in negotio non minus duntaxat, sed omnium nationum sensa communia suscipi ab omnibus debere, docet nos multo sanius Vincentii Lirinensis principium *Lib. Cont. Hæreses Cap. 4.* ubi in dubiis

He-

Circa religionem (ad quam certe pertinet status Hierarchiæ, quem ordinare solus Christus potuit) exorientibus dandam ait esse operam; ut Christianus Catholicus collatas inter se majorum consulat, interrogétque sententias: *eorum duncaxat, qui DIVERSIS LICET TEMPORIBUS, ET LOCIS, in unius tamen Ecclesiæ Catholicæ communionē, & fide permanentes, magistri probabiles exstiterunt.* En non solius Germaniæ, Italiæque, non solius Romani Imperii, non solius istius temporis Magistros consulendos, interrogandos monet, sed eos, qui diversis *licet temporibus*, sive ante factum hoc, de quo quærimus, sive eodem tempore, sive post illud, *diversis licet locis*, sive in Anglia, sive in Hispania, sive in alia quacunque regione, in unius tamen Ecclesiæ Catholicæ communionē, & fide manentes, magistri probabiles exstiterunt. Sanctus pariter Irenæus ad unanimum Ecclesiarum in religionis Christianæ rebus consensum provocans, ait: „ Neque hæ, quæ in „ Germania fundatæ sunt Ecclesiæ, aliter credunt, aut aliter tradunt, neque hæ, quæ „ in Iberis (Hispania) sunt, neque hæ, quæ „ in Celtis (Gallia), neque hæ, quæ in Oriente &c. *Lib. 1. Adv. Har. Valent.* Qua auctoritate igitur Catholicos Magistros Gallos hoc in negotio excludemus? Hic enim communis Doctorum, diversis temporibus, & locis scribentium, consensus non pro sola Vincentii ætate vim habet; sed habebit pro omnibus diebus, usque ad consummationem sæculi.

D

Prin-

50 *Præm. §. 5. Expenduntur ejus principia.*

*Principium VI. pag. 17.* Ad hæc contingit , ut auctor absque eo satis multa prævisis sui censoribus displicentia scribens ; nonnulla saltem ipsis placentia intermiscet , ne per omnia exosum se faciat.

30 Quod contingit , aliquando fit ; aliquando non fit ; & certe potest non fieri. Si ergo contingat , ut auctor suis scriptis interserat , ex humano censorum suorum metu , aut gratiæ eorum aucupandæ ergo , quædam ipsis placentia , quamvis secus in animo sentiat : hoc non potest statui velut principium. Principia enim debent esse necessaria , & æternæ , ut ajunt , veritatis. Quod ergo contingit verum esse , accidenti in uno , alterove ; fallitur autem in aliis , & potest per se falli in omnibus : quo pacto poterit esse principium ? Ejusmodi in impostorem , qui talia fecisse convincatur , si quando incideris ; valide illum contunde , per me licet : nihil inde Thesis tua emolumenti , nihil Antithesis detrimenti capiet. Cæterum si quis scripserit , quæ placere communi consensu plurimis , loco quamvis , & natione diversis , videt ; non est temere increpandus.

*Principium VII. pag. ead.* Interdum quoque artificiosa dissertationis suæ digestionem , & sub specie discreti disputatoris , vel reductoris auctoritatum ad rectum sensum , vel propositæ , non satis solutæ objectionis , idem præstat auctor , ac si sententiam , quam impugnât , tenuisset.

31. Interdum quod est , principium non est

cx

*Proem. §. 5. Expenduntur ejus principia* *51*  
*ex N. præc.* Tales si qui sint ; id nihil nec  
 causæ Vindiciis prodest , nec nostræ obest. Pag.  
 18. N. VII. videtur hoc , & præcedente prin-  
 cipio pungere Natalem Alexandrum ; de quo  
 ait , se , suosque sentire ; quod ipse sub specie  
 refutandæ synodi Romanæ dixerit , quæ suo  
 tempore *absque præstrato facto* dicere ausus non  
 fuisset , ob nimias , quas prævidit , contradi-  
 ctiones æmulatorum. Hinc mira metamorphosi  
 Alexandrum ex impugnatore suæ Theseos sua  
 phantasia transmutat in ejusdem defensores.  
 Sed quæ suggesta ab eo sibi gloriatur arma ,  
 jam contracta à nobis sunt in superioribus. Re-  
 lege , nisi tibi molestum est , mi Theodul-  
 phe , *hujus §. n. 9.* Videbis communi Eccle-  
 siæ sensu reprobata , ante hoc synodi Romanæ fac-  
 tum , universa facta omnia , quibus in legiti-  
 mi Pontificis , ab omnibus acceptati , viventis ,  
 & inviti locum alius suffectus est. Eadem fa-  
 cta communi Ecclesiæ sensu reprobata fuisse  
 post tempora Leonis VIII. leges *ibid. n. 10.*  
 Ipso eodem tempore factum hoc minime pro-  
 batum fuisse à Pictaviensibus , & Francis ; de  
 ejus jure dubitatum tempore Ottonis Frising-  
 ensis ; reprobatum a Ditmaro illis temporibus  
 proximo ; obstructum ipsi ab ipsomet , &  
 ab aliis effugium ad totius S. Romanæ Eccle-  
 siæ plenissimum consensum apertum , vel sal-  
 tem tacitum , perspicies *n. 12 , 13 , 14 , 15.*  
 Ex relicto in Pontificum Rom. catalogo Leo-  
 nis VIII. nomine nihil certum statui posse ,  
*habes n. 16.* Quæ alia a Natali suppeditata

52 *Proem. § 5. Expenduntur ejus principia.*

jactat causæ suæ præsidia, eripiam ipsi, ne dubita. Sed eripiam suo loco. Interim si quando habueris obvium, percontare ipsum a me: si Natalis Alexander, quia tibi videtur propositam non satis solvere objectionem aliquam, censendus est idem præstare, ac si sententiam, quam impugnat, tenuisset, ac propterea causæ suæ prævaricator dicendus; quod est infame in jure crimen: quid de te statuemus, qui nullam objectionem satis in tuis vindiciis solvisti? Perge Theodulphe, animo æquo perolvere hanc disceptationem: occurret, unde eum convincas.

Principiis affinia sunt postulata. *Pagina 18. N. V.* Severus, ac gravis Dictator hanc legem sancit. „ In Disputatione de facto (Qs) Ecclesiæ Romanæ non curamus allegatas auctoritates Recentiorum, Card. Baronii, Petri de Marca, Natalis Alexandri, Hyacinthi Grævesonii, Pagii, Du Mesnilii. Producat auctoritas non suspecta, coæva, aut suppar nixa auctoritate publica, vel sensu communi Ecclesiæ, aut Doctorum ejus temporis. DIXIT. Potuissetne aliquid majore gravitate statuere in suis de Rep. commentariis PLATO?

32. Severa Lex, quam aliis posuit, non sibi! Amplectitur sententiam, quæ supremum legislatorem negat teneri suis legibus. Quæso, Theodulphe, & quicumque hæc lecturi estis, diligenter attendite. Quas tandem ipse auctoritates profert in medium non suspectas, coævas, vel supbares, nixas auctoritate publica,

*Proem. §. 5. Expenduntur ejus principia.* 53  
 ca, vel sensu communi Ecclesiæ, aut Doctorum ejus temporis? Acta synodi primæ contra Joannem XII. quæ, ut vidimus ante (*Proem. §. 4. n. 10.*) sunt auctoris ignoti nobis, cui ipsemet parum fidei tribuit, ac proinde publica auctoritate omni carentia. Continuatorem Reginonis, pariter ignotum, & privatum. Gesta Trevirorum *pag. 19. N. VIII. lit. d.*, ignoti non minus auctoris, & privati; non cœvi. Tres graves ex Ordine S. Dominici viros, quos tamen ab eo non stare ostensurus sum *controversia prima*. Sed & hi recentiores sunt, non cœvi, & privati, quales a dicendo testimonio arcet Legislator. Demum prodit in scenam Sigebertus Gemblacensis, homo schismaticus, & mendax (*h. §. n. 27.*) Hujus auctoritas IPSI minime suspecta, cœva, quamvis sit sæculi XII. scriptor, nixa auctoritate publica & sensu communi Ecclesiæ, ac propterea omnibus illis recentioribus, ut ut eruditis viris, quos lege sua proscripsit, longissime anteponenda! Confer, Theodulphe, auctoritates, quas tibi indicavi *n. 31, & aliis locis ibi nominatis*, cum hisce auctoritatibus. Utrasque in balance expende.

Irritatus Antithesistæ sui audacibus, quibus IPSI contradicit, assertis; ad coercendam hanc temeritatem *pag. 19. N. VIII. lit. b.* hanc alteram legem statuit: „ Quæ ab his, qui auctoritate publica pollent, decreta sunt, & facta, pari, non privatorum auctoritate re- felli debeat, „ In Codicem hæc referri me-

34 *Proem. §. 5. Expenduntur ejus principia:*  
retur inter leges ab Imperatoribus olim Tre-  
viris, datas.

33. Quam districte hæc aliis imperat ; tam  
libere ea se lege eximium habet. Pollebat Jo-  
annes XII. (*Proem. §. 3. n. 3.*) utpote verus ,  
& legitimus Pontifex , auctoritate publica , at-  
que in hujus potestatis suæ possessione (*ut mox*  
*patebit. §. seq.*) erat , & manebat constitutus :  
Decreta autem ejus , & facta in synodo sua  
quam magnificis auctoritatibus publicis refellat  
Legislator noster , vidisti , mi Theodulphe.  
Pollebat Otto auctoritate publica in Imperium  
suum , atque exercitum ; Præsules Romanæ pro-  
vinciæ in suam quisque diœcesin. An vero au-  
ctoritatem habuerint publicam exauctorandi su-  
um pastorem , hoc ipsum est , quod hoc loco  
quæritur. Id negat Antithesista ; Theseos vin-  
dex an probet , in eo laboramus. Ergo hoc  
non est sumendum , velut certum. Hoc nisi  
gravibus , inconcussisque rationum momentis  
evicerit ; non publica legitima , sed nulla au-  
ctoritate exauctoratum dicemus Joannem XII.

Provocat tamen pag. 29. N. XVI. ad juris  
aliquod principium , sive Axioma. „ Si est ,  
„ inquit , *trita in jure regula* , *Actum magis*  
„ *conservandum esse* , *ut valeat* , *quam ut nullus*  
„ *fuisse dicatur* : quanto magis actus tam solen-  
„ nis Romanæ Ecclesiæ , gestus [coram Impe-  
„ ratore religiosissimo , cum Episcopis Regni  
„ utriusque , ob Dei servitium (*ut jactabant*)  
„ congregatis pro adjutorio Ecclesiæ Romanæ ,  
„ extremum oppressæ , & periclitatæ &c. „

34. Non est tritum, sed soliditate sua integra semper subsistens hoc juris axioma: *Ea qua sunt à judice, si ad ejus non spectant officium, viribus non subsistant.* R. J. 26. in 6. Nulla item parte detritum est scitum Conc. Tridentini. Sess. 14. c. 7. *Natura, & ratio judicii exposcit, ut sententia in subditos duntaxat feratur.* Hæc duo inter solidissima principia, ceu totidam molares lapides, si affundatur prior illa trita regula; ita conteretur, ut pro præsentis causa stabilienda nihil penitus soliditatis retineat; quam diu non probatur, quod tam sæpe diximus esse probandum. Frustra ergo tot conquisitis undique coloribus depingitur illius solennitatis majestas. Recole *Proem. §. 3. n. 7.*

§. 6. An Actionem recte instituat in possessorio?

1. Primum, quod sol & licito studio cavendum litis Patrono; illud est, ne a genere actionis, quam jura cuilibet causæ tribuunt, aberraret. Ab hoc si in ipso causæ limine aberraverit; error errorem toto deinceps in cursu excipiet; manet certa in fine litis clientem damnatio, adversarium victoria, causidicum ignominia.

2. Longe commodius quidem est possidere, quam petere... Nam commodum possidendi in eo est: quod etiam, si ejus res non est, qui possidet: si modo actor non potuerit suam esse probare; remanet in suo loco possessio. Propter quam causam cum obscura sunt utriusque jura, contra petitorem judicari solet. *Inst. Lib. 4. §. Retinenda.*

D 4

3. At



56 *Proem. §. 6. An actionē rectē instituat in possessor.*

3. At vero hanc ipsam ob causam plerumque fere semper ingens existit contentio de ipsa possessione. *Inst. ibid.* Hanc de possessione ipsa contentionem decidere, non esse in hujus, vel illius partis potestate, vel arbitrio, sed expectandam judicis legitimi sententiam; quis est, qui dubitet?

4. Præsentī vero in causa non potest non esse de ipsa possessione contentio. Vindiciarum scriptor pag. 21. N. IX. nullius implorato judicis officio, in dicta causa, PRÆSIDE SE, pronuntiat pro SE possessionem suæ parti tribuit, adversæ petitionem obtrudit, perinde ac si nullum ea super re superesse possit dubium. Ut causam igitur sibi suam commodiorem reddat, adversario difficiliorem; actionem in possessorio instituit, ac prosequitur usque ad finem.

5. Rationem decidendi hanc pro se allegat *ibid.* „ Contra facti hujus possessorium tot per sæcula neque publice, neque privatim contradictum esse.

Quis non obstupescat viri ingenium? Quam dextre, dum aliud in contentione est, aliud agit? Quam scite lectoris oculos a vero causæ crinomeno quasi per fascinum. & præstigias abducit?

6. Nemo in controversiam vocat, an factum ipsum, sive facti veritas, in possessione sit. Quamquam enim adjuncta quædam, factum circumstantia, a continuatore Luitprandino narrata, visa sint Ottoni Frisingensi dubia; mihi vero alia quædam, a Vindice per hyperbolen su-

*Proem. §. 3. An actio rectè instituat in possess. § 7*  
superjecta, plane falsa videantur; tamen facti,  
si substantiam ejus spectes, *veritas* in confesso  
est, &, si vis, in possessione. Nemo per  
tot sæcula sive publice, sive privatim negavit.  
Joannem XII. in synodo Romana, absente Pon-  
tifice congregata coram Ottone M., exau-  
ctoratum, & successum in ejus locum Leo-  
nem VIII.

7. At at! ex facti possessione nulla est ad  
possessionem juris, de quo solo hic contentio  
est, consecutio. Declaremus rem in exemplo  
passim noto ex historia Romana veteri. P.  
Clodium in via Appia publica interfecit T. A.  
Milo. Factum erat in confesso, nec inficiaba-  
tur Milo. Constabat Clodium fuisse tumultuo-  
sum & perniciosum civem; Milonem autem  
virum bonum, reip. studiosum, ac fortem.  
Defensor Milonis Cicero veritatem facti ne-  
gare non poterat; eadem jure factam conten-  
debat. Hoc negabant Clodiani. Mi Theodul-  
phe, & quisquis hæc lecturus es sanæ mentis;  
quid arbitraris. Rectene Milonis partes defen-  
surus fuisset Tullius; si ducto a possessione fa-  
cti argumento possessionem juris adstruere ten-  
tasset Miloni, Clodianos ad petitionem rejicere? Ni-  
hil nec amore meo dicas velim, nec cujusquam  
odio. Neminem tamen futurum arbitror; quin  
dicturus sit, Milonem jus, quod asserere ei  
contendebat defensor suus, non possedisse, sed  
debuisse petere.

7. Validiora multo argumenta suppetunt, quæ  
possessionem juris a parte Joannis XII., Pon-

D 5

tifi-

38 *Proœm. §. 6. An rectè instituat actionē in possess.*  
tificiæque potestatis & tum stetisse, & nunc etiam stare, videntur evincere.

8. Fuit ante illam synodum (*Proœm. §. 3. n. 3.*) Joannes XII. legitimus Pontifex, ab universa Ecclesia agnitus, Pontificiæque auctoritatis munia, nemine obstrepente, exercuit. Hujus Pontificiæ potestatis suæ possessionem quietam, si Flodoardi Chronicon (*Proœm. §. 2. n. 1.*) sequimur, per novem; si aliorum calculum prætulerimus (qui videtur verior, sed nihil ad rem præsentem) per septem annos retinebat.

9. Ex adverso jus, quod universali Ecclesiæ, Oecumenica in synodo collectæ, quidam tribuunt, deponendi Papam ob solam morum deformitatem; extra hæresis, aut schismatis casum, certo est dubium. Adstruitur a paucis, nec fere Constantiensi Concilio anterioribus; negatur a plurimis & antiquioribus. Demum adhuc sub jüdice lis est. Soli vero particulari Ecclesiæ Romanæ jus ejusmodi competere nulla prorsus ratione probari potest; ut liquebit ex controversia 2. In hac ergo de ipsa possessione contentione, pro qua parte pronuntiari soleat, ac, pro more isto in omnibus jam recepto judiciis, debeat; decernit Justinianus. *Inst. l. c.*

10. Spargit quidem hinc inde quædam suis in vindiciis noster Pythagoras, ex quibus persuasum facere vellet suis, Joannem possessione hac sua excidisse. Pag. 38. N. XXXI. contendit, Joannem declaratum fuisse à synodo apostatam,

*Proem. §. 6. An rectè instituat actionē in possess. 59*  
statam, ac per hoc verbum declaratum desertorem Ecclesiæ Romanæ. Addit de sua penu: *Utiq̃ue vero plus erat, quam simplex desertor; quia positivus hostis, & traditor.* Vide autem, quam solerter, & acute se præmunierit, ad Joannem his armis a possessione sui juris deji-ciendum. Præmisit ibid. N. XXX, hoc, quod dicit Juris naturalis, principium: *Quod, qui hostis fit, se ipsum extorrem faciat, perinde atque si abdicasset à se magistratum.*

II. Mitto quærere hoc loco, quæ sit synodi hæc declarantis auctoritas. Quam quæstionem mihi hic reservo integram, & ventilandam promisi controversia 4. fidem vero meam liberabo ad alsem. An Joannes XII. jure, & vere dici possit fuisse apostata, hostis, traditor, venditor, desertor Romanæ Ecclesiæ, pensitabimus Controversia 5.

12 Dicam unum, quod in præsentia sufficit: Joannes XII. tantum abest, ut deferendo urbem, deferere Ecclesiam Romanam in animo habuerit: ut oppositum & scriptis synodo testatus fuerit, & factis, ut primum Cæsare Roma digresso licuit, comprobarit (*Proem. §. 2. n. 7, & 9.*) Romanæ igitur Ecclesiæ, magistratusque sui possessione per fugam hanc suam nulla ratione excidit. Audiamus Justinianum *Inst. L. 4. De interd. § Possidere autem. Quin etiam animo quoque solo retineri possessionem placet: id est, ut, quamvis neque ipse sit in possessione, neque ejus nomine alius, tamen si non relinquenda possessionis animo, sed postea rever-*  
*surus*

60 *Proëm. §. 6. An rectè instituat actionē in possess.*  
*surus inde discesserit, retinere possessionem videatur.*  
 Quid, si præsentem de ipsa possessione contentio-  
 nem proposuissimus Justiniano viventi : an po-  
 tuisset sententiam pro tribunali dicere clarius ?  
 Verum novi Pythagoræ tribunal, ipso præside,  
 ante causam per appellationem ad se devolu-  
 tam, reformat Justiniani sententiam.

13. Si qui hostis fit, se ipsum jure naturæ  
 extorrem facit, perinde atque si abdicasset à  
 se magistratum : in duos Vindiciarum scriptor-  
 laqueos incidet ; ex quorum altero si extricare  
 se voluerit, altero constrictus tenebitur. Vel  
 enim probandum erit, Joannem non modo  
 factum esse Cæsaris, sed etiam Ecclesiæ hostem  
 ab ea deficiendo, sicut defecit a Cæsare. Vel  
 si hoc evicerit, sequetur, Joannem non a sy-  
 nodo per Ottonem congregata esse exauctora-  
 tum ; sed eum per hostilem in Ecclesiam ani-  
 mum, palam demonstratum, suamet culpæ  
 Christi Ecclesia extorrem factum, & magistra-  
 tu suo excidisse, [*Vid. Proëm. §. 3. ad n. 1.*  
*& 5.*] Quo pacto igitur illud factum, & ex-  
 emplum, quod vocat tam illustre, docebit, &  
 probabit : posse legitimum Pontificem, ab om-  
 nibus agnitum, extra casum hæresis, & apos-  
 tasie à fide, deponi ? Quo de argumento re-  
 dicit alibi disceptatio.

14. Hoc loco id solum agitur : utrum Vin-  
 diciarum scriptor recte, auctoritate propria, posses-  
 sionem sibi, petitionem adversario adjudicave-  
 rit. Causæ momenta protuli. Judicent non  
 quilibet e trivio Lectores, sed ad quorum of-  
 fici-

*Proem. §. 6. An rectè instituat actionē in possess. 6x*  
ficiū spectat. Paucorum mensium Candidati  
juris, qui Cl. Domino Professori Institutionum  
operam dederint, facile explicassent hoc pos-  
sessionis negotium tot annorum D. Professori  
juris Canonici exiguam, vel non satis exac-  
ctam ejus ideam habenti: in materia præser-  
tim, quæ non ex arbitraria acceptione vocum  
pendeat, sed in jure satis aperte à Justiniano  
explicata sit.

---

## Controversia I.

Utrum Summus Pontifex ab universa Ec-  
clesia agnitus, atque acceptatus, etiam-  
num vivens, officio suo non sponte re-  
nuntians, sed palam se opponens, nec  
per hæresin eo excidens, jure pos-  
sit judicari, & exauctorari?

I. Velitationibus res gesta est hætenus; nunc  
descendamus in prælium. Non est autem mei  
consilii in medium proferre omnia, quæ dici  
de proposita quæstione possent. Romanam (a)  
sedem nulli humano subjectam esse judicio, sæ-  
culo VI. jam tum ex scripturis, & antiquis  
Patribus egregie comprobaverunt Ennodius Ti-  
cinensis, & Avitus Viennensis Præsules. Nam  
cum gravium a malignis criminum anno 503  
apud Theodoricum Gothorum Regem accusatus  
fuisset Symmachus Papa; ille, & si Arianus  
prin-

62 *Controversia I. An legitimus Pontifex ob-*  
 princeps , judicium exercere in summum Pon-  
 tificem renuit ; sed causam ad sacerdotum con-  
 cilium deferendam duxit. Congregati ejus ius-  
 su Romæ antistites ad synodum , quæ a loco ,  
 ubi celebrata est , Palmaris dicta , suggesserunt  
 Regi , synodum ab ipso accusato debuissè con-  
 vocari ; scientes , quia ejus sedi *primum* Petri  
 Apostoli meritum , vel principatus , *deinde se-*  
*cuta jussionem Domini* Conciliorum venerando-  
 rum auctoritas singularem in Ecclesiis tradidit  
 potestatem , nec antedictæ sedis Antistitem mi-  
 norum subjacuisse iudicio. Sed cum Rex , pro-  
 latis Symmachi literis , & ipsum consentire in  
 synodum ostendisset ; ipseque veniens Papa idem  
 testaretur ; Patres adhibita deliberatione decre-  
 verunt : Symmachi causam divino iudicio re-  
 servandam , rejectisque malevolorum crimina-  
 tionibus , suo eum in officio a nemine turban-  
 dum. *Acta syn. Palmaris apud Hardu. T. II. à*  
*pag. 967.*

(a) Sedis Romanæ nomine citra con-  
 troversiam intelligendus est legitimus ejus  
 possessor. Muta enim sedes , quacunque  
 ex materia constiterit , nec hæresis , nec  
 morum deformitatis , nec iudicii , nec  
 damnationis , nec absolutionis capax est.

2. Quoniam tamen inquieti homines quidam  
 synodi decreto , qua verbis , qua sparsis in  
 vulgus scriptis obtrectare non desinebant ; ne-  
 gotium datum est Ennodio ante dicto , ut a  
 polo-

pologia; pro synodi decreto scripta, obrectatorum ora obstrueret. *Exstat apud Sirmondum T. II. CC. Gallie.* Hæc in synodo Rom. V. sub Symmacho, non multo post congregata, ab Episcopis jussa est prælegi; prælecta probata est, omnibus una voce dicentibus: *Hæc futuris temporibus conferrentur, atque ab omnibus teneantur, & in omnibus servantur. &c.* Additus his Canon: Ne oves in pastorem, nisi a recta fide aberrârît, rebellare præsumant. *Ast. huj. Syn. apud Hardu. T. II. à pag. 985.* Idem Argumentum præclare tractavit Avitus, quem dixi, Viennensis, *cujus opera exstant in Bibliotheca PP.;* nec minus graviter Leo III. Epist. 7. ad Carolum M.. Scripsere de eadem re variis temporibus varii passim noti, ex quibus si referre vellem omnia, nimiam in molem Disceptatio excresceret, Nec vero id necesse ad refellenda Vindicis allata, cui rei soli insistam.

3. Nemo etiam a me expectet, ut hoc de argumento disputem eo modo, quo confligendum esset cum A catholicis, Papalem omnem auctoritatem impugnantibus. Neque enim eo progreditur Vindiciarum scriptor, ut, abjectis palam principiis catholicis, sedem Pontificiam funditus subversam velit. Hanc ei calumniam si quis auderet impingere, egomet partes ejus strenue adversus quemcunque defendendas susciperem. Loquitur imo honorificentissime de sede Apostolica passim; summa cum veneratione Romanam Ecclesiam salutatur S. Matrem nostram, & magistram; ejus honorem, quem



**§4** *morum deformitatem solam deponi possit.*

quem ab Antithesista suo sine rubore violatum ingemiscit, reparare omni ope adnititur.

4. Nolo pariter tribunal erigere, aut sententiam ferre in Doctores quosdam catholicos, eruditos, ac pios, qui defendunt post Joannem Gersonem, esse auctoritatem Concilii Oecumenici superiorem auctoritate Romani Pontificis. Quos S. Mater, ac Magistra nostra Romana Ecclesia non affecit nota, ego efficere qui aulam? Cum solo vindiciarum auctore singulare mihi certamen est; atque expendo, quam recte IPSE sua probet, sibi objecta refellat.

5. Liceat mihi tamen præmittere duo principia, non quidem lumine naturæ, sed ex Dei Verbo, quod lumine omni naturæ superius, firmiorem multo meretur assensum, notissima.

*Principium I.* Christus Dominus in rerum divinarum moderatoribus ac legis Doctoribus morum quidem sanctitatem magnam sine dubio desiderat: sed tamen illis, quamvis impiis, honorem, & obsequium vult exhiberi; neque eos propter morum, si qua laborent, pravitatem abjici.

Matthæi 23. à v. 1. *Tunc Jesus locutus est ad turbas, & ad discipulos suos dicens: super cathedram Moysi sederunt scribae, & pharisæi. Omnia ergo, quaecunque dixerint vobis, servate, & facite. Secundum opera vero eorum nolite facere.* Ac ne quis forte existimet, minime enormem fuisse illorum hominum improbitatem; inspiciamus, quam ipsemet Dominus effinxit, eorum imaginem. Post expressam suis coloribus illorum hypocrisin, fastum, ambitionem, a v. 13.

*hæc.*

*Controversia 1. An legitimus Pontifex ob* 65

hæc subdit : *Vae autem vobis scribe , & pharisei , hypocrita : quia clauditis regnum cælorum ante homines : Vos enim non intratis nec introeuntes finitis intrare . . . . Comeditis domos viduarum , orationes longas orantes : propter hoc amplius accipietis Judicium . . . . Circuitis mare , & aridam , ut faciatis unum proselythum , & cum fuerit factus , facitis eum filium gehennæ duplo , quam vos .* Hoc loco verbis ; Joannis 18. v. 23. exemplo etiam docuit , quam vellet antistitibus sacrorum , quamvis improbissimis , haberi reverentiam . Stans ante Annam Pontificem , hominem ex livore , ira , internecino in innocentissimum mortalium odio , vitis que omnibus compositum , tamen cum ab assistentium ministrorum uno alapa percussus increparetur : *Sic respondes Pontifici ? pro se pauca , & modeste ; nihil in Pontificem gravius dixit .* Magistri exemplum secutus S. Paulus Act. 23. v. 5 , cum ante durius aliquid locutus esset in Ananiam , quem nesciebat esse Pontificem ; ubi primum monitus est ab adstantibus : *summum sacerdotem Dei maledicis ?* respondit continuo : *Nesciebam Fratres ; quia princeps est sacerdotum . Scriptum est enim : Principem populi tui non maledices .* Hæc si D. Paulus sensit convenire etiam in nescientes : quid dixisset de iis , qui Principi Sacerdotum scientes maledicunt ? Nec prætereundum hoc loco ; quod ipsemet Christus Dominus , cum divina providentia ordinaret Ecclesiæ suæ statum , inter Apostolos eum potissimum voluerit cæterorum esse caput , & moderatorem Ecclesiæ , qui om-

E

nium

66 *mortem deformitatem solam deponi possit.*  
 nium turpissime ipsum negaverat. Et ta-  
 men propterea, uti observat S. Optatus Mile-  
 vit, Lib. 7. *Apostoli bono unitatis per charitatem*  
*noluerunt à communione Petri recedere, ejus scili-*  
*cet, qui negaverat Christum.* Appositissime de-  
 inde in rem nostram subjungit: unde intelli-  
 gitur, omnia ordinata esse providentia Salvatoris; ut  
 ipse acciperet claves. Interclusa est malitia via;  
 ne Apostoli licentiam judicandi conciperent, & se-  
 vere contemnerent eum, qui negaverat Christum,  
 Stant toti innocentes: & peccator accipit claves,  
 ut unitatis negotium firmaretur.

*Principium II.* Spiritus S. assistentis donum non  
 est gratia gratum faciens, sed gratis data (a)  
 quæ potest dari, & non semel data est pec-  
 catoribus.

(a) In linguæ Theologicæ ignarorum gratiam,  
 in quorum manus hæc folia forsan incident,  
 paucis noto: *Gratia gratum faciens* dicitur, quæ  
 a Deo conceditur ad ipsius accipientis salutem  
 procurandam: *Gratia gratis data* vero, quæ non  
 ad accipientis salutem, sed in aliorum bonum  
 datur. Qualia sunt donum prophetiæ, donum  
 linguarum, gratia sanitarum, aliaque ejusmodi,  
 quæ recensentur a D. Paulo *Epist. I. Cor. 12.*  
*à v. 8.* Quamquam alio in significato omnis  
 gratia sit gratis data.

Ita Num. 23, & 24. legimus Balaamo  
 Ariolo, atque impio concessum donum pro-  
 phetiæ. Luc. 9. una cum aliis undecim Aposto-  
 lis etiam Judas accepit a Christo Dno *virtutem*  
*& potestatem in omnia demonia, & ut languores*

*cura-*

**Contr. 1. An R. Pont. ob Sol. def. morū dep. possit.** 67  
*curarent.* S. Joannes Cap. 11. v. 51, & 52.  
testatur Caipham Pontificem, impium sane,  
nec pilo uno Socero suo Anna meliorem,  
prophetasse. Quod si ergo in veteris legis Pon-  
tifice Spiritus S. assistentis donum non extin-  
xit hominis improbitas: cur in novæ legis  
Pontifice extingueret?

Atqui non personæ sanctitate, non eruditio-  
ne, non donis aliis sive naturalibus, sive su-  
pernis, sed promissa Petro, ejusque successo-  
ribus perpetua S. Spiritus assistentis ope po-  
testatem pontificiam regendi, docendi, pas-  
cendi oves Christi suffultam stare prostemur  
Catholici. Hanc perpetuam S. Spiritus opem  
Petro, & in Petro ejus successoribus promif-  
sam esse a Christo Domino, concludimus ex  
ejus verbis Luc. 22. v. 32. *Ego autem rogavi  
pro te, ut non deficiat fides tua*, aliisque. Fides  
quousque in Pontifice non deficit, morum im-  
probitas ejus potestatem non labefactat. Labe-  
factari per pravitatem morum *ipso facto*, ne ip-  
se quidem vindiciarum auctor, Wicleffianæ hæ-  
resis memor, dixerit: labefactari propter eam  
posse ab auctoritate humana, videamus, quo  
modo probet.

### §. 1. Expenduntur Vindiciarum auctoris argumenta.

1. Romanum Pontificem indubitatum ob so-  
lam morum deformitatem judicari, & deponi  
posse, probaturus, Conciliorum auctoritate  
satis se munitum credit. Synodi quidem Sinu-

68 *Contr. I. §. I. Expenduntur asserentis argumenta*  
 essanzæ acta de Marcellini in Idolatriam lapsu  
 in supposititis, ac fabulosis numerat pag. 37.  
 N. XXVII. Non reprehendo. Eandem enim  
 S. Augustini de illis mentem fuisse sentiunt  
 multi. Neque ad rem præsentem necessarium  
 est disquirere, aut definire, fabulane sit, an  
 historia. Eam tamen, quantumvis ponamus  
 esse fabulam, ingeniosissime in rem suam de-  
 rivat. *Ibid.* Audiamus „ Ipsa acta supposititia.  
 „ inquit, de Marcellini in idolatriam lapsu  
 „ hunc morem auctori fabulæ notum demon-  
 „ strant : *Ex te justificaberis, aut ex ore tuo con-*  
*demnaberis. Can. 7. Dist. 21.*

Huic gladio bilix a me opponitur lorica.  
 Primo quidem non evincit, quod volebat, sed pror-  
 sus oppositum. Nam si auctori fabulæ notus  
 fuit mos antiquus, qui, dum criminis accusatur Rom.  
 Pontifex, ei detulit hunc honorem, *ut seipsum*  
*judicaret, ex se justificaretur, aut ex ore suo*  
*condemnaretur* : igitur vel ipsa acta illa supposititia  
 demonstrant, non fuisse morem antiquum ; ut  
 Rom. Pontifex *judicaretur a synodo, aut ex ore*  
*synodi condemnaretur.* Rursum si vel ipsa acta  
 supposititia demonstrant illum morem antiquum ;  
 ut Romanus Pontifex criminis accusatus coram  
 synodo compareat : cur non etiam demonstrant no-  
 tum fuisse fabulæ auctori communem ea ætate Ec-  
 clesiæ sensum : quod *Prima sedes non judicetur*  
*a quoquam. Can. 7. eod.* Cur hæc ultima sen-  
 tentia canonem detruncavit Vindex ? si ille,  
 quamvis mendaciorum architectus, satis apud  
 ipsum fidei invenit ad demonstrandum illum

**Contr. I. §. I. Expenduntur afferentis argumenta** 69  
morem antiquum ; cur non reperit ad demon-  
strandum hunc antiquum Ecclesiæ sensum com-  
munem ? Habet certe hoc argumentum pares  
ad utrumque probandum vires. Vel si pro u-  
no vires sufficientes non habet ; habebit pro  
neutro. Adde , quod Sinuessam confluisse tre-  
centos , & amplius Episcopos acta commemo-  
rent , ut adeo numero fere par fuisse videatur  
Nicænæ I. Oecumenicæ. Si ergo ex synodi  
illius actis , quamvis fabulosis , colligere est ,  
sensum communem illius temporis fuisse ; ne  
a tanto quidem Concilio , quod Oecumenico  
par videri potuisset , judicari debere primam  
Sedem , & nullum tot Episcoporum proferre  
in eam sententiam ausum esse : quomodo hæc  
synodus habere vim ullam poterit ad proban-  
dam illam , quam vindex asserit , synodi parti-  
cularis Romanæ prærogativam. Replicabit for-  
san , verba illa Patrum Sinuessanorum (si vere  
prolata essent) censenda verba honoris , non  
necessitatis. Hæc posset IPSE DICERE : sed  
quomodo probaret ? Mos antiquus , inquiet ,  
hunc Romano Pontifici honorem sponte deta-  
lit. Honorem istum fuisse semper ei debitum ,  
liquebit ex hac Disceptatione. Nunc enim id  
agimus , ut ostendatur illum nec sua probare ,  
nec sibi objecta posse refellere. Si tamen quis  
properet , relegat interim , quæ diximus *h.*  
*controv. init. n. 1. & 2.*

2. Ad Concilium Constantiense confugit pag.  
30. N. XVII. ex illius decreto tentans evince-  
re , posse verum , & pro legitimo agnitum

70 *Contr. 1. §. 1. Expendantur asserentis argumenta*  
 Papam (de tali enim solo hæc lis est) deponi  
 „ sicut in hæresi, sic in aliis duobus casibus,  
 „ isti enim tres, „ ait ex Cardinalis Juliani  
 Epistola ad Eugenium IV. Papam, „ parificati  
 „ sunt per concilium Constantiense, quod &  
 „ facto approbavit hanc sententiam: quia prop-  
 „ ter schisma privavit Petrum de Luna, &  
 „ NB. propter deformitatem vitæ privavit Jo-  
 „ annem XXIII. „ Tum addit: „ utrum de-  
 „ creta illa Sess. 4, & 5. Concilii Constanti-  
 „ ensis sint Oecumenica, necne, hic nihil re-  
 „ fert: sensum tamen tot Prælatorum Eccle-  
 „ siæ... manifestant de tribus casibus; petito-  
 „ riique certitudinem Antithesistæ auferunt præ-  
 „ ponderante auctoritate. „

3. Hactenus IPSE. Non est necesse revoca-  
 re tibi in memoriam, Theodulphæ, quam pa-  
 rum jure fundata sit possessio, quam suæ cau-  
 sæ, prætoris non auctore, tribuit. Meministi  
 enim. Examinemus ad trutinam pondus au-  
 ctoritatis, quod tanta fiducia jactat præponde-  
 rare. Laudo, quod decretorum Concilii Con-  
 stantiensis Sess. 4, & 5. Oecumenicæ auctoritatem  
 asserere sibi non fidat omnino. Cæteroquin facile  
 mihi, atque in promptu foret ostendere, decretorum  
 illorum auctoritatem Oecumenicam esse certo  
 dubiam. Sed habemus fatentem reum. Hoc  
 sufficit. Auctoritas autem certo dubia non mul-  
 tum habere potest ponderis. Dicere igitur:  
*utrum decreta illa sint Oecumenica, necne,*  
*hic nihil refert;* mihi idem videtur, ac si di-  
 ceretur: *utrum Decreta illa pondus habeant,*  
*necne, hic nihil refert.*

4. At sensum tamen tot Prælatorum Ecclesiæ manifestant. Si sessionum istarum ipsarum est dubia auctoritas, neque satis gravis ponderis, cujus ponderis erit sensus Prælatorum in illis pronuntiantium? Accedit, quod fuerit ille quidem Prælatorum quorundam sensus, non tamen communis omnium consensus. Intercesserunt enim his decretis Cardinales. Nec immerito. Nam Cl. Schelestratus in *Dissert. de actis Concil. Constantiens.* testatur ex 4. M. SS. *Germanic. apud Hardu. T. VIII. pag. 296.* ita penè semper in omnibus decretis Cciii factum esse, ut Cardinalibus ita arcto, ac brevi tempore ostensa sint decreta jam conclusa in nationibus; ut non fuerit in eorum potestate deliberare, imo in magno contemptu habiti sint. Et quamvis de contemptu conquesti sint, non potuerunt tamen obtinere jus suum.

5. Ac speciatim ante Sessionem V. Cardinales, cum frustra ad illud tempus reclamassent decretis promulgandis, & una cum ipsis Oratores Franciæ, protestationem secretam in Camera Palatii Constantiensis interposuerunt coram Sigismundo Imp. & Deputatis nationum: ituros se ad sessionem propter scandalum evitandum; non animo consentiendi his, quæ audierant in ipsa statui debere, maxime quod *Papa, & CCium plenam libertatem habuerint* (Quod inter cætera audiverant statutum iri) Addunt: „ Quorum plura statuta non sunt, sed ad sessionem, neminem reservata. Atqui hoc ipsum Decretis illis plurimum detrahit ponderis; aut poti-



72 *Contr. I. §. I. Expenduntur afferentis argumenta*  
 us nihil relinquit. Ex eo enim habemus : quæ  
 tempore sessionis IV , & V. gesta sint , non  
 esse acta *conciliariter* , id est recepto in SS. Con-  
 ciliis more ; in quibus nihil decernitur , ac  
 promulgatur , nisi quod sententiis libere dictis  
 statutum prius communiter fuerit. Martinus  
 autem V. Sess. ult. ea duntaxat rata habet ; quæ  
 conciliariter acta fuerant in hoc Concilio. *Act.*  
*apud Hard. T. VIII. pag. 258.*

6. Ipsum Decretum I. Sess. IV. corruptelæ  
 suspitione non caret. Nam illa verba decreti  
 ultima : *Et ad reformationem generalem Ecclesie*  
*Dei in capite , & membris* , nec reperiuntur in  
 primo exemplari Concilii hujus edi cœpto Con-  
 stantiæ an : 1499. absoluto Hagenoæ an :  
 1500 , nec in secunda editione Mediolanensi  
 de an. 1511 ; nec in tertia Parisina anni 1524 ;  
 nec in eadem recusa Colonix an. 1530 ; nec  
 in duobus codicibus Vindobonensi ( Viennensi  
 in Austria ) & Wolffenbuteleni ; nec in Brunsvi-  
 censi , Gothano , & Lipsiensi , teste Hardtio *T.*  
*IV. P. I. , à pag. 86* ; nec in novem aliis Mss.  
 codicibus a Schelestrato visis. *Hardu. T. VIII.*  
*pag. 251.* Reperiuntur primùm in editione ,  
 quam Petrus Crabbe excudi curavit Colonix  
 annò 1538 , juxta exemplar jussu Concilii Ba-  
 sileensis post Sess. 25tam , cum jam ferveret  
 schisma , extractum. Editionem Crabbeanam se-  
 cuti sunt deinde posteriores synodographi ali-  
 quot. *Tom. V. CC. Germ. pag. 44.* Hæc ab  
 Harduino aliisque observari , minime videri de-  
 bet paradoxum , quamvis visum fuerit Febro-  
 nio. *Cap. 6. §. 5.*

*Contr. I. §. I. Expenduntur asserentis argumenta 73*

7. Ne tamen severus nimium Judex esse videar, dabo ei plus, quam ipsemet postulare ausus sit. Est, fuerint Decreta illa Oecumenica, & justis ponderis: loquitur tamen cum illis tempus, quo lata sunt; eo videlicet, cum tres simul se se pro Papis gererent, neque ullus eorum esset certus, & ab universa Ecclesia agnitus. Dubiis vero imperari poterat. (*Proem. §. 3. n. 2.*) Mentem etiam Decreti I. planius exponunt verba illi inserta „ Cui quilibet, cujuscunque status, vel dignitatis, etiam papalis, existat, obedire tenetur, in his, quæ pertinent ad fidem, & extirpationem dicti Schismatis, & reformationem dictæ Ecclesiæ in Capite, & membris. In illa autem contra Joannem XII. synodo, de nullo contra fidem errore agitabatur Controversia. Nullum erat schisma antea, sed illud post fecit synodus, opponens Joanni Leonem. Schisma autem dicemusne esse aptum medium ad reformationem Ecclesiæ in Capite, & membris? credat cum Febronio Judæus apella! Nihil ergo prorsus decretum isthoc juvare præsentem Vindicis causam potest.

8. Attamen Concilium factum comprobavit hanc sententiam; quia propter schisma privavit Petrum de Luna, & NB. propter deformitatem vitæ privavit Joannem XXIII. Verum NB. Joannes XXIII non fuit certus, atque ab universa Ecclesia agnitus Papa; sed dubius. Dubium Papam sautem poterat Concilium judicare, & damnare tam propter schisma, quam  
prop-

74 *Contr. I. §. I. Expenduntur asserentis argumenta*  
propter morum turpitudinem. Nobis sermo  
est de Rom. Pontifice certo, atque ab univer-  
sa catholica Ecclesia agnito.

9. „ Compara, inquit, ead. pag. 30. N.  
„ XVII, crimina Joannis XXIII. relata in sen-  
„ tentia depositionis, cum criminibus Joannis  
„ XII, & videbis hunc multo magis deponi-  
„ bilem fuisse. „ Factum puta, imo factum  
est. Comparavi, ad Mandatum Cl. D. N. De-  
cani Facultatis Jurid. Treviris, crimina utrius-  
que Joannis. Visis actis Concilii Constantien-  
sis, reperi oppositos fuisse Joanni XXIII. arti-  
culos tres, & quinquaginta, idoneis testibus  
comprobatos. In articulo 48. accusatur, *quod*  
*schisma nutrire voluit. apud Hardu. Tom. VIII.*  
*pag. 356.* Artic. 52. Arguitur *fautor schismatis.*  
*Ibid. pag. 357.* Post hos tres, & quinquagin-  
ta artic. reperi alios quosdam ex codice Card.  
Barberini depromptos. In horum uno accusa-  
tur, quod sæpe coram diversis Prælatiis, & a-  
liis honestis viris pertinaciter, suadente diabo-  
lo, dixit, asseruit, dogmatizavit, adstruxit,  
vitam æternam non esse, nec aliam post hanc.  
Item quod negaverit immortalitatem animæ hu-  
manæ, & resurrectionem mortuorum. *T. VIII.*  
*CC. eod. pag. 360.* Visis deinde etiam actis  
synodi I. Rom. contra Joannem XII, inter ob-  
jecta ipsi accusationis capita nullam schismatis,  
aut hæreseos mentionem reperi. Testes omni  
exceptione majores sint oculi cujuslibet, qui  
inspicere acta voluerit. Aut, si quis hæreseos  
aliquam ipsi labem objectam illic videre sibi  
vide-

**Contr. 1. §. 1. Expenduntur assertentis argumenta 75**  
videbitur ; is mutabit nostrum casum : uti non  
semel jam monui. Uter jam *deponibilior* fuerit ;  
judicent , ad quorum spectat officium.

10. Quid ergo fiet de Cardinale Juliano ;  
Legato Eugenii IV. ad Concilium Basileense ,  
Viro sancto ; devoto Papæ , nullatenus suspecto.  
Jam saxo , vindiciarum auctorem appellati hu-  
jus illustri Viri pœniteat , pigeat , pudeatque.  
Nihil detractum velim de laudibus , quibus Vi-  
rum , pluribus etiam encomiis dignissimum ,  
exornat. Fero potius agerrime , unam ab eo  
virtutem tacite prætermittam ; quæ præ cate-  
ris in illo meretur suspici , & Vindici ad iani-  
tandum proponi. Quanam illa ? Quod vir  
modestissimus non fuerit iudicii sui superbe te-  
nax ; sed errorem suum simul atque agnovit ,  
retractaverit , ac damnaverit. Theodulphe ,  
adverte animum ad ea , quæ dicturus sum ,  
diligenter.

11. Justinus Febronius in Libro suo singula-  
ri Cap. 6, §. 1. n. 4. ex operibus Aenæ Syl-  
vii pag. 75. incaute exscripsit Epistolam Car-  
dinalis Juliani , quam scripsit eo tempore ,  
dum inter Patres Basileenses degens , quotidi-  
anis adversus Pontificiam auctoritatem clamori-  
bus vel illectus , vel abreptus fuerat in eorum  
sententiam. Febronium incaute exscripsisse mi-  
hi videtur Vindiciarum scriptor , ab eoque ef-  
fe deceptus. At vero nescivit , credo , uter-  
que , quod idem Cardinalis S. Angeli Julianus  
post non modo errorem suum pristinum dam-  
naverit , sed ab eodem etiam revocaverit Aene-

am

am Sylvium. Audiamus loquentem ipsummet  
Sylvium. Paulo prolixiora erunt, quæ profe-  
ram, sed ita in rem præsentem opportuna, ut  
vix quidquam prætermitti debere existimaverim.

„ Per id tempus, „ inquit Æneas Sylvius, „ Ju-  
„ lianus S. Angeli Cardinalis ex Hungaria...  
„ venit Flavianum (quæ hodie Vienna dicitur)  
„ præcipuum Austriæ columen. Sæpe cum eo  
„ sermonem... miscuimus, sæpe de rebus Ba-  
„ sileenfibus disputavimus. Tuebamur antiquam  
„ sententiam (nostram) ille novam „ (*quam,*  
*sua antiqua deposita, jam amplexatus fuerat*) „ de-  
„ fendebat. Extollebamus generalis CCii au-  
„ ctoritatem; ille Apost. Sedis potestatem mag-  
„ nopere collaudabat. Dicebamus CCium Ba-  
„ sileense jure perseverasse, quamvis Eugenius  
„ Præsidentes revocasset, & hoc ejus factum  
„ accusabamus. Ille dissolutum, seu transla-  
„ tum rite CCium affirmabat, & Basileensium  
„ opera multis modis detestabatur: Basileæque  
„ non synodum Ecclesiæ, sed Satanae, mini-  
„ strorumque ejus synagogam remansisse dice-  
„ bat. Diutina fuit inter nos concertatio...  
„ Ad extremum cum suis scriptis, dictisque  
„ Cardinalem vinceremus, premeremusque ve-  
„ hementer: subridens ille, Tu, inquit, Æ-  
„ nea, tabellis obfignatis agis mecum: & quo-  
„ niam aliquando sensimus, ut dicis: idcirco  
„ & hodie idem putas debere sentire; & ad-  
„ dictos priori sententiæ censes. Verum prop-  
„ terea nos sumus liberi, quia mutare sen-  
„ tentiam usque ad mortem possumus.

Cur  
enim

**Contr. I. §. I. Expanduntur afferentis argumenta 77**

„ enim non liceat omni tempore, relicto fal-  
„ so, verum amplecti? Fateor me dixisse, &  
„ scripsisse, quæ refers, verum a vero re-  
„ motum errasse. At tu, qui, ut ais, me  
„ Doctore Basileensibus credere adductus, er-  
„ rantem olim sectatus es; cur modo non se-  
„ queris recta monentem? &c. &c. Tum de  
„ se Æneas. „ Hæserunt pectori nostro ver-  
„ ba Viri, quæ sæpe ad nos repetiit non sine  
„ charitate ardenti, & amore singulari. Ista  
„ de se, & Cardinale Juliano testatur Æneas  
„ Sylvius, cum jam esset Papa Pius, ejus nomi-  
„ nis II. in Bullâ, quam ad Universitatem Colo-  
„ niensem dedit 26. Apr. 1463. In qua & quæ  
„ ipsemet Colonienſibus, vel aliis scripsit aliquando  
„ de hoc argumento, tanquam erronea, & ju-  
„ venilis animi parum fundata judicia, revocat,  
„ atque omnino respuit, dicens „ *Seni magis,*  
„ *quam juveni credite... Æneam rejicite, Pium*  
„ *recipite...* Bulla exstat apud Petrum Mathæum  
„ in *Summ. Constit. Rom. Pontif. Editionis Lugdun.*  
„ anno 1589. pag. 12. *Harduinum Tom. IX. In*  
„ *CC. Germania Tom. V. in suppl. pag. 945.*

Quid tibi nunc videtur, Theodulphe? Cui  
„ Juliano fidem habebimus? An juniore, flagran-  
„ te jam Basileensi schismate, & insurgentium  
„ Pontificiam in auctoritatem vel torrente abrep-  
„ to, vel incantationibus fascinato? An maturio-  
„ ri, re melius expensa e tenebris in lucem e-  
„ mergenti, errorem pristinum fatenti, atque  
„ que omnibus, quibus poterat, modis retractan-  
„ ti? Pluræ Epistolæ ejus, dictisque prioribus  
„ fidei.

78 *Contr. 1. §. 1. Expenduntur asserentis argumenta*  
fidei habebimus, quàm haberi ipsemet velit?  
Vel scivit hæc a Cardinale Juliano ita gesta  
esse, vel ignoravit Vindex? si scivit: tenetur  
ejus fallacia, qua imponere ignaris voluit ta-  
cendo veritatem: sin ignoravit, quod potius  
credidero: discat Febronium, ejusque antefig-  
nanos legere cautius, nec cæce intrare in eo-  
rum vestigia in foliis præsertim publice spar-  
sis. Ne ruborem post reportet, redargutus  
manifeste, pudeatque hæc dici potuisse, (a su-  
is adversariis) & non potuisse refelli: uti flens  
ingemiscit Phaëton in Metam. Ovidil... I, nunc,  
Julianum Cardinalem appella. Si plures huic  
similes testes produxerit; audiemus illos citra  
ullam exceptionem.

13. Concilio Constantiensi admiscet Basileen-  
se dicens ibidem: „ Quibus (Constantiensibus)  
„ adhæserunt Basileenses, acceptantibus Germa-  
„ nis, & Gallis. „ Hæc tanta fiducia asserit;  
ut jures, quod opponi possit, esse prorsus  
nihil. Verum sine; retegam tibi delitescentes  
sub paucis his verbis multas fallacias.

14. Audisti sine dubio, Theodulphe, non  
semel, alios Concilio Basileensi, ejusque decre-  
tis tribuere plurimum: alios repudiare illud,  
nec habere in Cciorum legitimorum numero.  
Quæ cum ita vage, atque indistincte jactari  
utrimque audires; hæsitasti forsân anceps, quam  
in partem vela verteres. Ut autem, quæ ad  
præsentem rem pertinent, magis ad intelligen-  
dum perspicua sint; distinguamus primo tem-  
pora; deinde res in eo gestas. *Ex ipsis actis.*

15. Si spectemus tempora : reperiemus illud auctoritate Concilii Constantiensis ; Papiensis post subortæ pestis causa Senas translati ; Martini V, eoque mortuo , Eugenii IV. auctoritate inchoatum , nulla re , ad legitimum Ccium inchoandum requisita , destitutum fuisse , primamque ejus sessionem habitam 7. Decembr.

1431. Eugenius Papa non multo post , 18. ejusdem mensis , ex sententia S. R. E. Cardinalium variis de causis Concilium hoc dissolvit , Legatum suum Julianum Card. revocat , aliudque Ccium post annum cum dimidio Bononiam indicit. Huic Pontificio decreto se magno æstu opponunt Patres Basileenses. Res eo progressa est , ut 30. April. 1432. Sess. III. Eugenium , & Cardinales ejus ad causam coram ipsis dicendam evocarent. Post multas , acresque utrimque concertationes , ad annos circiter quatuor productas , tandem Eugenius Sigismundi Imp. opera reconciliatus est Ccio 21. Jan.

1434. Sess. XVI. Manserunt per annos fere quinque in concordia , ac legitime prosecuti sunt Concilium. Sed Patribus identidem plus sibi arrogantibus , quam salva auctoritate Romanæ Sedis concedi eis posse existimaret Pontifex , gliscere paulatim cœpit utrimque dissidentia , & nova sparsa sunt discordiarum semina. Occasio demum novæ contentionis orta est circa loci pro Ccio cum Græcis habendo designationem : dum una ex parte Eugenius Græcis volentibus concessisset locum ipsis commodiorem ; ex altera parte vero Basileenses , contra datam ante Græcorum

rum



80 *Contr. I. §. I. Expenduntur asserentis argumenta*  
rum Legatis fidem, invitis, renuentibusque Imperatore eorum, ac Patriarcha Cpolitano, contenderent pertinaciter cogere illos vel Basileam, vel Avenionem, vel in Sabaudiam. Græci postmodum rejecta Basileensium ad se legatione, Eugenio potius imbrem gerendum censuere, quam Concilio. Hæc igitur ex occasione in novas, ac prioribus multo perniciosiores flammæ exarsit discordia. Basileenses enim Sess. 26, contradicentibus incassum Juliano Cardinale, & Collega suo, Legatis Pontificiis, Eugenium in jus vocare iterum, eique tanquam reo diem dicere non dubitarunt. Neque ab hoc proposito se revocari passi sunt aut Sigismundi, aliorumque Regum hortatu, aut intercessione, ac secessione Oratorum Hispaniæ, aut Legatorum Pontificiorum discessu. Eugenius obviam iturus eorum molitionibus, datis publice literis, synodum Basileensem, velut schisma nutriendam, dissolvit, aliud Concilium Ferrariam indicit, factum hoc suum multis argumentis defendens. Confluxerunt ad Concilium Ferrariam Patres frequentes, ac prima sessio Præsidente Nicolao S. Crucis Cardinale, Eugenii Legato, celebrata 9. Jan. 1438, in qua communi consensu decretum, translationem Ccii Ferrariam esse legitimam, & Canonicam, Basileensem synodum nunc omni potestate privatam. Mense Februario eodem se contulit Eugenius, & in Sess. 2, die 18. mensis ej. Præsidente ipsomet Pontif. habita, damnati, qui remanerent Basileæ, omnesque Ferrariam sub gravium poenarum interminatione evocati.

Græc.

*Contr. 1. §. 1. Expenduntur assentientis argumenta* 81  
Græcis 7. Mart. eandem urbem ingressis , 9. Aprilis sessio 3. fuit , in qua Pontifex , assentiente Imperatore Græcorum , Patriarcha Cpolitano , reliquorum Patriarcharum Orientis Legatis , ac cæteris Patribus , qui Ferrariam convenerant , declaravit legitimum illic congregatum esse Oecumenicum , & generale Ccium pro unionem cum Græcis faciendam , & perficiendam aliam Basileæ coepit . Deinceps hoc Ccium magno cum Ecclesiæ fructu continuatum , ob pestem , Ferrariæ exortam , Florentiam translatum , Romæ denum in Laterano consummatum , atque ab Ecclesia Ccii Florentini nomine receptum .

(a) Quam bene comparatum est , quod ad firmitatem , auctoritatemque Conciliis tribuendam necessarius non sit Justinii Febronii , ejusque antesignanorum , & sectatorum consensus . Istis si credimus ; nec Florentino , nec consecuto illud Lateranensi Concilio multum dabimus , imo nec Tridentino . Causantur , fuisse Patres illarum synodorum præventos principiis falsarum Decretalium Isidori Mercatoris , & aliorum ; per quæ vetus systema Hierarchiæ Ecclesiasticæ funditus eversum sit . At vero si salvis SS. Scripturis , Cciorum genuinis actis , Ss. Patrum monumentis , salutaris aliqua pestis falsas decretales omnes , confictaque ejus generis instrumenta absumeret : nihil detrimenti pateretur Catholica Romana Ecclesia ; possentque ex iis , quæ superfutura essent , dictorum Cciorum decreta abunde defendi , si res posceret . Sed non putem , in eadem cum istis Vindicem esse sententiam . An post Græcorum

**82 Contr. 1. §. 2. Expenduntur afferentis argumenta**  
discessum Florentina synodus perrexerit esse Oecumenica, sive universalis, & totius Ecclesiæ; id ad contentionem vocis delabitur. Perrexit certe esse synodus Patrum & multorum, & gravium, supremo suo Capiti conjunctorum, ac consentientium. Voca, per me licet, sive universalem, sive particularem. Particularibus etiam synodis, de rebus fidei, atque ad universam pertinentibus Ecclesiam si quid statuunt Præsidente assentiente, ac probante summo Pontifice, vim ac robur esse, profiteamur Catholici.

**16.** Perstiterunt tamen in proposito suo Basileenses, quamvis plurimis, atque optimis quibusque inde diffluentibus; ita quidem, ut, cum post primam cum Eugenio reconciliationem subinde centum circiter Infulati interfuissent, vix triginta superessent; dum dies Eugenio dicebatur: in ejus exauctoratione vero non nisi septem Episcopi. Admissi fuere, ad augendum suffragiorum numerum, non tantum Episcopi, & Abbates; sed inferioris etiam ordinis Clerici: quibus de jure, & consuetudine non definiendi, & judicandi; sed consulendi duntaxat votum in Conciliis competit.

**17.** Postquam distinxisti hoc modo, Theodulphe, tempora Basileensis Ccii, primum inchoati; deinde ab Eugenio dissidentis; post reconciliati; denique iterum ab illo divisi: facile statues, illud pro tempore primo, & tertio censendum esse legitimum, omnique veneratione dignum.

**18.** Nunc distinguamus etiam res in hoc Ccio

**Contr. I. §. I. Expenduntur afferentis argumenta 83**  
Ccio gestas , ut , quæ præsentem causam non  
concernunt , segregemus ab iis , de quibus no-  
bis unice contentio est.

19. Sessione I. Ccii Basileensis decretum est :  
Versari debere hanc S. Synodum totis viribus  
inprimis ad extirpandas hæreses ex Ecclesia Dei;  
tum ad pacandos Christianorum animos , se-  
dandasque fidelium contentiones , postremo ad  
mores , vitamque Clericorum , & populi Chri-  
stiani ubique restituendos , emendandosque.  
Hæc saluberrima citra omne dubium. Neque eti-  
am respuendum, quod sæpe (*h. Contr. n. 7.*) repetie-  
runt postea, convenisse se ad reformationem genera-  
lem Ecclesiæ Dei in capite , & membris. Eum-  
que in finem Eugenius ultro eis permiserat  
plenam morum suorum inde à primis pueri-  
tiæ annis censuram. Noli oblivisci , Theodul-  
phe , propter tria hæc capita congregatum fu-  
isse hoc Concilium.

20. Hunc in finem in eadem Synodo multa  
sunt acta , tempore præsertim , quo reconciliati  
Eugenio fuere, tum in materia fidei pro concili-  
andis Ecclesiæ Bohemis, tum pro restauranda Ec-  
clesiæ disciplina; quæ nemo negaverit præclaris-  
sima, omnique cum observantia meritò suscipien-  
da. Conclufa sunt præterea quædam concordata  
cum Germanis , quædam cum Francis, quæ &  
acceptata fuere ab utraque natione , & ab Eu-  
genio IV. confirmata interim , usque ad futu-  
ram modificationem. *Bulla Eug. IV. anno 1447.*  
*5. Febr.* De his nulla nobis in re præsentī  
concertatio. Motæ quædam & aliæ causæ ;  
quæ pariter nihil ad nos, F 2 21.

84 *Contr. I. §. 1. Expenduntur asserentis argumenta*

21. Sola illa ad præsentem causam pertinent, quæ gesta sunt tempore gemini dissidii inter Eugenium, & Basileenses circa arrogatam sibi ab his auctoritatem judicandi, atque exautorandi certum Pontificem. Hæc igitur diligenter expendenda.

22. Tempore primi dissidii in Sess. 2, habita 15. Feb. 1432, statuunt, S. Synodum Basileensem esse canonice congregatam, & inchoatam. Hoc extra controversiam.

Renovant decretum Ccii Constantiensis, quo declaratur, Ccia generalia legitime congregata auctoritatem ab ipso Christo Domino habere, eique debere obedire unumquemque, etiam Rom. Pontificem &c.

Innovant & alterum Constantiense decretum, quo ista synodus statuit, non parentes Cciis rite convocatis gravi pœna mulctandos, etsi sit Rom. Pontifex.

Decernunt item Basileensem synodum in Spiritu S. legitime congregatam a nullo, neque etiam a Pontifice maximo, dissolvi, prorogari, transferrive posse, sine expresso Ccii consensu. Quibus subjungunt alia quædam ex prioribus consequentia.

Sessione 3. habita 30. Martii a. e. suum ad tribunal citant Eugenium, ejusque Cardinales.

Tempore secundæ dissensionis sessione 27. citant iterum Eugenium, objectis ei variis criminibus... 4. Oct. 1437. Sess. 30. dissolutionem Ccii, translationem ejus ab Eugenio factam,

**Contr. I. §. I. Expenduntur afferentis argumenta. 85**  
Etiam, aliaque ejus in hanc rem decreta dam-  
nant, nulliusque esse momenti statuunt.

Sessione 31. 24. Jan. 1438, Eugenium, ut  
manifestum contumacem, ab omni administra-  
tione Papatus suspendunt.

Post multa alia, ante 26tam Martii 1439.  
Basileenses obfirmati in proposito deijciendi e  
solio pontificio Eugenium, veriti tamen, ne  
objecta ei crimina ad ferendam tam feralem  
sententiam non viderentur orbi Christiano suf-  
ficientia, eo conversi sunt, ut hæreseos no-  
mine consilium suum prætexerent. Itaque per  
Theologos suos cudunt octo conclusiones, a-  
perte contradicentibus omnium Principum Le-  
gatis, & Panormitano. Facta horum secessio-  
ne, cum majore parte Prælatorum dicente,  
se concludere, non esse concludendum; con-  
cluserunt tamen urgente Arelatensi Card. tres  
Episcopi titulares, cum aliorum non prælatorum  
multitudine: *tres tantum primas conclusiones esse  
approbandas.* Quæ sunt hujusmodi: „ Veritas  
„ de potestate Ccii generalis, universalem Ec-  
„ clesiam repræsentantis, supra Papam, &  
„ quemlibet alterum declarata per Constanti-  
„ ense, & hoc Basileense generalia Concilia,  
„ est veritas Ecclesiæ Catholicæ.

„ Veritas hæc, quod Papa Concilium gene-  
„ rale, universalem Ecclesiam repræsentans,  
„ actu legitime congregatum super declaratis  
„ in præfata veritate, aut aliquo eorum, sine  
„ ejus consensu nullatenus auctoritative potest  
„ dissolvere, aut ad aliud tempus prorogare,

**86 Contr. 1. §. 1. Expenduntur aſſerētis argumenta**  
„ aut de loco in locum transferre , est veritas  
„ fidei Catholicæ.

„ Veritatibus duabus prædictis pertinaciter  
„ repugnans , est censendus hæreticus. „ Hæ  
igitur tres conclusiones sunt in Sess. 33. 26.  
Maj. 1439. approbatæ , declaratumque eas ef-  
ſe fidei Catholicæ veritates , ab omnibus affir-  
mandas.

Quid multa ? proceſſerunt ad damnationem  
Eugenii 25. Junii ; ad electionem vero alterius  
Pontificis , Sabaudix Ducis Amadæi 4. Nov.  
1439. confirmarunt electionem ab Amadæo ac-  
ceptatam , eumque coronarunt denique , ac Fe-  
licem V. dixere.

23. Hæ duorum CC. Conſtantiensis , & Ba-  
ſileenſis auctoritates ſunt baſes præcipuæ , qui-  
bus nituntur , quas præ manibus habemus ,  
vindiciæ. Et quoniam tam varius de utraque  
hac ſynodo in utramque partem rumor eſt ;  
ut ipſimet nonnunquam eruditi hæſitent , quid  
ſentiendum putent : propterea neceſſarium du-  
xi , rerum geſtarum ſeriem pluribus paulo ,  
ſed exacte exponere. His enim cognitis diju-  
dicari facilius poterit , quid argumenta inde à  
Vindice petita ponderis habeant. Interim pau-  
cis , & quaſi in tranſitu obſerva , Theodulphe ;  
quod , ut ſummæ auctoritatis forent , quæ ex  
Baſileenſi profert ; nihil tamen adjunctarent ipſi-  
us cauſam. Baſileenſes enim videri voluerunt ,  
non ob ſolam morum pravitatem , ſed hæreſin con-  
tumacem , & pertinacem exauctoralle Eugenium.  
Ponderemus nunc , cujus auctoritatis ſint iſta  
decre-

**Contr. I. §. I. Expenduntur assidentia argumenta 87**  
decreta , & facta (de aliis enim nobis sermo non est) Concilii Basileensis. Deinde videamus, num verum sit , quod quasi certissimum prædicat : acta illa esse acceptantibus Germanis , & Gallis.

24. Inprimis motiva credibilitatis pro istis tribus , sic dictis , veritatibus fidei non proferuntur alia , nisi Decretum I , & II. Conc. Constantiensis Sess. IV , & V. Jam vero de sessionum istarum binarum decretis non diffitetur ipsemet Vindex esse ingens dubium , utrum Oecumenica fuerint , ac proinde falli nesciã auctoritate pollentia. Nonnulla quoque in medium protulimus (*h. §. à n. 3.*) quæ Decretorum istorum pondus multum saltem diminuunt : plura in hanc rem qui cupit , adeat Apologiam pro Eugenio IV , in synodo Florentina dictam à Joanne Turrecremata Ord. S. Dom. ; cujus fides suspecta esse non potest Vindici , cum illum inter suæ causæ patronos nominet. *Exstat hæc Apol. apud Hardu. Tom. IX. CC.* Ex quibus omnibus liquet , auctoritatem istarum tam sessionum , quam Decretorum esse certo dubiam. Si est dubia , non potest excludere omnem prudentem de opposito formidinem. Hanc si excludere non potest , neque potest esse motivum credibilitatis sufficiens ad proponendam nobis veritatem fidei. Ex communi enim Doctorum , & confirmata Pontificiis decretis sententia , debent motiva credibilitatis ita esse more humano certa ; ut nul-



88 *Contr. 1. §. 1. Expenduntur asserentis argumenta*  
lam relinquant prudentem formidinem, ne non  
loquutus sit Deus. *Propos. 21. damnata ab Innoc. XI.*

25. Jacent ergo hæ, tam magnifice depræ-  
dicatæ, tres fidei veritates, tum sponte sua  
collapsæ, quia fundamento carent solido: tum  
prostratæ in Conc. Florentino, in quo Eugeni-  
us Papa, consensientibus, & approbantibus mag-  
no numero, summæque voluntate Patribus, Ba-  
sileenses cum suis veritatibus juxta pravum in-  
tellectum illorum, factis demonstratum, dam-  
nat; asserens præter mentem Constantiensis sy-  
nodi interpretatos eas esse Basileenses. Non  
adhæserunt igitur Basileenses Constantiensibus;  
sed, quæ Constantienses tempore trium dubio-  
rum Pontificum constituerant, præter synodi  
mentem interpretati sunt, atque ad veros, ab  
universa Ecclesiâ agnitos, Pontifices perperam  
nisi sunt extendere. Quæ Constantienses ad ex-  
stirpationem ejus, quod Ecclesiâ illo tempore  
dire vexabat, *Schismatis* prudenti consilio de-  
creverant; ea Basileenses in ansam novi Schis-  
matis converterunt. Constantienses universali  
Ecclesiâ, quam turbatam invenerant, pacem  
feliciter restituerunt. Basileenses, quam mag-  
no Sigismundi Imperatoris, aliorumque Regum,  
ac conscriptorum ex nationibus Catholicis præ-  
sulum labore pacatam invenerant, conturba-  
runt novo Schismate: quod illis exprobravit  
Sigismundus. Hoc si est adhærere Constanti-  
ensibus; quid sit in alia omnia abire, nescio.

26. De Synodi ipsius Basileensis auctoritate  
pro tempore, quo alterum eam inter, atque  
Eccle-

**Contr. I. §. I. Expenduntur afferentis argumenta 89**

Ecclesiæ Caput exarsit dissidium , quid sentiendum sit , docet nos Oecumenica , atque ab omni Ecclesia Catholica Christi recepta Synodus Florentina in tribus primis Sess. Ferrariæ celebratis (*h. §. n. 15.*) In Concilio Later. sub Leone X. Synodus Basileensis appellatur Schismaticum , seditiosum , nullius prorsus auctoritatis conciliabulum. De eadem quis Aeneæ Sylvii , post Pii II. , & laudatissimi Cardinalis Juliani sensus fuerit , antea vidimus (*h. §. n. 11.*) An non horum auctoritas præponderat ?

27. At enim posset aliquis tibi , Theodulphe , exoriri scrupulus ex eo , quod Eugenius in Bulla , qua reconciliatus est Basileensibus (*Habetur Sess. 16. Conc. Basil.*) declaraverit , Synodum Basileensem legitime inchoatam , vel se esse continuatam ; revocare se , nullas , atque irritas fuisse , & esse declarare litteras suas omnes contra eam editas &c. seque pure & simpliciter adhærere Synodo. Ex quo videtur tibi forsitan consequens esse : quod facto ipso ostenderit Eugenius , debere se obtemperare Concilio ; quodque probando continuationem Synodi , probaverit pariter ejus acta , inter quæ est etiam illa Decretorum I. & II. Constantiensium instauratio.

28. Hunc tibi ut scrupulum eximam , hæc habe. Adhæsit utique Eugenius Cciao pure , simpliciter , ac sincere ; adhæsissetque constanter , si Basileenses quievissent. Aliud enim de tanti Viri candore , cujus virtutes ejus ætatis scriptores magnopere extollunt , suspicari non

90 *Contr. 1. §. 1. Expenduntur afferentis argumenta*  
licet. Alias etiam postea ad Synodum literas  
dedit 23. Junii 1434. benevoli fui, ac pater-  
ni in eam animi testes.

29. Cæterum nullo verbo in reconciliatio-  
nis bulla innuit, se Concilii imperio coactum  
dissolutionem suam priorem revocare. Sed hanc  
duntaxat mutatz voluntatis suæ rationem ad-  
fert; quod compertum fuerit, ex dissolutione  
illa dissensiones magnas ortas esse, & majores  
timeri posse; propterea, & ex desiderio  
videndi felicem eorum, propter quæ Ccium in-  
dictum, & inchoatum fuerat, exitum se il-  
lam revocare, & declarare, illud legitime in-  
ceptum, & continuatum fuisse. Ac per con-  
sequentem hanc ejus ratihabitionem continua-  
tio reddita est rata. Quia ratihabitionem re-  
trotrahi, & pro mandato convenit haberi. R.  
J. Nec desunt exempla, in quibus Cciorum  
citra consensum summi Pontificis constituta,  
accedente postea ejus consensu, reddita sint firma ac  
rata. Nullo autem modo per hæc declaravit  
Eugenius, aut fassus est, haud potuisse se pro  
sua potestate dissolvere Ccium: sed propter  
causas graves, ac pro pacis, & reip. Christia-  
næ bono voluit sponte concedere aliquid de ju-  
re suo; ut notat Joan. Turrecremata *Lib. 2. C.*  
*100. de Ecclesia.*

30. Major videri posset difficultas moveri  
ex eo, quod Eugenius declaret, nullas atque  
irritas fuisse, & esse literas suas contra hanc  
Synodum editas. Noli perterrefieri, Theodul-  
phe. Hunc scrupulum eximit Titulus de Re-  
*scriptis*

*Contr. 1. §. 1. Expendantur afferentia argumenta. 91*  
*scriptis. L. 1. decretal., ex quo discimus, Rescripta vi-*  
*tiari posse, non solo defectu legitimæ potesta-*  
*tis in Rescribente, sed variis etiam aliis mo-*  
*dis: propter quos eadem literæ post declarari*  
*possunt fuisse & esse nullæ, atque irritæ: ut e.*  
*g. si causæ moventes post deprehendantur non*  
*subsistere, quæ videbantur antea satis graves,*  
*aut non conducere ad finem principalem,*  
*quem sibi Rescribens habebat propositum. Ita*  
*revera Eugenius IV. in reconciliationis Bulla*  
*profitetur: comperisse se, dissolutionem præce-*  
*dentem Concilii non modo nihil conferre*  
*ad finem propositum, sed ex illa potius dis-*  
*sensiones magnas ortas esse, & majores ti-*  
*meri posse, nihilque se optare magis, quam*  
*quod sancta opera (propter quæ indictum, at-*  
*que inchoatum fuerat Ccium) debitum sortian-*  
*tur effectum. Has adducit causas, cur præsa-*  
*tam dissolutionem irritam, & inanem declaret,*  
*& literas contra auctoritatem Concilii editas*  
*fuisse & esse nullas, & irritas. Ex hoc autem*  
*nulla legitima consecutione fluit: Euge-*  
*nius priorem dissolutionem post declaravit, &*  
*ipsemet agnovit irritam, & inanem. Er-*  
*go declaravit, & agnovit se non habuisse legiti-*  
*nam Ccii dissolvendi potestatem. Disputa enim,*  
*sodes, in hunc modum: Omne Rescriptum a*  
*non habente legitimam potestatem profectum, est re-*  
*scriptum, quod fuit ab initio, & est nullum. Er-*  
*go omne rescriptum, quod fuit ab initio, & est nullum,*  
*est rescriptum, a non habente legitimam potestatem*  
*profe-*

92 *Contr. I. §. 1. Expēduntur afferentis argumenta profectum.* Clamabit omnis tyronum Dialecticorum turba cum sibilo; peccare te in regulas Conversionis, ac perinde esse, ac si concluderes: *Omnis homo est animal; ergo omne animal est homo.* Multis sane aliis, ex causis potest Rescriptum fuisse, & esse nullum; ac tale post declarari, atque agnosci ab ipsomet rescribente, ut fit non nunquam, quin propterea sequatur, caruisse cum legitima potestate.

31. Multo autem minus Eugenius probare, & rata habere voluit acta istius dissidii tempore omnia. Non enim semper Romani Pontifices, dum Ccīa probant, probant acta eorum omnia. Sed quædam mutant, imminuunt, corrigunt, quibusdam etiam palam contradicunt, prout visum fuerit in Domino. Ita S. Leo Conc. Chalcedonenſis acta cætera probans, extremis tamen decretis ejus, sine Legatorum suorum assensu constitutis, non semel, & graviter contradixit. Minime vero omnium in animo habuit Eugenius, approbare, quæ contra se, ac Pontificiam potestatem tempore dissidii acta noverat.

Nam teste eodem Joan. Turrecremata, qui Florentinæ Synodo interfuit, Eugenius in ea interrogatus, an unquam hæc Basileensia decreta calculo suo confirmarit, respondit: *Nos quidem bene Ccīi progressum approbavimus, ut nempe eo, quo coeperat, pede progresseretur; non tamen ejus decreta approbavimus, nec approbamus.* Hæc ex ore ipsius Eugenii à se audita refert Turrecremata. Adverte animam

**Contr. 1. §. I. Expenduntur asserentis argumenta 93**  
 mum diligenter , Theodulphe : Approbaverat  
 Eugenius , ut Cœcium progredieretur eo pede,  
 quo cœperat. Cœperat autem Sessione I ; in  
 qua , quid statuerit , jam legisti. (*h. §. n. 19.*)  
 32. Verba ipsa , quibus in Bulla reconcilia-  
 tionis Eugenius utitur , dubitare nos nulla ra-  
 tione sinunt ; quænam acta præcedentia rata  
 habuerit. Ait enim : declaramus..... „ Om-  
 „ nia , ad ea , pro quibus convenerant ; spectan-  
 „ tia decreta , & decernenda , rata , firmaque  
 „ esse oportere , perinde ac si nulla dissolutio  
 „ facta fuisset. „ Convenerant autem propter  
 tria illa Capita , quæ supra [*h. §. n. 19.*] re-  
 censuimus , atque ipsemet in dictæ Bullæ ini-  
 tio commemorat Eugenius. At illa vero mi-  
 nime pertinebant , quæ contra Eugeni-  
 um tam primæ , quam secundæ dissensio-  
 nis tempore decreverunt Basileenses. Imo ad hæc  
 perficienda plurimum ponebant obstaculi ita ,  
 ut merito ipsis non semel exprobaverint non  
 modo Eugenius , sed etiam Sigismundus Imp.  
 & aliorum Principum Legati : Ipsos , qui glo-  
 rientur se pro pace stabilienda convenisse ,  
 suscitare discordias : Quo pacto promoturos u-  
 nionem cum Bohemis , & Græcis ; qui Catho-  
 licos ipsos , & Latinos Schismate inter se se  
 moliantur collidere , & committere. Quæ cer-  
 te nunquam se approbasse , nec approbare o-  
 stendit Eugenius in Constitutione *Moyse*. lata ,  
 sacro approbante Concilio. (*Vid. supra h. §. n.*  
*15. lit. a.*)

33. Videamus nunc etiam , an hæc gesta  
 sint

**24. Contr. I. §. I. Expendantur assentientis argumenta**  
sint à Basileensibus, acceptantibus Germanis,  
& Gallis. Acceptata à Germanis, & Gallis  
concordata quædam, assentiente etiam interim  
Eugenio IV, jam supra indicavimus (*h. §. n.*  
*20.*) Verum hæc ad acta contra Eugenium nul-  
lo modo pertinent, neque de his contentio in  
re præsentis esse ulla ratione potest. Quæ con-  
tra Eugenium insurgentes facere adnisi sunt;  
ea non modo non acceptata fuisse ab utraque  
inclyta hac natione, sed omnimodis repudia-  
ta, detestataque, jam ostensus sum. Etsi ne-  
gare non intendam, fuisse principio non nul-  
lum ad ita dictum Felicem V. non ignobilem  
affluxum.

34. Notandum monet Vindiciarum scriptor,  
pag. 19. N. VIII. lit. C. Germanum, germa-  
nico pane vescientem, debere potius loqui cum  
his, quibuscum vescitur, nec debere esse im-  
memorem honoris suæ nationis, & sui Impe-  
ratoris. Quam præclarum sit hoc monitum,  
nondum disputo; disputabo alibi. Interim quia  
& nos Leodieneses sumus Cives Imperii Roma-  
ni Germanici, ac proinde pane etiam Germa-  
nico vescimur; non ero ita immemor hono-  
ris nationis nostræ, & Imperatorum nostrorum,  
ut eorum defensionem negligendam mihi exi-  
stimem.

35. Cum Sigismundo Imp. mortuo Franco-  
fordiam anno 1438. convenissent ad novum  
Cæsarem subrogandum Imperii Electores, in-  
tellexissentque reciproca Eugenii in Basileenses,  
Basileensium in Eugenium fulmina; neque in

ea

**Contr. 1. §. 1. Expenduntur afferentis argumenta** 95  
ea rerum caligine statuere satis possent, quam  
sibi partem eligendam putarent; Die 18. Mar-  
tii communi consensu decreverunt neutram par-  
tem ad sex menses sequi, & interea nec Pa-  
pæ, nec Basileensium decreta suscipere, testati  
tamen se a sanctæ Sedis obedientia, & reve-  
rentia non discedere. Hoc neutrius partis stu-  
dium, concordix conservandæ nomine ad sex  
menses primo susceptum, sex ipsos annos te-  
nuit, nec Papa illud probante, nec Basileen-  
sibus. An probandum sit, necne, non est no-  
bis necessarium discutere hoc loco. Ut ut e-  
nim se res ista habeat; certo tamen argumen-  
to est, hæc contra Eugenium decreta non  
fuisse a Germanis acceptata.

36. Anno 1439. in frequentissimo Ordinum  
Imperii conventu Francofurto Moguntiam trans-  
lato, Principes Germaniæ instantibus Legatis  
Basileensium acceptarunt omnia Concilii Ba-  
sileensis decreta, exceptis iis, *quæ ad iudicium  
contra Papam quoquo modo spectarent.* Hoc fa-  
ctum 26. Mart. a. e... Post tentatam a Basileen-  
sibus 26. Junii exauctorationem Eugenii, missi  
iterum ad Comitia Moguntina Legati eorum  
obnixè egerunt omnia, ut ab Imperii Ordini-  
bus obtinerent sententiæ a se latæ acceptatio-  
nem: sed repulsam passi sunt, Principibus neu-  
trius partis studium adhuc retinendum statuen-  
tibus. In quo consilio se magis obfirmarunt  
in Francofordiensi conventu, post Albertum  
Cæsarem 27. Oct. mortuum, congregato: in  
quo 4. Februarii 1440, Fridericus, Austriæ  
Dux,



96 *Contr. 1. §. 1. Expenduntur afferentis argumenta*  
Dux, Cæsar renuntiatus, Legatis Basileensium  
eodem convolantibus, ut electum a se Amade-  
um admittendum urgerent. Cæsaris novi, &  
Principum nomine nihil aliud responsum, ni-  
si, non posse se ab illis, quæ prius statuerant,  
recedere: daturos tamen operam pro viribus,  
ut procurètur pax, & quies Ecclesiæ.

37. Anno 1441. Conventus iterum Mogun-  
tiam ad diem 2. Februarii indictus fuerat, qui  
non modo Legatorum Cæsaris, & Ordinum  
Imperii affluxu, sed & Regum, ac Principum  
exterorum legationibus splendidus fuit. Qui à  
Felice V. quasi Legatus a latere eo missus fue-  
rat Cardinalis Arelatenfis, & alii quidam Car-  
dinales, ad alloquium ea tantum lege admissi  
sunt, ut ille legationis insignia, hi purpureos  
Galeros domi relinquerent. Tridentinum E-  
piscopum, quem Cardinalem, & Patriarcham  
Aquileensem appellabant, Viennam a Basileen-  
sibus legatum, Cæsar sine rubro pileo venire  
jussu, suscepit: Nuntii, a Basileensibus ad  
explorandos Principum animos per Germani-  
am dimissi, renuntiaverunt, majorem Princi-  
pum partem inclinatam esse ad Eugenium.  
Possent complura alia adduci, ex quibus elu-  
cet, Germaniæ Principes, ac populos ista ad-  
versus Eugenium judicia Basileensium & ante-  
quam fierent, exhorruisse, modisque omnibus  
impedire conatos; & postquam facta sunt, ac-  
ceptare constanter renuisse.

38. A Germanis progrediamur ad Gallos,  
Quamquam enim Vindex illorum auctoritatem,  
dum

**Contr. 1. §. 1. Expenduntur afferentis argumenta 97**  
dum sibi adversantur, nullo loco ducenda  
promittet, *Princip. 5.* Hic tamen eos pro  
se allegat: videamus, quam vere. Simon Vigo-  
rius quidem, ex quinque fundatoribus novæ  
Ecclesiæ Jansenianæ non postremus, prædicat,  
a Gallis Basileense Concilium, tamquam regni  
Gallici Palladium, habitum fuisse, ejusque De-  
creta tanti æstimata, ac si de cælo ad refor-  
mationem integræ Ecclesiæ delapsa essent. Sed  
mendacii convincit hominem. Conventus Epif-  
coporum, & Procerum Galliarum non multo post electi-  
onem Amadæi Biturigæ a Rege Carolo VII. evocatus:  
In quo Rex, cum Episcoporum, & Procerum  
multitudine, auditis hinc Eugenii, inde Basi-  
leensium legationibus, re mature cum suis dis-  
cussa, Die 2. Septembris per Episcopum Cla-  
romontensem exprobrari imprimitis jussit Basi-  
leensibus, quod a se moniti, & rogati diligen-  
tissime nuntiis, & literis, ut a judicio contra  
Eugenium supersederent, illi nihilominus spre-  
tis suis precibus Pontificatu illum dejecerint,  
& alium subrogaverint. Deinde declarat se ex  
consilio conventus statuisse perseverare in obe-  
dientia Eugenii Pontificis, nec alium recog-  
noscere Romanum Pontificem, quam Eugeni-  
um &c. Laboraverit conventus hic alio quo-  
dam vitio, propter quod reprobrari meruerit:  
quod non est hujus loci discutere: tamen liquet ex  
eo, Basileensium contra Eugenium judicia neque a  
Galliæ Rege Carolo VII, neque ab Episcopis, neque a  
Proceribus, ac proinde neque etiam a populo fu-  
isse acceptata. Ex quo concludit Duvallius

98 *Contr. 1. §. 1. Expenduntur assirentis argumenta*  
 Doctor Sorbonicus *Tract. de Supr. Rom. Pontif. Potest. in Proœm. Q. 3.* pessime multos suæ ætate sibi, aliisque persuadere, instar Palladii a majoribus habitum Conc. Basileense; cum habitum potius fuerit instar equi Trojani, & Sejani.

39. Ne tamen subdole aliquid reticere vel le videar; non inficiabor, Galliæ Episcopos alio conventu, 30. Jan. 1432. in eadem urbe Bituricensi habito, censuisse, Concilium Basileæ legitime inceptum, ibi potius continuandum, quam alio transferendum. At non deposuere propterea debitam Pontifici obedientiam, sed Legatos ad eum destinaverunt, rogaturos; ut pro Reip. Christianæ commodo dissolutionem Ccii revocet, sinatque Basileæ esse Concilium.

40. Credidissesne, mi Theodulphe, tot in paucis, quæ ex Vindiciis protuli (*h. §. n. 2. & 13.*) verbis delitescere fallacias, a vero longissime remotas? An non miraris, hæc a tanto viro ea fronte potuisse in orbem literatum spargi, proinde ac si vel periissent omnia historiarum monumenta, ex quibus argui falsitatis posset; vel neminem ullum credidisset existere, qui hæc ei ponere ob oculos auderet; sed omnes IPSI DICENTI cæce assensuros existimasset. Videri posset forte quibusdam, fuisse se satis futurum, si in falsitates istas digitorum paucis intendissem. Verum quia non solus Vindiciarum scriptor, sed alii etiam, nempe Simonis Vigorii nepotes, hoc in argumento Decre-

ta

*Contr. l. §. 1. Expenduntur afferentis argumenta.* 99  
ta ista Constantiensia, & Basileensia vafritie  
summa ita obijciunt legentium oculis; ut ni-  
hil facilius sit, quam in fraudem adduci mi-  
nus peritos: propterea non indicandas solum,  
sed pro viribus etiam refellendas istas offucias  
duxi.

41. Auctoritatem demum trium Clarissimo-  
rum ex S. Dominici familia luminum appellat  
pag. 21. N. VIII. lit. h. Sunt hi Joannes de Tur-  
recremata Card., Sylvester Prieras S. Palat. Mag.,  
Franciscus Victoria Parisiensis. Primi auctori-  
tatem a Natali Alexandro muniri ait auctori-  
tate Cardinalium Clementis Moniliani, & Mi-  
chaëlis, postea S. Pii V.

42. Si sequi vellem Princip. IV, & V. Vin-  
dicis, & legem ab eo latam pag. 18. N. V.,  
nihil foret facilius, quam disflare omnes istas  
auctoritates. Franciscus Victoria enim fuit Gal-  
lus; Galli autem non debent in hoc negotio  
fufcipi, Ipsomet dicente; omnes fuerunt pri-  
vati, & Recentiores. At fuere tres inter il-  
los Cardinales. Fuit etiam Baronius Cardina-  
lis; cui tamen propterea auctoritatem publi-  
cam tribuendam non putat Vindex. Sed per-  
pendamus ipsorummet dicta.

43. Turrecremata Lib 3. Sum. de Ecclef.  
Cap. 10, nihil aliud asserit, quam Cciorum  
congregationem utilem esse ad refranandas ex-  
orbitantias quorundam Pontificum, qui Ponti-  
ficatum suum aut spretis SS. Patrum regulis pro  
voluntate exercent, aut simoniaca pravitate de-  
honestant, aut seculi vanitate, & vita scanda-

100 *Contr. I. §. 1. Expenduntur afferentis argumē-*  
*losa confundunt.* Nihil dicit de Pontificum ex-  
 orbitantiis refranandis per exauktionem ;  
 de qua sola hic quæstio est. Aut forte ad per-  
 sananda, vel refrananda capitis vitia aliud me-  
 dium non superest ; nisi ut illud amputes ? At  
 pergit Card. Turrecremata : „ Hujus causa  
 „ congregatum legitur Ccium Episcoporum I-  
 „ talia per Imperatorem Romæ contra Joan-  
 „ nem XII, qui venator, & lubricus publi-  
 „ cus, & incorrigibilis erat. „ Hæc dici non  
 nego ; fateor etiam Conc. istud potuisse eum  
 ad finem esse perutile, si PP. intra præscrip-  
 tos a jure terminos se continuissent. Subjungit  
 ibidem Turrecremata ex Hormisdæ Epistola ad  
 Episcopos Hispaniæ hæc verba : „ Difficile est  
 „ ut cujusquam cor sic induretur, ut in se  
 „ patiatur culpandus fieri ; cum noverit judi-  
 „ cium subeundum Concilii. „ Verum Hor-  
 misda non loquitur de judicio Concilii, quod  
 Papa, sed quod alii inferiores Papa subire de-  
 beant. Manifestum id erit cuilibet legenti E-  
 pistolam totam *apud Hardu. T. I. pag. 1019.* Cæ-  
 terum quæ fuerit Turrecrematæ de suprema  
 Rom. Pontificis potestate, nulli humano judi-  
 cio obnoxia, sententia, ostendit in *Apologia*  
*pro Eugenio IV.* a se in Conc. Florentino di-  
 cta. Nisi idem Card. de Turrecremata, ubi  
 vel obscurissime videtur favere Vindici, sum-  
 mus ; ubi aperte adversatur, nullus est. Est  
 hoc ipsi solenne,

44. Sylvester in. *Sum. Verb. Papa*, hæc ha-  
 bet : „ Quod si Papa suis moribus destruit Ec-  
 cle-

„ clesiam Dei , potest convocari Ccium contra  
„ ejus voluntatem ; ut per illud Papa monea-  
„ tur , & Deus invocetur , & resistendo ma-  
„ lis remedium apponatur. „ Nullum hic de  
Papa exauctorando verbum. Resistendum sane  
malis , sive morbis languentis Capitis , & his  
resistendo remedium apponendum. Ast præci-  
dere caput, estne malis ejus remedium appone-  
re ? Alia media præscribit Sylvester , ceu Me-  
dicus, non carnifex ; *ut Papa moneatur , & De-  
us invocetur* , vel ad inflectendum sua gratia  
Papæ cor , quod in manu Domini est ; vel ad  
exorandum aliud a Divina Providentia sua re-  
medium.

45. Franciscus Victoria *Lib. de Potest. Pap. &  
Conc. prop. 23.* loquitur in hæc verba : „ Prop-  
„ ter injustas dispensationes , vel alia mandata  
„ insolentia , quæ in perniciem Ecclesiæ proce-  
„ dunt , posset convocari , & congregari Cci-  
„ um , contra voluntatem Papæ , ut ei resi-  
„ steret , & obviaret. „ Et laudat Sylvestrum,  
ac Turrecremata , inquit Nat. Alexander. Be-  
ne habet. Si hos laudat ; loquitur ex eorum  
sententia. Quod igitur de his duobus dictum,  
etiam de Franc. Victoria dicendum. Idem Franc.  
Victoria Relect. 4. prop. 5. Sententiam Gersonis, plus  
potestatis Ccio, quam Pontifici tribuentem, non du-  
bitat vocare haud procul distantem a Schismate, imo  
pestilentem. Gersonis pietatem , & eruditio-  
nem veneror , ejusque sententiam tempore  
Schismatis scriptam , dum tres de Pontificatu  
contenderent , non reputabo plane pro eo tem-

102 *Contr. 1. §. 1. Expenduntur afferentis argumē-*  
pore falsam , si ejus substantiam spectemus.  
Hoc volo duntaxat arguere ex isto Francisci  
Victoria dicto , nulla ratione favere eum cau-  
sæ Vindicis. Imo illam tota illa prælectione  
acerrime impugnât.

46. Vindiciarum Scriptor pag. 35. N. XXIII.  
supercilium attollens ratiocinatur pro more suo  
gravitate Pythagorica in hunc modum : „ Pa-  
„ pam potuisse suo genio vivere , omnia sus-  
„ que deque vertere in spiritualibus , & tem-  
„ poralibus , omne judicium defugere , modo  
„ non esset hæreticus , aut in Schismate ele-  
„ ctus... Ex nullo genuino canone ostendi po-  
„ test. „

47. Genuinum canonem non unum attulit  
Vindicis Antithesista , ut ostenderet , Papam  
certum , ab universa Ecclesia acceptatum , nec  
sponte juri suo cedentem , lege nulla adstringi  
ab subeundum ullum judicium humanum , sive  
Imperatoris , sive Synodi aut particularis , aut  
universalis ; nisi deprehendatur a fide devius.  
Ad ista quam nihil aptum Vindex respondeat ,  
mox videbimus §. *seq.*... Oporteret ab ipso pro-  
ferri genuinam legem , aut Canonem , quo co-  
gatur ex necessitate Papa ad subeundum Syno-  
di , præsertim particularis , judicium. Ejusmo-  
di genuina lex nullibi exstat , nisi in Pythago-  
ræ vestri cerebro. Nullam certe protulit hacten-  
us , nullam proferet unquam.

48. Non tamen inde consequitur , posse Pa-  
pam suo genio vivere ; omnia susque deque ver-  
tere in temporalibus , & spiritualibus ; omne ju-

**Cont. I. §. I. Expenduntur afferentis argum.** 103  
judicium defugere. Ut enim nulli obnoxius  
sit humano judicio, divinum tamen nec vivus,  
nec mortuus effugiet; ubi severissimam facto-  
rum suorum cogetur rationem reddere, ac  
pœnas tanto graviores dabit, quanto sublimio-  
ri in fastigio collocatus, pernicioso suo exem-  
plo plus aliis nocuerit. *Potentes potenter tor-  
menta patientur.* Neque in hoc plus difficul-  
tatis est, quam in Regibus, & Principibus,  
nullum in terris Superiorem habentibus. Qui-  
bus, etsi nullo humano judicio possint coer-  
ceri, non tamen licet, quod libet.

49. „ Quid si, interrogat Vindex pag. 23.  
„ N. XX, Exim. Antithesista tunc fuisset Theo-  
„ logus Ottonis M., consultusque desuper res-  
„ pondisset, nefas esse resistere Pontifici extra  
„ duos casus, committendum illum solius Dei  
„ judicio, non posse illum dethronifari, eti-  
„ amsi monita sperneret, perniciemque ulti-  
„ mam & Romæ, & Imperio in temporali-  
„ bus inferret, quia per hoc nondum esset  
„ hæreticus. Quid factum fuisset Ecclesiæ Ro-  
„ manæ, & Imperio, si Otto per simplicita-  
„ tem suo Theologo credidisset? „ Hoc ha-  
bet Antithesista! quo se jam vertet?

50. Si quem tunc Otto in illo suo doloris,  
juste quidem ex Joannis in se perfidia concep-  
ti, æstu consulisset Theologum gnavum, &  
cordatum; potuisset is quidem respondere, ne-  
fas haud esse resistere Pontifici cum hoste col-  
ludenti, ita tamen, ut non transiliret potesta-  
tis suæ terminos. De præcipitando autem e



104 *Contr. I. §. I. Expenduntur afferentis argum.*  
throno Pontificio Joanne si consultus fuisset ;  
debuisset omnino , proposito sibi etiam capitis  
periculo , cum reverentia omni , libere tamen ,  
S. Joannis Baptist. exemplo respondere : *Non  
licet tibi Cæsar. Non licet vobis PP.* ex par-  
ticulari Rom. Provincia conscripti. Simplici-  
tas alia est prudentiæ expers , quæ vituperio ;  
alia carens dolo , non prudentiâ , quæ laudi est ,  
& commendata a Christo Domino dicente : *Es-  
sote prudentes sicut serpentes , & simplices sicut co-  
lumba.* Quod si ergo Theologo suo hæc res-  
pondenti credidisset Otto ; fuisset illa prudens ,  
& sancta simplicitas.

§ I. Heus tu autem , quid tum factum fuis-  
set Ecclesiæ Romanæ , & Imperio ? Detrudi  
folio suo Joannem nec necessarium , nec con-  
veniens fuit mali persanandi remedium. Non  
necessarium ; quia Cæsari tam potenti non de-  
erant alia Imperio , si periclitabatur , succur-  
rendi media. Ecclesiæ fides non periclitabatur ;  
quia nulla tum exorta hæresis memoratur ab  
istius historiæ scriptoribus. Si Ecclesiæ disci-  
plina periclitata fuit ; poterant adhiberi me-  
dia , quæ adhibita fuerunt simili in calamitate  
temporum alias. Non fuisse etiam conveniens  
remedium , patet. Uti enim in infirmitatibus  
corporis si accommodatam statui morbi medi-  
cinam non porrexerit Medicus : non levatur  
malum , sed magis ingravescit : ita & irritatus  
violento , atque alieno remedio isto morbus in-  
valuuit ferocius ; atque invaluisse magis ; nisi  
Deus , cujus solius judicio reservabatur Joan-  
nes,

**Contr. 1. §. 1. Expenduntur afferentis argum** 109  
 nes , medelam attulisset præsentiore. Sed ne  
 sublato quidem e vivis Joanne extinctum fuit  
 schisma , sed succrevit , Deo permittente , ex  
 primo alterum , Benedictum V. inter & Leo-  
 nem VIII. Quod non nisi Benedicto cedente ,  
 & Leone vita functo, tandem sedatum est. Tam  
 perniciosa res est Schisma. Incendi facile po-  
 test , ægre extingui.

52. Favete Linguis. Perorat. pag. 32. ead.  
 ad calcem Nri XX. „ An Theologus Ottonis  
 „ respondere debuisset ex irreperibilibus dictis  
 „ Bonifacii M. apud Gratianum Can. 6. si Pa-  
 „ pa Dist. 40. *Pape culpas istic redarguere prasu-*  
 „ *mit mortalium nullus, tametsi innumerabiles po-*  
 „ *pulos catervatim secum ducat in Gehennam, quia*  
 „ *cunctos ipse judicaturus a nemine est judicandus,*  
 „ *nisi deprehendatur a fide devius?* An propter  
 „ hunc fragilis auctoritatis textum Joannes XII.  
 „ in suo furore , vesania , & vastatione Eccle-  
 „ siæ relinquendus fuisset , donec ipsum Deus  
 „ e medio sustulisset ? „

53. Debuisset omnino respondere ita Ot-  
 tonis Theologus. Non possint reperiri ista Bo-  
 nifacii M. dicta , quæ reperiuntur apud Gra-  
 tianum ; sint plane conficta , si vis. Quid no-  
 stra ? Nec Ivone , nec Burchardo , nec Isido-  
 ro , nec Gratiano nititur , aut indiget Ecclesia  
 Catholica. Nec plus auctoritatis tribuimus i-  
 stis , quam per se se habeant illa , quæ profe-  
 runt. Hæc si falsa probentur , non pluris eos  
 facimus , quam Pythagoram. Interim confer  
 illa , quæ feruntur , Bonifacii M. dicta cum

106 *Contr. 1. §. 1. Expenduntur assertus argum.*  
 Mathæi Capite 23. *super Cathedram Moysi &c.*  
 videbis congruere ad amissim. Si fragilis i-  
 gitur auctoritatis iste apud Gratianum textus  
 est ; fragilis pariter auctoritatis est ille textus  
 apud Matthæum. Non tamen propterea relin-  
 quendum fuisse in suo furore Joannem dico.  
 Poterat is cohiberi remediis aliis opportunis.

54. Vocem nunc tollens altius exclamat ibi-  
 dem : „ Teneat talia , qui volet. Nos tene-  
 „ mus , ab ovili Christi arcendum esse quem-  
 „ libet , qui ex Pastore fit lupus , sive lupus  
 „ fiat propter hæresin , sive propter alias cau-  
 „ sas ; satis est , quod sit lupus. „ DIXIT ,  
 & hoc dicens forte instar Jovis in Lycaonem  
 irati apud Ovid. L. 1. Metam. (a)

*Terrificam capitis consussit terque , quaterque  
 Cesariem ; cum qua cælum , mare , sidera movit.*

(a) Lycaoni a Græca voce *λύκος* , lupus ,  
 nomen imposuerunt Poëtæ ; eumque ob cru-  
 delitatem , morumque feritatem in lupum  
 a Jove mutatum fingunt.

55. Magnum profecto ostendit zelum pro  
 ovili Christi. Optem & ego , crede mihi  
 Theodulphe , & vehementer optavi pridem ,  
 ab ovili Christi arceri quemlibet , qui sive ex  
 pastore , sive ex ove fiat lupus. Sed meum ze-  
 lum non esse secundum scientiam , didici ex  
 Patre-familias dicente : *finite utraque crescere  
 usque ad messem : & in tempore messis dicam mes-  
 soribus : colligite primum zizania &c. Matth. 13.  
 v. 30. An vero ipsius zelus sit secundum sci-*  
 enti-

**Contr. I. §. I. Expenduntur assertantis argum.** 107  
entiam, videamus. Utinam, O noster Pythago-  
ra, præsens adfuisses sermoni Domini habi-  
to ad turbas, & discipulos Matth. 23. *super*  
*Cathedram Moysi* &c. Tum tu finito sermone  
accessisses, blandè Dominum compellans: Ma-  
gister bone, ut tu nobis depingis Scribas, &  
Pharisæos, veniunt ad nos in vestimentis ovi-  
um, intrinsecus autem sunt lupi rapaces. A qui-  
bus nobis attendendum monuisti nuper, *Matth.*  
*7. v. 15.* Quin ergo jubes eos præcipites da-  
ri de Cathedra Moysi? Dicunt nobis quidem,  
quæ præcepit Moyses. Quid tum? sunt tamen  
lupi: hoc satis est. Respondisset, ni fallor,  
divinus Magister: Nescis, cujus Spiritus sis:  
sicut simili responso præcoquum discipulorum  
zelum repressit *Luc. 9. v. 55.*

56. Queritur pag. 31. N. XX. negari as-  
sertum suum ab Antithesista contra allegatas  
suas auctoritates N. VIII. lit. h, & N. XVII,  
imo contra sanum sensum. Auctoritates ab ip-  
so allegatas appendimus in statera. An quid-  
quam pro suis assertis ponderis habeant; judi-  
cent, quorum est. Card. Juliani, credo, au-  
ctoritatem despectam dolet. Sed tantum abest,  
eam ut despiciamus; ut longe præferamus cæ-  
teris, quas allegavit, omnibus, ac summe vene-  
remur (*h. §. n. II.*) Negat assertum antithesi-  
sta contra sensum Vindicis, Sed an ejus sen-  
sus solus sanus? an aliorum omnium, IPSI di-  
centi non assentientium, insanus? An ipsius sen-  
sus sanior, quam Synodi VIII. Oecumenicæ  
sub

108 *Contr. I. §. I. Expendantur afferentis argum.*  
sub Adriano II, & tot aliarum, quarum mentionem partim fecimus, partim faciemus?

57. Sed tandem a me expectabis, Theodulphe, ut edisseram, quo demum modo malis, & incommodis occurrere possit Ecclesia, quæ promanare in Dei populum contingeret ex male feriat Pontificis moribus. Nihil dicam PRÆSIDE ME, sed quæ in veterum monumentis inveni, referam. Posset congregata Synodus monere cum reverentia Pontificem, eumque exhortari ad morum emendationem. Fecit id cum aliquot Cardinalibus S. Bruno Sigi-niensis, Paschalem II. reverenter admonens, ut refert Petrus Diac. *Lib. 4. Chron. Cassin. C. 42.* Eodem reverentis admonitionis officio functus est Wilhelmus Reomanensis Abbas erga Joannem XIX, data ad illum Epistola verecunde monitoria, &, ut ait, filiationis diligentia, filiali dilectione. Hanc Epistolam Glaber L. 4. *Hist. C. 1.* inseruit. S. Bernardus Abbas Clarav. multa præclara monita, materno, ut inquit, affectu suggessit Eugenio in *Libb. de Confid.* Possent & Principes Pontificem arguere, obsecrare, increpare, ad officium ut redeat. Quod ab Ottone M. factum non semel in Joanne XII, omni reprehensione caret. Ita cum Alexander VI. non ea, qua par erat, morum integritate Romæ viveret; Emmanuel, Lusitanix Rex, & Ferdinandus Rex Catholicus Legatione Romam missa, non illata vi, non intentatis minis. sed cum veneratione gravitati admixta admonuerunt officii Pontificem: nec  
inani

inani opera, ut narrat Olorius *Lib. I. de Rebus Emman.* Quamadmodum autem quivis mortalium lege tam naturali, quam divina obstringitur, ut declinet a vitiis, pravos mores corrigit, salutaria consilia non contemnat: eadem lege, quæ neminem habet eximium, tenebitur & ipse Romanus Pontifex. Quod nisi faxit obstinato in malitia animo, invocari Deus posset, ex Sylvestri supra nominati consilio; ac divino esset permittendus iudicio.

**§. 2. Quomodo argumenta sibi opposita solvat.**

1. Ad lapidem lydium si examinaveris omnia, quæ pro Thesîs suæ causâ peroravit acer Patronus; videbis, Theodulphe, alia esse (si plusculum aliquid, quam mereantur, largiri iis volueris) levissimi ad summum ponderis; alia nullius; alia nihil juvare ipsius causam; sed potius nocere ei plurimum. At forte pessumdedit penitus sui Antithesitæ momenta. Aut forsitan in illum conveniet, quod de Lactantio ait D. Hieronymus *de Script. Eccles. it. Epist. 13. ad Paulin.* Lactantius, quasi quidam fluvius eloquentiæ Tullianæ, utinam tam nostrâ confirmare potuisset, quam facile aliena destruxit. At vero, quam parum Noster confirmare sua potuit, tam parum destruxit aliena. Adverte animum, Theodulphe! Sed noli oblivisci, quod semper debes memoria tenere: non quæri, an *facti veritas* a multis probata sit; sed

110 *Contr. 1. §. 2. Quomodo argum. opposita solvat.*  
sed an factum hoc *velut jure factum* approban-  
dum, aut approbatum sit; & a cujus auctori-  
tatis scriptoribus.

2. Bonus Antithesista magnum quid præsti-  
tisse se existimavit; dum ei opposuit auctori-  
tatem nobilissimorum historicorum, Hyacinti  
de Graveson, Pagi, Du Mesnil, Natalis Ale-  
xandri, Cardinalis Baronii, Petri de Marca  
Archipræfulis Parisiensis, qui jure factum  
negant. Horum ille auctoritatem. (*Proem. §.*  
*5. n. 32.*) non curat, quia suspecta, nec co-  
æva, nec suppar, nec nixa auctoritate publi-  
ca. &c. Præponderantem his opponit auctori-  
tatem minime suspectam, coævam, aut sup-  
parem, nixam auctoritate publica, vel sensu  
communi Ecclesiæ, aut Doctorum ejus tempo-  
ris. Quosnam ergo producit tam graves au-  
ctores, qui velut jure factam depositionem Jo-  
annis XII. approbent? Jam meministi, Theo-  
dulphe: Continuatores Luitprandinum, igno-  
tum nobis hominem, & cui ipsemet non satis  
fidat; Continuatores Reginonis, quos credit fu-  
isse ascetas Prumienses, non audet tamen asse-  
rere, certo igitur nobis ignotos. Auctorem  
Gestorum Trevirensium, non minus privatum,  
& quem Ottoni minime coævum fatetur pag.  
19. *N. VIII. lit. d.*, Sigebertum Abbatem  
Gemblacensem (Non in terra nostra Leodien-  
si, ut ipse ait, sed Brabantina: quod tamen  
facile ipsi erratum condono; nec est ad rem)  
Quem hominem! quod Lumen Ecclesiæ! No-  
sti, Theodulphe: Schismaticum, & menda-  
cem!

**Contr. 1. §. 1. Quomodo argum. opposita solvat. 111**  
cem. His addit PRÆSIDEM SE, qui unus est  
instar mille aliorum. Pudet me tui, & au-  
ctoritatum a te allegatarum, miser, & sim-  
plex Antithesista. Ad auctoritatum ab Ipso al-  
legatarum splendissimum lumen tuæ evanes-  
cunt, ut ad solis ortum minores stellæ. Sero-  
venit Du Mesnelius tuus, e pulpito suo dicens,  
quadraginta Episcopos in illa Synodo factos Ex-  
communicationi obnoxios. Duplex præterea in  
isto homine est grave vitium, quod & Jesui-  
ta sit, & Gallus. *Princip. V.*

3. Audi vero, Theodulphe, quam egregie  
Cardinalis Baronii auctoritatem exosset. pag. 18.  
N. VI. Ubi inquit ore ad omnem majestatem  
composito: „ De magno historiæ Ecclesiasti-  
„ cæ parente Cardinale Baronio sentimus, il-  
„ lum maximi nomen meriturum fuisse: si in-  
„ tra eos fines mansisset, quos sibi velut hi-  
„ storico præscripsit Otto Frisingensis Episc.  
„ Lib. 6. Cap. 3. in hac ipsa causa Joannis  
„ XII, dum relata breviter historia sic scri-  
„ bit: *Quæ omnia utrum licite, an secus acta*  
„ *sint, dicere, presentis non est operis. Res e-*  
„ *nim gestas scribere, non gestarum rerum ratio-*  
„ *nem reddere, proposuimus; si, inquam, Ba-*  
„ *ronius in his, & in pluribus aliis non dis-*  
„ *putasset super jure, cum jura ex profes-*  
„ *so non didicerit, multo minus Jctus*  
„ *graduatus fuerit. Historicus, qui super alio,*  
„ *quam facto disputat, evadit advocatus,*  
„ *aut sectator partium. Videbimus autem,*  
„ *quam male propriæ suæ Ecclesiæ Romanæ*

in



*Cont. 1. §. 1. Quomodo argum. opposita solvant* 115  
singula. Plus solidæ eruditionis in quarta pa-  
ginæ cujuscvis parte reperias , quam in totis  
ICti illius graduati Vindiciis. Petrus Coustant  
in suæ Præfationis Part. 3. §. 11. pag. 141.  
hoc Baronio tribuit encomium. „ In hoc stu-  
„ dio insignem præ cæteris laudem tulit Card.  
„ Baronius ; cujus annales jure dixeris locu-  
„ plerissimum literariæ rei penum. „ Et cre-  
de mihi , postquam illius ICti folia in piperis  
cucullos conversa , aut aliter abolita fuerint ;  
fulgebunt in Bibliothecarum quarumlibet nobi-  
liorum forulis volumina Baronii.

Quandoquidem igitur cessit Ipsi ex senten-  
tia<sup>2</sup>, alienas auctoritates tam facile ut destru-  
eret ; progrediamur ad reliqua. Antithesista  
statuerat hunc syllogismum ; „ Inferior non po-  
„ test judicare , multo minus deponere supe-  
„ riorem ; Synodus autem particularis (talís e-  
„ rat , quæ Joannem XII. deposuit) est Roma-  
„ no Pontifice inferior. Concludit Nat. Alex-  
„ ander : Non potuit ergo Romana Synodus ,  
„ ex quibuscumque solum Italiæ , & Germaniæ  
„ Episcopis congregata , Joannem XII. Ponti-  
„ ficem Max. deponere. Majorem , pergit  
„ Antithesista , in hoc Syllogismo propositio-  
„ nem qui aut neget , aut in dubium vocet ,  
„ non arbitror esse aliquem. „ Vulgo crede-  
batur hætenus , esse hoc certum juris tam na-  
turalis , quam divini positivi , & humani tam  
sacri , quam civilis principium. Ipsi autem  
ingenium , supra vulgus despectans , modum re-  
perit , quo illud destrueret.

6. Ac primo quidem agit per cuniculos. Cum obmovisset ei Antithesista ex Concilio Romano sub Adriano II, scitum hoc : „ Prop-  
 „ ter quam (hæresin) solum licitum est mino-  
 „ ribus Majorum suorum motibus resistere ,  
 „ vel pravos motus respuere. „ Respondet : „  
 „ utique solus hæreseos casus licitum facit mi-  
 „ noribus majorum suorum motibus resistere. „  
*Hæc pag. 30. N. XVIII. Post pag. 31. N. XX.*  
 „ Atqui tamen , exclamat , Papa exauctorabilis  
 „ est ! 1. si , quod nunquam contigit , hære-  
 „ ticus fieret. 2. in Casu schismatis Paparum ;  
 „ ut fatetur Antithesista. „ Sed quorsum ista ?  
 Mihi videntur eo ista tendere , ut Antithesistam  
 suum tacite remittat ad verba Adriani II , qua-  
 si consentientis , principium istud non esse usque-  
 quaque firmum ; siquidem casus hæreseos , &  
 schismatis Paparum licitum faciat minoribus ,  
 majorum suorum motibus resistere.

7. Id si facit , ut facere non occultissime vi-  
 detur , ingeniosus est profectò. Eadem enim  
 arte ex Evangelio persuadere nobis poterit ,  
 cæcos videre , surdos audire , mutos loqui.  
 Quis nisi plane truncus , & caudex , non intelli-  
 git , illa Evangelii verba non accipienda de  
 iis , qui etiamnum cæci , surdi , muti sint , sed  
 qui ante fuerint. Eodem prorsus mo-  
 do etiam in casu hæresis licitum sit minoribus ,  
 resistere eorum motibus , qui majores eorum  
 antea fuerint , sed jam non sint amplius. Pa-  
 pa enim simul atque in manifestam hæresin in-  
 cideret ; desineret esse Papa , caput Ecclesie ,

&

**Contr. I. §. 2. Quomodo argum. opposita solvat** 117  
 & major. Relege , nisi molestum est , dicta  
*Proem. §. 3. n. 1.* Similiter in casu Schismatis  
 Paparum dubiorum nullus est certus Papa , ac  
 proinde nec certe major. Pro tertio casu so-  
 lius incorrigibilis deformitatis morum , quem IP-  
 SE addit , non solus Antithesista , sed omnes  
 Catholici negant Papam judicari posse , atque  
 exauctorari a minoribus. Ipsi usque adeo , qui  
 Pontificem ab universali Ccio judicari , & de-  
 poni posse defendunt statuunt pariter , Conc.  
 Generale esse Papa superius , ut recte monuit  
 Antithesista.

8. Dum cuniculis nihil proficit ; admovent  
 deinde palam arietem , quo istud vulgi indocti  
 judicium evertat. Sed nequam ille aries , im-  
 pellentis se manui refractarius , magis stabilit  
 ipsius ingratiis , quod debebat evertere. Au-  
 diamus Ipsum loquentem. „ Hic , ait , frustra  
 „ fit argutia : Minor non potest condemnare  
 „ majorem. Sufficit enim , quod jus aliquan-  
 „ do velit majorem judicari ab his , quibus  
 „ præest , & parem à paribus , ut in Feudali-  
 „ bus pares Curiaë judicant & seniores , &  
 „ Convasallos. Provide in Cap. 16. de M. &  
 „ O. additum est *to regulariter* , ad denotan-  
 „ dum dari casus exceptos : *Cum inferior superio-*  
 „ *rem solvere nequeat , vel ligare , sed superior*  
 „ *inferiorem liget regulariter , & solvat.* pag. 34.  
 „ N. XXII. „ Notemus tantisper duo. 1. Ip-  
 sum etiam Feudi Dominum directum judicari  
 a paribus Curiaë , non ausus est dicere ; quod  
 maxime tamen huc pertinuisset , 2. Juris , aut  
 H 2 poti-

118 *Contr. I. §. 2. Quomodo argum. opposita solvantur*  
potius legitimi Legislatoris , & Majoris est ,  
casus a communi regula excipere , non priva-  
ti hominis , & minoris. Pergamus audire præ-  
dicantem cætera.

9. „ Equidem , pergit *ibid.* , post canonem  
„ 9. Chalcedonensem. II. Q. I. c. 46, Metro-  
„ politanus aut a Primate , si quem infra Pa-  
„ triarcham habuit , aut Patriarcha suo , con-  
„ sequenter in Occidente a Romano Pontifice  
„ judicandus erat ; restituit autem Basileense  
„ Concilium Synodo provinciali *majoritatem* in  
„ Metropolitanum suum eatenus saltem , ut il-  
„ la in hunc aberrantem inquisitionem habere  
„ possit. Hic cessat illud : minor in majorem  
„ non habet inquisitionem. Sive enim Syno-  
„ dus provincialis minor sit suo Metropolita-  
„ no , sive major ; jus , *omnibus majus* , dat  
„ illi inquisitionem. Sicut quoque in Synodo  
„ provinciali , dum Suffraganeus damnat colle-  
„ gam suum , cessat istud : par parem non ju-  
„ dicat. Quia canon dedit potestatem pari ju-  
„ dicandi in Synodo parem. „ Hæc ille.

10. Equidem contra Canonem 9. Calced.  
hac vice nihil excipiam. Patiar etiam valere  
auctoritatem Decreti Basileensis : *Pridem.* An  
canones dent Episcopo pari potestatem in Syno-  
do judicandi , & exauctorandi parem , alibi vi-  
dero. Tantum animum applica , Theodulphe ,  
ad id , quod erat demonstrandum. Propositio  
demonstranda erat hæc : *Hic frustra fit argutia :*  
*minor non potest damnare majorem.* Verum tota  
ratiocinatio hujus Icti graduati stabilit , quod  
sibi

**Contr. 1. §. I. Quomodo argum. opposita solvat** 119  
 sibi proposuerat evertendum. Nam *Jus*, (nota hoc bene, Theodulphe) *Jus*, quod majus est omnibus, (& verba ista cave amittas ex oculis) vult aliquando majorem judicari ab his, quibus præest, & parem a paribus. Ergo minor judicare majorem non potest, nisi pro casu excepto, in quo *jus*, quod est majus omnibus, & a majore potestate proficiscitur, id velit. Si minori igitur *jus* aliquando concedat judicare majorem (Idem judicium esto de pari in parem) minor non auctoritate sua, sed auctoritate juris, quod majus est omnibus, judicat majorem. Itaque reipsa non minor, sed potestas major, quæ *jus* condidit, judicat se inferiorem, etsi majorem altero delegato. Quis nescit, in Cciiiis Oecumenicis non semel Legatos Pontificios, qui nonnunquam erant unius duntaxat Diœcesis Episcopi, nonnunquam Presbyteri, nonnunquam Diaconi, judicasse, damnasse, exauctorasse Patriarchas, aliosque se majores? Ast auctoritate non sibi propria, sed a summis Pontificibus sibi delegata, auctoritate B. Petri Apostoli (Quod familiare Conciliis idioma est) residente in moderante tum Ecclesiam B. Petri successore. Delegatus autem a majore quod facit, facit reipsa Major. Ista igitur ICti ratiocinatione non evertitur ille receptissimi axiomatis colossus, sed statuminatur magis, & firmatur.

II. Ipsius etiam Conc. Basileensis Decretum, ab ipso allegatum, eandem rem magis confirmat. Si enim *Majoritatem*, per Canonem 9. Chalcedon. Ccii nutantem, eatenus restituit

H 3

Sy-

120 *Contr. I. §. I. Quomodo argum. opposita solvant*  
Synodo provinciali in suum Metropolitanum ;  
ergo minori , provinciali videlicet Synodo ,  
concessit major , nempe Synodus Basileensis ,  
in Metropolitanum suum inquisitionem ; & ea-  
tenus majoritatem. Duplici ergo crasso vitio  
laborat Icti graduati nostri argumentatio : ni-  
mirum quod non inferat negatum , sive non  
probet , quod erat probandum ; deinde  
quod probet prorsus contrarium illi , quod pro-  
bandum proposuerat.

12. Nec prætereunda sine animadversione alte-  
ra vel inscitia , vel saltem verborum confusio ,  
qua videtur potestatem inquirendi confundere  
cum potestate judicandi , & damnandi , quasi  
verò duo hæc , toto inter se cælo distantia ,  
unum , idemque forent. Sæpe committitur  
quibusdam inquirendi , ac judicem de rei sta-  
tu , pro ut repertus fuerit , erudiendi provin-  
cia , sine potestate ulla judicandi. Inquisitio ,  
sive examen causæ commodius plerumque in-  
stitui potest in loco , ubi orta est. Sunt enim  
illic præsentēs testes , vestigia , atque indicia  
rei gestæ , aliaque juris adminicula , quæ in  
loco judicis , longius dissipto , non æque in  
promptu sunt. Causæ examinata , atque in-  
structa judicium fieri potest vel alibi , vel ibi-  
dem per delegatos ab ordinario iudice iudices.  
Quotidiana hæc sunt in omnibus Dicasteriis.

13. Si quid dicere , quod ad rem faceret ,  
voluisset : debuisset demonstrare , quod casus  
soli perverſitatis morum sit *in jure* , quod  
*omnibus majus* est , exceptus ; propter quem jus

ve-

**Contr. 1. §. 2. Quomodo argum. opposita solvat** 121  
 velit, summum Pontificem certum, ab uni-  
 versa Ecclesia agnitum, vivum & invitum ju-  
 dicari, & damnari a *minoribus*. In hoc cardine  
 tota rei summa vertitur. Hoc probari debuisset  
 non dicendo solummodo, non afferendo inanes  
 veritates Basileenses, quas Card. Cusanus, insigne  
 soli Trevirici lumen, merito appellavit *falsas fatuitates*;  
 sed proferendo specificum, genuinum, & firmum  
 Canonem: alias stabit, quod Adrianus II. in Synodo  
 Romana primum statuit, ac deinde in Synodo Oecumenica  
 VIII, Cpolitana IV; cujus ista Romana præparatio  
 fuit: *Propter quam (hæresin.) solam* (Desige oculos,  
 & mentem in particulam excludentem: *solam*)  
*licitum est minoribus, Majorum suorum moribus resistere. &c.*  
 Quid ille autem? omisso hoc unico, & vero  
 causæ crinomeno, discurret instar rotati  
 vertigine hominis per avia & devia. Lectorem  
 per tot ambages circumducit; ad metam, quæ  
 petenda erat, non perducit.

14. Aliud vertiginis suæ specimen dat ead.  
 pag. 34. N. XXIII. ubi ait: „ Quidquid autem  
 „ tem contra morem; qui vixit primus,  
 „ Chalced. Canon, & Basileense decretum Pri-  
 „ dem de Metropolitano judicando statuerit, hoc  
 „ Romanam Synodum provincialem non attin-  
 „ net; quia Papa Metropolitanus ejus nec sub  
 „ Primate, nec sub Patriarcha est &c. Reliqua,  
 quæ sequuntur, videbimus **Controv. 3.**  
 Hic quæro, potueritne hæc, quæ nunc retuli,  
 scribere sobrius? Si iste canon, & illud

Decretum nihil Romanam Synodum provincialem attinent; cur his, quæ rem suam non attinent, implevit antea paginam? cur ea oculis legentium importune obtrusit, ad offundendam videlicet iis rerum impertinentium objectu caliginem? Si, repeto, Chalcedonenfis Canon, & Basileense Decretum Romanam Synodum Provincialem non attinent; ac proinde ad asserendam illi potestatem exauctorandæ Papam nihil faciunt; nonne fuisset satius, omisis illis, proferre pertinentem ad illam Synodum, specificum, genuinum, ac firmum Canonem, asserentem illi hanc (quæ negatur) potestatem; quam hoc (qui maxime hic necessarius erat) omisso, detinere lectorem impertinentibus, atque a vero causæ crinomeno avertere? Nonne suomet hoc testimonio, quod mille testibus est potius, convincitur, scripsisse, quæ rem non attinent? Idem de totis ejus vindiciis statuere tuto poteris, Theodulphe.

15. Principium istud tamen alio præterea responso conatur elidere *pag. 31. N. XX.* dicens: „ Ex illo principio: minor non potest  
 „ judicare, vel deponere majorem, recte fe-  
 „ quitur: Ergo non solum nullus Prælatus in-  
 „ ferior, sed nec ulla Synodus particularis,  
 „ extra Ecclesiam Provinciæ Romanæ, & sine  
 „ ista potest exauctorare Papam; quia extraneæ  
 „ Synodi sunt simpliciter minores Papa. „ Hoc  
 responsum nititur principio alio a se stabilito,  
 PRÆSIDE SE quidem, sed nulla nec auctori-  
 tate idonea, nec ratione fundato, nimirum:

Quod



**Contr. 1. §. 2. Quomodo argum. opposita solvat** 125  
 Quod Ecclesiæ Romanæ particularis Synodo ,  
 qualem ab Ipsomet descriptam vidimus (Proam.  
 §. 3. n. 9.) competat potestas exactorandi ob  
 morum perversitatem suum Pastorem. Istud  
 principium ventilabimus **Controversia** sequen-  
 te , si Deus adfuerit. Interim sic habe , Theo-  
 dulphe , ad evertendum hoc fragile principi-  
 um valida haud opus futurum machina , sed  
 uno halitu dicente : *Qui probas?* ab ipso autem  
 nullo modo id probari ut intelligas ; invito  
 te ad sequentem controversiam : ubi miros sal-  
 tus spectabis.

16. Manet igitur inconcussa **Propositio** ma-  
 jor in Antithesistæ Syllogismo , non modo com-  
 muni sapientum sensu , sed ipsius etiam Vindi-  
 cis argumentationibus firmata : quod minor  
 non possit judicare , multo minus deponere mayo-  
 rem. Synodum autem etiam Romanam parti-  
 cularem ( Qualis erat , quæ Joannem XII. de-  
 ponere nisa est ) esse Romano Pontifice mino-  
 rem , ostendit Antithesista ex propria confessio-  
 ne Synodi Romanæ , coactæ in causa Leonis III.  
 præsentæ Carolo M , & Francorum Proceri-  
 bus , & ex plurimis cum Italiæ , tum Gallia-  
 rum Episcopis constantis , qui in has voces e-  
 rupere , teste Athanasio Bibliothecario in vita  
 Leonis III : *Nos sedem Apostolorum , quæ est ca-  
 put omnium Dei Ecclesiarum , judicare non aude-  
 mus , nam ab ipsa nos omnes , & ab ejus Vicario  
 judicamur. Ipsa autem a nemine judicatur , quem-  
 admodum antiquitus mos fuit. Sed sicut ipse Pon-  
 tifex censuerit , canonice obediemus.*

17. Quid respondet Vindex ? Ideam competentis Ecclesiæ Romanæ particularis Synodo potestatis , exauctorandi suum Pastorem , (Quam non probabit unquam) pertinaciter in capite suo defixam habens , huic aliud etiam æque fragile principium adjungit ; Quod quoad Papam debeat mos antiquus manere , ut criminis accusatus defendat se coram Concilio suo. Pag. 34. N. XXIII. His ergo duobus principiis suis titubantibus male nixus , respondet pag. 36. N. XXVII. in hunc modum : „ Huic prærogati-  
 „ væ (in Ipsius cerebro conceptæ , & natæ)  
 „ non obest passus ex Athanasio Bibliothec.  
 „ in vit. Leonis III ; ubi Archi- & Episcopi  
 „ Romanorum , atque Francorum coram Ca-  
 „ rolo M. congregati noluerunt judicare Leo-  
 „ nem , prius ab impio Paschali , & Campu-  
 „ lo Clericis crudeliter in ipsis lytaniis tracta-  
 „ tum , atque spoliatum , deinde vero crimi-  
 „ natum , unanimiter dicentes : *Nos sedem A-*  
 „ *postolorum &c. ut supra.* Utique enim , dum  
 „ criminis accusatur Rom. Pontifex, mos anti-  
 „ quus ei detulit hunc honorem , ut seip-  
 „ sum judicaret vel confessione , & susceptio-  
 „ ne canonica pœnitentiæ , aut expurgatione  
 „ sui facta. „ Audisti , Theodulphe , Ipsius  
 orationem. Quod si nunc ostendero (uti Deo  
 juvante me ostensurum confido in Controver-  
 sia III.) nullum exstare morem antiquum , qui  
 necessitatem ejuscemodi imponat Rom. Pontifici :  
 in

**Contr. 1. §. 2. Quomodo argum. opposita solvat** 125  
in hac quoque responsione nihil reperiēs, nisi  
titivillia.

18. Antithesista refert in Concilio Romano  
sub Adriano II. ita locutos Patres : *Romanum  
Pontificem de omnium Ecclesiarum præsulibus judi-  
casse legimus ; de eo vero quemquam judicasse non  
legimus. Licet enim Honorio ab Orientalibus post  
mortem anathema sit dictum ; sciendum tamen est ,  
quia super heresi fuit accusatus , propter quam so-  
lam licitum est minoribus majorum suorum motibus  
resistere , vel prævios sensus libere respuere. Adda-  
mus continuationem verborum Adriani II ,  
quam Antithesista prætermisit , forte quia non  
judicabat sibi necessariam. Quamvis & ibi nec  
Patriarcharum , nec cæterorum Antistitum cuiquam  
de eo (Honorio) quamlibet fas fuerit proferre sen-  
tentiam , nisi ejusdem primæ sedis Pontificis consen-  
sus præcessisset.*

19. Vindex insultat primum Antithesistæ pag.  
30. N. XVIII , dicens , verba allegata non es-  
se dictum , multo minus definitionem Patrum ,  
sicut Natalem exscripserit Antithesista , sed esse  
ex allocutione Papæ Hadriani ad Patres. Per-  
spice nunc , Theodulphe , quam sit in Cciorum  
historia versatus homo. Consule Synodi  
Oecumenicæ VIII , sive Cpolitanæ IV. Sessio-  
nem VII , ubi acta Synodi dictæ Romanæ re-  
periēs relecta , atque inter hæc responsionem  
Patrum ad allocutionem tertiam Adriani , eam  
per omnia probantium , ac pluribus etiam S.  
Scripturæ locis confirmantium ; supplicantium  
tamen , ut resipiscētibz relinqueret veniæ lo-  
cum

126 *Contr. I. §. 2. Quomodo argum. opposita solvuntur.* Decretis denique ab Adriano pronuntiatis subscribere post ipsum Episcopi XXX, Presbyteri ejusdem Ecclesiæ IX, Diaconi V. *Apud Hardu. T. V. CC. a pag. 1078.* Subscriptentium nomina reperies *ibid. pag. 870.* Dicta, quæ probarunt Patres, & subscriptione sua acceptarunt, an non fecerunt sua, ac definierunt abunde? Accedit & Synod. VIII, calculus, ex Adriani præscripto sententiam ferentis. At non potuit Vindex, quin insultaret.

20. Attamen mox subdit : „ Quam (Adriani allocutionem) „ veneramur, ut verissimam „ contra Photium, extraneum ausum cum „ suo conciliabulo sententiam ferre in Nicola- „ um I. utique enim solus hæreseos casus li- „ citum facit minoribus, majorum suorum mo- „ tibus resistere. „ Verum eodem fere pun- „ cto temporis subjungit : „ Ast in quo Ccio di- „ citur, Quod Ecclesiæ Romanæ non liceat ob- „ deformitatem morum alicujus Papæ, non „ quidem hæretici, vel dubii, attamen nequis- „ simi, monstrofi &c ad hæc incorrigibilis „ eundem exauctorare; sive in Synodo genera- „ li, sive in particulari sua? „ Nunquid ju- „ rares, Theodulphe, hominem in eodem sibi „ habitu contradicere? Erras: non contradicit si- „ bi; imo vero perstat obstipo capite in confi- „ lio suo persuadendi lectoribus: Synodum par- „ ticularis Provinciæ Romanæ esse majorem Pa- „ pa, licet alii Prælati inferiores, & aliæ Syno- „ di extraneæ, quæcunque, sint simpliciter mi- „ nores Papa (*h. §. n. 35.*) Verum hanc chor-  
dam

**Contr. I. §. I. Quomodo argam, opposita solvat** 127  
dam percurram diligenter in Controv. sequente.

21. Hoc loco paucis sic disputo : si hæc allocutio Adriani est verissima contra Photium , est verissima contra quemcunque alium sive extraneum , sive intraneum , Tros , Rutulusve fuit , nullo discrimine habetur. Nec solum verissima est contra singulos , sed etiam omnes , quicunque ausi fuerint ferre sententiam in Romanum Pontificem. Propositio enim negans : *Non legimus , de eo quemquam judicasse* , est universalis ; neque ab ea excipit Adrianus , nisi solam hæresin. *Non aliquis , Non quisquam* idem est Dialecticis , quod *nullus*. Fabula Marcellini , quamvis fabula , demonstrat tamen , communem Ecclesiæ sensum , commenti istius fabro notum , eo tempore fuisse : *Prima sedes à nemine judicatur*. (Controv. I. §. I. n. I.) *Nemo* idem est , quod *nullus*. Verba pariter duarum Synodorum Romanarum aliarum in causa Symmachi (*h. contrav. princip. n. 1. & 2.*) & Leonis III. (*h. §. n. 16.*) sunt generalia. Ex trium ergo synodorum Romanarum , sub Symmacho , Adriano II , Leone III , propria confessione , quæ optima est probatio , habemus , & ipsam esse simpliciter minorem Papæ. Ac propterea non immerito Adriani Papæ eadem allocutio exemplo Synodi , sub Symmacho celebratæ , ad confirmandum argumentum suum utitur.

22. Ne vero ex Honorii Papæ , in Synodo VI. Occumen. anathemate percussæ , exemplo  
de-

128 *Contr. 1. §. 2. Quomodo argum. opposita solvat.*  
 debilitata jam Vindicis responsio vires videatur  
 posse resumere : primo quidem observa id,  
 quod Adrianus monuit, hæreseos illum in Synodo  
 ista reum actum. Cujus tamen convictus non est ;  
 sed ea labe purgarunt eum Leo II , & Benedictus II...  
 2. Patres Synodi VI. non exauctorarunt Honorium  
 vivum, sed mortui memoriam detestati sunt. 3. Anathema,  
 quod ei dixerunt, non habuit vim sententiæ excommunicationis,  
 sed definierunt duntaxat, *projici* ejus,  
 non secus, ac Sergii, Pyrrhi, aliorumque Monothelitarum,  
 nomen à *S. Dei Catholica Ecclesia* ; ut ferunt verba  
 Decreti apud Hardu. *T. III. Cc. pag. 1331. & 1334.* Quod fiebat  
 pro illius temporis more auferendo eorum nomen  
 ex sacris (a) diptychis. 4. Non exercuerunt  
 hac sententia jurisdictionem in Honorium (quippe  
 quem suo in tribunali pridem judicatum, Deus  
 humano omni judicio subtraxerat) sed in fideles  
 viventes ; præcipientes eis, ne honorem ejus  
 nomini, ac memoriæ haberent in publicis Ecclesiæ  
 cœtibus. 5. Nihil fecere sine præcedente primæ  
 Ecclesiæ Pontificis (Agathonis) consensu, ut ex  
 hac Adriani II. allocutione discimus.

(a) Sacra Diptycha in Ecclesia veteri dicebantur  
 tabellæ duæ plicatiles, in quarum altera vivorum,  
 in altera mortuorum descripta erant nomina ;  
 quorum in orationibus publicis fiebat memoria.

23. Thesi opposuerat deinceps Antithesista  
 Canonem XXI, Synodi Oecumenicæ VIII, Cpo,  
 litana

**Contr. I. §. I. Quomodo argum. opposita solvat. 129**  
litanæ IV. Præfidentibus Adriani II. Legatis habitæ anno 869. Fragmentum quidem canonis duntaxat recitant tam Antithesista, quam Theſeos Vindex; non abs re tamen erit, audire integrum.

„ Definimus, *neminem prorsus* mundi poten-  
„ tium, quemquam eorum, qui Patriarchali-  
„ bus sedibus præfunt, inhonorare, aut mo-  
„ vere a proprio throno tentare, sed omni  
„ reverentia, & honore dignos judicare, præ-  
„ cipue quidem SSmum Papam senioris Romæ,  
„ deinceps autem Constantinopoleos Patriar-  
„ cham, deinde vero Alexandriæ, ac Antio-  
„ chiæ, atque Hierosolymorum. Sed *nec ali-*  
„ *um quemcunque* conscriptiones contra SSmum  
„ Papam senioris Romæ, ac verba complica-  
„ re, vel componere, occasione quasi diffamatorum quorundam criminum, quod & nuper Photius fecit, & multo ante Dioscorus.  
„ Quisquis autem tanta jactantia, & audacia  
„ usus fuerit, ut secundum Photium, vel  
„ Dioscorum in scriptis, vel sine scriptis injurias quasdam contra Sedem Petri Principis  
„ Apostolorum moveat; æqualem, & eandem,  
„ quam illi, condemnationem recipiat. Si vero quis aliqua sæculi potestate fruens, vel  
„ potens pellere tentaverit præfatum Apostolicæ cathedræ Papam, aut aliorum Patriarcharum quemquam; anathema sit. Porro si  
„ Synodus universalis congregata fuerit, & facta fuerit etiam de sancta Romanorum Ecclesia quævis ambiguitas, vel controversia;  
„ oportet

ergo etiam tueri adversus Germaniæ, & Italiæ Episcopos ab Ottone congregatos: nisi hi fortè inter alios quoscumque numerandi non veniunt. Posset quidem quærere effugium dicendo: non movisse hos contra Petri Sedem injurias eo, quod Joannes XII. fuerit nequissimus, monstrosus, atque ad hæc incorrigibilis. Sed responderet illud ipsum, quod quæritur, quodque est probandum; ab eo autem nullo modo probatum esse ostendimus; videlicet: utrum Rom. Pontifex possit propter solam morum pravitatem exauctorari. Peteret igitur principium, nec pateret ipsi hoc effugium, jam ante diligenter obstructum.

25. Ad postremam Canonis partem: Porro si synodus universalis fuerit congregata &c, respondet ibidem: „Ratiocinium Antithesistæ, „ex hoc canone formatum, ad casum Joannis „XII & Romanæ Ecclesiæ ineptum est „. Videamus igitur, an Ipse ratiocinetur aptius. „Non enim, pergit, canon iste præscribit „legem universali synodo, vel particulari Romanæ; sed his, qui controversiam facere „vellent contra Romanam Ecclesiam, vel ejus „Pontificem in *synodo Generali*, ne irreverenter, & audacter cum dictione sententiæ „prorumpant, sed sciscitentur, & solutionem „accipiant a synodo; cui sententiæ dictio nullatenus ibi aufertur. Altum hic silentium „est de potestate Romanæ Ecclesiæ „(particularem cum intelligere, constat tam ex præcedentibus, quam consequentibus.) „exau-



140 *Contr. 1. §. 2. Quomodo argum. opposita solvan.*  
„ctorandi suum Pontificem pro casu necessita-  
„tis extra synodum generalem. „ Audisti ra-  
tiocinantem; nunc audi, quam ratiocinetur ap-  
te, mi Theodulphe.

26. Nullatenus *aufertur* ibi synodo (si qui  
facere vellent controversiam contra Rom. Ec-  
clesiam, vel ejus Pontificem,) sententiæ dic-  
tio. Quamquam negare possem; esto tamen  
tantisper. Quid ergo? an continuo ibi tri-  
buta est? Altum hic de potestate illa Roma-  
næ particularis Ecclesiæ silentium. Imo altis-  
simum. Illius enim ideam post tot sæcula ex  
Ipsius cerebro, ceu novam ex Jovis cerebro  
Minervam, nascituram nemo providere, ac  
proinde ne cogitare quidem ullus de ea pote-  
rat. Quid inde? an propterea concessa?  
Nullatenus isto canone *aufertur* Decano Facul-  
tatis Juridicæ Treveris sententiæ dictio in Rom.  
Ecclesiæ Pontificem. Altum de hac Ipsius po-  
testate silentium. Ergo tributa, atque concessa?  
quàm apta consecutio? Attamen si conferantur  
hinc allocutio tertia Adrianii II. quæ fuit hu-  
jus synodi præparatio, & prodromus, inde  
ejusdem synodi acta, ac canonis ipsius verba,  
quibus conceptus est, generalia; hanc faculta-  
tem synodo tum generali, tum particulari Ro-  
manæ non tam ereptam, quam nunquam com-  
petiisse, in comperto erit.

Habes, ecce Theodulphe, tam quæ pro sua  
causa dixit, quàm quæ contra Antithesistæ sui ra-  
tiocinationes. An autem felicius destruxerit  
aliena, quam confirmare potuerit sua: per-  
mitta-

mittamus eorum, ad quorum officium spectat, iudicio : cum non spectet ad nostrum. Quid de conscriptiones contra Papam Senioris Romæ, aut verba componentibus decernat Sacer canon; considerandum relinquamus Vindici.

## Controversia II.

An synodo particularis Ecclesiæ Romanæ competat potestas, exauctorandi propter morum perversitatem suum Pastorem.

1. Hactenus disputavimus in Thesi : An Papa certus, ab universa Ecclesia agnitus, in quietâ possessione Pontificatus per annos complures constitutus, vivens, & invitus possit propter solam morum deformitatem præcipitari ex B. Petri Cathedra. Nunc eandem quæstionem ventilamus in Hypothesi : An particulari synodo Romanæ qua tali, qualem descriptam ab Ipsomet vidimus (*Proæm.* §. 3. n. 9.) competat potestas exauctorandi Pastorem suum talem propter solam morum perversitatem. Quam quæstionem, quemadmodum re diversa est à præcedente, ita oratione distinguendam, ac distributius tractandam in hunc locum reservavi.

2. Non dissimulans suam diffidentiam torquet se miris modis pag. 30. n. XVII, ut reperiatur commodam, quam inire possit, viam explicandi potius, quàm actus ille (depositionis

**142. Competat jus exauctorandi Pastorem suum.**

Joannis XII.) valere potuerit ; quam ut rigide dicatur : Jure non valuit. Spem tamen simulans vultu , cavendum lectoribus , monet , ne præconceptis Thesibus (sui Antithesistæ) inhæreant ; promittitque per factum tam illustre correctum iri præconceptas Theses.

3. Quam ergo tandem commodam sibi viam excogitavit ineundam ? Negat (ut legisti, Théodulphe, *Præm.* §. 3. n. 9.) Joannem depositum ab Ottone M., aut ab aliis Italiæ, & Germaniæ Præsulibus ; sed a sola particulari Ecclesia Romana sententiam pronuntiatam ait. Quamvis adduci non possim , ut hæc credam absolute IPSI DICENTI omnia ; tamen permisi (*ibid.*), ut ista ponantur interim esse vera ; promisi que me , his positis , tanto facilius suomet ejus Thesin gladio jugulaturum. Stabo nunc , Deo auxiliante , promissis.

4. Ille vero sic statuit : Particulari Provinciæ Romanæ , compositæ ex ejus Præsulibus Ecclesiæ , tamquam primæ omnium , & centrali , competere jus soli , nullo postulato , aut expectato aliarum Ecclesiarum , aut synodi generalis adjutorio , exauctorandi propter solam morum deformitatem Pastorem suum , Papam , & Metropolitam suum Patriarchalem , quamquam neque hæreticum , neque in schismate electum. Hoc invento suo putat se reperisse maxime commodam , quam inire possit , viam.

5. Monui in superioribus (Controv. I. §. 2. n. 15.) Principium istud nulla nec auctoritate idonea , nec ratione fundatum esse. Nunc de aucto-

auctoritate primum, deinde de rationibus ejus differamus. Quæ duo ubi diligenter pertractaverimus : perspicias plane, verissimum esse, quod notavi ibidem : ad subruendum hoc fragile principium alia opus non esse machina, nisi uno halitu dicente : *Quomodo probas ?*

6. In negotiis hujusmodi, ad sanctionem juris publici Ecclesiastici pragmaticam spectantibus, nihil temere, & sine auctoritate idonea statuendum esse, nemo ibit inficias. Non sufficit hic : *Αὐτὸς ἰφθα*, PYTHAGORAS DIXIT : sed quæritur, an, & quando Christus Dominus, unicus Hierarchiæ Ecclesiasticæ fundator, dixerit, & sanxerit ? Quæritur, hæc Christi sanctio, atque institutio ex qua repetatur vel scriptura, vel traditione sive divina, sive Apostolica ? quæ aut CCiorum scita, aut Sanctorum, & probatorum Patrum consentientia testimonia hanc verbi divini sive scripti, sive traditi expositionem nobis reliquerint ? quis Ecclesiæ communis sensus, & usus eam constanter retinuerit ? Hæc super fundamenta qui non ædificat, super arenam ædificat ; & erit ruina domus istius magna.

7. Divinarum scripturarum, aut beatorum Patrum testimonia frustra quæras in totis Ipsi-  
us vindictis : quia non sunt. Ex CCiis pariter nullum emendicare potest subsidium.

Non ex Synodo VI. Oecum., anathema detorque-  
nte in Honorium ; tum propter ea,  
quæ notavi antea (*Controv. I. §. 1. n. 22.*)  
tum maximè, quia ista non erat particularis

Ecclesiæ Romanæ, sed Ecclesiæ universalis synodus œcumenica.

Non ex CCIis Constantiensi, & Basileensi. Horum enim ut summa foret auctoritas; disertissime tamen loquuntur, non de particulari synodo Provinciæ Romanæ, sed de universali, & œcumenica. Certe non erat e re synodi Basileensis, imaginarias suas veritates prodige in solam synodum provinciæ particularis Romanæ profundere: Dilapidasset enim hoc pacto totum suum patrimonium: Siquidem istius Provinciæ Præsules, & S. R. E. Cardinales plerique omnes ad Eugenium Ferrariam Concilii habendi causa confluerant.

8. Doctores quoque illi Catholici, qui Papam Conciliorum judicio obnoxium volunt, repellunt Ipsum a foribus. Nam nonnisi CCIis œcumenicis, universam Ecclesiam repræsentantibus, auctoritatem istam largiuntur, particularibus nihil dant. Non flagito, posses dicere, hoc dari constanter particulari Rom. Ecclesiæ, sed saltem pro casu urgentis, & frangentis necessitatis, maxime si propter periculum in mora, & difficultatem temporis generale CCium congregari nequeat; ut loquitur pag: 31. *N. XVIII.* qualis casus erat sub Joanne XII. Apage; responderent merito; ne sitas ista, & periculum conficta sunt. (*Vid. Controv. 1. §. 1. n. 51. & infra de eodem hoc argumento occurrent plura.*)

9. Simon Vigorius (quem supra laudavimus *controv. 1. §. 1. n. 38.*) in volumine, cui nomen:

men : *Libri quatuor de statu , & gubernatione Ecclesie* pag. 405. ait : „ Quando Papa malus est  
„ œconomus Domus Dei , ejusque gratia exci-  
„ dit ; quia officio suo defuit , ad Ecclesiam  
„ deferri potest ; & si in illius auctoritate , ac  
„ potestate esse recuset , nec morem gerat , si-  
„ cut ethnicus , & publicanus habendus est , „ .  
At Vigorio Ecclesia est cœtus fidelium , Fide-  
les autem non soli Romani sunt , sed & alii  
per nationes omnes , ac populos diffusi . Ali-  
us quidam , cujus mentio fit in Actis , & De-  
cretis Synodi II. Provinciæ Ultrajectensis anno  
1763. habitæ , suppresso suo nomine scriptum  
sparsit per Belgium , cui nomen dedit : *Précis*  
*d'un acte de denonciation solennelle &c.* Sed obscu-  
rus istius denuntiationis scriptor ipso in Pro-  
mio suo testatur : *J'ai fait un acte en forme ,*  
*par lequel je dénonce solennellement à l'Eglise les*  
*Papes , leurs Cour , leurs suppos , & leurs attentats ;*  
*mais comme je ne publierai peut-être pas sitôt le-*  
*dit acte . . . je déclare , que le précis très-court , que*  
*je vais faire , doit passer lui-même pour une dénou-*  
*ciation juste , véritable , & solennelle , que je fais*  
*à l'Eglise universelle.* Id est : „ Confeci actum  
„ in debita forma , quo denuntio Ecclesiæ Pa-  
„ pas , ipsorum curiam , ipsorum gregales , &  
„ attentata . Sed cum actum istum publica-  
„ turus forte non sim tam cito . . . declaro ,  
„ brevissimam , quam facturum sum , actus mei  
„ epitomen habendam loco justæ , veræ , & so-  
„ lennis denuntiationis , quam Ecclesiæ univer-  
„ sali deferro . „ *Acta. Syn. pag. 38.* En , de-  
nun-

146 *Controv. 2. An Ecclesia Rom. particulari*  
nuntiationem suam non particulari Ecclesiæ Romanæ, sed *universali* defert. Ipsa synodus hanc Paparum denuntiationem, etiamsi *Ecclesia universali* factam, refellit, ac damnat. Caruit quidem hæc synodus potestate judicandi, & damnandi legitima; istud tamen ex his liquet: multo minus eam approbaturam fuisse denuntiationem, quæ facta fuisset Ecclesiæ Rom. particulari. Itaque & ipsi Janсенianæ factionis procures, & principes suum novitio Vindicis invento suffragium palam denegant. Ipsimet, qui inter illos se appellantes nuncupant, non provocant ad particularem Romanam Ecclesiam, quippe quam vel maxime exosam habent, quia semper molitionibus suis experti sunt adversantem; sed Ecclesiæ universalis Concilium appellant. Quam recte, non est hic disputandi locus. Satis est, quod per sua hæc sive perperam, sive recte facta, remotissimos se ab hac Vindicis sententia ostendant.

10. Non me præterit, esse apud Lutheranos, ac Calvinianos usu receptissimum; ut particulares Provinciarum, sive ditionum singularum Ecclesiæ Ministros suos alibi per seniorum simul, ac populi collegium, alibi per Principes, ac Dominos (quibus hanc potestatem alii jure imperii competere, alii libera collegii voluntate delatam prædicant) promoveant, judicent, amoveant. Quam in rem multa Puffendorffius in Libello *de habitu Religionis Christianæ ad vitam civilem*, quem ejus amici auream vocant. Verum absit, ut vel suspicari auserim,

*Competat juxta exhortandi Pastorem suum.* 147  
sim, velle Theſiſtam ab his ſuæ iſti doctrinæ  
auctoritatem quærere. Diceret me certe, ac  
palam pronuntiaret calumniatorem maximum.

11. Si quos alios iſtius aſſerti auctores pro-  
batos habet, quorum nullum in vindictis repe-  
rio; proferat eos; ut examinemus, qui genus,  
unde domo ſint.

12. Attamen exemplo, ex antiquitate peti-  
to, ſtabilire rem ſuam laborat. Nam pag. 36.  
N. XXVI. ſic inſit: „Hanc ſe ipſam, ſine  
„ generali ſynodo juvandi poteſtatem, exercuit  
„ Romana Eccleſia, dum in ſynodo Sutrina,  
„ coram Henrico III. Imp. celebrata liberavit  
„ ſe anno 1046. tribus Papis ſimul, atque  
„ ſemel ſedentibus Romæ, reditusque natio-  
„ num inter ſe pacificè partientibus, Benedi-  
„ cto IX, Sylveſtro III, & Gregorio VI. Non  
„ diſputabimus hic, an Gregorius VI. depofi-  
„ tus fuerit in Sutrina ſynodo, an verò viſa  
„ Patrum diſquiſitione, ejusdemque fatali con-  
„ tra ſe exitu præviſo, ante ſententiam ſeſe  
„ abdicaverit, certe non abdicaturus, ſi per-  
„ manere potuiſſet, nec ſynodi virtutem timu-  
„ iſſet, *velut ſynodicis canonibus, atque ſententiis*  
„ *ſimoniacus probatus*: ut ſcribit Leo Oſtien-  
„ ſis Lib. 2. Chron. Caſſin. Cap. 80... Sal-  
„ tem hoc eſt certum, quod Rom. Eccleſia,  
„ opitulante ſuo Advocato Henrico III. ſe tunc  
„ expedierit abſque Ccio generali a tricipite  
„ Papatu. „

13. Saltem eſt certiffime falſum, quod Eccle-  
ſia particularis Romana in ſynodo Sutrina exer-



tuerit potestatem liberandi se Papa certo, legitimo, invito. Et nisi certissime falsum ostendero, Theodulphe; nihil mihi unquam quidquam deinceps accreduas. Exponamus ante omnia factum; præmisso hoc axioma: Quamvis scriptores coævi, aut his proximi in narrandis facti alicujus adjunctis varient; in iis tamen, in quibus inter sese consentiunt, quæque ad facti substantiam spectant, plenam apud prudentes omnes fidem merentur.

14 Joanne XIX. ad annum 1033. mortuo, Theophylactus, Consulis Alberici Filius, conciliatis per largitiones profusas Romanorum suffragiis electus est, & Benedictus IX. appellatus. Consentiant de hoc facto Hermannus Contractus in *Chron. auctiore Cassin.* Glaber *Lib. 4. Hist. c. 5.* Victor III. *Pap. Lib. Dialogorum 3.* Puerum fere decennem fuisse primum dicit Glaber, post tamen vocat puerum annorum circiter duodecim. Alii verba ejus largius interpretantes annos circiter decem, & octo tribuunt Benedicto, cum crearetur Pontifex. Moribus, & factis extitisse tanto ordine indignis consentiunt tres hi scriptores. Fuit igitur Joanni XII. non absimilis.

15. Ab Ecclesia tamen universa graviorum malorum præcavendorum causa agnitum, Pontificaliaque munia, nemine se opponente, exercuisse, constat multis ex argumentis. Adam Bremensis *L. 2. C. 50.* tradit, eum ipso primo creationis suæ anno Pallium concessisse Hermannò Archiepiscopo Hamburgensi. Anno

1036,

1036, vel ut alii tradunt 1037, celebravit Romæ synodum, cujus fragmentum exstat in Tomis Cc, & Tom. IX. Italiæ sacræ Ughelli. Relatum ab eo in Ssrum Confessorum catalogum S. Simeonem Syracusanum, qui magna religione colitur Treviris, ex antiqua inscriptione ostendit Browerus Annal. Trevir. L X. ad annum 1042. Circa annum 1040, vel 1041 Casimiro, Misseconis II. Poloniæ Regis, Filio &c Cluniacensi Monacho, & jam Diacono indulgit Poloniæ Legatorum rogatu, ut votis solutus paternum solium conscenderet, uxorem duceret, regiam stirpem propagaret. Testis Joannes Longinus in *Histor. rerum Polonic.* Denique nemo hactenus Benedicto IX. litem de legitimo ejus Pontificatu movit; nec movere Theseos suæ Vindex potest; cum de solo legitimo, & agnito ab universa Ecclesia Papa hæc nobis controversia sit.

16. Tandem anno 1044. Romani, opitulante Ptolomæo Consule, ejus crimina non ferentes, ejecerunt Benedictum, suffecto in ejus locum Joanne Episc. Sabinensi, quem dixere Sylvestrum III. Consentiens de hoc pariter Scriptorum testimonium est, Petri Diaconi in *Chron. Cassin. Lib. 4. C. 63*; Hermanni Contracti in *Chron. ad hunc an: Victoris Papæ III. Lib. Dial. cit.* Leonis Ostiensis in *Chron. Cassin. Lib. 2. C. 80. cit.*

17. Post tres circiter menses Benedictus propinquorum suorum Comitum Tusculanorum, ea tempestate potentium, opibus adjutus, pulso

pulso Sylvestro, Romanam sedem iterum occupat. Consentientes iterum hac de re habemus productos *n. prac.* testes. Pristinos tamen mores minime mutavit, addit Victor III. L. c. Hactenus in pari vita paribus fere, queis Joannes XII., fatis vixit.

18. Sed Benedictus videns se Romanis ob morum turpiutdinem exosum, & despectum, in Joannem Archi-Presbyterum Pontificatum transtulit, qui Gregorius VI. dictus est. Ipse vero ex Urbe emigrans in paterna se castella recepit; testibus iisdem Scriptoribus.

19. Hactenus consentientia sunt testimonia. Sequitur nunc levis aliqua differentia. Victor III. Papa l. c. Joanni huic Archipresbytero inditum fuisse tradidit Gregorii VI. nomen, eumque annis duobus, & octo mensibus sacerdotium administrasse. Otto autem Frisingensis, Lib. 6. Cap. 23, tribus his sedem Romanam simul eodem tempore occupantibus videtur adjungere quartum, Gratianum nomine, qui tribus præcedentibus, puta Benedicto IX, Sylvestro III, & Joanni Archipresbytero, datis ex S. Sede pecuniis, & Benedicto redditibus Angliæ, quia hic majoris videbatur auctoritatis, relictis, persuaserit, sibi soli summum ut sacerdotium cederent. Ob ea, ait, Cives præfatum Presbyterum (Gratianum) tanquam liberatorem elegerunt, eumque mutato nomine Gregorium VI. vocaverunt. Sed quoniam alii testes omnes, & ipse Clemens II. Gregorii VI. successor in suis ad Bambergensem Ecclesiam,

*Giam*, cujus ante Episcopus fuerat, literis trium duntaxat mentionem faciunt: propterea Critici Ottonem Frising., qui centum post annis scripsit, seque, quæ audierat, scribere testatur, judicant falsis rumoribus deceptum.

20. Quamvis autem Joannem Sabinensem, dictum Sylvestrum III. a Benedicto reduce pulsum, ad suum Episcopatum rediisse, ac Benedictum abdicato in Joannem Archipresbyterum (cui forte & Gratiano nomen fuit) summo sacerdotio, in propria castella concessisse narratur: videntur tamen hi tres postea Romam denuo convenisse; & tripartito divisisse inter se Ecclesiæ vectigalibus non tam gubernasse, quam devorasse Pontificatum. Tradunt enim allegati a nobis testes, tres eodem tempore Romæ sedisse Pontifices. Quibus consentit & Bonizo Episcopus Sutrinus, post Placentinus, ac demum Martyr; qui eodem, quo hæc gesta sunt, tempore vivebat Romæ proximus. *Annotator Baronii ad Annum 1044. N. 8.* Hæc obscura non est necesse dilucidare hoc loco. Constat

21. Quod anno demum 1046. Henricus Rex, qui tunc Germaniæ, Pannoniæ, & Italiæ imperabat, ad suscipiendam de manu Pontificia Imperialem coronam, Italiam ingressus, Romanam adierit Urbem. Sed antequam Urbem ingrederetur, plurimorum Episcoporum, nec non Abbatum, Clericorum quoque, ac Religiosorum Monachorum in Sutrina urbe Concilio congregato, Joannem, qui Gregorius dictus est, missis ad eum Episcopis, venire rogavit;

ut

ut de Ecclesiasticis negotiis, maximè de Romana tunc Ecclesia, quæ tres simul habere Pontifices videbatur, ipso præfidente tractaretur. Joannes confirmandi sibi soli Pontificatus spe illectus, venit. Sed postquam eo ventum, & res agitata, ac discuti in synodo cœpta, agnoscens se non posse juste honorem tanti sacerdotii administrare, ex Pontificali sella exiit & semetipsum Pontificalibus indumentis exuens postulata venia summi sacerdotii dignitatem deposuit. Et Suidgerus, Bambergensis Episcopus, invitus ac reluctans electus, indito Clementis II. nomine. Hæc testatur Victor III. l. c. Idem narrat Hermannus Contractus l. c. Hæc facti summa: quam ob oculos poni oportuit integram; ut elucesceret manifestius, nullum prorsus ex eo posse Vindicem repetere causæ suæ præsidium.

22. Nam imprimis synodus illa Sutrina non constabat ex solius particularis Ecclesiæ Romanæ Præsulibus; sed plurimorum etiam aliorum Episcoporum, & Abbatum. Id nos disertissime docet Hermannus Contractus his verbis „ omnium tam *Romanorum*, quam *aliorum*  
 „ consensu, Suidgerum Episcopum, qui post  
 „ Eberhardum primum secundus Babenbergen-  
 „ sem sexto jam anno regebat Ecclesiam, ni-  
 „ mium reluctantem, summum Romanæ Ec-  
 „ clesiæ elegit Pontificem: Sicque circa vigi-  
 „ lias Natalis Domini ipsam ingrediuntur Ur-  
 „ bem „ cum Rege ingressos Urbem synodi eti-  
 „ am Sutrinæ Patres testatur Victor III. hæc scri-  
 bens

bens „ Post hæc Rex Urbem ingressus, con-  
gregato in Ecclesia B. Petri Apostoli Roma-  
no clero, & populo, una cum Episcopis,  
qui in prædictam convenerant synodum,  
communi consilio Clementem Babenber-  
gensem Episcopum elegerunt „ Electio ni-  
mirum Sutrii, commendante Henrico Rege  
omnium consensu peracta, tum accedente eti-  
am Cleri, & populi Romani calculo laudata  
fuit, atque acceptata.

22. Deinde, etiamsi liberalissime dare vo-  
luerò, hæc fuisse tam Sutrii, quam Romæ so-  
lius particularis Ecclesiæ Romanæ synodi aucto-  
ritate gesta, Imperatore, aliisque Præsulibus  
extraneis præsentibus: tamen certissime falsum  
est, in ea ullum legitimum, ab omni Ecclesia  
tum agnitum Romanum Pontificem fuisse de-  
positum; quod tamen unice est hic proban-  
dum. Victoris III. tempore tam Henrico Re-  
gi, quam omnibus passim erat persuasissimum,  
tres illos esse injustos sedis Apostolicæ invaso-  
res. Audiamus Victorem „ jam enim dudum  
„ Regio animo infederat, ut tres illos, qui in-  
„ juste sedem Apostolicam invaserant, cum  
„ consilio, & auctoritate totius Concilii  
„ juste depelleret; & unus, qui secundum  
„ statuta Ss. Patrum Dominico gregi sollicitè  
„ præffet, Clero & populo eligente, or-  
„ dinaretur. „ Clemens II. in suis ad Eccle-  
siam suam Bambergensem literis hæc habet,  
„ Explofis tribus illis, quibus idem nomen  
„ Papatus rapina dederat. „ Non ex suo dum-

taxat

154 *Controv. 2. An Ecclesia Rom. particulari.*

taxat, sed ex communi ejus ævi sensu hæc scripsisse, hi testes censendi sunt. Quos igitur Ecclesia illius temporis in injustorum inuasorum, ac raptorum numero habuit usque ad idem tempus, pro justis certè Pontificibus non agnovit.

24. Sed quid testibus opus est : intueamur ipsos illos tres, qui synodi Sutrinæ tempore sedere Romæ videbantur.

Benedictus IX, quamvis antea acceptatus, agnitusque fuit ab Ecclesia : (*h. Controv. n. 15.*) postquam tamen expulso Sylvestro III. se ipsam sede recuperata privavit, & Joanni (Gregorio VI.) summum sacerdotium relinquens tradidit ; (*h. Controv. n. 18.*) desit esse summus Pontifex. Neque ad abdicatum sponte magistratum redire postliminio potuit sine nova electione canonica ; quæ nulla intercessit.

Sylvester III. viventi Benedicto per tumultum, & seditionem surrogatus, nunquam ab Ecclesia acceptatus fuit, & à nemine summorum Pontificum catalogo insertus : sed in Antipaparam censetur numero. Ac propterea neuter horum vocatus est ad synodum.

De Gregorio VI. dubitatur in hunc diem. Quidam, partim moti diplomate quodam Henrici Regis, in quo inter præcedentes Romanos Pontifices post Benedictum IX, tacito prorsus Sylvestro III. nominatur Gregorius VI; partim quia in summorum Pontif. catalogo reperitur, & eum sequens ejusdem nominis Gregorius VII. nuncupatur, putant eum referri posse

posse inter legitimos Pontifices. Alii negant ; tum quia testes hic ( n. 23. ) producti tres istos , sine discrimine , dicunt injustos Sedis Apostolicæ invasores , & raptores ; tum quia ex Pontificum catalogo nullum firmum in hoc genere duci argumentum potest. ( *Vid. Proem. §. 3. n. 16.* ) Quin ipsemet Gregorius non satis fidebat causæ suæ ; nam agnovit se non posse *juste* honorem tanti sacerdotii administrare , ut N. 21. ex Victore III. retulimus.

25. Facio tamen optionem Thestisæ ; utram e duabus amplecti his opinionibus malit. Si Gregorius VI. non fuit legitimus Pontifex ; ergo legitimus nullus Pontifex fuit exauctoratus in synodo Sutrina. Nam Benedictus IX , & Sylvester III. non erant eo tempore legitimi : sed neque ex hac sententia Gregorius VI. Ergo totum hoc factum non probat , quod erat probandum ; & incassum a Thestisæ profertur in medium.

26. Sin malit dicere , fuisse legitimum ; nihilo magis Thesisin suam juvat. Nam is a Synodo depositus non est , sed ipsemet relicta sella sua , & insignibus depositis , summi sacerdotii dignitatem deposuit. Ergo nec sic probatur , quod erat probandum. Ridiculum vero causæ suæ patronum agit , dum dicit : Non disputabimus hic , an Gregorius VI. depositus fuerit in Synodo Sutrina ; an vero , visa Patrum disquisitione , ejusque fatali contra se exitu præviso , ante sententiam se se abdicaverit. Quasi diceret : Non disputabimus hic



de eo , de quo hæc unice suscepta est disputatio. Non est certe disputatio hic : an Romanus Pontifex is , qui dubitare ipsemet de legitimo suo in S. Sedem ascensu incipit ; nec deponere dubium suum potest , nec suum jus probare Patribus , deponi possit , nisi sponte renunciare dignitati voluerit. Non quæritur etiam , an Papa , quantumlibet legitimus , abdicare à se magistratum , si velit , possit. Sed quæstio unice est , an Papa legitimus , qualem Gregorium VI. fuisse ponit ista sententia , possit a Synodo particulari Rotmana deponi invitus ? Id nullo modo probatur ex hoc facto. Nam vel Papatus ejus fuit , ipsomet agnoscente , dubius , & potuit in ordinem redigi ingratis. Vel fuit certus ; & isto facto aliud nihil evincitur , quam quod juri suo ultro cesserit. Sed quid luctor diutius cum homine ; qui non vult disputare , an argumenta sua probent intentionem suam , necne ?

27. Certo , inquit , non abdicaturus , si permanere potuisset , nec Synodi virtutem timuisset , velut probatus simoniacus , ut scribit Leo Ostiensis. Timuerit virtutem Synodi , agnoscens se juste non posse tanti sacerdotii dignitatem retinere , & conscientia remordente de suomet jure dubius. Sequiturne virtutem inesse particulari Romanæ Synodo in Pontificem indubium , atque agnitum ab omni Ecclesia , excepto casu hæreseos ? Quis scit deinde , certe non abdicaturum fuisse , si manere potuisset ? An certam , Dei instar , possidet futurorum scientiam ?

tiam? Paucis: palpare manibus, ut ita dicam, potes, Theodulphe, certissime falsum esse, quod particularis Ecclesia Romana, in Sutrina Synodo exercuerit potestatem, abdicandi se Pontifice certe legitimo, atque invito. Itaque uti ex aliis Synodis nulla invento. Ipsius accedit auctoritas, ita neque ex hac Sutrina. Narratis hisce vagis, neque historiam, prout reipsa gesta est, integre referentibus, audacter tamen jactatis, fucum facere posset imperitis, quem ego, ne imponatur incautis, clara luce, ex testibus omni exceptione majoribus hausta, dissipandum putavi.

28. Discutiamus nunc, Theodulphe, an ratione firmitus, quam auctoritate, stabilire rem suam possit.

29. Incipit pag. 31. N. XVIII. venum exponere ratiocinationes suas. Sed mercium istarum vitia, speciosorum verborum integumentis involuta, tam luculente retegam; ut nemo eas empturus sit, qui sapiat. Composita ad gravitatem oratione ita fatur: „Contra hanc potestatem necesse est specificum Canonem, qui eam prohibeat, afferre: alias factum stabit, ut diu stetit, inconcussum, donec venerint Recentiores illud improbantes. „

30. Factum quid ni staret? Factum enim infectum fieri nequit. Stabitque, ut diu stetit, inconcussum tota, quam longa est, aeternitate? sive illud probent, sive improbent omnes tam novi, quam veteres. Illa autem, de qua unice quaestio est, potestas particula-

ris Rom. Ecclesiæ nunquam stabit; donec venerint, qui illam probent; veteres. (*Kid. b. Contr. n. 6.*) Veteres si hætenus non venerint (ut venisse, probari non potest) nec venire jam amplius quibunt. Nunquam igitur stabit illa potestas. Non est necesse afferre canonem specificum (quamvis satis multi allati sint in *Controv. præced. §. 1. & 2.*) qui eam prohibeat. Sed necesse est Ipsum, qui rem Catholicis omnibus, imo & Janfenianis, hætenus ignotam, conetur adstruere, afferre Canonem specificum, qui eam probet. Quia afferenti incumbit probatio. Possessio, quam Ipse causæ suæ sine auctore Prætor perperam arrogat, pridem explosa est. (*Proæm. §. 6. toto*)

31. „ Ni, pergit, Canonem, & exceptionem protulerint, manebit hoc argumentum: Omnis Ecclesia remedia juris habet, „ adversus Pastorem suum, non solum hæreticum, vel dubium, sed etiam alias incorrigibilem: Ergo & Romana.

32. Ni proferat, pergam ego, ante omnia Canonem, quo suum inventum probet; nihil aget. Argumentum istud; quod tanta Majestate proponit, concedo totum. Quæ remedia juris adversus Pastorem suum, si male feriat moribus sit, habeat Ecclesia Romana, ex veterum monumentis ostendi (*Controv. præc. §. 1. n. 57.*) Quæ remedia habeant aliæ Ecclesiæ particulares adversus Pastrem suum; loquuntur magno numero Canones. Fallacia Sophismatis, quam sollicitè regit, in eo sita est: quod

quod Ecclesia Romana, non secus atque aliæ Ecclesiæ, adversus Pastorem suum certa quædam remedia habeat; ex eo minime consequens est, quod hujus etiam speciei habeat remedium, ut exauctorare possit Pastorem suum, si monitoribus, asper corrigi recuset: quod tamen hic quaritur unice. Ex specie una, aut altera non est legitima consecutio ad aliam toto genere diversam. Ita non sequitur e. g. Sortes lutum habet: ergo etiam aurum. Norunt hoc duorum, aut trium mensium tyrones dialectici melius, quam... Exponuntur sophismata in Elenchis Aristotelis, ut discamus ea & vitare ipsi, & ab aliis proposita dissolvere. At usurpari illa a Viro tam gravi, tam gravi in negotio, ad sanctionem pragmaticam pertinente Ecclesiasticam, in foliis publice disseminatis, in conspectu orbis literati; quale esse dicemus, Theodulphe?

32. Rectius argumentabimur: Nulla Ecclesia particularis habet potestatem exauctorandi Pastorem suum, non modo corrigi nolentem, sed ne dubium quidem, imo hæreticum *per se solam*. Ergo nec particularis Romana. Exauctorare enim pastorem non potest, nisi gregis Dominus, aut is, quem Dominus gregum suorum particularium pastoribus præfecerit. Grex, si pastor officio defuerit, invocare supremum totius ovilis constitutum divinitus pastorem, aut ipsum Dominum potest, ejusque implorare, ac cum patientia expectare auxilium: remove ab officio non potest *sola sua auctoritate*.

33. Paradoxum hoc videbitur Ipsi, qui ex, & cum Febronio, non dico, suo, C. 4. §. 8. velut rem certam, atque omnem extra contro- versiam positam venditat pag. 33. N. XXII, prinitus omnes Synodos provinciales habuisse potestatem, ut quemlibet de provincia Episco- pum, ipsum quoque Metropolitanum, depone- re possent. Producit in hanc rem Epistolam Conc. Romani sub, & pro Damaso I. Pap. ad Gratianum, & Valentinianum Impp. & Rescrip- tum Imperiale ad eandem Anno 378. Quæ re- peritur apud Constant à pag. 523. & Hard. T. 1. CC. a. pag. 841. Sed verbis, ad rem su- am probandam facientibus, ex utraque Epi to- la proferendis, cautissime abstinet. Ne pateret nimirum, non modo nihil in illis contineri, quod Ipsius asserto faveat; sed de Metropolita- no etiam statui prorsus contraria his, quæ tan- ta fiducia lectoribus occinit.

34. Inspice tuismet oculis utramque Episto- lam vel in Petro Constant, vel in Harduino *Pagg. citr.* si fraudem tibi a me fieri, [forsan pertimescis. Prius tamen, quam lectionem ag- grediaris, hæc habe: Ut Rescripti cujuscun- que sensus genuinus intelligi, efficaxque ex eo argumentum peti possit; attendendum, qua oc- cassione, a quo, vel quibus, & quem in finem fuerit scriptum.

35. Occasio istarum Epistolarum hæc fuit: Cum anno 366. Damasus fuisset legitime ele- ctus, factiosi quidam homines Antipapam ei opposuerant Ursinum ((Alii Ursicinum vocant)

non

non sine tumultu , & multa hominum cæde. Valentinianus Augustus , pacem Urbi redditurus , per Prætextatum Urbis præfectum jusserat Ursicinum cum suis deportari in Galliam. *Ruffinus L. 2. C. 10. Sozomenus L. 6. C. 10. Ammonius Marcellinus L. 27.* Post per varia alia Valentiani rescripta Ursini relegatio modo non nihil relaxata , modo iterum magis restricta fuit. Circa annum 378. Cæsare bellis exteris distento , & Urbe prædiis nudata , in novas spes erectus Ursinus cum asseclis suis rediit in Italiam. Clam per eos , quos illicite sacrilegus ordinavit , vilissimum quemque sollicitare conatur. Ejusque factio ita invaluit denique , ut per tubornatum Isaacum , Judæum baptizatum , sed ad Synagogam turpiter reversum , Damasci caput peteretur , sanguis innocentum fundetur &c. Ad conflandam Damaso apud plebem invidiam , & contemptum impègerunt Pontifici , quem S. Hieronymus Epist. 50. ad Pammachium , Virginem , & Ecclesiæ Virginis Doctorem vocat , adulterii calumniam. Ursicini exemplo alii , qui se intelligebant Romani Sacerdotis judicio pro meritis damnandos , vel damnatos viderunt , non acquiescebant hujus judicio , sed iudices suos terrore mortis exagitabant , ac contemptis , vel fugatis cognitoribus suis illicitum retinebant Sacerdotium. In his Parmensis Episcopus dejectus judicio Synodi , & Pontificis , Ecclesiam tamen retinebat impudenter. Damnatus æque Florentius Puteolanus post sextum annum repperat in Ci-

vitatem, tenebat iterum Ecclesiam, atque Patreolis, unde dejectus fuerat, seditiones excitabat. Restitutus Africanus iussus causam dicere apud Episcopos, sava insolentiam martu judicium diffugit. Rursus per Africam Rebaptizatores, iussu Caesaris expulsi, ordinarunt sibi Claudianum, cumque ad perturbandam Urbem destinabant Romam quasi Episcopum. Paucis: vilis ab istis hominibus habebatur passim Pontificis, & Synodorum ejus auctoritas. Damasus innocentiam suam non modo Imperatoribus (a quibus & immunis objecta criminatione repertus est) discutiendam permisit; sed etiam coram hac Synodo; anno 378. habita, se canonice purgavit. Hæc, Theodulphe, in ipsius hujus Epistolæ narratione haud obscure exposita reperies; ut aliis testibus minime indigeas.

36. Patres igitur ad comprimendam istorum audaciam, defensores Ecclesiæ Augustos implorandos censuere; uti implorarunt hisce literis: quibus quem haberent finem propositum, elucet tum ex eo, quo flagrabant, Schisma præsens restringendi studio, tum ex iis, quæ petierunt ab Augustis. Petierunt autem 1. ut urgerent Edictorum suorum in Ursinum, ejusque nefariam cohortem dudum latorum observantiam; quæ per judicium vel socordiam, vel intempestivam indulgentiam neglecta eatenus non responderant votis, nec malo medelam attulerant. 2. ut Schismatici isti, ac refractarii Pontifici, Synodisque sacerdotes, ad subeunda  
Eccle-

Ecclesiæ judicia , forti Præfectorum manu compellerentur. 3. Ut Sacerdotum causæ non tractarentur in publicis , sive profanis judiciis ; id quod jam ante Imperatores decreverant.

37. Accede nunc mecum , Theodulphe , ad legenda , atque expendenda Patrum verba : „ Quæsumus Clementiam vestram... ut jubere „ pietas vestra dignetur , quicumque vel ejus „ (Damasi) vel nostro judicio , qui Catholici „ sumus , fuerit condemnatus , atque injuste vo- „ luerit Ecclesiam retinere, vel vocatus a Sacerdota- „ li judicio per contumaciam non adesse, seu ab illu- „ stribus Viris præfectis prætorio Italiæ vestræ, „ sive a Vicario accitus ad urbem Romam ve- „ niat : aut si in longinquiore partibus hu- „ jusmodi emerferit quæstio , ad Metropolita- „ num per locorum judicia deducatur examen : „ Vel „ (Huc geminas huc flecte acies, Theo- „ dulphe) „ si ipse Metropolitanus est , Ro- „ mam necessario , vel ad eos , quos Roma- „ nus Episcopus judices dederit , contendere „ sine dilatione jubeatur..... Certe si vel „ Metropolitanus , vel cujusce alterius sacerdo- „ tis suspecta gratia , vel iniquitas fuerit ; vel „ ad Romanum Episcopum , vel ad Concilium „ certe quindecim Episcoporum finitimorum ei „ liceat provocare.... Quicumque vero ita me- „ ruerit excludi ; sileat , & quiescat , & , si „ Dei judicium non veretur , minus tamen „ peccare vel necessitate cogatur , ut saltem „ de cætero pacifici , atque concordēs Sereni- „ tati vestræ congruas apud Dominum nostrum „ gratias referre possimus. „



38. Quid hic de Metropolitano legis? Verbum nullum de potestate, quam primitus habuisse dicuntur omnes Synodi provinciales, ut quemlibet de provincia Episcopum, ipsum quoque Metropolitanum, possent deponere. Lege, relege millies tam Synodi, quam Augustorum Epistolam; apicem hac de re nullum reperies. Reperies ex adverso, Metropolitanum, si & ipse de refractariorum numero fuerit, Romam necessario, vel ad eos, quos Romanus Episcopus iudices dederit, sine dilatione compellendum. Cur ergo has laudavit duas Epistolas? Divinare poteris, quamvis Oedipus non sis, Theodulphe, nisi ego Davus sim: aut neminem putavit futurum, qui Lectorum oculis ab ipso subtracta proferret in lucem; aut non inspexit suis.

39. At inquires: ex his saltem Epistolis hoc non negabis, posse vel a Romano Episcopo, vel a quindecim Episcoporum finitimorum Concilio Episcopum deponi. Festina lente, Theodulphe; & cave, ne verba ista: *Certe si vel Metropolitanus, vel cujusque alterius sacerdotis suspecta gratia, vel iniquitas fuerit. & reliq. ut supra*, a totius corporis truncò avulsa intuearis. Conjunge membra sui corporis habitui; ac vide, de quibus hic sermo sit. Non agitur de damnandis, aut deiciendis a sede sua Episcopis sed de iis, qui vel Damasi, vel Synodi Romanæ (vel nostro, inquiunt Patres) iudicio fuerint condemnati, & injuste voluerint Ecclesiam retinere, vel vocati à sacerdotali iudicio non adesse.

De

De his si in longinquiorebus partibus hujusmodi emerſerit quaestio, indulget sacra Synodus, & consentiens et Damasus, ut ad Metropolitanum per locorum judicia deducatur examen: vel certe, si Metropolitanus suspectus fuerit, eis liceat, si voluerint, ad 15. Episcoporum provocare Concilium. Apud ista igitur judicia, si hi de pertinacia sua, & Ecclesiarum, a quibus per priorem Damasi, vel Episcoporum Catholicorum sententiam dejecti jam ante fuerant, injusta occupatione, ac contumaci declinatione iudicii fuissent convicti, damnari ad standum prioribus sententiis poterant; Imperatoresque rogitabat S. Synodus, ut ita denuo damnatos, ab Ecclesiarum, quas turbabant, finibus per Praefectos praetorio, vel Vicarios suos segregent; ne rursus impudenter usurpent, quod jure sublatum sit. De depositionis autem ipsius prima sententia a Metropolitanæ iudicio, vel finitimorum Episcoporum Concilio ferenda, uti hic quaestio non erat, ita nulla sit mentio.

40. Non sum nescius, exstare sacros Canones, qui statuunt Episcoporum causas in Synodis cognoscendas, ac terminandas. At vero constanti Ecclesiae usu, consuetudineque receptum fuit; ut, si de Episcopo sua sede spoliando ageretur, Synodorum particularium sententiae non essent ratae, ac firmæ; nisi summorum Pontificum, aut missorum ab his Vicariorum calculo probarentur. Latas ejuscemodi a Synodis particularibus sententias modo ratas habebant Pontifices, si iustas comperissent; modo rescin-

166 *Contr. 2. An Ecclesie Rom. particulari*  
scindebant, si videbantur injustæ. Contigit  
etiam nonnunquam, ut si quas, ad se recur-  
rentium fraude decepti, rescidissent prius,  
post tamen veritatem edocti, iterum haberent  
ratas. Nota hæc sunt ex Historia Ecclesiastica.  
Nonnulla ad imperitiorum institutionem addu-  
cenda censeo exempla.

41. Paulus Samosatenus Antiochenæ Cathe-  
dræ præpositus erat ad annum 260. homo  
judaicæ perfidiæ magis, quam Christianæ fidei  
deditus, quippe qui in Christo Domino nihil,  
præter merum hominem, agnosceret eximium.  
Is fefellerat quidem dolosis verborum involu-  
cris (ut est versipelle, atque astutum hoc genus  
hominum) Synodum circa annum 264. adver-  
sus eum congregatam apud Antiochiam. At  
non possunt id genus homines, si vigiles in  
eorum passus omnes intendantur oculi, latere  
diu; sed suo indicio pereunt tandem sorices.  
In Synodo alia, anno 269. habita, detracta  
dolosæ vulpi ovina pelle damnatus, ac Sede  
pulsus est. Sententiam suam Patres per episto-  
lam Synodicam enumeratis ejus sceleribus in-  
dicarunt tum aliis Episcopis, tum maxime Dio-  
nysio Papæ; cujus, interea vita functi, suc-  
cessor Felix acta contra Paulum probavit. *Eu-  
seb. Lib. 7. C. 30.*

42. Circa annum 311. Cæcilianus, Cartha-  
ginensis Episcopus, a Synodo Africana Sede sua  
exactus, suffecto in ejus locum Majorino, ad  
Melchiadem Pap. confugit, ab eoque in sedem  
suam restitutus est, suffragante Synodo Roma-  
na

na ab ipso congregata. Qua de re, ut alios brevitate causa præteream, in hunc modum scribit S. Augustinus *Epist.* 162. „Erat Carthago Civitas ampla, & illustris... non mediocris utique auctoritatis habebat Episcopum (Cæcilianum) qui posset non curare conspiciantem multitudinem inimicorum; cum se videret & Romanæ Ecclesiæ, in qua semper Apostolicæ Cathedræ viguit principatus, & cæteris terris, unde Evangelium ad ipsam Africam venit, per communicatorias literas esse conjunctum, ubi paratus esset causam dicere, si adversarii ejus ab eo illas Ecclesias alienare conarentur. „Agnoscebat igitur S. Augustinus, potuisse Cæcilianum jure confugere ad Romanæ Ecclesiæ, & Pontificis Rom. judicium, maxime eo, quod esset Episcopus. Addit quippe: „Neque enim de Presbyteris, aut Diaconis, aut inferioris ordinis Clericis, sed de Collegis agebatur; qui posset aliorum Collegarum judicio, præsertim Apostolicorum, Ecclesiarum causam integram reservare. „Reprehendit ibidem S. Augustinus Numidiæ Episcopos, quod a damnato mox Cæciliano Majorinum prius consecrarint, quam Rom. Pontificis mentem explorassent. Quid multis opus est? ita probavit illius temporis Ecclesia istud Melchiadis judicium; ut Cæciliani nomen inter Nicæni Concilii Patres legamus.

43. S. Cyprianus *Epist.* 63. Cum ægre ferret Marcianum, Episcopum Arelatensem, Novatiana-

variano addictum , impune tam diu gloriari ,  
 necdum se abstentum esse : & eundem tamen  
 depositum percuperet ; non ad Episcopos Pro-  
 vinciae particularis Arclatensis , sed ad Step-  
 hanum Papam scripsit , hunc rogans , exhortans ,  
 atque urgens : „ Dirigantur in Provinciam ,  
 „ & ad plebem Arelate consistentem a Te li-  
 „ teræ , quibus abstento Marciano , alius in lo-  
 „ cum ejus substituatur „ Cur id fecisset S.  
 Cyprianus , si non perspecta ei fuisset commu-  
 nis fidelium ejus temporis sententia , non pos-  
 se Episcopum , etiam palam hæreticum , Sede  
 sua citra Rom. Pontificis auctoritatem , & ju-  
 dicium dejici ?

44. Idem S. Cyprianus , cum Basilides eun-  
 dem Stephanum Pap. mendaciis circumventum  
 induxisset , ut ab eo Sedi restituendus jubere-  
 tur , qua exturbatus fuerat a Synodo Provin-  
 ciae Baticæ , vel potius criminum conscientia  
 motus semet sponte abdicaverat , alio jam in  
 ejus locum legitime suspecto ; ægre hoc tulit  
 quidem : non tamen hanc denegavit Romanis  
 Pontificibus potestatem. Ait enim „ Step-  
 „ hanum Collegam nostrum longe positum , ac  
 „ gestæ rei , ac tacitæ veritatis ignarum , fe-  
 „ fellit..... Neque enim tam culpandus est  
 „ ille , cui negligenter obreptum est , quam  
 „ hic execrandus „ (Basilides) qui fraudulen-  
 „ ter obrepfit. „ *Vid. S. Cypriani Epist. 68.*

Dum S. Cyprianus igitur Provinciae  
 Baticæ Episcopos hortatur , ne Basili-  
 dem , qui Stephano fraudulenter obrepserat ,  
 reciperent : non sequitur , eum hanc in Ste-  
 pha-

phano potestatem non agnovisse: sed illud duntaxat, quod Rescriptum hoc Papæ, utpote obreptum, nullius esse roboris censendum putaverit. Obreptum enim ex Ulpiano est, quod mendacio, fraude, ac dolo impetratum. Hujuscemodi autem Rescripta, etiamsi a maxime legitima potestate sive sacra, sive politica fuerint impetrata, sunt de jure nulla. *Errantis enim nullus est consensus.*

Subiratus antea S. Cornelio Papæ fuerat S. Cyprianus; quod a se in Synodo sua remotos a Communione fidelium Clericos quosdam cum Pseudo-Episcopo Fortunato S. Cornelius, ad se confugientes, non continuo rejecerit. *Epist. § 8. Edit. Parm.* Sed non agebatur illic Episcoporum, in particulari Synodo depositorum, causa, sed Clericorum inferioris ordinis, a communionem fidelium separatorum. Quamvis enim inter eos unus esset Pseudo-Episcopus Fortunatus; hunc, quia post latam in se excommunicationis sententiam a paucis hæreticis, & Schismatis fociis contra jus, & fas omne constitutus fuerat, S. Cyprianus non nisi in simplicium Presbyterorum numero habendum merito censuit. Contendebant autem Africanæ Ecclesiæ, more, ac privilegio quodam suo, non competere inferioribus Clericis, in Synodo damnatis, ad Sedem Romanam refugium; sed ad Primates duntaxat suos, aut majores Synodos Africanas. Quod privilegium si concessum fuisse Ecclesiis his, fateri voluerimus; quod nec inficiari hic, nec necesse est adstruere:

ere : tamen constaret ex jam allatis, de veris Episcopis aliud sensisse S. Cyprianum : nisi Cyprianum Cypriano contradicere, velis asserere.

45. Ipsi usque adeo Eusebio Nicomediensi, Arianarum partium propugnatori acerrimo, & jurato S. Athanasii Alexandrini hosti, eadem mens fuit. Postquam enim duobus in Conciliabulis suis Athanasium Alexandrinæ Ecclesiæ gubernatione exuendum decreverat circa annum 339. „ Legationem misit ad Julium Rom. „ Episcopum, rogans, ut causæ Athanasii „ ipse iudex esse vellet, & cognitionem negotii ad se traheret „ inquit Socrates *Lib. 2. C. 11.* Idemque attestatur ipse Athanasius in *Apolog. 2.* Quamvis indicta post a Julio Romanam Synodo, & S. Athanasio frustra eos ibidem per menses decem, & octo exspectante, Eusebiani iudicio se sistere refugerint; imo factus, atque audaciæ plenas ad Pontificem literas dederint.

46. Quibus Julius ea, quæ caput Ecclesiæ decebat, gravitate respondit per epistolam, non illam quidem, quæ ab Isidoro Mercatore conficta circumfertur, sed eam, quam ex S. Athanasii Apologia 2da descriptam, habemus integram, atque incorruptam. Ubi hæc leguntur inter cætera : „ Nam si omnino, ut dicitis, aliqua eorum „ (a vobis exauctoratorum. Exauctoraverant enim non solum S. Athanasium, sed & Marcellum Ancyra, & Asclepam Gazæ Episcopos) „ culpa fuit, iudicium „ secundum canones, nec eo pacto fieri oportuit.

„ tuit. Oportuit omnibus nobis „ (Romæ con-  
gregatis) „ scribere, ut ita ab omnibus, quod  
„ iustum esset, decerneretur. Episcopi enim  
„ erant, qui patiebantur, nec vulgares Eccle-  
„ siæ, quæ vexabantur, sed quas ipsi Aposto-  
„ li per se gubernaverant. Cur autem de A-  
„ lexandrina potissimum Ecclesia nihil nobis  
„ scriptum? An ignoratis hanc esse consuetu-  
„ dinem, ut primum nobis scribatur, & hinc,  
„ quod iustum est, decernatur?

Novi, esse Recentiores, qui detorquere hæc  
eò moliantur, ut intelligenda contendant de  
sola Ecclesia Alexandrina, tum quod ea sola  
hic potissimum nominetur; tum quod hæc  
peculiari quodam modo ad B. Petri Cathedram  
pertineat: quia B. Petrus, Romæ jam fixa Se-  
de, per Discipulum suum S. Marcum, in om-  
nibus utique Doctoris sui magisterio consonan-  
tem, fundavit Alexandrinam. Forte idipsa  
posse etiam videri dictum a Julio de Ancyra  
in Galatia Episcopo Marcello, quam S. Paulus  
fundaverit Ecclesiam. Conqueruntur itaque de  
Socrate Lib. 2. c. 17. scribente: Julium per  
has literas Eusebianis exprobrasse, quod contra  
Canones ipsum ad synodum non vocassent &  
„ cum Ecclesiastica regula interdictum sit, ne  
„ præter sententiam Rom. Pontificis quidquam  
„ ab Ecclesia decernatur „ de secuto item So-  
cratem Sozomeno, tradente: „ pro irritis hæ-  
„ benda esse, quæ præter sententiam Episcopæ  
„ Romani gesta fuerint. „ utrumque in eo fal-  
sum esse, quod ista Julii verba, de una Eccle-



sia Alexandrina ab eo dicta, de universis interpretati sint. Sed Recentiores isti apertam Julii dictis vim inferunt. Loquitur enim tam hic, quam in Epistolæ cursu reliquo, de Episcopis citra exceptionem. Cujus autem Ecclesiæ *potissimum* nominatim mentionem ad Eusebianos faceret; nisi ejus, *qua potissimum* ab illis atrocissime divexata fuerat? De Socratis, ac Sozomeni auctoritate sentiat quisque, quod collibitum fuerit. Sufficiunt Patrum, quæ protulimus, sensa agnoscentium, generationum Episcopos Ecclesiis suis excludi non posse, nisi accedente Sedis Apostolicæ auctoritate. Hi nobis mille ejusmodi Recentioribus debent esse potiores. Dabo etiam, si quis voluerit, Julium hoc loco de sola Alexandrina locutum. Stabit tamen, quod de constanti Ecclesiæ usu diximus, ac dicemus porro. Non possunt enim uno in Rescripto dici omnia.

47. Nec minus fortiter Sedis Apostolicæ gravitatem tuitus est factis, quam verbis Julius. Nam in synodo Romana anno 342. à se collecta non modo sententiam in S. Athanasium Alexandrinum, & Marcellum Ancyranum (hos enim fortè largientur Julio, propter Sedium Apostolicarum prærogativam) sed etiam in Asclepam Gazæ Episcopum latam rescidit, in communionem recepit, Sedi suæ restituendum præcepit; quod & effectum dedit Synodus Sardicensis. *Epist. Syn.* Sicut autem Asclepam restituit; ita potuit & alios, per varias provincias Episcopos, qui se (ut legere est in *Epist. Julii*)

Julii) ab eadem Eusebiana factione Ecclesiis suis pulsos querebantur, restituere; &, si Sozomeno Lib. 3. c. 8. fides, restituit.

48. Synodus Sardicensis, circa annum 347. habita, canone 3. statuit, quodsi aliquis Episcopus judicatus fuerit in aliqua causa, & putat se bonam causam habere... S. Petri Apostoli memoriam honorandam, & ab his, qui causam examinarunt, scribendum Julio Rom. Episcopo: & si judicaverit renovandum esse judicium, renovetur, & det judices. Si autem probaverit, talem causam esse, ut non refricentur ea, quæ acta sunt; quæ decreverit, pro confirmatis esse habenda

Canone 4. additur: ut, cum aliquis Episcopus depositus fuerit eorum Episcoporum judicio, qui in vicinis locis commorantur; & proclamaverit, agendum sibi negotium in urbe Roma; alter Episcopus in ejus cathedra post appellationem ejus, qui videtur esse depositus, omnino non ordinetur; nisi causa fuerit in judicio Episcopi Romani determinata. Canone 7., Placuit autem, ut si Episcopus accusatus fuerit, & judicaverint congregati Episcopi regionis ipsius (en Episcopos designari Provincia singularis) & de gradu suo eum dejecerint; si appellaverit is, qui dejectus est, & confugerit ad Episcopum Romanæ Ecclesiæ, & voluerit se audiri... si justum putaverit (utique Rom. Episcopus), ut renovetur judicium, vel discussionis examen; scribere his Episcopis dignetur, qui in finitima, & pro-

**174 Contr. 2. An Ecclesia Rom. particulari**

„ pinqua provincia sunt, ut ipsi diligenter omnia  
 „ nia requirant, & juxta fidem veritatis definiant.  
 „ Quod si is, qui rogat causam suam iterum audiri,  
 „ deprecatione sua moverit Episcopum Romanum, ut è latere suo Presbyterum mittat;  
 „ erit in potestate Episcopi, quid velit, & quid æstimet. Et si decreverit  
 „ mittendos esse, qui præsentibus cum Episcopis  
 „ judicent, habentes auctoritatem ejus, à quo destinati sunt,  
 „ erit in suo arbitrio. Si vero crediderit, Episcopos sufficere, ut  
 „ negotio terminum imponant, faciet, quod sapientissimo consilio  
 „ judicaverit. „

Ex canone tertio habemus, in potestate, & arbitrio Rom. Pontificis esse, ubi ab Episcopis, qui causam examinarunt, de rei statu edoctus fuerit, vel renovare judicium, & dare iudices: vel confirmare priorem sententiam, si censuerit talem causam esse, ut non videantur ea, quæ acta sunt, refricanda; ut factum in causa Pauli Samosatani (*b. Controv. n. 41.*) Ex canone 7. habemus, liberam pariter Rom. Pontifici optionem esse, si renovandum esse judicium censuerit; ut potestatem omnia requirendi, & juxta fidem veritatis definiendi committat vel solis Episcopis vicinæ, (non ejusdem, in qua depositus videtur Episcopus appellans), provinciae; vel missis a suo latere, ejus, a quo destinati sunt, auctoritatem habentibus, qui præsentibus cum Episcopis judicent. Utrumlibet fiat, sit auctoritate delegata summi Pontificis Romani. Neutro cano-

ne

ne vetatur , ne causam ipsemet , si voluerit, cognoscat. Gregorius IV. in Epistola sua , ex qua desumptus est Can. 42. Caus. 2. Q. 7. a vindictiarum Scriptore pag. 34. N. XXIII. pro sua causa productus, id sibi jus asserit ex antiquis Canonibus, & contra quemcunque defendere paratum se exhibet.

49. Canones istos non putavit e re sua vindictiarum Scriptor, oculis legentium subicere; nec divinare mihi facile est, quid de illis sentiat. Alii, ad clare iis assertam Rom Pontificis auctoritatem enervandam, ajunt, non concedi hic potestatem renovandi judicium, sed revisionis duntaxat, ut vocant. Sed hoc effugium obstruunt verba ipsa Canonis 3. *Judicium renovetur, & det judices.* & Canonis 7. *Si justum putaverit, ut renovetur judicium, vel discussionis examen.* Et: *Qui presentes cum Episcopis judicent.* Alii hos Canones Sardicenses ajunt ante sæculum VII. aut VIII. neque in Orientis, neque in Occidentis Ecclesia notos fuisse. Non est mihi necessarium ad præsens propositum discutere, verumne id, an falsum sit. Verum foret licet; tamen eundem, sine scripto canone morem, constanter viguisse ante Sæculum VII. & VIII. eluceret ex iis, quæ non multo post prolaturus sum.

Multum nonnulli putant momenti esse in contentione illa, quæ circa Canones Sardicenses Ecclesiam Africanam inter, & Zosimum Pap., ejusque Successores Bonifacium, & Cœlestinum Sæc. V. incunte exorta est.

L ;

Sed

Sed laborabant Africani Præsules errore facti ; cui occasionem præbuerat commonitorium Zosimi datum Legatis suis ad Synodum, ad quam ex omnibus Africae provinciis confluxuri erant Episcopi. In hoc commonitorio Zosimus allegavit inter cætera Canonem VII. Sardicensem : *Placuit autem*, totidem verbis, quibus eum supra (*h. Controv. n. 48.*) exhibuimus integrum. Sed Zosimus eum appellavit *Nicanum*. Qui mos eo tempore non erat infrequens : sive quod Sardicensis synodus habita fuerit velut appendix, & complementum Nicænæ ; sive quod quibusdam in Codicibus, Canonum Nicænorum titulo insignitis, post Nicænos descripti legerentur & Sardicenses. Ut ut ista sint ; cum Africani in suo, quem præ manibus habebant ; codice Canonem istum VII. non reperissent, motum eis est dubium. Non tamen eum plane rejecerunt ; sed pro sua in RR. Pontifices observantia obtemperantes omnibus, quæ Zosimi commonitorio continebantur, & profitentes, se servaturos, quod in Nicæno Cciao constitutum sit, id unum sibi reservarunt ; ut de isto Canone plenius edocerentur. *Act. Conc. Carthag. VI, apud Hard. T. 1. Cc. 4 pag. 1241.*

Quamvis itaque illo tempore nondum innotuerint Africanis isti Canones : certe tamen notam fuisse illis, ignorato etiam tum scripto Canone, perpetuam traditionem majorum suorum de residente in Rom. Pontifi-

tifice potestate synodorum particularium sententias, in Episcoporum deponendorum causa latas, vel confirmandi, vel rescindendi, dilucide probant; quæ (a n. 42. h. Controv.) attulimus; quibus, si necesse foret, addi possent plura.

Afros postea priorem facti errorem deductos, non vocasse amplius in contentionem jus Episcoporum in causa ejusmodi provocandi ad Rom. Sedem, discimus ex Epistola 261. S. Augustini ad Cælestinum I. Cum enim Antonium Fusalensem Episcopum, a semet quamvis antea promotum, S. Augustinus propter prodentia se postmodum ejus infanda facta in synodo removisset ab illa Ecclesia, isque confugisset ad Bonifacium, ejusque deinde Successorem Cælestinum; non recusavit Hipponensis judicium Papæ: Sed cum de actis contra Antonium in Africa certiores faciens, obsecravit solummodo, ut Cælestinus suo judicio & Fusalensis populi, a suo Pastore divexati, & Antonii saluti velit prospicere, ne & hic, & ille periret. Quod si contingeret, magno sibi mœrori, pro sua in utrumque charitate, futurum ostendit.

Accedit, quod in illa Synodo VI. Carthag. nullius Episcopi deponendi, sed Apiarii Presbyteri, Africam cum ingenti scandalo perturbantis, causa ageretur. Nec in Epistola Synodica Patres deprecabantur Papam, ne Episcopos damnatos, sed ne de commu-

nione fidelium dejectos a se, ad communio-  
nem ipse facile, præpropere, & indebite  
reciperet contra Can. V. Nicænum.

50. Justinus Febronius in Libro suo singula-  
ri C. V. §. 6. aliam expediendi se his canonibus  
viam inivit. Afferit enim ex mente, & dispositione  
istius Synodi, adjectitium esse hoc privilegium,  
a memorata synodo primo Episcopo tributum,  
originarie, & ex natura Primatus Apostolici ei-  
dem non competens, & ne indolem quidem  
genuinæ appellationis habens, proinde præten-  
sum illum Primatum jurisdictionis proprie di-  
ctæ destruens potius, quam sustinens.

51. Primatum quidem jurisdictionis proprie  
dictæ in Vindiciis negari Rom. Episcopo, nul-  
libi reperio. Propterea hoc Febronii assertum  
earum scriptori absit, ut impingam; nec cau-  
sam præsentem attinet. Relinquo id discuti-  
endum illis, qui Febronii fallacias partim re-  
texerunt hactenus, partim relecturi sunt for-  
sitan. In hac depositorum a Synodis Episco-  
porum causa, quam præ manibus habemus,  
morem istum ante scriptos Sardicenses Canones  
fuisse inde a Sæculo III. constanter observatum,  
ostendi (a. n. 41. b. Cant.) & post scriptos  
continuatim mox ostendam. Postulat tamen  
hæc ipsa etiam causa, ut Febronii caput pau-  
cis lavem. Faxit Deus, ne lavem æthiopem.  
Poterat eodem ingenii sui acumine dicam, an  
stupore, pronuntiare: Verbi æterni Divinitatem  
in Nicæna I. contra Arium; Spiritus S. Divi-  
nitatem in Cpolitana I. contra Macedonium;

uni.

unitatem personæ Christi Domini in Ephesina I. contra Nestorium, & Deiparæ nomen ejus Beatissimæ Matris; duas naturas Christi Domini in Chalcedonensi I. contra Dioscorum & Eutychen; duas voluntates Christi in Cpolitana III. contra Monothelitas, cæteraque ejusmodi in Cciis Oecumenicis aliis asserta, ac declarata, esse *adjectivum privilegium*, illis Personis a Synodo *tributum*; *originarie tamen*, & *ex natura* illarum iisdem *non competens*. Appage! dices: non sunt hæc tributa a Synodorum Patribus, sed ex Apostolicis, & Beatorum Patrum traditionibus ab illis asserta, declarata, definita. Nihil ab illis novum, & antea insolitum constitutum. Plane tecum sentio, quisquis ista disputas. Sed idem de Patribus Sardicensibus omnino sentiendum est. Nihil illi statuerunt novum, & ante insolitum; sed quæ auctoritati supremi Capitis originarie & ex natura sua competere, ex traditione Patrum acceperant, atque usu, ac moribus Ecclesiæ hætenus recepta intellexerant, asseruerunt, declararunt, definierunt. Provocationis, & Appellationis verba, in his canonibus occurrentia, de indole genuinæ appellationis accipienda sunt; donec veteres venerint, qui abusive interpretanda doceant. Novorum hominum interpretationes nihili facimus.

52. Veniamus nunc ad id, quod ostensum a me iri, non semel jam promisi: nimirum post Sardicenses Canones eundem morem constanter retentum, ac continuatum fuisse in Ecclesia.



53. Ex Basilii M. Epistola 74 , alias 187. ad Terent. constat , Eustathium Sebastenum à Synodo Mitilinenſi depositum , a decepto ejus hypocrisi Liberio Papa literas restitutionis obtinuisse ; iisque ostensis in Synodo Tyanensi susceptum. Dum autem post detectæ fuerunt ejus fraudes , non sunt tamen ausi ejusdem Provinciæ Episcopi deponere eum, nisi monito Rom. Pontifice , ac rogato , ut illum canonum ultioni permitteret.

54. Sæculo sequente circiter annum 434 , Nestorio in Ephesina I. damnato , ac pace inter Joannem Antiochenum , qui Nestorii partibus ante studuerat , & S. Cyrillum Alexandrinum composita , Helladius Tarsensis , & Euthérius Tyunensis Metropolitæ , cum aliis quibusdam Nestorianæ etiamtum factioni perditæ deditis Episcopis , confugerunt ad Sixtum III. Papam : postularuntque ab eo , tamquam Ecclesiæ Capite , ut rescissis Synodi Ephesinæ , quam non habebant pro Oecumenica , decretis , se in sedibus , e quibus partim ejecti erant , partim ejiciendi videbantur , auctoritate Apostolica tueretur. Epistola eorum habetur in Synodico Casinensi , ex quo eam refert Harduinus T. I. CC. à pag. 1635. Ipse Eutyches , quamvis Archimandrita duntaxat , sive Abbas , non Episcopus ; tamen a S. Flaviano Cpolitano in Synodo damnatus , ad S. Leonem Papam libellos appellationis misit. *Epist. 7. Leonis ad Theodos. Imp. , & 8. ejusd. ad Flavianum , & Flaviani ad Leon.* Sed S. Leo confirmavit sen-

ten-

sententiam a Synodo Flaviani latam. *Epist. Synod. CCii Chalced.* Usque adeo pervagata erat in Ecclesia ejus temporis traditio, patere Episcopis, ac Prælatiſ particulari a Synodo dejectis ad Sedem Romanam perſugium : ut ipſimet etiam hæretici ad eam, velut ſalutis portum confugere non dubitaverint. Ex quo perſpicuum eſt, quantum fallantur, ac fallant ii, qui perſuadere conantur, Orientis Episcopos nunquam ad Romanos Pontifices, ſed ad totius Eccleſiæ Synodos provocaffe.

55. Illa vero cui, in hiſtoria Eccleſiaſtica vel modice verſato, ignota ſunt : S. Chryſoſtomum ſemel in Synodo ad Quercum, atque iterum in alia damnatum, ab Innocentio I, ad quem confugerat, reſciſſa utriuſque Synodi ſententia abſolutum, atque in Sedem reponi juſſum, *Palladius in Dialogo de Vit. S. Chryſ. aliique.* Item S. Flavianum Cpolitanum, & Theodoretum Cyri Episcopos, in Latrocinio Ephēſino Cathedris ſuis exturbatos, ad Romanum Pontificem provocaffe. Ac quamvis Flavianus, ſive fato ſuo, ſive inimicorum machinationibus illata morte præoccupatus, appellationis fructum nullum reportarit : Theodoretum tamen a Leone Pap. ſuæ Eccleſiæ redditum, ideoque a Concilii Chalcedonenſis Patribus, mox poſt dictum Neſtorio anathema, in Synodi conſortium receptum, reclamantibus in caſſum Agyptiſ, citra diſcuſſionem aliam præviam, conſtat ex *Actis Conc. Chalced. Act. Ima* In Act. autem 8va non revocarunt ad examen, neque

neque relegi voluerunt acta apud Pontificem in causa Theodoretii; sed ejus sententiæ simpliciter subscribere. *Nihil relegi volumus, modo anathematiza Nestorium.* Rursus S. Ignatium Cyprianum contra Photii injurias ab Adriano II. defensum loquuntur acta Synodi VIII.

Non ignoro artes, quibus Novitii quidam homines, aliam factis his induere faciem, contra antiquitatis omnis fidem, moluntur. Sed nihil adferunt; quod expensis veterum monumentis non corruat sponte; & jam milles labefactatum non sit. De Episcoporum Sede sua deponendorum causa hic solum agimus. De provocationibus ad Sedem Pontificiam in causis aliis, disceptare ad rem præsentem non pertinet.

Cæterum compluribus aliis exemplis probari potest perpetuus ille mos; ut Episcopis a Synodo particulari dejectis fas sit appellare Sedem Romanam. Ea hic brevitatis ergo non tam prætereo, quam aliud in tempus, si quando necessarium foret, reservo.

56. Ac ne forte causetur quis, ex dictis aliud non sequi, quam posse Episcopos, a Synodis illegitimis, ac per injuriam dignitate exutos, a Rom. Pontificibus petere, atque impetrare remedium: Conciliorum Historias perlegendibus palam fiet, ne in legitimis quidem, atque Oecumenicis Synodis Episcopos, nisi intercedente Rom. Pontificis auctoritate, exauctorari solitos. Ita in Synodo III. Nestorius Cyprianus; in IV. Dioscorus Alexandrinus, hic Leonis

nis I, ille Cœlestini I. auctoritate fuerunt depositi. Quod si movere aliquis voluerit ex eo scrupulum, quod hi, alique non solius Rom. Pontificis, sed Synodorum etiam judicio fuerint loco suo moti, vel restituti: is aliam quæstionem injicit, quam hoc loco attingere nullatenus opus est. Propositio Vindicis ea est: posse Synodum particularem Romanam *solum*, nullo intercedente aliarum Ecclesiarum, aut Synodæ generalis auxilio exauctorare Pastorem suum, etiam ob solam morum corruptelam. Istam ut probaret, asserit: omnibus aliis Synodis provincialibus fuisse primitus hanc potestatem, ut possent quemlibet de Provincia Episcopum, imo & Metropolitanum deponere. Ergo idem dicendum inferebat de Synodo provinciæ Romanæ. Sive jam ad particularium Synodorum judicia ejusmodi infirmenda sufficiat solius Romani Pontificis, sive requiri etiam dicatur Synodorum auctoritas: manet verum, nulli Synodo particulari competiisse primitus potestatem exauctorandi *sola sua auctoritate* suum Pastorem. Q. e. d.

§7. Inde a Sæculo VIII. non exauctorari Episcoporum ullum a solis Synodis, nulla intercedente superiore auctoritate, nemo inficiabitur. Cedo enim mihi Episcopum ullum, qui a Diœcesana, ullum Archi-Episcopum, qui a Provinciali, ullum Metropolitanum, qui a nationali Synodo particulari sola de throno se suo pateretur detrudi. Lamentantur novi disciplinæ veteris instauratores, labem hanc ex confectis

Etis ab Isidoro Mercatore decretalibus in Ecclesiam irrepsisse. Quid ad nos Isidorus iste? Ostensum (*a n. 41. b. Controv.*) ex antiquioribus Isidoro, & probatissimis testibus, hanc non labem, sed saluberrimam disciplinam viguisse in Ecclesia inde a Sæculo III; & vigere in hanc diem, inficiari non possunt. Saluberrimam, inquam, disciplinam. Compertum est enim, quod, quoties particulares Synodi eam subvertere molitæ sunt, atque exauctorare Pastores suos, sive hæresum, sive solarum objectarum iis criminationum (uti Cæciliano, & Chrysostomo accidit) prætenso nomine: toties gravia exstiterint inter Sacerdotes jugia, in populis scandala, turbæ, ac seditiones. Quarum calamitatum moles Romæ etiam, ejecto Joanne XII. non exigua incubuit. Hosne mores reductos cuperent præclari illi disciplinæ veteris præcones?

§ 8. Ita si ex historia Ecclesiastica didicisset Vindex noster, ausurusne fuisset pag. 33. N. XX. scribere tam infulsè? „ Hoc de omnibus „ Ecclesiarum Pastoribus verum est: si de solo Pastore Ecclesiæ Romanæ falsum esset, „ primæ atque centrali Ecclesiæ minus provi- „ disset Christus, quam secundis, & inferioribus, „ quod incredibile aliquid sonat. „ (Tu providisses melius, sapientia) Quamquam enim non negavero, posse inferiores omnes Pastores arceri ab ovili, quicumque ex pastore fiant lupi sive propter hæresin, sive propter alias causas: tamen falsum de omnibus Ecclesiarum

Pasto-

Pastoribus esse, quod possint *solius* particularis Synodi auctoritate deponi, modo demonstratum est. Si de solo Romanæ Ecclesiæ Pastore verum esset; primo, atque centrali Pastori, suoque supremo in terris Vicario minus providisset Christus, quam secundis, & inferioribus. Hi in Synodis depositi, si habere se bonam causam existiment, habent Sedem Romanam; apud quam reparationem dignitatis querere valeant, ac sæpe repererint. Ille a Synodo latus, quantumlibet optimam causam habere se arbitretur, ad quem portum confugiet? Quod certe incredibile aliquid sonat. Maxime si Synodus in eum insurgens nec legitima sit, nec secundum canones judicaverit.

59. Sed quidquid sit de aliis Ecclesiis particularibus; hanc Ecclesiæ Romanæ præ cæteris prærogativam competere, contendit evincere aliis argumentis, sed talibus, in quibus (Pace suæ Claritatis dixero) plures fere sunt fallaciæ, quam sententiæ. Non numeremus ea duntaxat, sed pensitemus etiam.

60. „ Juvare se posse „ (exauctorando Pastorem suum) competit Ecclesiæ illi „ (Particulari Romanæ) „ hoc ipso, quod sit prima Ecclesia, omniumque suprema. „ Hæc Ipse pag. 33. N. XXII. Est utique ex Catholicorum unanimi sensu prima, omniumque suprema Romana, etiam particularis, si ita vis, Ecclesia. Sed ex quo fonte promanat hæc ejus prærogativa? Non ex peculiari privilegio illi, qua tali, qualis a vindiciarum auctore descri-

scribitur, concessio (Quod nullibi reperio, neque ipsa sibi, ni vehementer fallor, arrogat) sed ex eo, quod, qui Urbis senioris Romæ Episcopus est, idem successor B. Petri sit, quem primum, omniumque supremum Christus Dominus Pastorem constituit. Dominus quippe non soli B. Petro, vitæ ejus arctis finibus circumscriptam, supremam oves suas omnes pascendi potestatem fecit: sed quia ovile diebus omnibus usque ad consummationem sæculi manere voluit; voluit eandem ad B. Petri Successores transire. Romanos autem Pontifices esse B. Petri Successores, ad eosque hæreditario jure transire totam, quæ huic veluti Pastorum supremo, concessa est, auctoritatem, non semel agnovere, & clare professi sunt Patres tum intra, tum extra Ccæcæ Oecumenicæ.

61. Merito igitur fatetur Vindex pag. 53. N. XXIV, Papatum esse Metropoli Romanæ annexum ita, ut qui Metropolita Provinciæ Romanæ non sit, is nec sit Episcopus senioris Romæ; qui iste non sit, nec Papa universalis sit. Verum magnæ inscitæ foret, si quis sibi imaginaretur; illud Episcopum Romanum inter, atque universalem Papam vinculum prodire a Provinciæ Romanæ incude. Nexus ille partim ab institutione Christi proficiscitur, partim ex facto, quod ita certis documentis testatum, comprobatumque est, ut vocari in dubium a nemine sano possit. Ex institutione Christi proficiscitur, quod, qui in B. Petri, tamquam supremi Pastoris, officio succedunt, sint & ipsi  
toti

totius Ecclesiæ Pastores. Factum autem certissimum est, quod B. Petrus Romæ Sedem suam fixerit, ibidemque vitam finiens supremam Cathedram suam vacuam reliquerit. Quando Ecclesiam Antiochenam, ubi Cathedram suam primo constituerat, deferens S. Euodio tradidit: non abdicavit se tamen Ecclesiæ Universalis Cathedra, sed eam sibi reservavit, perrexitque fungi Pastoris supremi officio, datis Roma duabus ante mortem suam ad Ecclesias undique dispersas epistolis. S. Ignatius Martyr igitur post S. Euodium alter fuit B. Petri Successor in Ecclesiæ Antiochenæ, non Ecclesiæ Universalis Cathedra. Hæc non vacavit prius, quam vixisset Petrus. In ejus demortui locum, qui surrogatus est, non modo in Romanæ particularis, sed Universalis etiam Ecclesiæ cathedra, tum primum vacante, successit. Ex eo autem tempore, quotquot Pontificibus Romanis mortuis, aut sedem suam sponte deferentibus, succedere; successores B. Petri in summo Pontificatu fuisse constanter ab Orthodoxis agnitos, negare nemo potest, nisi in historia Ecclesiæ, & Cciorum plane hospes. Qui vero Ecclesiarum aliarum particularium Episcopis succedunt, in eam duntaxat succedunt cathedram, quam tenuit præcedens.

62. Ex his jam consequens est; quod, si ne particularis quidem Ecclesiæ Episcopus possit *solus* Synodi particularis auctoritate deturbari e suo solio, multo minus id locum habere possit in primo, omniumque supremo Pastore;

M

a quo



a quo omnis in Ecclesiam particularem Romanam, quem habet, splendor dimanat. Aut si quis particulari Romanæ Synodo plus juris in primum, & supremum Pastorem, neminem in terra superiorem habentem, (*ut probavimus Contr. 1.*) asserere voluerit, quam particularibus aliis in suos Pastores Synodis: id demonstrandum non depromptis ex suo cerebro fallacibus ratiunculis; sed auctoritate traditionum veterum. (*h. Contr. n. 6.*) Hoc qui non potest, ut numquam poterit Noster, is nihil dicat PRÆSIDENTE SE, sed digitum ori imponat cum reverentia.

63. Imponeret autem ori digitum? Id alienum a dignitate Decani Facultatis Juridicæ. Pergamus igitur audire gravitate solita garrientem: „Hæc supremitas, inquit pag. 33. „N. XXII. ipsi tribuit præ reliquis Ecclesiis „omnibus, quod ipsa sola eligat sibi Pastorem, & eligendo Pastorem faciat, sine qua- „vis cujusvis Concilii, vel Ecclesiarum cæterarum confirmatione; dum contra cæteræ „Ecclesiæ confirmationes electorum suorum petere tenentur. „

64. In ista jam una sententia: Quod Ipsa (Ecclesia particularis Romana, qualem Ipse describit) *sola eligat* sibi Pastorem, & eligendo Pastorem *faciat*: duas trabales falsitates nota, Theodulphe! Prima est: Quod ipsa *sola eligat* sibi Pastorem; Altera, & atriore calculo notanda est: Quod *eligendo faciat* Pastorem, id est, Romanum Pontificem.

65. Falsum est imprimis, quod Ecclesia Romana, id est, ut ipse monet, (pag. 35. N. XXIV.) constans ex Romanis Pontificibus, videlicet Romana Provincia Suffraganeis, Cardinalibus, Presbyteris, & Diaconis, eligat sibi Pastorem. Christus Dominus concessit quidem Ecclesiae potestatem eligendi sibi Ministros, & Pastores, etiam B. Petri Successorem in summo Pontificatu: sed modum, quo eligerentur, non determinavit. Fuit is pro varietate temporum varius, de quo hic pluribus differere, non est necessarium. Circa Saeculi XI. medium in Ccio Romano, habito an. 1049, sub Nicolao II, mandata est solis S. R. E. Cardinalibus, qui variis ex Nationibus deliguntur, potestas eligendi summum Pontificem; quod privilegium illis in Ccio Constantiensi, jam plene Occidenico, rursus confirmatum est unanimi Patrum consensu Sess. 41. etsi pro illa duntaxatice electio Martini V. peracta sit per additos Cardinalibus Deputatos Nationum Anglicae, Germanicae, Hispanicae, & Italicae. Ex eo tempore soli S. R. E. Cardinales eligunt Romanum Pontificem. Ad Conclave electionis non admittuntur amplius Episcopi Provinciae Romanae suffraganei, nisi qui ex illis sunt Cardinales. Quamvis & caeteri, qui Cardinales non sunt, ad Ecclesiam Romanam, omnium primam, ac supremam pertinere non desinant. Dico haec, non PRÆSIDE ME, sed in oculis universae Ecclesiae. Si vero Ecclesiae Romanae qua tali, ualem nobis Ipse effingit, competeret ratio

a quo omnis in Ecclesiam particularem Romanam, quem habet, splendor dimanat. Aut si quis particulari Romanæ Synodo plus juris in primum, & supremum Pastorem, neminem in terra superiorem habentem, (ut probavimus *Contr. 1.*) asserere voluerit, quam particularibus aliis in suos Pastores Synodis: id demonstrandum non depromptis ex suo cerebro fallacibus ratiunculis; sed auctoritate traditionum veterum. (*h. Contr. n. 6.*) Hoc qui non potest, ut numquam poterit Noster, is nihil dicat PRÆSIDE SE, sed digitum ori imponat cum reverentia.

63. Imponeret autem ori digitum? Id alienum a dignitate Decani Facultatis Juridicæ. Pergamus igitur audire gravitate solita garrientem: „Hæc supremitas, inquit pag. 33.  
 „N. XXII. ipsi tribuit præ reliquis Ecclesiis  
 „omnibus, quod ipsa sola eligat sibi Pastorem,  
 „& eligendo Pastorem faciat, sine qua-  
 „vis cujusvis Concilii, vel Ecclesiarum cæte-  
 „rarum confirmatione; dum contra cæteræ  
 „Ecclesiæ confirmationes electorum suorum pe-  
 „tere tenentur. „

64. In ista jam una sententia: Quod Ipsa (Ecclesia particularis Romana, qualem Ipse describit) *sola eligat* sibi Pastorem, & eligendo Pastorem *faciat*: duas trabales falsitates nota, Theodulphe! Prima est: Quod ipsa *sola eligat* sibi Pastorem; Altera, & atriore calculo notanda est: Quod *eligendo faciat* Pastorem, id est, Romanum Pontificem.

65. Falsum est imprimis, quod Ecclesia Romana, id est, ut ipse monet, (pag. 35. N. XXIV.) *constans ex Romanis Pontificibus*, videlicet *Romanae Provinciae Suffraganeis, Cardinalibus, Presbyteris, & Diaconis*, eligat sibi Pastorem. Christus Dominus concessit quidem Ecclesiae potestatem eligendi sibi Ministros, & Pastores, etiam B. Petri Successorem in summo Pontificatu: sed modum, quo eligerentur, non determinavit. Fuit is pro varietate temporum varius, de quo hic pluribus differere, non est necessarium. Circa Saeculi XI. medium in Ccio Romano, habito an. 1049, sub Nicolao II. demandata est solis S. R. E. Cardinalibus, qui variis ex Nationibus deliguntur, potestas eligendi summum Pontificem; quod privilegium illis in Ccio Constantiensi, jam plene Oecumenico, rursus confirmatum est unanimi Patrum consensu Sess. 41. etsi pro illa duntaxat vice electio Martini V. peracta sit per additos Cardinalibus Deputatos Nationum Anglicae, Germanicae, Hispanicae, & Italicae. Ex eo tempore soli S. R. E. Cardinales eligunt Romanum Pontificem. Ad Conclave electionis non admittuntur amplius Episcopi Provinciae Romanae Suffraganei, nisi qui ex illis sunt Cardinales. Quamvis & caeteri, qui Cardinales non sunt, ad Ecclesiam Romanam, omnium primam, ac supremam pertinere non desinant. Dico haec, non PRÆSIDE ME, sed in oculis universae Ecclesiae. Si vero Ecclesiae Romanae qua tali, qualem nobis Ipse effingit, competeret ratio

suprematis, ut eligat sibi Pastorem : nullum habuissimus non solum a tempore Conc. Constantiensis, sed etiam a Nicolai II. ævo legitimum Rom. Pontificem : quia exclusa ex eo tempore fuit Pontificum Romanorum, id est, Ipso mōente, Provinciæ Romanæ Suffraganeorum Episcoporum pars maxima.

66. Non solius autem falsitatis, sed tetriore vitio laborat altera sententiæ pars : Quod Ecclesia Romana *eligendo faciat* Pastorem : præsertim cum addat paulo post ; quod ipsa sola sibi *faciat complete* Pastorem. Pastorem inquam, qui simul sit Romanus, & summus Ecclesiæ Catholicæ Pontifex : fatetur enim, Papatum esse Metropoli Romanæ annexum. Summam potestatem in Ecclesiam Christi totam, quam Christus Dominus ita primitus concessit B. Petro, ut eam vellet permanere in Ecclesia sua perpetuam, atque ad omnes B. Petri Successores transituram, nemo mortalium confert electo Romano Pontifici ; sed virtute primævæ institutionis suæ ipsemet Christus Dominus. Hic solus, nulla media humana, siue sacra, siue profana auctoritate, facit Pastorem tam particularis Romanæ, quam universalis Ecclesiæ.

67. In Pastore duas Catholici potestates distinguimus : alteram ordinis, alteram pascendi, ac ducendi oves Christi. Potestatem ordinis quilibet Sacerdos ab ipsomet Christo Domino accipit. Sicut enim si Petrus baptizat, baptizat Christus ; si Paulus baptizat, baptizat Christus ; (S. Augustin. Tract. 26. in Joann.) ita siue Ambrosius, siue Augustinus Ss. Ordines con-

*Competat in se exautorandi Pastorem suum* 191  
conferat; confert Christus, qui est Sacramen-  
torum omnium principalis Minister.

68 Potestatem pascendi, ac ducendi univer-  
sas oves Christi in electum Romanum Pontifi-  
cem ab ipsomet Christo Domino Deo nostro  
derivari, sine alio medio, non meum inventum  
est: sed ex veterrima Patrum traditione, &  
summo totius Ecclesiæ consensu docet Pius II.  
in epistola ad Universitatem Coloniensem, pri-  
dem laudata; ubi ait inter alia: „ Quicun-  
„ que Romanæ secundum Canonicas sanctiones  
„ præficitur Ecclesiæ, quam primum electus est  
„ in sacro Collegio, supremam a Deo pote-  
„ statem sine medio consequitur, & per or-  
„ dinem in omnem diffundit Ecclesiam; cujus  
„ peccata divino iudicio punienda committun-  
tur. „ Hanc consecutionem suam Pius derivat  
ex Evangelio. Nam non multo dixerat prius:  
„ unum constituit verticem, ac Ducem, & Pa-  
„ storem universi Gregis „ (Christus Dom.) „  
„ Simonem Petrum, dicens: Tu es Petrus,  
„ & super hanc Petram ædificabo Ecclesiam  
„ meam, & tibi dabo claves regni cælorum,  
„ ... & pascere oves meas ... „ & paulo post:  
„ Nec alius a Petra dictus est Petrus, nisi Si-  
„ mon: ut intelligeremus, unicum esse veræ,  
„ & solidæ Petræ, id est, Christi, ut Paulus  
„ exponit, locum tenentem Simonem Pe-  
„ trum... „ Quæ Evangelii verba, si recte  
expendantur, sunt plane in hanc rem decreto-  
ria. Nuda, sine addititia interpretatione, con-  
templemur verba. Dicitne Christus Dominus

Simoni Petro : Tu es Petrus , & super hanc Petram , qui a me vera , & solida Petra post-hac cognominaberis Petrus , Ecclesia mea se ædificabit ? Ecclesia tibi dabit claves regni cœtorum ? Ecclesia dicit tibi : pascere oves meas ? &c. Nihil horum dici sine sacrilega verbi divini corruptela potest. Dicit enim disertissime Christus Dominus : EGO ædificabo super hanc Petram Ecclesiam meam : EGO dabo tibi claves : EGO dico tibi : Pascere oves meas. Quod autem Petro dixit ; ex mente , atque institutione sua ad omnes Petri Successores pertinere voluit.

69. Fuerunt , non ignoro , novi quidam Doctores , qui effatum aliquod S. Augustini in alienum a S. Patris mente , aliis in scriptis suis clarissime manifestata , sensum contorquentes , docuerint : Petrum , dum claves , five potestatem gubernandi populum , accepit , in persona Ecclesiæ accepisse , neque ipsimet Petro datas , sed proxime , ac primo Ecclesiæ , five fidelium cœtui , aut collegio : in ejus potestate sit , illarum usum dare tum uni ministro suo primario , tum aliis inferioribus ; ita tamen , ut earum proprietatem nunquam a se abdicet Ecclesia , sed iis ministerialiter utenduntaxat facultatem faciat personis quibusdam , velut suis ministris : integrum esse Ecclesiæ , facultatem istam non modo vel ampliare , vel restringere ; sed & dare , ac datam , si videbitur , repetere pro suo arbitrio. Ex horum Doctorum sententiâ nec summum , nec alios pasto-

pastores facit ipse Christus sine medio, sed media Ecclesiæ, sive Congregationis fidelium concessione. Atque ita *Gregis Dominus* non dat, sed *ovæ* faciunt sibi Pastorem.

70. Doctores ejusmodi sunt Joan. Calvinus L. 4. Instit. C. 1. n. 22. „ Clavium potestatem Dominus fidelium societati contulit. „ Deinde Edmundus Richerius, qui tamen ante mortem resipuit, ac totum se Ecclesiæ subjecit judicio. Is in *libello de Eccles. & Polit. potest.* ait; „ Christum fundando Ecclesiam prius, immediate, atque essentialius claves sive jurisdictionem toti dedisse Ecclesiæ, quam Petro, „ seu, quod eodem recidit, claves toti dedisse Ecclesiæ, ut per unum ministerialiter exercerentur: quandoquidem tota jurisdictio Ecclesiastica primario, proprie, ac essentialiter Ecclesiæ convenit; Romano autem Pontifici, „ atque aliis Episcopis ministerialiter, & quoque ad executionem tantum. „ Richerium e vestigio sequitur Simon Vigorius, vel quisquis est e Janseniana conspiratione auctor libri, cui nomen: *Spiritus Gersonii*. In illo pag. 77. hæc legimus: „ Jesus Christus postquam semel primum Pastorem ministerialem designaverat, „ Gregi suo eligendi ipsius Successores, inque eorum mores inquirendi jus & potestatem dedit: ita quidem, ut, cum ministerialis hic Pastor omnem suam potestatem obtineat a Grege, qui jure a Deo sibi concessio illum deligit, hic ipse Grex non tantum adeptus sit jus, & auctoritatem Pastori suo rerum ge-



„ rendarum, ac gubernationis formam inviola-  
 „ tis sanctionibus præfiniendi; sed etiam ipsum  
 „ redigendi in ordinem, & exauctoratum om-  
 „ ni hac potestate spoliandi. „ Eandem do-  
 „ ctrinam legimus in Lutheranarum partium Do-  
 „ ctoribus. Eandem adoptavit nostra ætate Justi-  
 „ nus Febronius in Libro singulari *De statu Ec-  
 „ clesie*, nescio cujus, certe non Catholicæ, Cap.  
 „ 1. §. 6. Quanquam liber iste totus ex perpè-  
 „ tuis fere antilogiis, & rerum omnium confu-  
 „ sione compositus sit. Con sarcinatus enim est  
 „ ex omnibus, quotquot hæcenus excogitata sunt,  
 „ contra Pontificiam auctoritatem Systematis; ne-  
 „ que attendit Auctor, quam parum aliud con-  
 „ sentiat aliis: ut e. g. Apostolos omnes, ac pro-  
 „ inde etiam horum Successores, Episcopos, juris-  
 „ dictionem suam accepisse immediate a Christo;  
 „ *Sicut suam habent Petri successores ab eo, a quo*  
 „ *Petrus ipse*; docet Cap. 7. §. 1, pag. 536,  
 „ oblitus, quæ supra (C. 1. §. 6. cit.) dixerat pag.  
 „ 32. „ Clavium potestatem Universitati Ecclesiæ  
 „ proprie, & ita transcriptam esse, ut illa per  
 „ eos ministros pro sua cujusque portione,  
 „ ac inter hos per summum Pontificem exer-  
 „ ceatur. „ Clavium potestas est potestas ju-  
 „ risdictionis. Eandem Petrus, & Apostoli, eo-  
 „ rumque Successores Cap. 7. acceperunt a Christo  
 „ immediate: in Cap. 1. tam ille, quam hi ex-  
 „ ercent datam sibi ab Ecclesia, non ab ipsomet  
 „ Christo immediate potestatem. Scætet ejus-  
 „ modi contradictionibus Liber; hanc solam pro  
 „ re

re nata hic indicasse sufficiat in materia, causam præsentem propius attingente.

71. Cave tamen, vindiciarum nostrarum auctorem ejusdem doctrinæ accuses, Theodulphe. Faceres ei injuriam; cum ab illa distet longissime gentium. Illi Doctores loquuntur de tota Ecclesia, de Universitate Ecclesiæ; hic noster de sola particulari Ecclesia Provinciæ Romanæ; huic soli, utpote primæ, omniumque supremæ dicit tributum, ut ipsa sola eligat sibi, & eligendo Pastorem complete faciat; & ita quoque sola destituat. En latum hunc inter, & illos intervallum!

72. Verum quidem est, quod electus Romanus Pontifex, quia superiorem non habet, confirmationem a nemine mortalium petere aut debeat, aut possit. Discimus hoc ex Conc. Romano sub Nicolao II, supra (n. 65. *huj. Cont.*) nominato, ubi dicitur: „ Quia vero Sedes Apostolica cunctis in orbe terrarum præfertur Ecclesiis, atque ideo supra se Metropolitanum habere non potest: Cardinales Episcopi procul dubio Metropolitanarum vice funguntur, qui videlicet electum Episcopum ad Apostolici culminis apicem provehunt. „ Electum nihilominus Episcopum, & eligendū ad Apostolici culminis apicem ab Episcopis Cardinalibus provectum Deus Dominus noster Christus suprema potestate sine medio donat; ut docet Pius II.

73. Videris, Theodulphe, toto capitis abnutu ostendere, non probari tibi in hac mea

M s

ratio;

ratiocinatione aliquid. Dic libere, quid animo tuo ægre sit. Anno, inquires, 963. quo depositus est Joannes XII, nondum nata erat illa Pii II. epistola, neque illa Conc. Romani sub Nicolao II. Constitutio. Hæc igitur illius temporis particularem Provinciæ Rom. Ecclesiam non attingent. Pol! nihil amplius? si nondum lucem illo tempore aspexerat Pii II. epistola, in plena tamen luce versatum fuerat pridem S. Evangelium, ex quo consecutionem istam suam derivavit hic Pontifex. (*Vid. n. 68. h. Contr.*) Quamvis item nondum exstiterit Concil. Romani Constitutio, quæ solis Cardinalibus tribuit jus eligendi Romanum Pontificem, exstabat tamen idem S. Evangelium, & Patrum traditio, cui innititur Pii II. ratiocinium.

74. Demum quamvis electus Romanus Pontifex sive, ut olim, a Romano Clero, sive, ut nunc, a sacro Cardinalium Collegio, confirmationem a nemine mortalium cogatur petere: nulla tamen ratione sequitur, cum ab universa Ecclesia agnitum in quietâ possessione dignitatis suæ multos annos constitutum, & viventem aut tum potuisse a Clero Romano, aut nunc posse a S. Cardinalium Collegio exauctorari invitum *propter solam morum pravitatem*. Ostendam istud exemplo, quod concedere non volet, negare non poterit Vindex, quin teneatur. Comperi certis auctoribus, & verum esse tute nosti, Theodulphe: Professore Juris Canonici Treviris eligi ab istius Academiæ Collegio, ab eodemque nulla petita con-

*Competat jus exauctorandi Pastorem suum* 197  
confirmatione alia institui. Quid, si nunc electum Academia vellet sola sua auctoritate destituere? quos, putas, vultu colores daret? Quod sibi noller fieri; id in supremum Ecclesiæ Caput statuet?

75. Progrediamur ad reliqua. Quasi vero jam invicte probasset, quod sola Romana Ecclesia faciat complete Pastorem suum, & Papam; imperterrita fronte subjungit pag 53, N. XXIV: „ Sicut autem sola facit, ita quod  
„ que sola destituit. — Nam in Ecclesiis, quæ se  
„ majorem non habent, institutio, & destitutio  
„ stant necessario, & naturali ratione penes  
„ eandem causam efficientem. „

76. Mitto quærere, quam solidum sit hoc principium. In inferioribus certe Ecclesiis non est institutio, & destitutio necessario penes eandem causam efficientem. Multis in Diocesisbus electos, vel nominatos ad sacerdotia instituendi potestas est penes Archidiaconos, aliosque Prælatos quosdam inferiores, sive ex concessione Episcopi, sive ex privilegio, sive ex consuetudine, aut legitima præscriptione. Institutos tamen semel, atque in possessione legitima constitutos, destituendi potestatem, etiam propter gravia delicta, non permittent Episcopi Archidiaconis, aliisque ejusmodi, sine instituta in suo, vel Consistorii sui judicio causæ cognitione. Destituere enim aliquem ob delictum, est actus jurisdictionis, non cujusvis inferioris, sed altæ, & in criminalibus causis, ut vocant.

198 *Contr. 2. An Ecclesia Rom. particulari*

77. Demus tamen, in Ecclesia Romana, quæ se majorem non habet, institutionem, & destitutionem stare necessario penes eandem causam efficientem. Jam suo ejus thesin telo confodio, ac subsumo: atqui causa, efficiens institutionem Romani Pontificis, non est penes Ecclesiam Romanam, sed solum Christum Dominum, ut est demonstratum hætenus: ergo causa efficiens destitutionem Romani Pontificis non est penes Ecclesiam Rom., sed solum Christum Dominum. Q. e. d.

78. Mirificam nunc argumentationem audi ex ejus pag. 33. N. XXII. „ Hujus Ecclesiæ „ Sponsus, ait, renunciare potest spirituali conjugio suo, sine cujusvis interposita auctoritate; cæterarum Ecclesiarum Sponsi non sic: infert: „ Cur ergo Ecclesiam „ (Romanam particularem) „ subjiciamus necessitati generalis, vel particularis Synodi extraneæ adjutorio, ut, quem ipsa sibi facit sola, complete Pastorem, destituere sola non posset, pro casu, quo lupo fieret. „

79. Capin' vim argumenti, Theodulphe? Romanus Pontifex habet hanc præ cæteris Præsulibus prærogativam, ut possit spirituali conjugio suo, sine cujusvis interposita auctoritate, renunciare: ergo etiam particularis Romana habet hanc præ cæteris Ecclesiis prærogativam, ut possit Sponsum suum (quem Christus ipsi dedit, non ipsa sola sibi fecit) invitum cogere, sine cujusvis interposita auctoritate, ut conjugio suo renuntiet. Quid, si tecum disputarem, Theodul-

dulphé , in hunc modum : Tu habes jus , ut rem, pleno dominio tuam, possis a te abdicare, ac mihi donare , sine cujusvis alterius interposita auctoritate : ergo & ego habeo jus te vel invitum cogendi pari ratione , ut rem tuam a te abdicēs , ac mihi dones ? Rideres profecto , quidquid cachinnorum est. Dicerēs : jus , quod mihi plenum rei meæ dominium dedit , dat mihi ea me abdicandi liberam facultatem. Quodnam autem jus dat tibi potestatem extorquendi rem a me meam invito ? Præclare narras. Christus Dominus , qui Episcopo Rom. secundum canonicas sanctiones electo , supremam sine medio potestatem dat , dat eidem liberam hanc a se potestatem abdicandi facultatem , uti constat ex usu Ecclesiæ , abdicatione ejusmodi acceptantis. At frustra postulavimus pridem specificum genuinum Canonem , qui talem potestatem Ecclesiæ particulari Romanæ asserat ; ut possit invitum ad dimittendum magistratum cogere.

80. Quod autem addit : Cur ergo Ecclesiam subjiciamus necessitati generalis , vel particularis Synodi extraneæ adjutorio &c. , inanitate ipsa inanius est. Quis , amabo , Ecclesiam istam particularem tali necessitati sive generalis , sive particularis extraneæ Synodi adjutorio subjicit ? Quin potius negamus , ac pernegamus , posse illam a Synodo ulla sive generali , sive particulari adjutari , ut exauctorare queat Pastorem suum certum extra casum hæresis. Neque enim particularis ulla sive Romana , sive extranea Synodus

us jurisdictionem altam in supremum Pastorem obtinet; sed sunt minores; nec judicare majorem possunt, ut constat ex hactenus disputatis. Sunt quidem privati Doctores quipiam Catholici, qui auctoritatem Ccii universalis opinentur esse supra Papam, ab eoque hunc posse deponi. Sed hæc non est Ecclesiæ totius Catholicæ doctrina. Est certo dubia, neque ad fidem, qua Catholici sumus, pertinet, ut fatentur ipsimet. Prorsus autem incerta hæc Cciorum generalium auctoritas nihil juvare istam Synodi Romanæ causam potest contra certum, multis annis agnitum, ac quiete possessum Præsulis Romani viventis Pontificatum: ac proinde nec dici potest necessaria. Necessarium enim ad ferendam opem dici non potest, quod omni caret juvandi potentia. Nihil est igitur, cum Ecclesiam particularem Romanam subiciamus Synodi generalis necessitati ad exauctorandum Pastorem suum casu, quo lupus fieret.

81. Dilucidare hoc primæ totius orbis provincie jus, natum ex suo cerebro, aggreditur aliis duabus considerationibus pag. 35. N. XXV. Arrige aures. „ 1.) Nulla inferior Romanâ Ecclesiâ potest sibi condere jus, & regulas electionis celebrandæ, sed sequi debet jus commune. At Ecclesia Romana sibi facit regulas eligendi Pastorem suum, & totius Ecclesiæ Catholicæ; particulares ultra, & contra jus commune. Cumque par in parem, antecessor in successorem, nullum  
„ ha-

„ habeat imperium , nemoque sibi ipsi impe-  
„ ret ; futura tamen R. R. Pontificum electio-  
„ nes servare debent constitutiones , ab ante-  
„ cessoribus latas , sub pœna nullitatis. „

82. Magnifica verba ! sed quæ a præsentis quæstionis scopo immane quantum aberrant ! Non quæritur , an Ecclesia Romana singularibus quibuldam , præ alia quavis , privilegiis gaudeat. Quæritur : an hæc illi species privilegii competat ; ut Pastorem suum certum , & indubium possit non modo invitum & reluctantem cogere ad subeundum suum iudicium , extra causam hæresis ; sed etiam iudicare , & exauctorare ? Hoc illi privilegium concessum esse sive a Deo , sive ab hominibus , probandum esset ; sed nullo verbo probat , nec probare unquam poterit Vindex. Profert in medium longe alia , quæ nemo in contentionem vocat : a vero autem , atque unico causæ crimine abducit lectorem , & a præstigiis suis oculos in alia intentos avertit. Hic Rhodus , hic saltus. (*Vid. n. 1. h. Contr.*)

83. Quamvis hoc unum ad retegendam considerationis istius fallaciam abunde sufficiat ; nota tamen , Theodulphe , istis , quas prædicat , electionis regulis , si Sede plena , ac Præsidente Rom. Pontifice conscriptæ sint , obstringi etiam futuros Electores , si Sedem pontificiam vacare iterum contingat. Ast hoc pacto nec par in parem , nec antecessor in successorem imperium exercet : sed in electores electoribus antecedentibus successuros imperium exercet su-

pre-



premus Legislator ; quem posse leges pro posterioribus temporibus vim habituras condere , ex omni jure certissimum est. Legislatoris autem Successorem , auctoritate pari præditum , posse leges priores eas (quæ in lege naturali , aut divina rationem non habeant) antiquare , atque in alias , præsentibus temporibus , ac moribus magis accommodatas , commutare , non verbis tantum , sed etiam exemplis compluribus docent nos jura tam Ecclesiastica , quam Civilia. Hæc ubi notaveris , perspicue intelliges , considerationem istam primam viribus omnibus destitutam esse ad probandum , quod probandum erat.

84. Exenteremus nunc etiam considerationem alteram pag. 36. N. cit. „ 2.) si ad „ Ecclesias inferiores duo eligantur in schismate , neuter sibi jus dicit , sed judicium exspectare debet Superioris „ (Id quidem verum esse , recenti memoria tenemus Leodienfes. Sed quid jam postea ?) „ Ast electus ad „ Romanam Papa , eo ipso , quod primus Pontificum sit , ipsemet contra Antipapam fert sententias anathematis , prout Innocentius II. in Anacletum II. plus una vice , non adhibito generali Concilio , sed particularibus , Stampensi , Claromontano , Remensi , Leodiensi , Placentino , Pisano , brachioque sæculari Lotharii II. Imp. „

85. Theodulphe , considera hanc considerationem consideratione , qua potes , maxima ;  
om-

omni eam ex parte diligenter inspicere. Reperies in ea falsa veris mixta, neutra habentia nexum ullum cum potestate particularis Ecclesiæ Romanæ, ejusque Synodi, Pastorem suum ab universa Ecclesia acceptatum, & agnitum judicandi, damnandi, in ordinem redigendi.

86. Falsa est indefinita, & universalis propositio: *Electus ad Romanam Ecclesiam Papa, eo ipso, quod primus Pontificum sit, ipsemet contra Antipapam fert sententias.* Nam quando ad Romanam Ecclesiam duo Papæ ita eliguntur in schismate; ut constare non possit Ecclesiæ, uter secundum canonicas sanctiones, & legitime electus sit: bruta alter in alterum detorqueret fulmina. Anno 686. Joanne V. mortuo, scissa in partes civitate Romana, electi sunt duo, Petrus, & Theodorus. Priori suffragabatur Clerus, alteri Magistratus, & exercitus Justiniani II. Imp.; neutri concessum fuit, ferre in alterum sententiam: sed partes junctis suffragiis tertium elegerunt Cononem. *Anast. Biblioth.* Anno 687, post hujus Cononis mortem, orto iterum schismate pars altera Theodorum Archipresbyterum, Paschalem Archidiaconum altera elegit. Cum neuter cedere vellet alteri, Cleri plurima pars, Primates tam Magistratus, quam exercitus Romanæ militiæ, summo consensu rursus tertium elegerunt Sergium. Theodorus legitime electo caput submitit ultro; Paschalis frustra reluctatus est. *Idem Anast.* Anno 1378, qui, sublato e vivis Gregorio XI, fera-

li, & magno in Occidentis Ecclesia schismati initium dedit, duo se gerebant pro legitime electis Pontificibus, Urbanus, dictus VI., Romæ, Clemens, VII appellatus, Avenione. Mutuis se se impetebant anathematis. Et quid proficere? Hærebant Ecclesiæ ancipites in bivio, ut ante: & aliæ hunc, aliæ illum venerabantur; & ne doctissimi quidem illius temporis dijudicare poterant, a quo starent jura. Eodemum res evasit, ut tres in mundi theatro ante Constantiense Conc. comparerent Pontifices...

Verum est, Innocentium II. tulisse variis in Synodis in Petrum Leonis, qui Anacletus II. dici ambiebat, sententias: sed non erant obscura Innocentii jura. Erat enim imprimis electione prior. Hoc enim die 15. Februarii anno 1130. electo a Cardinalium majore, & faniore numero, ac pia quadam violentia ad suscipiendum, a quo magnopere abhorrebat, summum Sacerdotium adacto, postridie Petrus Leonis a factiosis hominibus, pecunia coemptis, intrusus est. Deinde pleræque omnes orbis Catholici Ecclesiæ, & populi, favebant, & adhærebant Innocentio, tamquam filii Patri, & tamquam capiti membra, solliciti servare unitatem spiritus in vinculo pacis. Verba sunt S. Bernardi Abbatis Epist. 125, qui non modo vixit eodem tempore, sed rebus eo in negotio gestis plerisque interfuit. Similia scribit Ep. 126. ad Episcopos Aquitaniz, ubi testatur, Tusciæ, Cam-

„ Campaniæ , Longobardiæ , Germaniæ , & A-  
„ quitaniæ , Galliarum , & Hispaniarum om-  
„ nium , nec non & universæ Orientalis Ec-  
clesiæ Archiepiscopos , & Episcopos , non con-  
ductos pecunia , non seductos fallacia... Sed  
Dei voluntatem sicut non ignorantes , ita nec  
dissimulantes , Petrum Leonis ingenue refutasse,  
ac secure Gregorium (hoc Innocentio ante  
Pontificatum nomen erat) in Papam Innocenti-  
um suscepisse. Poterat ergo Innocentius in su-  
um Antipapam ferre sententias : quod frustra  
facere adniterentur Rom. Pontifices electi in  
schismate , quorum utrimque obscura , ac du-  
bia forent jura.

87. Sed quid , obsecro , illud primum fal-  
sum , hoc alterum verum facit ad probandam  
propositionem , quæ hic probanda est. Sequi-  
turne ex prærogativis Rom. Pontifici eo ipso ,  
quod primus sit Præfulum , jure divino com-  
petentibus , quod a particulari sua Synodo pos-  
sit in jus vocari , stare coram ea reus debeat ,  
ejusque damnationi esse obnoxius? Rectius ar-  
gumentamur : Nullus Episcopus inferior exau-  
ktorari sola auctoritate suæ particularis Synodi  
potest : ergo multo minus Romanus eo ipso ,  
quod primus sit Præfulum. Alii , qui depressam  
volunt auctoritatem Rom. Pontificis , præroga-  
tivas ejus omnes destructum eunt primo , ac  
deinde nihili eam faciendam concludunt. Non  
sunt isti boni Catholici , sed meliores Philoso-  
phi , quam Noster. Si enim careret præroga-  
tivis ,

tivis , quibus ornatum a Christo Domino summum Pontificem Catholici defendimus ; sequeretur planissime , nullo loco ducendam ejus auctoritatem. Hic Noster autem enumeratis Romani Pontificis, quas præ reliquarum Ecclesiarum Præsulibus habet , prærogativis

88. Infert *pag. 36. cit.* „ Tot ergo singula-  
 „ ria cum vides penes Ecclesiam primam „  
 Singularia , quæ vidimus , non sunt penes Ec-  
 clesiam primam , sed penes Præsulum primum :  
 neque ille denominatur primus Præsulum a Ro-  
 mana Ecclesia ; sed hæc potius a primo Præsu-  
 lum nomen primæ Ecclesiæ sortita est. Ille  
 primam dignitatem suam habet a Christo Do-  
 mino ; hæc a suo Præsule. Pergamus tamen  
 audire absolventem suum sophisma. „ Tot er-  
 „ go singularia cum vides penes Ecclesiam pri-  
 „ mam ; ne mireris & illud , quod prima Ec-  
 „ clesia , quem instituit , etiam destituat , si  
 „ mereatur , prout sane promeritus est Joan-  
 „ nes XII , juvenis pessimus , male ingressus ,  
 „ ab Ecclesia Catholica potius toleratus , quam  
 „ positive receptus. „

89. Omnino ! Non miror amplius Vindicis  
 in philosophando imperitiam , quæ quo longi-  
 us progreditur , hoc clarioribus se prodit in-  
 diciis. Quæ nova , ac nunquam ante visa oc-  
 currunt subito , admiramur : si sæpius occur-  
 rant ; mirari desinimus. Neque est , quod in-  
 eptiis hisce refellendis diutius immorer. Vidi-  
 sti , Theodulphe , Romanum Pontificem a Chri-  
 sto ,

Ab *Ab* Domino, non ab Ecclesia Romana institui, (à n. 66. h. *Contr.*) A solo Christo, non Ecclesia posse destitui (à n. 76, *ibid.*) soli Christo pœnas debere, si dignitate sua indignum se præstet, & Joannis XII. instar fuerit juvenis pessimus (*Contr.* I. §. 1.) Si male ingressus fuerit, hoc vitium ab Ecclesia eum acceptante persanari (*Proœm.* §. 3. à n. 1.) Denique Joannem XII. non mere toleratum, sed positive receptum ab Ecclesia Catholica. (*Proœm.* §. 3. à n. *eod.*)

90. Perspicuum igitur est, neque ex auctoritate, neque ex ratione idonea probari posse potestatem illam particularis Ecclesiæ Romanæ. Ast argumentatur etiam ab absurdis, quæ ex opposita sententia sequi autumat. Nam pag. 33. N. XXI. acute suo iudicio, reipsa misere ratiocinatur: „ Si vero Papa ob deformita-  
„ tem vitæ, aut periculum Ecclesiæ Romanæ,  
„ deponendus veniat, instar alterius Episcopi;  
„ a quo deponetur? An inevitabili necessitate  
„ a Concilio generali? Ast quanta hujus con-  
„ gregandi non est difficultas? Ab an. 869.  
„ usque 1123, proinde intra 244. annos „  
(254, sed errorem calculi condono) „ nullum  
„ fuit habitum, licet perditissima sæculorum  
„ X. & XI. disciplina vel maxime aliquod de-  
„ siderasset. „

91. Quæstio auras verberat. Nunquam enim Rom. Pontifex certus, minime dubius, ab universalis Ecclesiæ agnitus, & annorum complu-

208 *Contr. 2. An Ecclesie Rom. particulari*  
rium quæta possessione gaudens [uti gravissus  
fuerat Joannes XII. per annos saltem septem)  
ob solam deformitatem vitæ veniet deponendus  
sive a Concilio generali, sive particulari, sive  
ulla potestate humana, sed a solo Christo Do-  
mino; si, & quando huic pro justo suo judi-  
cio videbitur.

92. Si tamen ex me percontaretur: si Rom.  
Pontifex veniat ob hæresin deponendus, a quo  
deponetur? Responderem: Fateris pag. 31. N.  
XX. id nunquam contigisse. (a) Quare faterer  
& ego ingenue, nullum mihi suppetere nec  
specificum canonem, nec veteri ex historia Ec-  
clesiastica exemplum; ex quo dissolvere hoc  
dubium possim. Nihil vero ausim dicere, PRÆ-  
SIDE ME, in re tam obscura, & delicata:  
neque etiam defatigare cerebrum velim, ut  
reperiam resolutionem casus; quem confidere  
possumus non eventurum prius, quam Chri-  
stus Dominus fidem a se datam fefellerit: Ro-  
gavi pro te, Petre, ut non deficiat fides tua.

(a) Si mihi res esset cum Simone Vigo-  
rio, aut cum Pseudo-Bossueto; qui pertexunt  
longum Rom. Pontificum in hæreses prolap-  
sorum catalogum: parata haberem arma,  
quibus eorum infames calumnias retunderem.  
Et retundam forte, Deo opitulante, ac vi-  
ta comite, alio tempore. Pseudo-Bossuetum  
dixi. Nam prodijt Liber, cui Titulus: *De*  
*suprema Romani Pontificis auctoritate ex hodie-*  
*na Ecclesie Gallicane doctrina*; editus hic Leodii,  
& Avenione anno 1747. sine nomine aucto-  
ris,

ris, quem tamen sanae fidei, & criscoos virum paginae omnes loquuntur. Creditur esse Ictus aliquis Patavinus. Italo si forte fidem abneget quis: argumenta ejus, si praesentis controversiae ratio exposceret, esse plane invicta, in promptu foret defendere. Is igitur Auctor Tom. 2. L. 4. C. 5. §. 1. à N. 1. ostendit 1. Librum, qui sub nomine: *Defensio Declarationis Cleri Gallicani de anno 1682.* post 26. a morte Illmi Jacobi Benigni Bosluetii, Episc. Meldensis, annos circiter divulgatus est, non esse illius virtute, atque eruditione clarissimi Viri genuinum partum, sed ab aliquo impostore suppositum: 2. Libri istius sensa esse a vero praestantissimi hujus Praesulis sensu, in aliis ejus genuinis, ac sub ejus viventis oculis in lucem datis operibus clare elucescente, alienissima. *Ibid.* à N. 6.: 3. Eandem de partu hoc ei vel supposito, vel post ejus mortem non fideliter edito sententiam esse clarissimorum Galliae Antistitum. *Ibid.* pag. 194. 4. Conqueritur idem Auctor, in toto suo opere palmarem fieri injuriam Gallicae Ecclesiae ab illis, qui in isto libro, qualis hodie circumfertur, jactant contineri communem inclitae hujus Ecclesiae doctrinam... Longe aliud illam sentire, probat luculentis testimoniis tum Synodorum, tum Antistitum, tum Doctorum Galliae; qui post annum 1682. ad sua tempora floruerunt.

93. Quod si percontaretur iterum: Si tem-



pore schismatis unus vel duo Antipapæ forent deponendi; a quo deponentur? Modum eos deponendi, & pacem Ecclesiæ restituendi, reponerem, fuisse pro varietate temporum varium; ut satis liquet ex narratis supra diversis schismatum casibus. Si, quod Deus opt. max. dignetur avertere, simile quid contingeret; nec meum, nec tuum foret leges præscribere; sed divinæ omnia permittenda essent Providentiæ.

94. At ecce! Pythagoræ gravitatem, & Diogenis mordacitatem ead. pag. 33. & N. cit. mutat subito cum Heracliti lamentis. „ Sic  
 „ ergo, inquit, in casu Joannis XII eodem-  
 „ que præcipiti, ac frangenti, nulla salus Ec-  
 „ clesiæ Romanæ speranda fuisset. „ Quid ita,  
 „ o mi tu Heraclite? „ Equidem illud mon-  
 „ strum magno Ecclesiæ commodo, ait, e vi-  
 „ vis raptum est anno 964; sed per atatem  
 „ vivere, furere, dissipare potuisset adhuc 40  
 „ saltem annis. Quid tum evenisset? „ Ades-  
 „ dum, Democrite: adgeme ingemiscienti, sed  
 „ ridens. Heu! inquit, quis talia fando tem-  
 „ peret a lacrimis? „ Dum solæ Nationes Ger-  
 „ manica, & Italica salutem Romæ, & Ro-  
 „ manæ Ecclesiæ in curis habebant, „ (Heu!  
 „ Heu!) „ cæteræ Nationes, & Ecclesiæ non  
 „ curabant, quid mali Romæ, & per reli-  
 „ quam Italiam fieret Romanæ, cæterisque Ec-  
 „ clesiis, ac Imperio, recens regno Germaniæ  
 „ annexo. „ (Eheu! heu! heu!) Hoc rerum in  
 „ sta

*Competat ius exauctorandi Pastorem suum.* 211  
„ statu nulla generalis Concilii spes affulgebat. „  
Eheu !

95. Modicæ fidei ; quare dubitasti ? Adeone de Christi Domini promissis desperas , ut nullam isto casu Ecclesiæ Romanæ salutem sperandam fuisse lamenteis ? Jactabatur tum navicula Petri magnis fluctibus ; quis inficiabitur ? Jesus autem dormiebat ; & permittebat hæc ad tempus iustis , sibi notis , de causis fieri . Non dormiebat tamen lethargo gravi , & nihil eorum ; quæ circumstabant , sentienti oppressus ; qui sponsæ suæ dixit : Ego dormio , & cor meum vigilat . Et vero vigilare cor suum ostendit , dum monstrum illud intra annum e vivis rapuit ; dum Leone VIII. pariter non multo post sublato schisma demum extinxit ; dum nullam interea hæresin oriri passus est , quæ turbulentis maxime temporibus uti ad suos progressus solet .

96. At ( Quis non ingemiscat ? ) per ætatem vivere , furere , dissipare potuisset adhuc 40. saltem annis . Imo pluribus , quis neget ? Ast quæ scis , hæc futura fuisse , si vixisset diutius ? Alibi pag. 37. N. XXVII inquit : Ecclesia Romana scivit scelerata ejus opera „ Præterita , & nota scire quidem facile est , non nego . „ Scivit , quod nec purgare se posset „ Demus & hoc . „ Neque sit emendaturus vitam , quia „ inveteratus in profundo malorum . „ Hæc futura , quæro , quo revelante sciverit Romana Ecclesia ; quæ sciri certo non possunt humanitus ? Nonne potuisset animum , quantumlibet

ferocem, ad saniora flectere exemplo S. Pauli , exemplo Vigilii , qui ex improbissimo Antipapa optimus post Papa fuit, exemplo tot aliorum, quos aspirans cœlestis gratia ex lupis in oves convertit ? Quorsum ergo anilibus hisce naniis repleas omnia propter incerta , quæ utrum futura fuissent , nescias ? si verum est , quod cæteræ Nationes , & Ecclesiæ non curarint , quid mali fieret Romæ &c. an propterea curam quoque Ecclesiæ omnem deposuit Christus ?

97. Videtur tamen vel exhaustis , vel deterris lacrymis nonnihil respirare tandem , dum ead. pag. 33. N. XXII. ait : „ Juvit ergo se „ Romana Ecclesia , sicut potuit. „ Juvit se enimvero. Si juvare se est , ut scyllam vites , a qua minus incommodi timendum sit , navim agere in Charybdin ; quæ voragine sua totam absorbeat. Multo graviora ab Ottone , & Leone VIII. post perpessa est Roma , quam ante a Joanne XII. (*Vid. Proœm. §. 2. n. 13.*)

98. Postulat hic locus , Theodulphe , ut expendamus , fueritne revera sub Joanne XII. casus tam frangens , ut *inauditum vulnus inaudito fuerit cauterio exurendum*, quemadmodum Synodus I. Ottoniana loquitur ; fueritne necessitas Romanæ Urbis tam præceps , quæ moram non pateretur ; periculum Ecclesiæ tam præsens , quod præsentī , atque accelerato indigeret auxilio ; uti per hyperbolen aucta , atque exaggerata oculis nostris objiciuntur a Thesista ; quo fidem , fucum debebam dicere , faciat lectoribus ; isse

isse pro tali saltem casu fas Ecclesiæ particulari Romanæ exauctorare Pastorem suum ?

99. Ipsi DICENTI si fidem habemus , fuit ea tum Romæ , & Romanæ Ecclesiæ facies , ut potuisses dicere : *Hac facies Troja , cum caperetur , erat.* Quid ergo erat tandem ? Audi Ipsum pag. 37. N. XXVIII. loquentem : unde „ præsumendum pro ea „ (Romana Provincia, de qua sermo præcesserat) „ quod , se nota , „ quæ temere eidem imputaretur , adulatione „ erga Ottonem , ex puro zelo servandæ Ecclesiæ , Imperii , & Urbis contra Joannem XII. sic processerit , urgentissima causa moram non ferente. „ (causam hanc nunc audiamus , & memori mente reponamus) „ Cum , inquit , hostes essent in Urbe ; ipsiusque Papa hostis. „ Hem ! hinc illæ lacrymæ :

*Hostis habet muros ; ruit alto culmine Roma.*

100. At quinam erant illi hostes ? Erant reliquæ copiarum exiles , cum quibus Adelbertus , Berengarii Filius , concisis a Cæsare suis , & Parentis viribus , hac illac vagabatur , neque ullo poterat loco tutus consistere. Joannes contra datam Ottoni fidem , victus præci- bus , hunc profugum , rerum omnium egentem , hospitio excepit. Improbe factum , & contra jurisjurandi religionem , nemo negat. Sed quid Adelbertus cum suis copiolis intra muros receptus gessit eo tempore contra Urbem , & Ecclesiam hostile ; ut necessarium esset ex puro zelo servandæ Ecclesiæ , Imperii , & Urbis contra Joannem XII. sic procedere ?

Quid

214. *Contr. 2. An Ecclesia Rom. particulari*

Quid eodem tempore hostile gessit Joannes contra Urbem & Ecclesiam, ut & ipse hostis judicaretur non solius Cæsaris, sed Ecclesiae etiam, & Urbis? Ne ipsi quidem ejus accusatores ejusmodi in eum criminationem conferunt in re tam recenti. Objiciunt ei varia vitæ ante actæ vitia; sed propter ea sola deponi non potuisse ostensum; neque hoc jam agitur amplius. In eo jam sumus, utrum veritate nitatur: quod tempore istius Synodi fuerit casus tam frangens, necessitas tam præceps, periculum tam præsens, quod præberet causam urgentissimam, moras non ferentem; ut hoc saltem obtentu, & pro eo saltem casu justum cenferi possit Synodi istius factum. Nisi forte illud est, quod Ipse dixit pag. 32. N. XX. Papam non modo intromisisse hos in Urbem, sed etiam cum iisdem ab Urbe recessisse. Estne autem hostiliter agere, hostes qui ante fuerant, jam tamen amicos, & pacatos intromittere? Hostilitatis enim ex eo tempore, quo intra muros admissi sunt, contra Urbem, & Ecclesias exercitæ, ne accusati quidem sunt, nedum convicti. Imprudens id fatebor, nec carens nota perfidiæ; hostile dici qua ratione possit, non video. Deinde, quod imminente cum exercitu Imperatore, cui repellendo parem se futurum credere non poterat, suæ salutis causa, & ne quid Urbi propter se ab irato Cæsare calamitatis accideret, cum iisdem recesserit; quod hostilis animi argumentum est? Aut quod hæc res tam præsens Urbi periculum attulit;

tulis ; ut depelli , nisi Joanne sine mora exau-  
ctorato , nequirit ? Sed ecce novum crimen !

„ Papa , juvenili libidine cæcus facile deludi

„ potuisset a Berengariana factione , ut hæc do-

„ minaretur , ipso demum Joanne expulso, Ro-

„ mæ , totique patrimonio S. Petri , Episco-

„ pis Romanis ad statum regiminis pure spiri-

„ tualis redactis. „ *Ibid.* Cui hæc audienti non

incutiatur terror ? Sed vidistine unquam , Theo-

dulphe , aut fama accepisti , fuisse tam inhu-

manum judicem , qui jure damnandum , atque

in furcam agendum existimaverit hominem

propter furtum , quod potuisset in se ad-

mittere ? Et jure damnari potuisse Joannem

XII. pronuntiabimus propter detrimentum , quod

potuisset Ecclesiæ inferre ; ab eo illatum autem

fuisse , ne ipsi quidem ejus accusatores denun-

tiant ? Tota ergo illa tam præceps , tam fran-

gens , tam urgens Ecclesiæ Romanæ pro casu

Joannis XII. necessitas per grandem hyperbo-

len conficta est , ad extorquendum a lectori-

bus facile credulis assensum. Non secus ac cer-

to cuidam hominum generi familiare est , ut

nummos eliciant a credulis, necessitates suas ul-

tra modum veritatis extollere. (*Vid. n. 8. h.*

*Contr.*)

101. Monet tamen pag. 37. N. XXVIII.

tit. „ Non habet Romanus Pontifex , vel Ec-

„ clesia Catholica , cur ab hac potestate Rom.

„ Provinciæ quidquam reformidet. Quamquam

„ enim Senatus , populusque Romanus , mag-

„ næque domus illustrium Romæ peccaverint ,

„ ex-

, expellendo Papas : nihil tamen simile a provincia Romana legitur : unde præsumendum , pro ea. & reliqua n. 99. recitata. Bene habet. Si nihil simile de provincia Romana legitur : debebant Præsules illius Provinciæ in Synodo I. Ottoniana non transilire terminos , quos posuerant Patres eorum ; nec inaudito cauterio tentare sine ullo exemplo exurere vulnus. Esto zelus illorum bonus fuerit : non erat tamen secundum scientiam. (*Vid. Contr. I. §. I. n. 55.*) Inepto sane remedio vulnus non perfanatum , sed deterius exulceratum est ; eo quod in illo ulcere unguis , non medela existeret. Quo usque provinciæ Romanæ Præsules intra terminos se Patrum continuerint ; non erit utique , quod ab ea Romanus Pontifex , vel Ecclesia Catholica reformidet. In acceptis referendum singulari Cordis JESU , pro Ecclesia sua in decumanis illis fluctibus vigilantis , providentiæ ; quod nulla fuerit ea in tempestate hæresis exorta. At ævo hoc nostro , artibus quidem efflorescenti , sed in Religionis studiis tam remisso , quo non unum duntaxat , alterumve Fidei sanctissimæ mysterium , sed universa Christi Religio libellis , ac foliis quam perniciosis , tam captiosis , atque ad fallendos , involvendosque soporismatis incautorum animos compositis , quaquaversum sparsis impetitur ; quo in mores jam abiit , rerum , ac personarum sacrarum , apud eos etiam , apud quos minime oporteret , vilipensio ; quo docti passim atque indocti Pontificum Romanorum , Episco-

po-



porum, ac Sacerdotum Orthodoxorum auctoritatem convellere, atque inficetis sannis per hominum ora traducere, fortis ac supra vulgus sapientis ingenii specimen putant, & sibi laudi ducunt; hoc, inquam, ævo si (Quod Deus clementer avertat) renovari illud Schismatis exemplum videremus: quid reformidare non sine gravi causa possemus? Non internecinam quidem cladem (quam nunquam permissurus est Pastor æternus) magnam tamen stragem, multarumque ovium perniciem, reformidare merito posset Ecclesia Catholica. An a Provincia Romana? absit. Sed ab improbis hominibus, in aqua schismatis turbida audacius piscaturis; dum nullum foret certum Ecclesiæ Caput; cujus, eorum se moliminibus oppositis, auctoritati obsequium deberi arbitrarentur; dum populi Christiani essent *sicut oves sine pastore. Marc. 6. v. 35.* Ex quo jam se prodit Thesis hæc: ut nihil gravius dicam, imprudentia: qui istius Joannem XII. inter, ac Leonem VIII. schismatis sopitam apud plerosque memoriam non modo hoc tempore resuscitandam, sed illud etiam totis viribus laudandum, ac defendendum sibi sumpserit. Nullumne aliud est in toto jure Canonico argumentum, & ad Tyronum suorum profectum accommodatius, & ad officiorum, ad quæ hi aspirare olim in repub. siue sacra, siue politica poterunt, administrationem utilius, in quo majore cum laude, si solide rem pertractasset, potuisset versari?

102. Sed ut controversiæ huic finem tandem  
im-



**§18 Controv. 3. An Summo Pontifici incumbat**  
 imponam, Theodulphe; volve, & revolve ar-  
 gumenta Ipsius omnia a capite ad calcem; ne-  
 hilum quidem eum omnibus suis paralogismis  
 profecisse reperies, neque ullo apice probasse:  
 quod particularis Provinciæ Romanæ Synodo  
 competat potestas, ut possit Romanum Ponti-  
 ficem certum, ab omnibus agnitum, in diu-  
 turna dignitatis suæ possessione quieta constitu-  
 tum, viventem, & invitum judicare, damna-  
 re, e sede sua exturbare. Hanc probationem  
 debet hactenus, & debebit ad vitæ finem:  
 neque in toto, opinor, hæreditatis suæ asse-  
 tantum solidæ eruditionis reperietur, ut post  
 mortem saltem extinguere hoc debitum valeat.  
 Videbis pariter, non esse vagum, & contra  
 umbras pugnans Antithesistæ argumentum: *Sy-  
 nodus particularis fuit: ergo jure non potuit depo-  
 nere Papam.* Sed, non probata, ut probari  
 nunquam poterit, hac singulari Synodi particu-  
 laris Romanæ prærogativa, argumentum istud  
 recta Theseos propositæ caput, & jugulum  
 petit: Nam *Quæ fiunt a judice, si ad ejus non  
 spectant officium; viribus non subsistunt. R. I. 26.  
 in 6.*

### Controversia III.

**An Summo Pontifici accusato incumbat ne-  
 cessitas comparendi coram Synodo?**

1. Vindiciarum Scriptor pag. 34. N. XXIII!  
 e cathedra sua, PRÆSIDE SE, definit: „ De-  
 buit

„buit ergo, quo ad hunc „ (Papam) „ mos  
„ antiquus manere, ut Papa criminis accusa-  
„ tus defendat se coram suo Concilio. „ At-  
que ut videatur suam definitionem hausisse ex  
traditione cana Patrum, atque antiquis mori-  
bus Ecclesiæ, subjungit: „ ut loquitur præ-  
„ laudata Epistola Conc. Romani „ (sub Da-  
maso I. Pap. an. 378.) „ quæ ideo non fuit  
„ simul scripta nomine Damasi Papæ, quia  
„ hic in Concilio non comparuit, ut Judex „  
„ ut Constant notat. Coram tali Concilio suo  
„ Damasus I. accusatus adulterii, Sixtus III,  
„ & Leo III. steterunt *Can. 10. 18. II. q. 5.*  
„ Quo pertinet illud Gregorii IV. in *Can. 42. II.*  
„ *q. 7. Si quis super his arguere nos voluerit...*  
„ *veniat ad sedem Apostolicam...* ut ibi ante con-  
„ fessionem S. Petri tecum j. ste deceret, quate-  
„ nus inibi unus ex nobis sententiam suscipiat suam „  
Reliqua sequentur, ubi hæc ponderaverimus.

4. Bene est, beate est. Appellavit istos ca-  
nones; non recuso. Sint hi nostri judices; non  
excipio. Quamvis *Can. 10. Caus II. q. 5.*  
compositus sit ex actis supposititiis Synodi fal-  
sæ contra Sixtum III, uti perspicue ostendit  
laudatus ab ipso met Vindice Petr. Constant in  
append. a pag. 114. (Testem hunc a semet  
productum, & laudatum recusare non potest)  
Diffinulemus id tamen. Habeat is canon vim  
suam, proinde quasi esset integerrimus.

3. Quem nobis morem antiquum narrat?  
An ignorare tot annorum Professor Juris, &  
Canonici quidem, aut potuit, aut debuit;  
mo-

morem alium esse liberum, sive morem faciendi aliquid citra obligationem: alium vini legis introducensem. Posterior præsumi non debet, nisi constiterit, mentem eorum, qui illum primi induxerint, atque intentionem fuisse, ut obligationem imponerent posteris. Quid autem? si, qui more illo utuntur primi, contestentur palam, ac disertissimis verbis, se id, quod fecerint, non fecisse ex necessitate ulla, sed libera voluntate, citra intentionem præscribendi legem posteris? Perspicuum sane (Nisi ille solus lynx; ego, cæterique omnes talpæ simus) nullum ex tali facto posteris creari præjudicium, neque ullum adversus eos jus nasci.

4. Age nunc, Thodulphe: sume in manus Decretum Gratiani, quod recusare jam non potest Vindex, quia appellavit illud, ego acceptavi, velut iudicem, etsi alias parvi illud faciat. Perquirere Caus. 2. q. 5. Canonem. 10. Quid legis ad ejus calcem? Recita. Principio inducitur Sixtus III. exponens Episcopis Orientis, quid sibi cum Basso accusatore fuerit negotii. Tum subjungit ad finem: „ Et facto Concilio cum magna examinatione, satisfaciens omnibus (licet evadere satis aliter potuissem) suspicionem tamen fugiens, & æmulatione liberans, sed non aliis, qui noluerint, aut sponte hoc non elegerint, faciendo formam, exemplumque dans. „

5. Quære nunc etiam Caus. & Q. ead. Can. 18, ultimaque ejus verba recita. „ Hoc autem faci-

*Incumbat necessitas comparandi coram Synodo* 221  
faciens (inquit Leo III.) „ non legem præscri-  
bo cæteris , qua id facere cogantur. „ Quid  
dici posset clarius ? Vidisse se hæc in Gratia-  
ni Decreto inficiari non poterit ; nisi adigere  
semet ad confitendum voluerit , esse a se alle-  
gata , quæ vel non suo , vel non nisi levissimo  
oculo inspexerit. Utrumlibet dixerit ; nihil po-  
terit Viro , qui tantus videri affectet , accidere  
turpius. Si vidit autem , qua fide imponere  
minus perito lectori conatur nominatis , non  
recitatis Canonibus ; quos ignorare non potuit,  
contra suam causam , non pro ea stare ? Alia  
ergo arma quærenda , quæ defendat : debere,  
debere , inquam , ex legis necessitate , manere  
quoad Papam morum antiquum , ut defendat  
se coram suo Concilio ; idque necessitate tam  
ineluctabili , ut , si hoc noluerit , aut sponte  
hoc non elegerit , veniat deponendus.

6. Certe illa tantopere laudata epistola pro  
Damaso Papa nulla id ratione evincit. Factum  
Damasi , & morem hunc fuisse antiquum pro-  
bat : at fuisse morem , vim legis obtinentem ,  
ne a longe quidem innuit. Nihilo plus subsi-  
dii causa ipsius reperit in Can. 42. Caus. 2.  
q. 7. Canon enim iste depromptus est ex epi-  
stola Gregorii IV. ad Episcopos Franciæ , Ger-  
maniæ , Europæ , & per universas Provincias  
constitutos ; quæ exstat integra apud Harduin.  
T. 2. CC. pag. 1269. Argumentum ejus to-  
tum est hujusmodi : S. Aldricus , Cenomanen-  
sis Episcopus , a seditiosis Civibus sede sua eje-  
ctus , appellaverat summum Pontificem. Is er-

pore schismatis unus vel duo Antipapæ forent deponendi; a quo deponentur? Modum eos deponendi, & pacem Ecclesiæ restituendi, reponerem, fuisse pro varietate temporum varium; ut satis liquet ex narratis supra diversis schismatum casibus. Si, quod Deus opt. max. dignetur avertere, simile quid contingeret; nec meum, nec tuum foret leges præscribere; sed divinæ omnia permittenda essent Providentiæ.

94. At ecce! Pythagoræ gravitatem, & Diogenis mordacitatem ead. pag. 33. & N. cit. mutat subito cum Heracliti lamentis. „Sic  
 „ ergo, inquit, in casu Joannis XII eodem-  
 „ que præcipiti, ac frangenti, nulla salus Ec-  
 „ clesiæ Romanæ speranda fuisset. „ Quid ita,  
 „ o mi tu Heraclite? „ Equidem illud mon-  
 „ strum magno Ecclesiæ commodo, ait, e vi-  
 „ vis raptum est anno 964; sed per ætatem  
 „ vivere, furere, dissipare potuisset adhuc 40  
 „ saltem annis. Quid tum evenisset? „ Ades-  
 „ dum, Democrite: adgeme ingemiscienti, sed  
 „ ridens. Heu! inquito, quis talia fando tem-  
 „ peret a lacrimis? „ Dum solæ Nationes Ger-  
 „ manica, & Italica salutem Romæ, & Ro-  
 „ manæ Ecclesiæ in curis habebant, „ (Heu!  
 „ Heu!) „ ceteræ Nationes, & Ecclesiæ non  
 „ curabant, quid mali Romæ, & per reli-  
 „ quam Italiam fieret Romanæ, cæterisque Ec-  
 „ clesiis, ac Imperio, recens regno Germaniæ  
 „ annexo. „ (Eheu! heu! heu!) Hoc rerum in  
 „ sta

*Competat ius exauctorandi Pastorem suum.* 211  
„ statu nulla generalis Concilii spes affulgebat. „  
Eheu !

95. Modicæ fidei ; quare dubitasti ? Adeone de Christi Domini promissis desperas , ut nullam isto casu Ecclesiæ Romanæ salutem sperandam fuisse lamenteris ? Jactabatur tum navicula Petri magnis fluctibus ; quis inficiabitur ? Jesus autem dormiebat ; & permittebat hæc ad tempus iustis , sibi notis , de causis fieri. Non dormiebat tamen lethargo gravi , & nihil eorum ; quæ circumstabant , sentienti oppressus ; qui sponsæ suæ dixit : Ego dormio , & cor meum vigilat. Et vero vigilare cor suum ostendit , dum monstrum illud intra annum e vivis rapuit ; dum Leone VIII. pariter non multo post sublato schisma demum extinxit ; dum nullam interea hæresin oriri passus est , quæ turbulentis maxime temporibus uti ad suos progressus solet.

96. At ( Quis non ingemiscat ? ) per ætatem vivere , furere , dissipare potuisset adhuc 40. saltem annis. Imo pluribus , quis neget ? Ast quæ scis , hæc futura fuisse , si vixisset diutius ? Alibi pag. 37. N. XXVII inquit : Ecclesia Romana scivit scelerata ejus opera „ Præterita , & nota scire quidem facile est , non nego. „ Scivit , quod nec purgare se posset „ Demus & hoc. „ Neque sit emendaturus vitam , quia „ inveteratus in profundo malorum. „ Hæc futura , quæro , quo revelante sciverit Romana Ecclesia ; quæ sciri certo non possunt humanitus ? Nonne potuisset animum , quantumlibet

N 5

fe

ferocem, ad saniora flectere exemplo S. Pauli , exemplo Vigilii , qui ex improbissimo Antipapa optimus post Papa fuit, exemplo tot aliorum, quos aspirans cœlestis gratia ex lupis in oves convertit? Quorsum ergo anilibus hisce naniis repleas omnia propter incerta , quæ utrum futura fuissent , nescias? si verum est, quod cæteræ Nationes , & Ecclesiæ non curarint , quid mali fieret Romæ &c. an. propterea curam quoque Ecclesiæ omnem deposuit Christus?

97. Videtur tamen vel exhaustis , vel deterris lacrymis nonnihil respirare tandem , dum ead. pag. 33. N. XXII. ait : „ Juvit ergo se „ Romana Ecclesia , sicut potuit, „ Juvit se enimvero. Si juvare se est , ut scyllam vites , a qua minus incommodi timendum sit , navim agere in Charybdin ; quæ voragine sua totam absorbeat. Multo graviora ab Ottone , & Leone VIII. post perpessa est Roma , quam ante a Joanne XII. (*Vid. Præm. §. 2. n. 13.*)

98. Postulat hic locus , Theodulphe , ut expendamus , fueritne revera sub Joanne XII. casus tam frangens , ut *inauditum vulnus inaudito fuerit cauterio exurendum*, quemadmodum Synodus I. Ottoniana loquitur; fueritne necessitas Romanæ Urbis tam præceps , quæ moram non pateretur ; periculum Ecclesiæ tam præsens , quod præsentī , atque accelerato indigeret auxilio ; uti per hyperbolen aucta , atque exaggerata oculis nostris objiciuntur a Thesista ; quo fidem, fucum debebam dicere , faciat lectoribus ; is

isse pro tali saltem casu fas Ecclesiæ particulari Romanæ exauctorare Pastorem suum ?

99. Ipsi DICENTI si fidem habemus , fuit ea tum Romæ , & Romanæ Ecclesiæ facies , ut potuisses dicere : *Hac facies Troja , cum caperetur , erat.* Quid ergo erat tandem ? Audi Ipsum pag. 37. N. XXVIII. loquentem : unde „ præsumendum pro ea „ (Romana Provincia, de qua sermo præcesserat) „ quod , se nota , „ quæ temere eidem imputaretur , adulatione „ erga Ottonem , ex puro zelo servandæ Ec- „ clesiæ , Imperii , & Urbis contra Joannem „ XII. sic processerit , urgentissima causa mo- „ ram non ferente. „ (causam hanc nunc audiamus , & memori mente reponamus) „ Cum , inquit , hostes essent in Urbe ; ipsiusque Papa hostis. „ Hem ! hinc illæ lacrymæ :

*Hostis habet muros ; ruit alto culmine Roma.*

100. At quinam erant illi hostes ? Erant reliquæ copiarum exiles , cum quibus Adelbertus , Berengarii Filius , concisus a Cæsare suis , & Parentis viribus , hac illac vagabatur , neque ullo poterat loco tutus consistere. Joannes contra datam Ottoni fidem , victus præci- bus , hunc profugum , rerum omnium egen- tem , hospitio excepit. Improbe factum , & contra jurisjurandi religionem , nemo negat. Sed quid Adelbertus cum suis copiolis intra muros receptus gessit eo tempore contra Ur- bem , & Ecclesiam hostile ; ut necessarium es- set ex puro zelo servandæ Ecclesiæ , Imperii , & Urbis contra Joannem XII. sic procedere ?

Quid



314. *Contr. 2. An Ecclesia Rom. particulari*

Quid eodem tempore hostile gessit Joannes contra Urbem & Ecclesiam, ut & ipse hostis judicaretur non solius Cæsaris, sed Ecclesiae etiam, & Urbis? Ne ipsi quidem ejus accusatores ejusmodi in eum criminationem conferunt in re tam recenti. Obijciunt ei varia vitæ ante actæ vitia; sed propter ea sola deponi non potuisse ostensum; neque hoc jam agitur amplius. In eo jam sumus, utrum veritate nitatur: quod tempore istius Synodi fuerit casus tam frangens, necessitas tam præceps, periculum tam præsens, quod præberet causam urgentissimam, moras non ferentem; ut hoc saltem obtentu, & pro eo saltem casu justum censi possit Synodi istius factum. Nisi forte illud est, quod Ipse dixit pag. 32. N. XX. Papam non modo intromisisse hos in Urbem, sed etiam cum iisdem ab Urbe recessisse. Estne autem hostiliter agere, hostes qui ante fuerant, jam tamen amicos, & pacatos intromittere? Hostilitatis enim ex eo tempore, quo intra muros admissi sunt, contra Urbem, & Ecclesias exercitæ, ne accusati quidem sunt, nedum convicti. Imprudens id fatebor, nec carens nota perfidiæ; hostile dici qua ratione possit, non video. Deinde, quod imminente cum exercitu Imperatore, cui repellendo parem se futurum credere non poterat, suæ salutis causa, & ne quid Urbi propter se ab irato Cæsare calamitatis accideret, cum iisdem recesserit; quod hostilis animi argumentum est? Aut quod hæc res tam præsens Urbi periculum attulit;

tulit ; ut depelli , nisi Joanne sine mora exau-  
ctorato , nequirit ? Sed ecce novum crimen !  
„ Papa , juvenili libidine cæcus facile deludi  
„ potuisset a Berengariana factione , ut hæc do-  
„ minaretur , ipso demum Joanne expulso, Ro-  
„ mæ , totique patrimonio S. Petri , Episco-  
„ pis Romanis ad statum regiminis pure spiri-  
„ tualis redactis. „ *Ibid.* Cui hæc audienti non  
incutiatur terror ? Sed vidistine unquam , Theo-  
dulphe , aut fama accepisti , fuisse tam inhu-  
manum judicem , qui jure damnandum , atque  
in furcam agendum existimaverit hominem  
propter furtum , quod potuisset in se ad-  
mittere ? Et jure damnari potuisse Joannem  
XII. pronuntiabimus propter detrimentum , quod  
potuisset Ecclesiæ inferre ; ab eo illatum autem  
fuisse , ne ipsi quidem ejus accusatores denun-  
tiant ? Tota ergo illa tam præceps , tam fran-  
gens , tam urgens Ecclesiæ Romanæ pro casu  
Joannis XII. necessitas per grandem hyperbo-  
len conficta est , ad extorquendum a lectori-  
bus facile credulis assensum. Non secus ac cer-  
to cuidam hominum generi familiare est , ut  
nummos eliciant a credulis, necessitates suas ul-  
tra modum veritatis extollere. (*Vid. n. 8. h.  
Contr.*)

101. Monet tamen pag. 37. N. XXVIII.  
*tit.* „ Non habet Romanus Pontifex , vel Ec-  
„ clesia Catholica , cur ab hac potestate Rom.  
„ Provinciæ quidquam reformidet. Quamquam  
„ enim Senatus , populusque Romanus , mag-  
„ næque domus illustrium Romæ peccaverint ,

„ ex-

, expellendo Papas : nihil tamen simile a provincia Romana legitur : unde præsumendum , pro ea. & *reliqua n. 99. recitata.* Bene habet. Si nihil simile de provincia Romana legitur : debebant Præsules illius Provinciae in Synodo I. Ottoniana non transilire terminos , quos posuerant Patres eorum ; nec inaudito cauterio tentare sine ullo exemplo exurere vulnus. Esto zelus illorum bonus fuerit : non erat tamen secundum scientiam. (*Vid. Contr. I. §. I. n. 55.*) Inepto sane remedio vulnus non persanatum , sed deterius exulceratum est ; eo quod in illo ulcere unguis , non medela existeret. Quo usque provinciae Romanae Præsules intra terminos se Patrum continuerint ; non erit utique , quod ab ea Romanus Pontifex , vel Ecclesia Catholica reformidet. In acceptis referendum singulari Cordis JESU , pro Ecclesia sua in decumanis illis fluctibus vigilantis , providentiae ; quod nulla fuerit ea in tempestate haeresis exorta. At ævo hoc nostro , artibus quidem efflorescenti , sed in Religionis studiis tam remisso , quo non unum duntaxat , alterumve Fidei sanctissimæ mysterium , sed universa Christi Religio libellis , ac foliis quam perniciosis , tam captiosis , atque ad fallendos , involvendosque soporismatis incautorum animos compositis , quaquaversum sparsis impetitur ; quo in mores jam abiit , rerum , ac personarum sacrarum , apud eos etiam , apud quos minime oporteret , vilipensio ; quo docti passim atque indocti Pontificum Romanorum , Episco-

po-

porum, ac Sacerdotum Orthodoxorum auctoritatem convellere, atque inficetis sannis per hominum ora traducere, fortis ac supra vulgus sapientis ingenii specimen putant, & sibi laudi ducunt; hoc, inquam, ævo si (Quod Deus clementer avertat) renovari illud Schismatis exemplum videremus: quid reformidare non sine gravi causa possemus? Non internecinam quidem cladem (quam nunquam permissurus est Pastor æternus) magnam tamen stragem, multarumque ovium perniciem, reformidare merito posset Ecclesia Catholica. An a Provincia Romana? absit. Sed ab improbis hominibus, in aqua schismatis turbida audacius piscaturis; dum nullum foret certum Ecclesiæ Caput; cujus, eorum se moliminibus oppositis, auctoritati obsequium deberi arbitrarentur; dum populi Christiani essent *sicut oves sine pastore. Marc. 6. v. 35.* Ex quo jam se prodit Thesis hæc hujus saltem, ut nihil gravius dicam, imprudentia: qui istius Joannem XII. inter, ac Leonem VIII. schismatis sopitam apud plerosque memoriam non modo hoc tempore resuscitandam, sed illud etiam totis viribus laudandum, ac defendendum sibi sumpserit. Nullumne aliud est in toto jure Canonico argumentum, & ad Tyronum suorum profectum accommodatius, & ad officiorum, ad quæ hi aspirare olim in republica sacra, siue politica poterunt, administrationem utilius, in quo majore cum laude, si solide rem pertractasset, potuisset versari?

102. Sed ut controversiæ huic finem tandem  
im-

**§18 Controv. 3.** *An Summo Pontifici incumbat*  
 imponam, Theodulphe; volve, & revolve ar-  
 gumenta Ipsius omnia a capite ad calcem; ne-  
 hilum quidem eum omnibus suis paralogismis  
 profecisse reperies, neque ullo apice probasse:  
 quod particularis Provinciæ Romanæ Synodo  
 competat potestas, ut possit Romanum Ponti-  
 ficem certum, ab omnibus agnitum, in diu-  
 turna dignitatis suæ possessione quieta constitu-  
 tum, viventem, & invitum judicare, damna-  
 re, e sede sua exturbare. Hanc probationem  
 debet hactenus, & debet ad vitæ finem:  
 neque in toto, opinor, hæreditatis suæ asse-  
 tantum solidæ eruditionis reperietur, ut post  
 mortem saltem extingui hoc debitum valeat.  
 Videbis pariter, non esse vagum, & contra  
 umbras pugnans Antithesistæ argumentum: Sy-  
 nodus particularis fuit: ergo jure non potuit depo-  
 nere Papam. Sed, non probata, ut probari  
 nunquam poterit, hac singulari Synodi particu-  
 laris Romanæ prærogativa, argumentum istud  
 recta Theseos propositæ caput, & jugulum  
 petit: Nam *Quæ sunt a judice, si ad ejus non*  
*spectant officium; viribus non subsistunt. R. I. 26.*  
*in 6.*

### Controversia III.

*An Summo Pontifici accusato incumbat ne-  
 cessitas comparendi coram Synodo?*

I. Vindiciarum Scriptor pag. 34. N. XXIII.  
 e cathedra sua, PRÆSIDE SE, definit: „ De-  
 buit

„ buit ergo, quo ad hunc „ (Papam) „ mos  
„ antiquus manere, ut Papa criminis accusa-  
„ tus defendat se coram suo Concilio. „ At-  
que ut videatur suam definitionem hausisse ex  
traditione cana Patrum, atque antiquis mori-  
bus Ecclesiæ, subjungit: „ ut loquitur præ-  
„ laudata Epistola Conc. Romani „ (sub Da-  
maso I. Pap. an. 378.) „ quæ ideo non fuit  
„ simul scripta nomine Damasi Papæ, quia  
„ hic in Concilio non comparuit, ut Judex.  
„ ut Coustant notat. Coram tali Concilio suo  
„ Damasus I. accusatus adulterii, Sixtus III,  
„ & Leo III. steterunt *Can. 10. 18. II. q. 5.*  
„ Quo pertinet illud Gregorii IV. in *Can. 42. II.*  
„ *q. 7. Si quis super his arguere nos voluerit...*  
„ *veniat ad sedem Apostolicam...* ut ibi ante con-  
„ fessionem S. Petri mecum j. ste decertet, quate-  
„ nus inibi unus ex nobis sententiam suscipiat suam.  
Reliqua sequuntur, ubi hæc ponderaverimus.

4. Bene est; beate est. Appellavit istos ca-  
nones; non recuso. Sint hi nostri judices; non  
excipio. Quamvis *Can. 10. Caus II. q. 5.*  
compositus sit ex actis supposititiis Synodi fal-  
sæ contra Sixtum III, uti perspicue ostendit  
laudatus ab ipsomet Vindice Petr. Coustant in  
append. a pag. 114. (Testem hunc a semet  
productum, & laudatum recusare non potest)  
Diffimulemus id tamen. Habeat is canon vim  
suam, proinde quasi esset integerrimus.

3. Quem nobis morem antiquum narrat?  
An ignorare tot annorum Professor Juris, &  
Canonici quidem, aut potuit, aut debuit;

mo-

*Incumbat necessitas comparandi coram Synodo* 221  
faciens (inquit Leo III.) „ non legem præscri-  
„ bo cæteris , qua id facere cogantur. „ Quid  
dici posset clarius ? Vidisse se hæc in Gratia-  
ni Decreto inficiari non poterit ; nisi adigere  
semet ad confitendum voluerit , esse a se alle-  
gata , quæ vel non suo , vel non nisi levissimo  
oculo inspexerit. Utrumlibet dixerit ; nihil po-  
terit Viro , qui tantus videri affectet , accidere  
turpius. Si vidit autem , qua fide imponere  
minus perito lectori conatur nominatis , non  
recitatis Canonibus ; quos ignorare non potuit,  
contra suam causam , non pro ea stare ? Alia  
ergo arma quærenda , queis defendat : debere,  
debere , inquam , ex legis necessitate , manere  
quoad Papam morum antiquum , ut defendat  
se coram suo Concilio ; idque necessitate tam  
ineluctabili , ut , si hoc noluerit , aut sponte  
hoc non elegerit , veniat deponendus.

6. Certe illa tantopere laudata epistola pro  
Damaso Papa nulla id ratione evincit. Factum  
Damasum , & morem hunc fuisse antiquum pro-  
bat : at fuisse morem , vim legis obtinentem ,  
ne a longe quidem innuit. Nihilo plus subsi-  
dii causa ipsius reperit in Can. 42. Caus. 2.  
q. 7. Canon enim iste depromptus est ex epi-  
stola Gregorii IV. ad Episcopos Franciæ , Ger-  
maniæ , Europæ , & per universas Provincias  
constitutos ; quæ exstat integra apud Harduin.  
T. 2. CC. pag. 1269. Argumentum ejus to-  
tum est hujusmodi : S. Aldricus , Cenomanen-  
sis Episcopus , a seditiosis Civibus sede sua eje-  
ctus , appellaverat summum Pontificem. Is er-

222 *Contr. 3. An Romano Pontifici accusato*  
 go scripsit Episcopis , ne quid in Aldricum ,  
 ante prolatam a Sede Apostolica sententiam ,  
 statuerent gravius ; secundum antiquos Canones  
 enim , Episcopos , Sedem hanc appellantes ,  
 non esse ante causam illic terminatam loco mo-  
 vendos ; neque alios illis sufficiendos. Tum  
 addit : „ si quis super his nos arguere volue-  
 „ rit , aut (a) extra auctoritatem nos facere  
 „ contenderit , veniat ad Sedem Apostolicam,  
 „ (b) quo omnia Ecclesiastica negotia , de  
 „ quibus quaestio habetur , confluere iussa sunt ;  
 „ ut ibi ante confessionem S. Petri mecum ju-  
 „ ste decertet , & inibi unus ex nobis senten-  
 „ tiam suscipiat suam. „

Confer quasi per transennam , Theodul-  
 phe , Canonem hunc , pro ut ex ipsomet  
 descriptum legis hic n. 1. Cur putas , no-  
 tatis punctulis suppressit verba Canonis , quæ  
 hoc loco literis (a) & (b) signavi , Cur  
 non explicavit negotia , super quibus forsan  
 quis vellet arguere Rom. Pontificem ? Erant  
 negotia Episcoporum dejectorum , Sedem A-  
 postolicam appellantium ; in quorum locum  
 vetabat Pontifex , ne illarum Provinciarum  
 Episcopi alios sive per se , sive per Synodos  
 ullatenus substituerent. Asserebatur suprema  
 Rom. Pontificum , in his præsertim negotiis  
 Episcoporum , auctoritas. Hæc suo non ser-  
 viebant proposito : ergo illa maluit tibia ca-  
 nere , quam verbis enuntiare. Forte rem  
 acu tetigisti. Sed quid est adulterare instru-  
 menta publica ; si hoc non est ? Ista per  
 tran-



*Incumbat necessitas comparendi coram Synodo 223*  
transennam, ut dixi: redeamus ad nostrum  
propositum.

Ex hoc 42. Canone igitur aliud non habemus; quam Gregorium IV. paratum se ad causam hanc apud Sedem Apostolicam evincendam præbuisse. Lege se ad hoc ulla cogi, non asserit. Proferendus ergo est alius Canon specificus, & efficacior.

7. Videamus quid proferat ulterius. Argumentationem suam ead. pag. 34. N. eod. ita prosequitur, ut solet, graviter: „ Quamquam  
„ & hanc electionem habuerit olim Papa, ut  
„ se imperiali iudicio defenderet. Epistola præ-  
„ laudata Rom. Concilii pro Damaso: *Non no-*  
„ *vum aliquid petit, sed sequitur exempla maio-*  
„ *rum* (en vim probandi ab exemplis) *ut E-*  
„ *piscopus Romanus, si Concilio ejus causa non*  
„ *creditur, apud Concilium se imperiale defendat,*  
„ provocantque Patres ad exemplum Sylvestri  
„ Papæ, qui causam propriam coram Constan-  
„ tino M. prosecutus sit. De hoc iudicio ele-  
„ cto intelligitur Can. 41. II. Q. 7.

8. Si hanc electionem habuit olim Papa, bene est. Ergo iste mos antiquus non habuit vim legis. Ad quæ enim lege cogente quis impellitur, liberæ electionis non sunt. Ita quo magis explicare se Vindex studet, hoc se magis implicat. Cæterum Romanos Pontifices constat pluribus ex exemplis, injuriis improborum hominum appetitos, confugisse ad implorandam Cæsarum Catholicorum opem, non velut iudicum suorum, sed defensorum, atque

224 *Contr. 3. An Romano Pontifici accusato*  
advocatorum Romanæ Ecclesiæ. Permittēbant  
illis quandoque ex libera electione sua, utpo-  
te causæ æquitati confidentes, nec lucem sub-  
terfugientes, totam causæ cognitionem, atque  
examen; tum ut de eorum innocentia ex im-  
periali Concilio certus redderetur orbis Catholi-  
cus; tum ut Imperatores iudicium exercerent,  
non in ipsos Pontifices, aut Episcopos, sed in  
horum iniquos aggressores, si Laici essent, uti  
in causa Damasi erat ille nequissimus bipedum  
Isaac Judæus; aut, si motus contra Pontificem  
ab Episcopis, vel Clericis, ut in eadem cau-  
sa Damasi accidit, excitati essent; ad obser-  
vantiam SS. Canonum istos ope brachii sæ-  
cularis, ut vocant, compellerent. Non jacto  
hæc, PRÆSIDE ME. Illa ipsa, toties nobis  
inculcata, & supra cælos laudibus evecta, Con-  
cilii Rom. sub eodem Damaso Epistola PRÆ-  
SES mihi esto. Ea, quæ (*Contr. 2. n. 36.*)  
Concilii hujus Patres ab Imperatoribus flagita-  
se retuli, prorsus consentiunt his, quæ modo  
commemoravi. Quem in finem vero Damasi  
causa Concilio Imperatorio commissa fuerit,  
declarant his verbis: „ Certe prius examinet  
„ causam vestra Clementia; & , si emerferit  
„ quaestio, interroganda distinguat; ut, quem-  
„ admodum dudum estis censere dignati,  
„ factorum a iudice ratio quærat, non arbi-  
„ trium sententiæ vindicetur. „ Hic erat sen-  
sus & Patrum epistolam scribentium, & Im-  
peratorum rescribentium. Nulla hic de neces-  
sitate legis, qua Papa ad causam suam sive Au-  
gusto-

*Incumbas necessitas comparendi coram Synodo* 22;  
 gustorum, sive Synodi iudicio subijciendam con-  
 stringatur, mentio. Sed „ severioribus se de-  
 „ dit ipse iudiciis Sacerdotum. „ Idem de Syl-  
 vestro ad Constantini M., idem de Leone III.  
 ad Caroli M. præsidium, ac tutelam contra  
 calumniatorum injurias confugientibus, idem  
 de Can. 4. Caus. 2. q. 7. sentiendum est.  
 Ab exemplis liberæ electionis, & meræ facul-  
 tatis nulla est vis probandi jus, & legis vin-  
 culum. Potest Papa, si voluerit, & Sponte  
 hoc elegerit, causam sive Synodi, sive impe-  
 riali iudicio, sive utrique, ut Damasus fecit,  
 committere. Ad neutrum lege ulla obstringi-  
 tur; vel proferatur illa. Nondum prolatam vi-  
 dimus; nullam præsertim, qua teneatur Rom.  
 Pontifex ad sistendum se Synodi suæ particularis  
 Romanæ iudicio.

9. Natalis Alexander fatetur, inquit Vindex,  
 pag. 26. N. VIII. lit. f., peccatum graviter  
 contra Canones a Joanne XII. non comparen-  
 te coram Synodo. Recitat ibidem verba Na-  
 talis: „ Non eo tamen inficias, quia Joannes  
 „ XII. contra Canones graviter peccarit, cum  
 „ recusavit adesse Synodo. Etsi enim sententia  
 „ in Romanum Pontificem ferri non debeat,  
 „ (a) nisi in causa hæreseos, aut schismatis, id-  
 „ que non a Synodo Nationali, sed Oecume-  
 „ nica.... (b) ab Episcopis tamen in Synodo  
 „ quacunque cum ejus assensu congregatis,  
 „ moneri, & argui, reservata debita reveren-  
 „ tia, potest, illisque satisfacere tenetur; a se  
 „ male conceptam criminis suspicionem amo-

„liendo, aut si facti reus teneatur, in melio-  
 „rem frugem se recipiendo, Dein prosequi-  
 „tur IPSE: Hanc esse regulam dictantis ju-  
 „ris naturalis, subdit, (Natalis) probat exem-  
 „plis, & auctoritate B. Petri Damiani. An  
 „extimius P. Theologus tria hæc: Argui,  
 „moneri, satisfacere, etiam sentit ab aucto-  
 „ritate Natalis Alexandri? Ad hujus auctori-  
 „tatem provocavit, auctoritatem sequatur. „  
 Miseret me Antithesista! Quæ Ariadne filium  
 præbebit misero, ut ex hoc Labyrintho exitum  
 reperiat.

(a) Mutilat Natalis Alexandri verba, quæ  
 sic se habent: *Sententia in Rom. Pontificem*  
*ferri non debeat, NEC POSSIT.* Quibus in-  
 dicat, non modo non esse licitum, ferre in  
 Romanum Pontificem sententiam, sed futu-  
 ram etiam nullam.

(b) Vin' scire, Theodulphe, quid notatis  
 hic iterum punctulis suppressum celare con-  
 tur legentium oculos? Audi. Hæc tecta  
 punctis verba latent: *ut octava Synodus de-*  
*cernit Can. XXI. supra laudato.* Hoc Synodi  
 Oecumenicæ decretum jugulare, ac penitus  
 interimere videtur prerogativam, ac potesta-  
 tem ferendi sententiam in Rom. Pontificem,  
 quam tribuit particulari Synodo Provinciæ  
 Romanæ soli, citra Concilii generalis neces-  
 sitatem. Hæc non commodabant ejus rebus.  
 Ergo removenda erant ex oculis. Cæterum  
 quàm ad hunc Canonem nihil respondeat,  
 vidimus (*Contr. I. §. 2. n. 24.*)

Cram-

Cramben eandem recoquit pag. 37. N. XXVII. dicens : „ Venire debuisse , fatetur „ Nat. Alexander , utique sciens ex historia „ antiquum morem , quodque Papa non po- „ tuerit iudicium declinare. Non venit Papa , „ quia nec se purgare potuit contra notorium , „ nec pœnitentiam agere , & resipiscere vo- „ luit. Emanfione itaque sua præjudicavit se- „ ipsum ,

10. More suo per multas ambages , ac cir- cuitus Lectorem in hoc labyrintho seducit , quin perducatur ad id , quod erat probandum. Si Nat. Alexander proferret in medium cano- nes , contra quos scribit Joannem XII. gravi- ter peccasse , assentire ei continuo. Dum ve- ro nullos profert , quis me ad assentiendum ei coget ? Eximium P. Theologum non credo ita provocasse ad auctoritatem hujus , ut in omnia ejus verba juraverit. Ego certe non juro. At enim , subdit Alexander , „ Hanc regulam jus „ ipsum naturæ dictat , firmarunt exempla Leo- „ nis III. Paschalis I. , scripto edidit Synodus „ VIII. canone laudato. „ Natali quoad hæc plane assentiri mecum poteris , Theodulphe. Sed cave laqueum , quem non quidem Alexan- der , sed sub Alexandri nomine abscondit Vin- dex. Detegam illum tibi , ne illaqueeris.

11. Vide , quam regulam Alexander ab ip- so jure naturæ dictatam affirmet. Illamne , quod Rom. Pontifex lege obstrictus sit , ad subeundum Synodi suæ particularis iudicium ; & lege quidem tam rigida , ut emanfione sua

Papa præjudicet se ipsum? Minime vero: sed regulam hanc tota ista dissertatione, totis viribus impugnat, velut injustam, & S. Canonibus ex adverso oppositam. Quam ergo regulam stabilit ex ipso jure naturæ, exemplis, & scripto Canone 21. Syn. VIII? Non aliam certe, nisi eam, quam præmiserat. Ut puta: Quod Romanus Pontifex possit ab Episcopis in Synodo quacunque, cum ejus assensu congregatis, reservata debita reverentia, moneri, & argui; illisque satisfacere teneatur, a se male conceptam criminis suspensionem amolendo, aut, si facti reus teneatur, in meliorem frugem se recipiendo. Item quod non oporteat ex Can. 21. cit. audacter in Romanum Pontificem ferre sententiam. Itaque quoad tria hæc moneri, argui, satisfacere, sequi possumus, & sequimur auctoritatem Alexandri libentissime. Non peccarunt Otto, & Episcopi ejus, admonentes, & arguentes multoties, etiam ante istam Synodum, Joannem XII. Morem gesserunt præcepto fraternæ correctionis. An non peccarint contra Canonem 21. cit. (cujus mentionem, truncans iterum verba Alexandri, omitterendam duxit Vindex) controversia sequendū videro. Peccavit contra jus naturæ, & Divinum Joannes XII, monita contemnens, non satisfaciens, nec suspensionem a se amolendo, nec, dum facti reus tenebatur, in frugem se recipiendo. (*Vid. Contr. 1. §. 1. n. 57.*) contra canones graviter peccasse, cum recusavit accedere Synodo, quam non agnoscebat legitimam,

imo

imo a communione fidelium absciderat ; & ita quidem graviter peccasse , ut emanendo præjudicaverit seipsum , id nec Natalis probat , nec Vindex. Natalem , aliosque privatos , ac recentiores sequor ; quousque antiquitatem hujusmodi in negotiis sequuntur. Hanc ubi deserunt ; illos desero & ego. Eugenium IV. ad schismaticam tum Synodum Basileensem , quamvis se diceret Oecumenicam , ire recusantem , gravis contra canones peccati non damnavit Oecumenicum ex utriusque Ecclesiæ Latinæ , & Græcæ Patribus constans Concilium Florentinum : Nos Joannem XII. damnabimus ita peccasse graviter contra canones ; ut adesse recusans Synodo particulari , quam reputabat schismaticam , ipsa emanatione dignitate exciderit ? Exempla , quæ proferuntur , non præscribunt legem , sed exemplum dant ; quod imitari possint posteri , si hoc sponte eligere voluerint , non cogantur. Novit morem antiquum Alexander , novimus & nos. Sed morem hunc legis obtinuisse vigorem , non novimus ; nec probat aut Alexander , aut Pythagoras.

II. Restat , ut audiamus etiam , quid sibi voluerit B. Petrus Damiani , cujus allegatur auctoritas ex *Tract. de correptione Episcopi*, & *Papa*, seu *Epist. 22*. Ubi de S. Petro Apostolo loquitur , contra quem a baptizato Cornelio Centurione reducem Hierosolymas , quidam ex circumcissione disceptabant , quod ad gentes introisset , & cum illis manducasset *Act. 11. v. 7*.

I. His B. Apostolus mansucta oratione facti sui



sui rationem reddens, ac testes idoneos producens,  
 satisfecit ita, ut omnes acquiescerent. In hunc  
 locum sic commentatur B. Petrus Damiani :  
 „ Si igitur iste, cum a discipulis culparetur,  
 „ auctoritatem, quam in sancta sortitus fuerat  
 „ Ecclesia, voluisset ostendere : respondere po-  
 „ tuerat, ut Pastorem suum oves, quæ sibi commissæ  
 „ fuerant, reprehendere non auderent. Sed,  
 „ si in querela fidelium, potestatis suæ titulum  
 „ objecisset, Doctor profecto mansuetudinis non  
 „ fuisset. Non ergo eos privilegii sui aucto-  
 „ ritate repressit, sed humili potius satisfactio-  
 „ ne placavit : & tanquam solus ipse ad faci-  
 „ endam fidem non sufficeret, etiam testes ad-  
 „ hibuit ; venerunt, inquit, mecum & sex fra-  
 „ tres isti. Deprompsit hæc B. Doctor ex S.  
 Gregorio M, qui diu ante Lib. 9. Epist. 39.  
 ad Theotistam Patritiam scripserat : „ Certe  
 „ etenim Petrus potestatem regni cælestis ac-  
 „ ceperat. . . Et tamen idem Apostolorum pri-  
 „ mus. . . querelæ fidelium non ex potestate,  
 „ sed ex ratione respondit, causam per ordi-  
 „ nem exposuit. . . Si enim, cum a fidelibus  
 „ culparetur, auctoritatem, quam in Ecclesia  
 „ acceperat, ostendisset, respondere poterat,  
 „ ut Pastorem oves, quæ ei commissæ fuerant,  
 „ reprehendere non auderent. Sed si in que-  
 „ rela fidelium aliquid de sua potestate dice-  
 „ ret ; profecto Doctor mansuetudinis non fu-  
 „ isset. Humili ergo eos ratione placavit ; at-  
 „ quæ in causa reprehensionis suæ etiam testes  
 „ exhibuit. „



12. Ex his omnibus autem nihil adjumenti ad Vindicis causam redit. Non negatur enim, potuisse B. Petrum officii sui auctoritate reprimere Discipulorum querelas, & summo cum iis jure agere, si voluisset. Sed laudatur ejus mansuetudo, & modestiæ exemplum, quo voluit sponte remittere aliquid de jure suo, & humili potius satisfactione eos placare. A pari igitur mansuetudine, & modestia commendandi sunt Rom. Pontifices, qui B. Petri exemplum secuti deinceps, ad tollendam populi offensionem, & male conceptam criminis suspicionem, causam suam Synodi, vel imperialis concilii examini sponte submittere; aut semet purgarunt. Quemadmodum vero B. Petrus non voluit quidem, sed potuit tamen auctoritate sua querelas depellere: ita Romanus Pontifex hoc exemplum imitari *potest*, non *cogitur*. Neque etiam inficiabor, esse idipsum non nunquam pro ratione temporum conveniens admodum, ac salutare. At vero ex his neutiquam consequitur, lege ulla, aut canone cogi Rom. Pontificem, ut subeat Synodi suæ particularis, ejus præsertim, quam legitimam non esse pronuntiaverit, judicium.

13. Reflecte nunc animum, Theodulphie, ad ea, quæ legisti hætenus; atque advertes, non nisi vocum ambiguitate illum ludere: dum uno in significatu, de quo non agitur, acceptas, detorquet ad significatum alterum, quo de agitur. Non esse hanc solidam, & viro gravi, tam gravi in argumento dignam philosophandi

di rationem, sciunt paucorum mensium Tyrannuli Dialectici; tot annorum Professor Juris sacri non scit. Imperat omni eruditioni suæ, ut probet: fuisse morem antiquum, ut, dum criminis accusatur Rom. Pontifex, seipsum ja-  
 „ dicaret, vel confessione, & susceptione ca-  
 „ nonicæ pœnitentiæ, aut expurgatione sui  
 „ facta. Hoc sciveramus ante Vindiciarum e-  
 „ jus partum. Sed morem illum antiquum vim  
 legis habere usque adeo severæ; ut Rom. Pon-  
 tifex, recusans adesse Synodo, ac tali qui-  
 dem Synodo, graviter peccet contra canones;  
 atque ita peccet graviter, ut emanendo præju-  
 dicet seipsum: hoc est, quod nesciebamus, at-  
 que edoceri debebamus a vindiciis. Hic omni  
 ejus eruditioni aqua hæret.

14. Attamen videri potest non asserere,  
 quod mos iste antiquus vim legis habeat. Sed  
 confitebitur forte non illubenter, fuisse, & ho-  
 die etiam esse liberrimum. Lego enim pag.  
 37. in N. XXVII: „ utique enim, dum cri-  
 „ minis accusatur Romanus Pontifex, mos an-  
 „ tiquus ei detulit hunc honorem, ut se ip-  
 „ sum judicaret, vel confessione. & reliqua,  
 ut Num. præc. Hac ratione si morem illum  
 liberum esse asseruerit, amphibologiam  
 texit aliam ex alia. Qua ne intriceris, Theodul-  
 phe; si quando in ipsum incideris, interroga  
 amice: cui morem illum antiquum, (si qui-  
 dem liberum putet) cui, inquam, existimet  
 liberum? Romanone Pontifici, cui integrum  
 sit amplecti eum, vel non amplecti, si spon-  
 te

*Insuperat necessitas comparandi coram Synodo* 233  
te hoc non voluerit eligere? An vero Eccle-  
siae Rom., quæ recepto pridem more, hunc  
honorem suo Pastori, utpote primo Praesulum,  
non quidem tanquam ipsi debitum, sed liber-  
rime sua voluntate antiquitus ita concesserit;  
ut ei maneat in hanc diem integrum, conces-  
sum hunc illi honorem revocare; suo iudicio  
eundem subicere; damnare; dignitate, & for-  
tunis hæreditatis B. Petri omnibus expere? No-  
lim judicare, utrum e duobus habeat recondi-  
tum intimis, atque occultis animi recessibus.  
Qui iudicat me, & ipsum, Dominus est. Pri-  
mum tamen si sentit; ruit tota, quam tanto  
eruditionis suæ opere construxit, machina. Al-  
terum quisquis senserit; non longe abest  
a Lacu Genevensi. Non ab Ecclesia Romana  
particulari, sed ipso Christo Domino hunc ho-  
norem Rom. Pontifici delatum esse, probavimus.  
(*Vid. Contr. 2. a n. 68.*)

## Controversia IV.

An Synodus prima, quæ contra Joannem  
XII., an altera, quæ pro eo habita fuit,  
censenda sit legitima?

I. Satis, opinor, ostensum est hactenus,  
non competere Synodo particulari Romanæ Pro-  
vinciæ potestatem, exauctorandi Pastorem su-  
um certum, viventem, & invitum, propter so-  
lam merum deformitatem. Id si pro certo ha-  
bendum est de Synodo qualibet ejusmodi,  
quan-

234 *Contr. 4. An Synodus prima contra*  
quantumvis ex asse legitima; quid erit dicen-  
dum; si constiterit, hanc ipsam, quæ talia in  
Joannem XII. ausa est, prorsus fuisse illegitimam?

2. Acris hac de controversia Thesisitam inter,  
atque Antithesisitam, ac prope cruenta concer-  
tatio est; & uti

*Mulciber in Trojam, pro Troja stabat Apollo;*  
ita a prima Synodo stat totis viri-  
bus, & tota lacertorum mole Thesisita; con-  
tra eam stat Antithesisita, Ac versa vice hic  
secundam defendit; ille multis impugnat, ac  
tetrerrime accusat. Sedeamus pugnae spectato-  
res; ac de prima Synodo priore, de altera  
posteriore loco videamus.

§. 1. An prima Synodus contra Joannem  
XII. censeri possit legitima?

1. Hoc imprimis compertum est, atque ex-  
tra omnem controversiam positum, abfuisse à  
Synodo Joannem XII; quem tam Otto M,  
quam Patres Synodi in prima non minus, quam  
altera epistola agnoverunt, ac salutarunt  
summum Pontificem, & universalem. (*Acta Lu-  
inprand. & Cl. Vindex pag. 24. N. X. parte I I.*  
& 13.) Præjudicium hoc quidem magnum est  
contra primam istam Synodum. Quæ enim  
Synodus unquam Ecclesiastica legitima secundum  
Ss. canones reputata est, aut Diocesana, quæ  
sine Episcopo; aut Provincialis, quæ sine Ar-  
chiepiscopo; aut Nationalis, quæ sine Primate  
viventibus, eorumve aprocrisiariis, vel Vica-  
riis celebrata fuerit? Quis isti primæ Synode  
præ-

praesedit nomine Ecclesiae, ut censeretur Ecclesiastica? Neminem nominant Acta Luitprandina, neminem Vindex. Ottonem M., pag. 28. N. XIII, negat fuisse judicem, nec audet dicere, fuisse judicii Praesidem; sed asserit duntaxat, dedisse suum imperiale *Placet* ad aliorum judicium. Acephala ergo, id est, trunca capite suo, & vivo quidem, (pro quale monstrum!) fuit ista Synodus. Quis in istius monstri facie vel lineamentum unum Synodi legitimae deprehendat?

2. At ecce! profilit in arenam Vindex, & Antithesistam suum his verbis aggreditur pag. 37. N. XXIX. „Quantum ad formam processus, temerarie satis Antithesis projecit in chartam, quod in Synodo Ottonis M., totaeque Archi & Episcoporum Imperii, omnia perperam, contra canones, & tumultuose acta sint ita, ut ea Synodus ingenium Ecclesiae nullatenus sapiat. His quasi ex oraculo dictis, concludit: stat igitur, quod posuimus, depositionem Joannis XII. illegitimam fuisse, & spectato jure nullam. Sic scribit, qui ordinem judicium non intelligit; qui acta ipsius Concilii, utpote perita, non vidit; qui Luitprandini Continuatoris descriptionem non expendit.

3. Primus hic impetus est, fateor, virilis major; Hasta, sed in cassum, vacuas diverberat auras. In cassum queritur, processus formam, qua usa est coram Ottone haec Synodus, temerarie sugillari a suo Antagonista. Nondum su-

mus in examinanda processus forma. Basis, & fundamentum processus omnis judicialis est legitima in eo, qui pro iudice se gerit, jurisdictio. (*Vid. Proam. §. 3. n. 7.*) Hæc basis non stabilitur dictis, & mordacibus, quorum Ipsi copia, verbis. Hanc in Pastorem suum certum jurisdictionem non competere Synodo particulari Provinciæ Romanæ, quamvis legitima foret, ostensum est (*Contr. 2.*) Hic quæritur usque adeo, an fuerit legitima. Hæc duo postulantur probanda. Hæc, hæc, quousque probata non fuerint, uti probata non sunt, non temerarie, sed verissime scribitur, omnia perperam contra canones, & tumultuarie acta fuisse. Ad quod cordate scribendum non opus est magna ordinis judiciarii intelligentia. Poterit quicumque e plebe dicere id, quod Hebræus ille dixit Moyfi Exod. 2. v. 14. *Quis te constituit Principem, & iudicem super nos?* opus non est, lustrare acta hujus Concilii, perditæ. Rissum tene, si potes, Theodulphe; Estne sani hominis provocare ad acta, quæ fateatur perditæ, & nusquam exstantia; quæ ipse æque non viderit, atque Antithesista; quæ proinde nesciat, sibine magis faveant; an illi? Denique opus non est expendere descriptionem Continuatoris Luitprandini; cui ipsemet paulo post fidem abrogat.

4. Mathematicam, credo, imitari studet methodum, quæ una omnium est ad convincendum intellectum efficacissima. Habet illa sua postulata, quibus positis, etsi non probatis, ad demonst-  
da

da theorematum sua, ac problemata progreditur. Eadem ipse methodo postulat hoc loco sibi, sine ulla probatione dicenti, fidem haberi: fuisse hanc Synodum legitimam, atque auctoritate præditam, quæ ne legitimæ quidem concessa esset. Hoc posito ad demonstrationes, ut putat, suas procurrit. Nova sane, ac præclara Mathesis! Novum eruditi hujus sæculi inventum, quod ignoravit Euclides! Is nihil esse postulandum putavit, nisi esset aut ejusmodi, quod a nemine sano negari posset, aut constanti esset experimento compertum, vel aliis in scientiis abunde exploratum. Nova methodus est multo expeditior. Hæc postulat sibi credi, quæ vel maxime in controversia posita, ac cæterorum fundamentum sunt. Ita se molesto probandi onere liberat. Suspiciuntur isti homines tamen à deceptis, quasi funderent e tripode oracula. Et sunt oracula, sed Pythia; quæ verbis ita implexis reddebantur, ut fallerent audientes, non erudirent.

§. Pergens pag. 38. N. XXX. exonerabilem in Antithesistam, acerbe ei exprobrat:  
„ Non erubuit toti coadunatæ Provinciæ Romanæ,  
„ quæ in duabus liberis Synodis sententiæ suæ inhæsit (non obstante, quod multi Patres de iisdem in Synodo intermedia  
„ Leonem deseruerint) hanc perpetuam maculam affricare, quod ipsa aliquem saltem Pontificem contra canones, ac per tumultum  
„ destituerit. Sanctam matrem suam prostituit  
„ amore thesisi suæ, odio thesisi nostræ: con-

„ tendit , Ecclesiam omni tempore tam glori-  
 „ riosam , semel peccasse certo , dum Papam  
 „ hunc , alterum Catilinam , reprobavit. At-  
 „ qui potuit defendere honorem tantæ Eccle-  
 „ siæ vel ex solo principio juris naturalis ,  
 „ quod , qui hostis sit , seipsum extorrem faci-  
 „ at , perinde atque si abdicasset a se magistra-  
 „ tum. „ Satin' hæc magnifice ? Theodulphe.  
 Si rem inspicias ; reperies , ampullas has , &  
 sesquipedalia verba non esse , nisi versus inopes  
 rerum , nugasque canoras.

6. Cur erubesceret Antithesista scapham sca-  
 pham , lignum lignum , pseudosynodum pseu-  
 dosynodum dicere ? Non affricat ille Synodo  
 huic , a capite suo vivente divisæ , ac propte-  
 rea monstriferæ , perpetuam hanc maculam ;  
 sed ipsamet contraxit , dum Pontificem certum ,  
 atque a semet agnitum , contra canones , &  
 per tumultum sine legitima potestate destituere  
 tentavit. Maculam hanc agnoverunt Patres ex  
 eadem Synodo , qui in Synodo intermedia Leo-  
 nem deseruerunt ; agnitam erubuerunt , elue-  
 runt pœnitentia , emendarunt declarando , hanc  
 primam Synodum fuisse prostibulum favens mœ-  
 cho ; qui Rom. Ecclesiæ thalamum , vivente  
 ejus sponso legitimo , invaserit. Non erubesci-  
 mus passim Catholici profiteri , Basileensem  
 Synodum , quamvis non particularis , sed Oe-  
 cumenicæ nomine se jactantem , affricuisse sibi  
 perpetuam maculam : dum Eugenium IV.  
 sine legitima auctoritate contra canones , & per  
 tumultum tentavit destituere.



7. Quam liberæ fuerint duæ Synodi ; prima, & tertia pro Leone VIII. habitæ , liquet ex historia. In prima aderat Otto , iratus Joanni , & stipatus exercitu. Cui si adulatos dici Patres , ferre non sustines ; inficiari tamen nequis, debuisse eos respicere continuo stantem a latere cum armatis Cæsarem , ne offenderent. In tertia aderat idem Cæsar , ex cujus ore Romanorum Legati audierant : *Quando dimisero enssem meum , tunc dimittam , ut Dominum Leonem Papam in cathedram S. Petri restituam* : a quo electio Benedicti V , in locum Joannis XII. jam vita functi , a Romanis peracta , rejecta est. Romani ferro , igne , inedia , ærumnisque coacti sunt suscipere Leonem ; ac Benedictus V. compulsus cedere Leonis furori. (*Vid. Proëm. §. 2. n. 14 , & 15.*) Næ istæ liberrimæ fuerint Synodi !

8. At enim sanctam matrem suam prostituit. Illud volebat dicere : *ignominia notavit*. Nam alterum istud latinis auribus aliud quid ingerit. Nihilominus tamen sanctam Matrem suam notare ignominia , oppido grave est. Sanctum vero Patrem suum ignominia notare , ejus oblitterata jam vetustate , atque oblivione dedecora revocare in memoriam , atque Ecclesiæ hostibus irridenda proponere , sequendo vestigia Cham, qui nuditatem venerandi Noë non modo operire neglexit , verum quoque irridendam cæteris enuntiavit , *ut Vinc. Lir. C. XI. loquitur* : hoc nihil est. At dic tamen fodes : quam S. Matrem ignominia affecit tuus Anta-

gonista? *Ecclesiam Romanam, omni tempore tam gloriosam.* Audax facinus narras. Eratne autem eo tempore Mater illa conjuncta Sponso, & Capiti, quod Christus ei dederat? Oh, non Sponsum suum thoro suo spirituali ejecit viventem; suum a semet caput abscidit; alium sibi Sponsum elegit, vivente legitimo. Abi, Nugas agis. Nunquam agnovimus Matrem Sponso suo tam infidelem, in suum caput tam feram, ut illud vivum amputet. Nostra sancta Mater individuo nexu Sponso suo, & capiti adhæret conjunctissimā: aut ab illo si se sejunxerit, desinet & sancta esse, & mater nostra; sed erit adultera.

9. Quo specifico canone, quo ex omni vetustate Ecclesiastica exemplo, quo unanimi Doctorum veterum consensu ostendi poterit, Romanam Ecclesiam particularem, a suo vivente Sponso, Pastore, ac Capite divisam (ut divisa erat in illa Synodo) agnitam unquam fuisse a reliquis Ecclesiis, velut omnium Ecclesiarum Matrem, ac Magistrā? Effata omnia sive Pontificum, sive Conciliorum, sive Ss. Patrum, quibus Ecclesia Rom. enuntiatur omnium prima, & suprema, Mater nostra, & Magistra, si illud, quo prolata sunt, tempus, ut debes, inspexeris; manifestum erit, prolata fuisse tum, cum consentiebat suo Capiti. Imo tituli isti omnes non competunt Ecclesiæ Romanæ, nisi propter Pastorem suum, Successorem B. Petri, quem supremus, atque æternus Pastor Christus instituit supremum in terra, post suum in cœlos abi-

abitum, Pastorem, Patrem, & Doctorem omnium suarum ovium. Ecclesia Romana sedes, & Cathedra est B. Petri; docens ex ea Magister est B. Petri Successor legitimus. Ejecto Magistro, quid docebit nos cathedra? Proferatur ullum, si reperiri potest, ullius idonei Doctoris effatum, quod particulari Rom. Ecclesiae hos titulos largiatur pro eo, quo a Capite suo vivo divisa fuerit, tempore.

10. Ergone dicemus Ecclesiam semel peccasse certo, dum Papam hunc, alterum Catilinam, reprobavit? Sanctam Matrem nostram Ecclesiam peccati hujus non accusamus; illam, vivente suo capite a semet ipsa truncatam, excusarem, si quo modo possem. Attenuare culpam potest, si non adulatio, saltem timor humanus, & reverentia Caesaris. Fuerit Joannes Catilina peior, peior Scribis, & Pharisaïs, sedebat tamen in Cathedra Petri; ex qua illum præcipitem dandi potestatem Christus non fecit Ecclesiae.

11. Atqui poterat illius, truncæ quamvis, Ecclesiae honor defendi vel ex solo principio juris naturalis, *quod qui hostis sit, seipsum extorrem faciat &c.* Hoc si genuinum juris naturalis principium est, thesin, quam vindicare debuerat, labefactat. Tum enim non Synodus ista Joannem magistratu movit; sed ipse met. se extorrem fecit, atque illo se abdicavit. Deinde, an verum sit, quod Joannes hostis Ecclesiae factus fuerit, expendemus controversia sequenti.

12. An ergo veras dicemus has assertiones :  
 „ Ecclesia Romana „ (puta Synodi istius tem-  
 pore truncata suo vivente Capite). „ contra jus  
 „ peccavit , dum loco nequissimi alium consti-  
 „ tuit Pontificem. Otto Magnus contra jus  
 „ peccavit , dum Leonem VIII. pro vero Pa-  
 „ pa agnovit , & defendit. „ Cætera vide su-  
 pra. (*Proam. §. 3. n. 4.*) Veras fateri me co-  
 git illud certissimum principium : quod , qui-  
 cunque legitima potestate destitutus judicium  
 exercet vel in nequissimum , peccet contra jus.  
 Illam sic dictam Ecclesiam Romanam præditam  
 fuisse legitima , hoc adversus Joannem judici-  
 um exercendi , potestate , negavimus ; Vindex  
 nullo apice probavit.

13. „ Ottonem Imp. (clamat Vindex pag.  
 „ 29. N. XV.) unicum ex hominibus tunc Ro-  
 „ manæ Ecclesiæ Soterem , & vel ideo Magni  
 „ agnomen promeritum , nemo somniavit ana-  
 „ themate ligatum , absolvere vel pro cautela  
 „ cogitavit nemo. Sero nimis Du Mesnil ,  
 „ Jesuita Gallus , excommunicationi obnoxios-  
 „ factos quadraginta Episcopos , & satis qui-  
 „ dem temere , declaravit ex pulpito suo. „

14. Spiritu prophetico majore , quam Jose-  
 phum , & Danielelem , donatum , dejerares  
 Theodulphe ; ita exacte post tot sæcula scit  
 omnium illius ætatis hominum somnia , & co-  
 gitationes. Scire se ista , aut defendat oport-  
 tet ; aut convincetur , proclamasse in orbem Ca-  
 tholicum , & literatum aliquid , quod nesciat ,  
 nec defendere possit ; si vel verbo negetur.

Si

Si tamen verum sit, quod jactat; nescio an id laudi tribuendum Ottoni M., ejusque asseclis. Magni agnomen promeritum fateor; magnum eatenus fuisse Ecclesiæ Romanæ adversus Berengarii incursum defensores, & servatores, non nego; sed nomen utrumque ex hoc facto promeritum, non credo. Magnus fuit Rex David, magnus Salomon, magnus Justinianus, magnus Theodosius; non omnia tamen eorum gesta magna.

15. Cum nullum certius Synodi spuria, ac Spiritus S. gubernatione destituta indicium sit; quam si doctrinam tradat rectæ Fidei adversantem: Antithesista objecit Vindici propositionem contra fidem in Epistola 2. istius Synodi assertam: „Judas, quam diu bonus inter discipulos fuit, ligare, ac solvere valuit: postquam vero cupiditatis veneno homicida factus, Vitam occidere voluit; quem postea ligatum solvere, solutum ligare potuit, nisi seipsum, quem infelicissimo laqueo stranguavit?“ Tam similis est hæc propositio Articulo quarto (a) post a Joanne Wicleff divulgato, & in Conc. Constantiensis damnato, quam ovum ovo.

(a) Artic. 4. *Si Episcopus vel Sacerdos est in peccato mortali, non ordinat, non conficit, non consecrat, non baptizat.*

16. Hic jam tantum non in rabiem agitur Vindex, & oratione tortuosa nunc huc, nunc illuc se flectit, ut hoc se laqueo expediat. Videamus, quo successu. Primum contendit

Joannem fuisse Apostatam, id est, desertorem Romanæ Ecclesiæ, & plus quam simplicem desertorem, quia positivus hostis, & traditor. Pag. 38. N. XXXI. Hoc falsum esse, videbis controversia sequente.

17. Mox alio se vertit, & Continuatoris Luitprandini fidem suspectam reddit. Ait enim *ibid* : „ epistola secunda Synodi illius ad Joannem, an sit genuina per omnes sententias, „ quælibetque verba, an vero emblematica „ compositio expeditoris, vel ignoti nobis continuatoris historiæ Luitprandinæ, quis scit? & quis scit, an non sit ex asse genuina? Sed hoc scimus esse hominis ad angustias summas compulsi, confugere ad emblematicam, & neque explicatam, neque explicabilem compositionem expeditoris; eo redigi, ut cogatur ejus, quem præcipue auctorem habet, & ad cujus descriptionem expendendam lectorem suum ante remiserat, auctoritatem elevare.

18. Rursus oratione aliam in partem torta, in Antagonistam suum ferocibus verbis invehitur, *ibid*. „ Hic noster fervidus Theologus, „ erroris Wicleffiani habens ideam in capite „ suo, imputat Synodo propositionem contra „ fidem, quin ante omnia sciverit, hoc esse „ vere scriptum a Synodo. „ Hoc a Synodo scriptum fuisse, reperimus in descriptione Continuatoris Luitprandini, quam expendendam nobis Vindex inculcavit; quin ante omnia monuerit, semet illi fidem non habere. Non est ergo vitio vertendum nobis, quod teste a Vindice

dice pro se producto, contra Ipsum utamur, suisque eum armis impugnemus.

19. Continuo, alio nullo verbo interposito, & uno, eodemque halitu sibimet contradicens pergit, *ibid.* „ Hanc epistolam etiam de consilio „ Henrici Trevirensis ita scriptam fuisse, memo- „ rat Continuator Luitprandi, a quo solo eam „ habemus „ Perterrefacere, credo, voluit Antago- „ nistam sui olim Archiepiscopi auctoritate, læ- „ sęque majestatis reum agere. At quis scit, an genuina sit hæc Continuatoris Luitprandini nar- ratio, an vero emblematica ejusdem compositio? Cur fervidus noster Jurisconsultus, læsę majesta- tis ideam habens in capite suo imputat crimen Antagonistę suo, quin ante omnia sciverit, hoc consilium vere esse datum ab Henrico Trevi- rensi? Idemne Continuator, a quo solo istam habemus epistolam, modo testis est locupletis- simus, modo nullus. A læsa auctoritate Henri- ci Trevirensis quid reformidet Theologus? cum persuadere nobis voluerit Vindex pag. 29. N. XV. Henricum Trevirensē, aliosque Episco- pos extraneos ad quæstionem ab Ottone pro- positam verbum nullum prolocutos; solam Ec- clesiam Romanam locutam. Quid sibi vult ista in verbis inconstantia? Quid dicemus porro de hac, quam mox subjungit, orationis clausula: „ Erravit ergo Antithesistę post omnes præci- „ pue noster quoque Archiepiscopus in fide; „ ne Theologus non noster erret in sua thesi. Quid dicemus? Dum ad inania jurgia, imbel- lium muliercularum arma, provolat; prodit, non esse

246 *Contr. 4. §. I. An Synodus prima*  
esse in armamentario suo armaturam fortium  
& virorum.

20. His non contentus, defendendam usque a-  
deo propositionem istam ex Synodi eam profe-  
rentis sensu, a semet invento, atque adjecto,  
suscipit pag. 39. *N. eod.* ita disputans: „Ve-  
rum improvidus Exscriptor Natalis Alexandri  
meminerit, Synodum reddidisse causam, cur  
excommunicationem Joannis parvi pensura  
esset, imo retorsura à paritate Judæ prodi-  
toris. Faciat contradictoriam: Judas post-  
quam deseruit Christum, Collegium Apostolorum,  
& Ecclesiam Christi, potuit quemquam excommu-  
nicatione ligare, & committeret errorem in fi-  
de, quia apostata excidit jurisdictione ipso  
facto apostasiæ, seu derelictionis. Judæ ex-  
communicatoriam sententiam, si quam post a-  
postasiam suam tulisset, Apostoli non fuis-  
sent curaturi. Tum quasi jam Antagoni-  
stam suum plane victum, ac pedibus substra-  
ctum cerneret, triumphum canit, ac subsumit:  
Atqui nisi venerit ad Synodum Papa Joan-  
nes, & objecta purgaverit, habebitur prodi-  
tor, traditor, venditor, hostis, apostata, &  
desertor suæ Ecclesiæ. Ergo comminata ejus  
excommunicatio non curabitur. Quid hic  
erroris in fide est?

21. Prælongam hoc totum Vindicis ratiocio-  
cinium esse putidarum falsitatum, aliarum ex  
aliis pendentium, catenam, ac proinde stra-  
mineam, atque ad ligandum minime validam,  
dubita, Theodulphe. Primo quidem, quod

Papa



Papa Joannes fuerit Apostata, desertor Ecclesiæ Romanæ &c. falsum esse, evincendum reservo controversiæ sequenti. Hac ergo hypothese falsa si ista Synodus freta istam causam reddit, cur excommunicationem ejus parvi pensura esset, imo retorsura a paritate Judæ proditoris, annulum falsum, & stramineum innectit falso, & stramineo. Falsa enim causa non potest esse sufficiens ad vilipendendam Pontificis legitimi, & agniti censuram. Contradictoria, quam pro libitu suo effingit Vindex, laborat eadem falsa hypothese, quanvis illam ex nova sua methodo mathematica postulet sibi citra ullam probationem credi. Apostatam excidere jurisdictione ipso facto, verum quidem, atque extra controversiam est: sed circulus unus ferreus, si pendeat ex falsa, & straminea hypothese, quam stringendi vim habet? præsertim si ex eo pendentes alii rursus sint straminei: quemadmodum hic sunt. Falsum est enim, quod nisi Joannes Papa ad Synodum venerit, & Synodum eam, quæ nec probari potest legitima, nec si legitima foret, tantum juris haberet in summum Pontificem; quod tum, inquam, habendus sit proditor, traditor, venditor, hostis, apostata, & desertor suæ Ecclesiæ. Denique omnia hæc copulata, & nexa sunt cum omnibus falsitatibus, quas deteximus, & refellimus hactenus. Ne mireris ergo, falsam, & stramineam esse, quæ ex his pendet, consequentiam: *Ergo comminata ejus excommunicatio non curabitur.*

22. An aliquid, & quidnam sit erroris contra fidem in isto Vindicis ratiocinio; meum non est definire; nec velim sine auctoritate legitima, qua me carere non ignoro, involare in officium judicis. Ferant sententiam, quibus hoc judicium a Christo Domino concreditum est. His ipsis dijudicandas propono quaestiones duas.

23. Sunt, qui existiment Judam proditorem non defecisse a Fide Divinitatis Magistri sui; sed potius ea fretum, ac saepe expertum, quam miris ille modis eripuerit se ex inimicorum manibus, persuasisse sibi, idem & nunc futurum: emungere ergo duntaxat argento Pontifices, & Scribas voluisse, nihil Magistro suo incommodi metuentem. Nec caret hæc opinio omni fundamento. Videns enim Magistrum non, ut alias non semel fecerat, se subducentem, sed jam a Pontificibus, & Presbyteris damnatum, pœnitentia ductus retulit triginta argenteos, dicens: *Peccavi, tradens sanguinem justum.* Ut ut tamen ista se habeant: ponamus, quod poni potest, Judam impium quidem fuisse, non tamen hæreticum, & a Fide Christi apostatam. Posito hoc casu, statuo has contradictorias: *Judas impius Christum vendens, non tamen hæreticus, & a fide Christi apostata, excidit jurisdictione* ) ( *Judas impius Christum vendens, non tamen hæreticus, & a fide Christi apostata, non excidit jurisdictione.* Hunc in modum proponendæ sunt contradictoriæ, ut ad rem sint. Quem in modum vero Noster contradictori-

Ætorem instituit, incautis lectoribus, & sibimet glaucoma objicit; & nec hilum dicit ad rem. Proponit enim Judam velut desertorem Christi, Collegii Apostolorum, & Ecclesiæ Christi. Talem non proponit epistola Synodi. Nullius quippe hæresis, aut apostasiæ, sed solius facit mentionem impietatis. Deinde non fuit Joannes XII. Desertor Christi, Collegii Apostolorum, & Ecclesiæ per hæresin: quod post videbimus, & ipsemet ejus exagitator fateri cogitur, nisi suarummet vindiciarum Judas, & proditor esse voluerit. Talis etenim si fuisset Joannes, non *propter solam morum deformitatem*, sed propter apostasiam, & desertionem Ecclesiæ fuisset depositus; aut potius excidisset ipso apostasiæ facto sua potestate, & S. Sedes vacasset ipso facto. Vindiciæ ejus autem clamant plenis faucibus, Papam jure deponi a sua Synodo posse, non modo pro casu hæresis, & schismatis Paparum, sed etiam *ob solam morum deformitatem*.

24. His positis quæro nunc primo ex constitutis a Christo Domino Judicibus omni cum reverentia: In utra ex duabus contradictoriis a me propositis censeant contineri errorem contra Fidem? Quæro iterum ex Ssmis Judicibus: utrum verbo Dei, Traditioni Patrum, & communi Ecclesiæ sensui consentaneum sit; quod, nisi Romanus Pontifex certus, & ab universa Ecclesia agnitus extra calum hæresis, de quo non accusatus, multo minus convictus sit, venerit ad Synodum, &  
ob-

objecta purgaverit , habendus sit proditor , traditor , venditor , hostis , apostata , & desertor suæ Ecclesiæ ; ac proinde comminata ejus excommunicatio non curanda ? Quidquid de his judicaverint ii , quorum est ; id ego non tantum officioso oris silentio , sed cordis etiam , ac mentis sincero obsequio summa cum reverentia suscipiam.

25. Multa nobis ead. pag. 39. *N. XXXII* deblaterat de forma processus observata in ista Synodo : quæ nec mentionem hoc loco , nec responsum merentur. Deficiente enim legitima potestate judicandi , quæ defecit hanc Synodum , nullum , irritum , atque inane est , quidquid tali in judicio agitur : etiamsi omnes ad unguem observati fuerint processus judiciarii apices. (*Vid. Proœm. §. 3. n. 7.*) Unum libet paucis delibare ex isto numero. „ Decreta est , inquit , „ reverentialis , & obsecrativa citatio „ Demirare , Theodulphe , profundam hujus Synodi erga suum , eo tempore adhuc pro legitimo agnitum , Caput reverentiam : dum in epistola sua secunda illud æquiparat Judæ , Christi Domini proditori , & venditori.

26. Ad *Num. XXXIII. pag. ead.* pariter non moror , utrum trina citatio , aut necessaria fuerit , aut facta sit , necne ? utrum induciæ Joanni sat largæ datae sint , necne ? Necessaria potestas legitima defecit. Hoc certe suffecit ; ut , quidquid in Joannem XII. eo in judicio factum est , merito dicatur factum contra Ss.

-cano-

Canones, & omnem juris ordinem; esse illegitimum, & spectato jure nullum.

27. Ex computu Controversiæ secundæ Vindex est reliquator, seu debitor probationis; qua probetur, Ecclesiæ Romanæ particulari competere jus exauctorandi suum Pastorem. In hac controversia est reliquator probationis, quod ista Synodus censenda sit legitima. Utrumque nomen quousque non expunxerit, patietur sua Claritas, ut eam Synodum nominemus, sicut Conciliorum editores plerique nominant, conciliabulum. Saltem hoc nomen paulo honestius est illo, quo illam insignivit Synodus altera pro Joanne XII.

§. 2. An Synodus altera Romana pro Joanne XII. censenda sit legitima?

1. Hanc ipsam in Synodum vehementer excandescit Vindictarum Scriptor; videorque mihi videre toto ardentis ab ore absistentes scintillas. Tam in illam debacchatur ferve, tam multis eam accusat.

2. Imprimis pag. 40. XXXIV, pronuntiat, PRÆSIDE SE, „ Joannis reversi Synodum laudavit immerito Antagonista. „ Sed multo magis immerito eam convellere conatur IPSE. Habet certe altera hæc Synodus præ illa prior non pauca; quæ hanc præ illa legitimam censendam merito possint evincere.

3. Hæc præsentem, & Præsidem habuit legitimum Sponsum suum, & Caput a Christo sibi datum. Illa Sponsum suum viventem ab-

Q

jecit;

jecit; a Capite se suo vivente rescidit. Hæc Sponsum suum, quem agnovit contra fas abjectum, in thorum spiritualem, ipsi soli, quoad viveret, debitum, reconciliata viro suo pristino, restituit. Illa se mœcho prostit..., tradidit, volebam dicere. Hæc ad Ss. Patrum auctoritatem se retulit; & Oecumenicæ VIII, Cpolitanae IV, pressit vestigia, ut palam tibi fiet, Theodulpe, si acta Cpolitanae cum hujus actis contuleris. Illa autem quid? sine Patrum auctoritate, sine exemplo, inaudito cauterio vulnus non sanavit, sed magis exulceravit. Nihil simile a Provincia Romana factum legi, confitetur ipsemet *pag. 37. N. XXVIII.* Confiteatur ergo necesse est, Synodum illam transiisse terminos, quos posuerunt Patres ejus: quamvis negare non possimus fuisse ante Joannem XII. depravatorum morum Pontifices. Hæc igitur, non illa Synodus, repræsentabat Ecclesiam Romanam, Sanctam Matrem nostram, & Magistram. Hanc qui contumeliis impetit; Sanctæ Matri suæ perpetuam non erubescit affricare maculam, amore Thesæ suæ, odio Antitheseos.

4. Non placet tamen hæc Synodus Pythagoræ novo. Quibus de causis? Primam adfert hanc *pag. 29. N. XV.* „ Synodum Joannis „ contrariam Ecclesia non curavit. Leo VIII. „ restitutus fuit, actus pontificalis ordinis exercuit, prout ante fugam; in pace mortuus „ Quo etiam pertinet, quod dicit *pag. 41. N. XXXIV.* „ Postea aliter senserunt iidem Patres, „ tres,

tres, recipientes Leonem VIII, restitutum, eidemque, donec moreretur, obedientes.

5. Nolo repetere (*ex Proöm. §. 2. n. 13, & Contr. h. §. 1. n. 7.*) quam fuerit libera ista Synodus tertia. Quo istius etiam Synodi Patres, nondum constricta armis Cæsaris eorum libertate, in Leonem fuerint animo; ostenderunt apertè satis; dum, Joanne XII. e vivis sublato, non Leonem repetiverunt, sed elegerunt Benedictum V... Leonem quippe in præcedente Synodo recordabantur anathematis vinculo constrictum, de omni gradu Ecclesiastico dejectum, ad munia omnia Ecclesiæ declaratum inhabilem, proposita gravissima anathematis pœna in quosvis, qui ad Pontificatum recuperandum ei consilio, aut auxilio deinceps adessent. Vindiciarum scriptor, arrogata sibi, a nemine concessa, auctoritate Censoris, Romanos, Benedictum V. eligentes, arguit: Non curasse juramentum Leoni præstitum, neque illud, quod fecerant Ottoni Imperatori, nunquam se Papam electuros, aut ordinaturos præter consensum, atque electionem Ottonis Cæsaris Augusti, Filiique ipsius Ottonis Regis. *Pag. 27. Nri X. part. 23.* At vero primum juramentum, Leoni VIII. præstitum, sed in Synodo præcedente, tamquam contra fas omne ac jus impingens, rescissum, quorsum magni facerent? Alteri, quod fecerant Cæsari (An imprudenter, ac temere factum fuerit; ut contendit Nat. Alexander; rem præsentem non attingit) abunde se satis fecisse, credere poterant;

Q 2

dum

dum Ottonis consensum petierunt per Legatos, etsi non impetraverint. Quod si quis hoc concedere renuat; certe irrita propterea censeretur non potest Benedicti V. electio, & consecratio. Uti tradit Ditmarus L. 2, qui eodem tempore vixit; & ipsemet deinde Otto agnoscere visus; dum post Leonis mortem consensit, ut in Sedem restitueretur Benedictus; quamvis is morte præoccupatus ad illam non pervenerit. *Adam. Brem. L. 2. c. 6* Aut si nec hoc dare voluerit Vindex, navim ipsemet suam pessumdat. Pari enim jure irrita censeretur debet, ac nulla (ut reipsa fuit) Leonis VIII. electio, & consecratio, contra juramentum, Joanni XII. præstitum, peracta.

6. Satis quidem ista ad convincendum animum, non prorsus obstinatum, videri possunt. Veruntamen ad vivum ressecandæ sunt Ipsius fallaciæ, ac radicitus extirpandæ, ut ne fibra quidem relinquatur. Intende animum in Ipsius argumentum, Theodulphe: Leo VIII. restitutus „ fuit, actus ordinis Pontificalis exercuit, pro- „ ut ante fugam, in pace mortuus: Idem Pa- „ tres postea receperunt Leonem VIII. restitu- „ tum, eidemque, donec moreretur, obedi- „ entes fuerunt „ Hæc quidem permittas licet, Theodulphe. Quid igitur? „ Ergo Synodum „ Joannis contrariam Ecclesia non curavit. Er- „ go postea aliter senserunt iidem Patres „ Nega, & pernega, Theodulphe, consequen- „ tiam. Tyrunculi dialectici didicerunt, eam pro- „ positionum contradictoriarum conditionem esse  
oper-



oportere, ut sint affirmatio, & negatio ejusdem de eodem, sumpto eodem modo & pro eodem tempore. Magna tempore, quod Synodum inter Joannis & hanc ultimam intercesserat, facta est rerum conversio. Joanne XII. mortuo, & Benedicto V. sponte se abdicante, vacabat ex integro B. Petri Sedes, nec tenebantur amplius Patres jurisjurandi, sive huic, sive illi præstiti, religione. Fas proinde ipsis erat novam ad electionem procedere. Cæsare autem gladium non prius ponere obfirmato, quam Dominum Leonem in Cathedram B. Petri restituisset, & Urbi cum legionibus insidente, Romani Patres quid agerent? Priorum ærumnarum fessi, & novas pertimescentes, cum eligendi alium potestas non fieret, voluntate coacta, sed tamen voluntate, susceperunt Leonem VIII; & censuras in eum, ejusque suffragatores ante latas, pro potestate, qua pollebant vacante Sede, hoc ipso facto abrogasse censi possunt. Per novam electionem hanc demum fieri legitimus Pontifex potuit Leo VIII. & factus est ex quorundam sententia, de quo hic disputare necesse non est. An vero Patres, nunc Leonem VIII. suscipientes per novam electionem, propterea senserunt primam ejus electionem, vivente Joanne XII. factam, & a se antea damnatam, fuisse validam? Hoc si non senserunt, ut sensisse eos nullatenus ex hoc novo eorum facto sequitur: non sequitur eosdem Patres postea aliter sensisse; non sequitur, quod Joannis Synodum contrariam non

curaverit Ecclesia. Vides jam versutiam sophismatis? Narratis gestis, cetera si spectes, veris, eorum tamen adjunctis, puta, quo tempore, qua occasione, quo modo postea gesta sint, silentio suppressis, eo demum sophisma delabitur; ut tentet incautis, & in Historia parum versatis persuadere: eosdem Patres postea aliter sensisse, sibi contradixisse, priorem sententiam retractasse, Ecclesiam Rom., capiti suo conjunctam, semper tam gloriosam, non curasse, quæ ante statuerat. Candidi hominis quis esse dixerit, lectoribus suis struere hujusmodi tendiculas?

7. Graves alias pag. 40. N. XXXIV. Synodi, pro Joanne XII. habitæ, accusationes intentat. Audire & illas oportet, & suis momentis expendere.

8. *Accusatio 1.* „ Terror eam præcessit. Sæ-  
„ viit prius Joannes in primores Urbis; ma-  
„ num dexteram, linguam, nares, digitos Cle-  
„ ricis abscindi jussit: dein Synodum congre-  
„ gavit. Quæ Patrum libertas?

*Defensio.* Fuerat Joannes non modo Ecclesiæ Caput ab omnibus agnitum, sed etiam ditionis suæ Princeps supremus. Poterat igitur jure animadvertere in refractarios sibi subditos. Si modum humanitatis non tenuit: quid hoc attinet Synodum post congregatam? Quæ Patrum in Synodo tertia Ottoniana fuerit libertas, modo audivimus. Nulla in hac Synodo Joannis Patribus vis illata legitur.

9. *Accusatio 2.* „ Nulla legitur cautio præ-  
„ via

„ via pro salute Romanæ Ecclesiæ, pro abjuratione hostium ejus, pro renovanda fide erga Advocatum ejus.

*Defensio.* Non periclitabatur salus Romanæ Ecclesiæ; in quam Joannes nullam invexisse accusatus est perniciosam hæresin; nulla item in Urbem eo tempore hostiliter gesta illi fuerunt objecta. Adelbertus, Berengarii Filius, Cæsaris hostis fuit, non Ecclesiæ. Atque ut fuisset etiam; ab eo se Joannes ante suum in Urbem reditum jam sejunxerat; Adelbertus ultro in Corsicam profugerat, nec post comparuisse amplius legitur. Berengarii Parentis vires ita concisæ erant; ut nihil turbare possent amplius. *Continuat. Reginon.* Quæ ergo necessaria fuit pro abjuratione hostium prævia cautio? Redintegrandæ erga Advocatum Ecclesiæ, sive Cæsarem, fidei negotium erat politicum, non Ecclesiasticum, ac proinde necesse non erat referri illud ad Synodum. Neque illud tamen negotium neglexit interea Joannes. Testificatur enim Continuator Reginonis; eum statim in spem veniæ ab Imperatore impetrandæ intentum fuisse; dum Otgerum, Spirensen Episcopum, comprehensum, & flagellatum, & aliquando, licet incommode, apud se detentum (quod factum sane nec laudo; nec defendo) tum remisit. Subdit Continuator: „ Quæ spes „ eum divina ordinatione fefellit. Nam II. Idus Maji rebus humanis excessit. „

10. *Accusatio* 3. „ Nullus de expurgatione „

Q 4

infa-

„ infamati, de pœnitentia, & emendatione im-  
 „ pii sermo.

*Defensio.* Nulla lege tenebatur purgare se co-  
 ram sua Synodo, ut probavimus *Contr. 3.* De  
 pœnitentia, & emendatione vitæ soli Deo de-  
 bebatur rationem reddere. Nullus ergo de his  
 necessarius in Synodo sermo.

II. *Accusatio 4, & atrox.* „ Quin Spiri-  
 „ tus aperti mendacii mox aderat: Joannes cru-  
 „ delis, & impurissimus, vocatur piissimus, &  
 „ coangelicus. „

*Defensio.* Hic jam, si, quod sentio, licet  
 Leodienti libertate edicere, delitescit vel crassa  
 ignorantia, vel aliud quid gravius, quod, eti-  
 amsi Leodienfis, horresco dicere. Quis enim  
 nescit, nomen sanctissimi, piissimi, religiosissi-  
 mi, Deo dilectissimi, aliaque ejusmodi, tri-  
 bui solere Papæ, & aliis Præsulibus propter  
 sanctitatem non personæ, sed (a) officii, quia Chri-  
 sti Domini Dei nostri vices gerunt, ejusque  
 personam referunt. In actis Synodi Oecume-  
 nicæ III, Ephesinæ I, Nestorio; in actis Sy-  
 nodi IV, Chalcedonenfis I, Eutychi, & Dios-  
 coro, quamvis aperte hæreticis, & pertinaci-  
 bus, sacra tamen ejusmodi nomina tributa le-  
 gimus. An Ccuius hisce Oecumenicis, quibus  
 non secus ac quatuor Evangeliiis fidem haben-  
 dam pronuntiavit S. Gregorius M., aderat Spi-  
 ritus mendacii? Ipsos usque adeo profanos  
 Principes Sanctitatis nomine usus loquendi re-  
 ceptissimus salutatur. Ita dicimus Sacra Cæsarea,  
 Sacra Regia Majestas. In Synodo altera Otto-  
 niana

niana Otto dicitur Sanctissimus Imperator. Neque immerito. Didicimus enim ex Apostolo Rom. 13. Potestates, quæ sunt, a Deo ordinatas esse, & potestati resistentes Dei ordinationi resistere. Dei enim, inquit, ministri sunt. Et B. Petrus 1. *Pet.* 2. v. 18. vult servos subditos esse Dominis, non solum bonis, & modestis, sed etiam dyscolis. Sancta nobis igitur debet esse utriusque potestatis, tam sacræ, quam politicæ, reverentia, nullo habito ad personarum sive sanctitatem, sive improbitatem respectu; utrilibet suus suo in foro honos habendus. *Roddite*, inquit S. Paulus, *ibid.*, *omnibus debita: cui tributum, tributum; cui vectigal, vectigal; cui timorem, timorem; cui honorem, honorem;* politicæ potestati in rebus civilibus; sacræ in sacris, ut perpetua nos docet Majorum, & Atavorum traditio: quæ debet Germano Catholico sufficere.

(a) Joannis Huss Artic. 23. „ *Papa non debet dici sanctissimus, etiam secundum officium. Quia alias Rex deberet dici sanctissimus secundum officium, & tortores, & præcones dicerentur Sancti; imo & Diabolus deberet dici sanctus, cum sit Officiarius Dei.*

12. *Accus.* 5. „ Dicit ille „ (Joannes XII.) „ se fuisse, expulsus imperiali vi a propria „ Sede: cum fuerit hostis, transfuga, apostata, frustra revocatus ab Ottone, & Patribus. „

*Defensio.* Gravis criminatio! quæ si vera esset, negarem tamen, eum propterea dignum

Q 5

fu.

*Defens.* Vocarunt Scapham Scapham; secuti normam, & exemplum Synodi Oecumenicæ VIII. Cpolitanæ IV., quæ act. 7. Photium tum propter alia crimina, tum velut *Mæchum*, damnavit. An, qui Cpolitanæ Ecclesiæ thorum spiritualem vivente ejus Sponso, S. Ignatio, invasit, mæchus, tam gravi Synodi Oecumenicæ judicio, pronuntiatus sit: qui vero primæ, ac supremæ omnium Ecclesiæ thalamum vivente ejus Sponso legitimo, ab universa Ecclesia agnito, vi occupaverit, pro justo conjugē habebitur?

At illi ipsi liberrime eum, tota acclamante Ecclesia Romana, elegerant, tanquam virum approbatum. De libertate illius Synodi vidimus antea. Quæro nunc, qua acclamante tota Ecclesia Romana electus est? Universalī toto terrarum orbe diffusa? At hoc probari non potest. (*Vid. Proëm. §. 5. an. 12.*) Neque id dicit Ipse. Ait enim totum negotium perfectum a Synodo sola Ecclesiæ particularis Romanæ, coram Ottone, & quibusdam Italiæ, ac Germaniæ Præsulibus, personas mutas hac in comœdia agentibus, verbum nullum dicentibus. Hæc particularis Provincia Romana tota eratne Sponso suo, a quo dignitatem suam, auctoritatemque omnem habet acceptam, conjuncta? Imo cum eo vivo fecit divortium. Non erat ergo legitima; adhuc & in negotium se ingessit, cujus gerendi potestate caruisset, quantumlibet fuisset omnimodis legitima. Non nisi comœdiam lusit igitur inanissimam.

Illi iidem tamen eum elegerant, qui post dixere adulterum. Id argumento est, agnovisse illos post errorem suum, atque, ut conscientia suæ consulere, correxisse, pronuntiantes, priorem suam Synodum fuisse prostibulum favens adultero, & auctoritate Ss. Patrum damnamdam. Errare hominis est; nullius, nisi insipientis, perseverare in errore. Vindex accusat eos, quod in errore non perseverarint, sed sapere coeperint. Ad Synodi VIII. Oecumenicæ Actionem secundam venerunt, qui ceciderant cum Photio Episcopi, Presbyteri, Diaconi, & Subdiaconi, & proferentes libellos pœnitentiæ coram Synodo, recepti sunt. Similia in aliis Conciliis facta legimus ab aliis, qui resipiscentes erroremque priorem deferentes, ad mentis sanitatem redierunt. Hos nemo sanus accusandos, boni omnes laudandos, semper censuerunt.

Ex laudibus, Leoni a Reginonis Continuatore, & Petro Bibliothecario tributis, nihil detrahere necesse est. Fuerit vir numeris omnibus absolutus, &, si vis, viva B. Petri, & Pauli imago; nihil obstitit, quod fuerit neophytus, id est, recens, vel nondum ordini Clericali adscriptus. (Quamquam hoc non parum adversetur Ss. canonibus priscis, in octava, recentis tum memoriæ, Synodo, Act. 4, renovatis) Defuit tamen, quod ceterorum fundamentum est, defuit primæ Synodo Joannem XII. viventem destituendi, ac Leonem VIII. in ejus locum instituendi potestas.

14. *Accus.* 7. „ Propter Synodum Joannis  
„ nemo ante Baronium negavit Leoni VIII. lo-  
„ cum in catalogo Pontificum. „

*Defens.* Hæc accusatio jam anteoccupata, &  
explosa est principio. (*Proëm.* §. 5. n. 16.)

15. *Accus.* 8. „ Nulla deliberatione prævia,  
„ ad propositam a Joanne quæstionem... sta-  
„ tim respondit. „

*Defens.* Hæc accusatio diffilatur sola inficia-  
tione : quî scis ? quî probas ? Aut putas ha-  
bitam hanc Synodum, ut fiunt cœtus hominum  
præcipiti omnia consilio agentium. Hoc de-  
beret probari. Non solent Ccra in sessionibus,  
sive actionibus publicis decernere, & promul-  
gare ; nisi quæ maturâ ante deliberatione  
expensa, ac conclusa communi calculo  
fuerint ; tamen deliberationes istæ præviæ non  
semper in acta referri soleant. Alioquin Syno-  
dum I. Ottonianam, ab Ipso jam Canoniza-  
tam, condemnabo eodem ego scelere. Nulla  
enim in ejusdem actis interposita legitur quæ-  
stionem inter ab Ottone propositam, & Syno-  
di responsionem deliberatio. Statim enim res-  
pondit : *Inauditum vulnus inaudito est cauterio  
exurendum.* Quam autem minime præcipiti im-  
petu processerit Synodus Joannis, liquet ex eo ;  
quod causam Siconis, Episcopi Ostiensis, qui  
Leonem consecraverat, & Benedicti Portuen-  
sis, Gregoriique Albanensis, qui consecranti  
adstiterant, differendam censuerit usque ad  
tertium conventum. Synodum præcedentem ex  
auctoritate esse Ss. Patrum damnandam judica-  
vere.



vere. Consuluisse igitur Ssrum Patrum monu-  
menta censendi sunt : nisi , suo illos pede me-  
tens , asserere sine fundamento voluerit , alle-  
gasse illos , quæ non viderint.

16. *Accus 9.* „ Omisit verum causæ crino-  
„ menon , quodd erat , an illo in casu Impera-  
„ tor recte indixerit Synodum , quam princi-  
„ paliter habuit Provincia Romana super suo  
„ Metropolitano profugo cum hostibus , assis-  
„ tentibus Episcopis Ottonis , absque dato sus-  
„ fragio : An provincia Romana recte suum  
„ Metropolitanum exauctoraverit absentem , ci-  
„ tatum , modis omnibus venire , ac se pur-  
„ gare renuentem , necne ? Super hoc magna  
„ disquisitio fieri debuisset , votaque cordate  
„ proferri. Sed non erat de tempore displic-  
„ entia loqui crudeli , sævienti , amputanti. „

*Defens.* Ottoniana Synodus I. omisit verum  
causæ crinomenon , quod erat : An *Synodo par-*  
*ticulari Romana , ullive potestati humane facta sit*  
*a Christo Domino facultas exauctorandi supremum*  
*suum in terris Vicarium , ab universa Ecclesia ,*  
*atque ab ipsismet agnitum , vivum , & invitum*  
*extra casum hæresis ; an idem Christi Vicarius lege*  
*ulla obstringatur , ut a tali Synodo citatus veniat,*  
*& se purget , necne ?* Super hoc magna disquisi-  
tio fieri debuisset , & consuli auctoritas Ss. Pa-  
trum , votaque cordate proferri. Sed non erat  
de tempore displicentia loqui a latere stanti  
irato , & cum exercitu ; quem debebant con-  
tinuo respicere , ne offenderent.

Verum Crinomenon minime prætermisit Jo-  
annes

annes in sua Synodo. Dixit enim Actione 1.  
 „ Scitis , dilectissimi Fratres , me fuisse expul-  
 „ sum imperiali vi a propria Sede per duos  
 „ menses , quapropter vos plurimum rogo ,  
 „ si dici potest regulariter Synodus illa , quæ  
 „ habita est , *me absente* in Ecclesia mea , quar-  
 „ to videlicet Decembris ab Ottone Impera-  
 „ tore , suisque Archiepiscopis , atque Episco-  
 „ pis , an non ? Sanctum Concilium respon-  
 „ dit : Prostibulum favens adultero , invasori  
 „ scilicet alienæ sponsæ , nempe Leoni intruso.  
 „ Piissimus ac sanctissimus Papa dixit : Ergo  
 „ damnanda est a nobis ? Sanctum Concilium  
 „ respondit : *auctoritate sanctorum Patrum dam-*  
 „ *nanda.* Tunc piissimus , ac sanctissimus Pa-  
 „ pa damnavit eam in perpetuum , cum eo-  
 „ rundem Episcoporum auctoritate. *Apud. Har-*  
 „ *du. T. 6. CC. P. 1. pag. 633.* „ Nonne  
 hoc diserte satis idem est , ac si interrogasset :  
*An Provincia Romana recte suum Metropolitanum*  
*exauctoraverit absentem ?* &c. Potuissentne cordati-  
 us vota proferri , & quidem *ex sanctorum Pa-*  
*trum auctoritate* , cui hæc Concilii sententia pla-  
 nissime congruit ?

17. *Accus. 10.* „ Postea aliter iidem Patres sen-  
 ferunt. &c.

*Defens.* Ista accusatio jam penitus contusa est.  
*Hic n. 5. & 6.* Addi tamen potest , delitescere & his sub verbis ancipitem amphibologiam.  
 Luitprandi Continuator (si qua tamen huic fi-  
 des habenda) & ex eo Vindex refert Ottonianæ  
 Synodo II. interfuisse eosdem omnes , qui pri-  
 mæ

mæ interfuerant. At Synodo pro Joanne inter  
 mediæ, Ottonis primam Synodum damnanti,  
 interfuere complures Patrum, qui isti primæ  
 non interfuerant, de quibus proinde non con-  
 stat, utrum Ottonianæ alteri præsentés adfue-  
 rint. Contuli studiosissime catalogum Patrum  
 hinc in Synodo I. pro Leone VIII, inde in Sy-  
 nodo pro Joanne XII. congregatorum. Com-  
 peri in Synodo Joannis comparuisse Episcopos  
 decem, & sex; ex quibus octoni consenserant  
 antea damnationi Joannis XII; reliqua semissis  
 non legitur interfuisse Ottonianæ Synodo. In  
 dicta Synodo pro Joanne lego collectos fuisse  
 Cardinales Presbyteros duodecim; adhibita qua-  
 vis diligentia non reperi, nisi senos, qui ope-  
 ram suam in præcedente Synodo Ottonis ad-  
 dejiciendum Joannem contulerint, quamvis IP-  
 SE, pag. 26. *N. X. part. 21*, acutius scilicet  
 videns, numeret denos, Cardinalem Archidia-  
 conum Benedictum, & duos Cardinales Dia-  
 conos utrique Synodo adstitisse testantur utrim-  
 que acta. Si ergo fere dimidia pars Patrum  
 in Synodo pro Joanne XII. præsentium, pro-  
 bari non potest postea aliter sensisse; qua fidu-  
 cia dicitur simpliciter, atque absolute, eisdem  
 Patres sensisse postea aliter? Comparatum hoc  
 est, ut cætera, ad fascinandos lectorum ani-  
 mos, quasi iidem omnino Patres aliter post  
 senserint.

18. *Accusat. 11.* „ Denique non ex Spiritu  
 „ S., sed ludicre tractabantur innocentes, a Leo-  
 „ ne ordinati, sine misericordia degradati,  
 „ cum

„ cum schedula : *Pater meus nihil sibi habuit, ni-*  
 „ *hil mihi dedit.* Quod dictum potius benigna  
 „ interpretatione juvandum est, ne sit error;  
 „ quam scriptum præcedentis Concilii de Ju-  
 „ da, post venditum Christum ligare amplius  
 „ non valente, erroris in fide arguendum.  
 „ Hæc Antagonistæ sapiunt prorsus ingenium  
 „ Ecclesiæ.

*Defens.* Non est ex Spiritu S. scriptum præ-  
 cedentis Concilii effatum de Juda. Illud enim  
 si spectetur in proprio obvio, & usitato inter  
 homines communi verborum sensu (quem spe-  
 ctare Publicum solet, & in judiciis suis Eccle-  
 sia, nullo habito ad eam interpretationem res-  
 pectu, quam vel propositionis auctor potest so-  
 la mente habere reconditam, vel alius ei af-  
 fingere) excusari ab errore in fide non posse,  
 conatus fui probare pro mea virili (*h. Controv.*  
*§. 1. à n. 23.*) An probaverim reipsa, penes  
 eos judicium esto, quorum est.

Dictum alterius pro Joanne XII. Synodi, in-  
 terprete alio non indiget, nisi circumstante,  
 & una cum ipso loquente communi, ac recep-  
 ta a Catholicis omnibus doctrina. Constans e-  
 nim Catholicorum doctrina est a caractere,  
 quem Sacramentum Ordinis imprimit initiatis,  
 separari posse licentiam, ac facultatem funge-  
 di ministerio Ordinis. Characterem (quem re-  
 cipit Clericus a rite consecrato sive per fas,  
 sive per nefas Episcopo, sive per fas, sive per ne-  
 fas, rite tamen a tali ordinatus & ipse) Ca-  
 tholici docent esse indelebilem, qui auferri a

nemine possit. *Trident. Sess. 7. Can. 9.* Ministerio, & functione ordinis sui suspenduntur saepe ob gravia delicta cujuscunque gradus Clerici; alii ipso jure, alii per sententiam judicis; alii ad certum tempus a jure, vel sententia definitum; alii donec emendentur; vel praestita satisfactione absolvantur; alii, si propter irregularitatem prohibeantur suscepti ordinis ministerio; donec dispensationem obtinuerint; alii ita arcentur superiorum ordinum exercitio, ut minores exercere permittantur; alii omnium ordinum ministerio spoliantur adeo, ut sola communione laica contenti esse jubeantur. Atque illi quidem omnes revocari ad pristinum gradum dicuntur, pro suo quisque modo; vel certum ad tempus, vel ad totius vitae dies, manente nihilominus in iis charactere Ordinis. Hanc receptissimam in Ecclesia linguam qui ignorat; is Ss. Canones, Ccia, & historiam Ecclesiasticam ne extremis quidem labiis degustasse censendus est. Leo VIII. cum contra Ss. Canones vivente priore Episcopo consecratus esset; carebat ipso jure ordinis suscepti ministerium exercendi facultate; ergo nec dare eam a se ordinatis poterat. Hunc autem verborum in chartula scriptorum ex sua mente sensum esse, declaravit Joannes XII. satis aperte, dum Act. 3. sententiam pronuntians dixit, eos vero, „ quos ipse Leo neophytus, & invasor sanctae, „ & apostolicæ Ecclesiæ in quolibet Ecclesiastico ordine provexit, Apostolica, atque canonica auctoritate & Synodali decreto in pristinum

num

num revocamus gradum : quia ordinator eorum nihil sibi habuit ; nihil illis dedit. „ linguam Ecclesiasticam callentibus hæc apertissima sunt , solis non callentibus obscura. Neque hæc ludicra censenda sunt ; sed sententiæ in Leonem latæ novum pondus addunt ; suntque iterata ejus confirmatio.

Invidiosa quoque loquendi formula Vindex vocatur , dum eos omnes sine misericordia degradatos narrat. Degradatio enim in vulgari idiomate Ecclesiastici usu significat tristissimam pœnam ; quæ ob enormia scelera Clerici per lugubres caremonias ita ministerio ordinum , ac privilegio canonis spoliantur ; ut tradantur judici politico , extremo afficiendi supplicio. Tale nihil in istos statutum legitur , sed Ordinis , duntaxat a Leone suscepti , insignibus , ministerioque privati sunt , ac vita incolumi ad pristinum gradum revocati.

Illa Synodus sapit ingenium Ecclesiæ , quæ nihil statuit , nisi ex norma sacrorum Canonum , & majorum exemplo. Illa non sapit , quæ statuit , quod neque in Ss. Canonibus constitutum sit , neque ullum habeat in antiquitate exemplum. Perlege , Theodulphe , acta Synodi a Joanne habitæ ; nihil in ea statutum reperi- es , quod non totidem fere verbis constitutum fuerit in antiquis Canonibus , & veterum exemplis confirmatum. Provocat Joannes ad exemplum Prædecessoris sui Stephani (III, aliis IV.) eadem ratione in ordinatos a Constantino Antipapa animadvertentis. Prævit Synodus VIII. Pro-

his, quæ in Synodo Ottonis gesta sunt, defendendis proferri frustra postulavimus vel unum specificum canonem. Exemplum nullum proferri posse, fatetur ipse. Judicent nunc, quorum est: utra ex his Synodis sapiat ingenium Ecclesiæ.

19. Ead. pag. 41. & N. XXXIV. dum ait:  
 „ Verum est hæc mater pia, sanans, *non vin-*  
 „ *dicans*, præsertim ubi nihil factum est, quam  
 „ tota Rom. Ecclesia plenissime consentiente: „  
 Videtur eripere Ecclesiæ Canonicum mucronem,  
 sive potestatem puniendi noxios. De plenissi-  
 mo totius Romanæ Ecclesiæ consensu abunde  
 disputatum est alibi. (*Proem. §. 5. n. 12.*)

20. Denique ibidem repetit, quod jam alia  
 as dixerat. „ Hanc ista sola vice, cum nul-  
 „ lus alius casus ostendi possit, contra Papam  
 „ errasse, universam, vel dogmatico errore,  
 „ dum credidit, a se talem Papam exauctora-  
 „ ri posse, vel morali, dum credens, se non  
 „ posse, nihilominus adulata Ottoni exauctora-  
 „ vit, sentiat, quisquis velit: Nos reverentio-  
 „ res sumus; magis hanc semper sanctam, ju-  
 „ stamque Ecclesiam diligentes, & honorantes,  
 „ quam exauctoratum ab ea pessimæ vitæ, mor-  
 „ tisque Pontificem, cujus memoria semper  
 „ erit in execratione. „

21. Ecclesia Romana universa Capiti suo  
 conjuncta, nunquam Papam certum, ab uni-  
 versâ Ecclesia agnitum, viventem, & invitum,  
 tentavit exauctorare propter solam morum per-  
 versitatem. Synodus, quæ hæc in Joannem  
 XII.

XII. ausa est, non erat conjuncta suo Capiti, sed ab eo vivo se per schisma sejunxerat. Ac proinde neque Ecclesiam Romanam universam, imo neque particularem Romanam representabat. Hæc si in errorem sive dogmaticum, sive moralem prolapsa est; hoc sanctæ Romanæ Ecclesiæ, Magistræ, ac Matri nostræ maculam nullam affricat. Istam semper sanctam, & justam boni omnes reverentur, diligunt, & honorant. Synodum alteram, a capitis sui vivi diminutione informem, qui diligit, & honorat; diligit, & honorat (Libertati Leodiensi sit venia) adulteram; cujus memoria semper ad conciliabula amandabitur, atque ad prostibula, mœcho faventia, alienæ Sponsæ invasori. Sanctæ Matris nostræ Sponsum qui non reveretur, diligit, & honorat; nec reveretur, nec diligit, nec honorat genuinam Matrem nostram. Fuerit pessimæ vitæ, ac mortis Joannes XII. Pontifex; sedebat tamen in Cathedra B. Petri; ex qua illum deturbandi legitimam potestatem Christus isti Synodo minime concessit.

## Controversia V.

An Joannes XII. fuerit hostis, apostata, desertor, traditor, venditor suæ Ecclesiæ Romanæ?

I. Vindiciarum Scriptor, habebat sibi propositum ostendere pag. 30. N. XVII, & rursus pag. 31, N. XX. Papam posse depo-

R 3

ni



**272 Contr. 5. An Joannes XII. fuerit Hostis, Apost.**  
ni non modo in duobus casibus hæreseos, & schismatis plurium, inter se de Papatu contententium; sed etiam pro tertio casu, quem deformitatem vitæ vocari ait, vel casum incorrigibilis deformitatis vitæ, ad quam pertinere dicit perditionem, & prodicionem Ecclesiæ, & Patriæ.

2. Æstus disputationis Ipsum eo abripit, ut contendat persuadere lectoribus suis, Joannem XII. fuisse non modo pessimis moribus Pontificem, sed etiam Ecclesiæ Romanæ hostem, apostatam, desertorem, traditorem, venditorem. Nec vidit Bonus Vir; prodi absemet hoc pacto suarum vindictiarum causam; uti non semel jam monui; & res ipsa loquitur.

3. Crimina ista, fateor, si convenirent in Joannem XII, esse tam enormia; ut eum, non quidem a Synodo deponendum, sed ipso facto excidisse magistratu suo, probarent cumulatissime. Juvat tamen expendere, an criminatio-  
num istarum reus fuerit.

4. Aliud est hostem Cæsaris esse, aliud hostem Ecclesiæ. Non omnis enim Cæsaris hostis est hostis Ecclesiæ. Quam sæpe vidimus Catholicos Principes bella inter se gravissima de rebus summis regnorum gerentes, quin hostes Ecclesiæ censerì possint citra injuriam. Joannes XII. contra datam a se fidem ad Cæsaris hostes deficiens, hujus hostis merito haberi potuit. Hoc ejus factum nemo est, qui defendat. At fuisse Ecclesiæ hostem propterea, quì probatur? Quod Ecclesiæ dogma invaluit hostiliter? Accusato.

*Defertor, Traditor, venditor Romana Ecclesia* 273  
fatorum nemo repertus est, qui tale ei crimen  
impingeret.

5. At Ecclesia Romana de eo conquesta est:  
„ Cunctis obest. Quot prius casti, hujus facti  
„ sunt imitatione incesti? quot probi hujus  
„ exemplo conversationis sunt reprobi? „ pag.  
32. N. XIX. Improbe factum; non nego.  
Dei hostem se constituit his facinoribus; non  
nego. Ecclesiae propterea hostem factum, ne-  
go. Ecclesia enim in terris militans malos,  
& bonos complectitur; probos, ac reprobos  
fideles.

6. Neque etiam Apostata fuisse probari ullo  
argumento idoneo potest. Audiamus, quid  
hanc in rem proferat Ipse pag. 38. N. XXXI.  
„ Scimus bene, quod Prælati Ecclesiae per hoc,  
„ quod vitiosus fiat, non excidat sua potestate. Hoc  
„ etiam scivit bene tunc Magistra nostra. Sed  
„ attendamus verba ejus: *Reprobato ob mores im-*  
„ *probos Joanne apostata.* Quid voluit hoc ulti-  
„ mo verbo aliud, quam desertorem Ecclesiae  
„ Romanæ declarare Joannem? utique vero  
„ plus erat, quam simplex desertor, quia po-  
„ sitivus hostis, & traditor. „

7. Non sunt hæc verba Magistræ nostræ;  
sed alterius cujusdam, capite suo vivente ca-  
rentis, atque hac ipsa ex causa ad nos docen-  
dos ineptæ. Cæsari apostata videri merito po-  
tuit, quia a fide sibi data defecit. A fide Ec-  
clesiæ defecisse, ne ipse quidem Luitprandi  
Continuator ei objectum narrat in accusationum

274 *Contr. 5. An Joannes XII. fuerit Hæsis, Apost.*  
capitibus. Neque objicere potest Vindictiarum  
Scriptor, quin suam causam prodat.

8. Fuit desertor Cæsaris. Urbem etiam metu Cæsaris sibi merito infensi, & cum exercitu adventantis deseruit, arrepta trans Tiberim fuga. Ast deserere Urbem, estne deserre Romanam Ecclesiam? Quoties Rom. Pontifices, vel negotiorum Ecclesiæ causa, vel rebellium manus violentas declinare coacti, vel propria voluntate (uti per tot annos Avenione) abfuerunt Roma? deserueruntne propterea Ecclesiam Romanam? Ubi ubi locorum sit Romanus Pontifex, sive Constantinopoli, sive in Francia, sive in Germania; quod non semel evenisse tradit historia Ecclesiastica; est, manetque Romanus Pontifex, nec sua illum potestas ullibi, quoad vivit, nec sponte se ea abdicat, destituit. Vigilius Papa dum Constantinopoli tum a Justiniano, & Theodora Augg., tum ab aliis Græcis summas redigebatur in angustias, vi undique illata; libera voce professus est; etsi se captivum tenerent, facere eos tamen non posse, ut B. etiam Petrum Apostolum, ejusque auctoritatem captivam constringerent. *In libel. Cleri Rom. anno 551. scripto. Apud Norisium Diss. de Syn. V. C. 4.* usque adeo B. Petri auctoritas ne in vinculis quidem Papam derelinquit. Ecclesiam Romanam autem tantum abest, ut Joannes XII. deserere, eave se abdicare in animo habuerit: ut alium Pontificem creare molientibus intenterit

**Desertor, Traditor, venditor Romana Ecclesia 275**  
tarit anathema, & sibi ereptam, ubi primum potuit, denuo vindicarit.

9. Perditor Ecclesiæ dici non potest, qui nullam fidei corruptelam introducit, ut non introduxit Joannes XII. Morum corruptelam qui introducit, mores perdit, suo & aliorum ingenti exitio; de quo, qui superiorem se in terris non habet, severissimam divino judici rationem, pœnasque dare compelletur acerbissimas: Ecclesiam tamen, ex bonis, & malis, probis, & reprobis constantem, perdere dicendus non est.

10. Cui prodidit, cui vendidit, cui tradidit Ecclesiam Romanam? quo pretio? quibus testibus? Horum nihil si probari potest, nihil si inter accusationum capita objectum: qua fronte Vindex post tot sæcula non tam accusat, quam pro tribunali suo, PRÆSIDE SE, pronuntiat illum proditorem, venditorem, traditorem; nullo præsertim vindiciarum suarum commodo? Ne Patriæ quidem proditor, si summo jure agere velimus, dici potest. Non enim Adelberto prodidit, aut tradidit Urbem, sed intempestiva misericordia motus vagum, & fugientem in eam recepit; cum eodemque, appropinquante Cæsaris exercitu, discessit. Fugæ intentus in agro Romano nihil hostile gessisse legitur: nisi ipsum fugere suæ salutis causâ, proditio est. At enim thesaurum Ecclesiæ abiens diripuit. Quî scis, non fuisse suam istam pecuniam? An proditor Patriæ est, qui hostem fugere coactus, sua illi non relinquit?

R 5

Suam

276 *Contr. 5. An Joannes XII. fuerit Hostis, Apost.*  
Suam autem fuisse censendum est, quousque aliud probetur. *Delicta enim non presumuntur, sed probantur.*

11. Movebit fortassis aliquem, quod inter cætera accusationum capita *Epist. 1. Syn.* arguatur „ Diaboli in amorem vinum bibisse, „ in ludo alex Jovis, Veneris, cæterorumque „ dæmonum auxilium invocasse. „ Quod forsitan induxit eum, qui Gesta Trevirorum compilavit, ut de Henrico Archiepiscopo Trev. scripserit: „ Affuit Romæ cum Ottone I, „ damnando Magum, non Papam, Joannem. „ *ut refert Vindex pag. 19. N. VIII. lit. d.* Magus autem est a Deo, Christo, & Sanctis omnibus apostata. Verum imprimis

12. Aut Vindex falsus est, aut scriptor Gestorum Trevirensium. Hic nimirum tradit, affuisse Romæ Henricum, *damnando Joannem.* Ille pro certo asserit, a sola Synodo Provinciæ particularis Romanæ damnatum, atque exauctoratum Joannem; Henrico Trevirensi, aliisque Episcopis extraneis verbum nullum respondentibus. Utri credemus? neutri, si sapimus. Deinde, si Magus fuit Joannes (& Apostata) ergo Synodus non deposuit eum, sed ipso facto apostasiæ jurisdictione excidit.

13. Gestorum Trevirensium Scriptor homo privatus est, nullius auctoritatis publicæ, quam solam proferri postulat Vindex. Quisquis fuerit, exigui judicii fuit, si ex eo, quod Joannes dicatur diaboli in amorem vinum bibisse, & in ludo alex dæmones invocasse, magna fuisse

fuisse conclusit. Quid frequentius inter levi-  
um, ac petulantium juvenum consortia, dum  
estur, potatur, luditur; quam personare om-  
nia ebriosorum clamoribus, dæmones ex orco  
prope omnes appellantis. Pessima hæc con-  
suetudo est: piæ aures his, aliisque impiis vo-  
ciferationibus auditis exhorrescunt. Sed, quæ-  
so te, an omnes hos magos censebimus, om-  
nes apostatas? Quam brevi magorum plena e-  
runt omnia? Resuscitari in eos necesse foret ju-  
dicatorum priscorum severitatem, & rogos, fe-  
liciter modo extinctos, denuo incendi. Et quis  
scit, an ipsimet sua struenda fuisset pyra?  
Nugæ!

14. Monui te ab initio, Theodulphe, me  
auctoritati Pontificiæ soli apologiam scribere,  
non personæ Joannis XII. Neque nunc animus  
mihi est, concinnare ei orationem panegyricam  
funebrem, multo minus votum pro ejus Ca-  
nonizatione. Præfagiret enim animus, quod  
in illa causa advocatus, ut vulgus dicit, dia-  
boli hujus partes feliciter defensusurus esset, quam Vin-  
dex noster primæ Synodi Ottonianæ. Hoc unum  
mihi hic fuit propositum, ostendere: Vindicem  
satis non habuisse, ut conquestis undique sophis-  
matis lectori illuderet: sed etiam Joanni præ-  
ter nota affinxisse crimina alia, quorum reum  
probare non possit: quæ tamen ipsa si dare-  
mus, verissima esse, tamen plus obfutura essent  
causæ suæ crinomeno, quam profutura. Eo  
proripuit, etiam non advertentem, amor suæ  
Theseos, antitheseos odium.

15. Claudit vindicias pulcherrimo citra omnem controversiam epiphonemate ex I. Pet. 4. v. 11.

*In omnibus honorificetur Deus.*

Laudabilissimum sane honoris Divini omnibus in rebus promovendi, atque amplificandi studium. Verum, putasne honorificari Deum, Theodulphe, veritate sæpe suppressa; falsitate crebro inspersa, contextis ex utraque fallaciis? S. Petrus absque dubio sentit idem, quod divinus ejus Magister docuit Samaritanam, Joan. 4. v. 24.

*Spiritus est Deus: & eos, qui adorant eum, in spiritu, & VERITATE oportet adorare.*

B. Petrus idem sentit, quod Divus Paulus I. Cor.

c. 10. *Omnia in gloriam DEI facite:*

*Sine offensione estote Judais, & Gentibus, & ECCLESIAE DEI.*

## Appendix

### Rerum variarum per vindicias sparsarum.

1. Confluximus hactenus cum ipsa vindiciarum præcipua acie, mi Theodulphe. Sed solet exercitum sequi, vel comitari lixarum, & calonum turba; quæ ad pugnam inutilis, neque in certo ordine constituta, hinc inde dispersa extra aciem consistit. In hanc ipsam tamen

men, profligato exercitu, fit etiam impetus. Præter ea, quæ suas in controversias, ceu totidem legiones, distincte, & ordinate distributa impugnavimus, occurrunt sparsa hinc inde nonnulla in propositis vindiciis, quæ quamvis omni probandi, ac pugnandi virtute careant; importune tamen lectorum se oculis objiciunt. Hæc quoque non debemus intacta relinquere.

2: Sub ipsum vindiciarum initium propugnatam PRÆSIDE SE 25. Mart. anno 1766. referens Thesin: *Et Papam accusari posse, etiam extra casum deviationis a fide, docet inter alia exemplum Joannis XII, & XXIII. depositorum:* præfatur: „ (NB, quod semper de nostris „ thesibus observetur, DISPUTATIONIS, ET „ EXERCITII GRATIA) „

3. Hoc præmonitu persanata credis omnia, Theodulphe; & scandalum datum, natumque in Urbe, atque Academia apprime Catholica, commutatum in Pharisaicum; contra quod nemo tutus esse possit? Thesis pervolabat per omnem late viciniam, & quo non? Res videri Catholicis insolens, prodire ex tali Urbe, atque Academia factam juris publici Thesin ejusmodi. Præmonitus ille aberat; neque sequebatur, nisi mensium sex intervallo interposito. Non est difficile creditu, monitionem illam multa ad loca non pervenisse, quo Thesis prævolaverat pridem. Publicum interim (quod vitio ei dari, & pharisaicum in sensum detorqueri non, nisi iniquissime, ac prope dixissem, pharisaice potest) judicare de propositione qua-

vis



vis solet secundum proprium, & obvium; humano in consortio receptum, verborum sensum. Prælagire non potest monitum, quod ejus Auctor sola mente gerebat, & post annum fere dimidium erat secuturum.

4. Quis vero credat dicenti, solius disputationis, atque exercitii causa thesin hanc fuisse a SE PRÆSIDE (Defendentes enim innoxios esse reor) propositam? nisi secum ipso pugnantem se fateri voluerit. Tota enim vindiciarum vi pro ipsissima thesios illius suæ veritate, tanquam pro Domo sua Cicero, decertat. Ad calcem vero vindiciarum pag. 41. N. XXXIV. hæc habet: „ Interim grâtiâs habemus Eximio P. Theologo, quod nobis hoc „ otium historicum juris publici Ecclesiastici „ fecerit, occasionemque explicandi thesin nuperam. *Quia veritas exagitata sæpius magis „ splendet in luce.* Innoc. I. Epist. 7. ad Episc. Macedon. „ Hæccine sunt verba hominis solius disputationis, & exercitii gratia thesin proponentis? si dixeris, Theodulphe, esse hominis, cui major secum ipso, quam cum Antagonista suo pugna sit, sui immemoris, & sub finem obliti eorum, quæ principio dixerat, nihil temere dixeris. Reliquum istius orationis chaos missum fac.

5. Si tamen in animo habuit exercere disputando Candidatos suos, poterat illos exercere in aliis argumentis utilioribus, omissa hac thesi prorsus inutili; ut paulo post monstrabitur; ex qua nihil discent, nisi obstrepere audacter

a pri;

¶ prima juventute auctoritati Pontificiæ pro hujus sæculi genio.

6. Captiosa adhæc tota propositio, & verbis ejusmodi concepta est; ut quamvis nota illam graviore affici, & damnari a superiore legitima potestate contingerit, defendi tamen per cavillos ejus substantia posset. Dicere enim posset aliquis, ex propositionis unius damnatione solius contradictoriæ inferri veritatem. In propositionum autem de modo contradictoriis solum modum negari debere, non dictum e. g. *Bene disputat Pythagoras.* ) ( *Non bene disputat Pythagoras.* In contradicente non negatur dictum, sive disputare Pythagoram; sed modus duntaxat, sive bene eum disputare. Ita auctor Anonymus Principiorum L. P. E, (quæ dudum proscripta esse nosti) cavillatur, ex damnatione hujus 29næ inter damnatas ab Alexandro VIII. anno 1690: *Futilis & toties convulsa est assertio de Pontificis Romani supra concilium Oecumenicum auctoritate, atque in fidei questionibus decernendis infallibilitate*, aliud non sequi, quam assertionem illam non esse futilem, & toties convulsam. Similem in modum, si idem factum subiret ista thesis, posset aliquis (Ipsam id facturum, non dico) tricari: damnatum solummodo esse, quod inter alia exemplum Joannis XII, & XXIII. depositorum doceat, Papam accusari posse etiam extra casum deviationis a fide; nihil aliud: Dictum manere isto fulmine intactum, ac salvum.

7. Dictum illud (quidquid de eo sentiant ali-

aliqui opinione pure speculatrice, quos nolumus fugillare) si tamen accipiatur juxta eum intellectum, ut facto ipso in usum, seu praxin deduci queat, progrediendo ad ipsum actum exauCTORandi Papam minime dubium, ab universa Ecclesia agnitum, atque in quietâ dignitatis suæ possessione constitutum, extra casum deviationis a fide, jam olim ita prostratum est, ut novo ad illud dejiciendum fulmine opus non sit. Jacet dejectum a Synodo Romana Joannis: aut, si hanc, quamvis immerito, legitimam non putet, validius, ac luculentissime perculsum est ab Eugenio IV. in Synodo Florentina anno 1439 prid. Non Sept. Decreto: *Moses. Apud Hardu. T. IX. CC. pag. 1008. Recita locum huc facientem:*

„ Ipsas propositiones superius descriptas (a)  
 „ juxta pravum Basileensium (b) intellectum,  
 „ quem facta demonstrant, veluti sacrosanctæ  
 „ Scripturæ, & sanctorum Patrum, & ipsius  
 „ Concilii Constantiensis sensui contrarium,  
 „ nec non præfatam assertam declarationis, seu  
 „ privationis sententiam (c) cum omnibus inde  
 „ secutis, & quæ imposterum sequi possent,  
 „ tanquam impias, scandalosas, (d) nec non  
 „ in manifestam Ecclesiæ Dei scissuram, &  
 „ omnis Ecclesiastici Ordinis, nec non Christiani principatus confusionem tendentes, ipso sacro approbante Concilio, damnamus, ac reprobamus, damnatas, ac reprobatas nuntiamus. „ Deinde declarat eos, qui ista fecerunt, fuisse, & esse schismaticos. &c.

(a)

(a) Tres veritates imaginarias , a Basileen-  
sibus perperam stabilitas : inter quas prima  
est thesi quoad sensum gemina; excepto quod illa  
de Ccio Oecumenico loquatur, Vindiciæ au-  
tem de Synodo particulari Romana.

(b) Qui ita propositionem istam intelle-  
xerant , ut putarent, illam posse in usum de-  
duci ; ut facta eorum demonstrant. Nara in  
usum

(c) Deduxerunt , ferendo in Eugenium,  
comparare coram schismatica synodo renu-  
entem , sententiam declarationis contumaciæ,  
& privationis Pontificatus.

(d) Scandalum hoc pharisaicum dicemus ?

Cum igitur Vindiciæ , à capite ad calcem  
totæ , in eo sint , ut Theseos illius Dictum se  
ostendant ita intelligere , ut deduci in usum ,  
& praxin possit ; imo deductum a Synodo Ot-  
tonis laudent , ac jure factum omni molimine  
defendant : judicet unita suo Capiti sanctissimo  
sancta Mater , & Magistra nostra Ecclesia Ro-  
mana , quid nobis sentiendum sit de theseos  
istius talibus Vindiciis. Nec meum , nec tuum  
est , Theodulphe , de rebus ejuscemodi ferre  
sententiam. Videor mihi tamen satis perspicue  
probasse , nullum posse propositæ ad disputatio-  
nem , atque exercitium theseos in vita humana  
usum , utilitatemque esse : quod me ostensu-  
rum promiseram *Hic n. 5.* (Revolve animo ,  
nisi molestum tibi fuerit , Theodulphe , quæ  
monui *Proæmii §. 6 , n. 9.*)

8. Eadem pag. 17. N. IV. minatur; se alterum Joannis XXIII. exemplum alio tempore discussurum. Id si facturus est; mone eum, Theodulphe; ut sumat sibi novem menses integros, humano partui a natura destinatos; ne iterum post tres menses tam foedus abortus prodeat. Prædic; si tam dyscolum filium denuo in lucem ediderit; præparatam mihi esse domi ferulam, qua eum egregie excepturus sim; si me vivo, & incolumi natus fuerit.

9. Summo cum despectu loqui de non suis, est Ipsi perpetuum. Galli auctores non debent suscipi contra Germanos, & Italos ab his, qui sunt de S. Rom. Imperio. Cardinalis Baronius maximi nomen meriturus fuisset, si intra historici mansisset terminos. Non didicit jura ex professo, multo minus fuit ICTus graduatus. Dumefnil est Gallus, & Jesuita, duo exosa ipsi nomina, ac despicata. Atque ut de aliis illustribus viris contemptim ab eo nominatis taceam: Natalis Alexander est Gallus; Antithesista est secutus Gallum, pro pudor, Germanus; est modo Natalis Alexandrista, modo improvidus exscriptor Alexandri; modo fervidus Theologus; modo Theologus non noster. Utriusque asserta sunt audacia, ne dicat, temeraria, auctoritatem publicam desiderantia. Loquuntur audacter, temere, temerarie, contra sanum sensum &c. Ad dimicandum quidem viriliter hæc comparata non sunt; valent tamen ad rixandum. Quid si Antithesista similia in eum, imo

Imo graviora convitia regereret; id quod non futurum esset, opinor, difficillimum; nonne excandesceret, Theodulphe? Ego vero excandescerem in utrumque, & continuo, iste disputandi mos est dicerem, non ingenue educatorum, ac gravium Virorum, in gravi argumento versantium. Antonius Arnaldus, Janseianæ conspirationis post Abbatem Sancyranum caput, styli contumeliosi genus in certis dimicationibus adhiberi posse docuit suos, ac geometrica quadam forma pro suo modulo demonstravit. *La Realité de Projet de Bourgfontaine Tom. I. Part. 3. §. 1. pag. m. 178.*

10. „ Miremur „ (inquit pag. 20. N. VIII. lit. f.) si moderni Jesuitæ ita ament Natalem „  
 „cujus libros persecuti sunt, promovendo ip-  
 „sos in Catalogum Romanum librorum pro-  
 „hibitorum, a quo non nisi post multos an-  
 „nos auctoritate Benedicti XIII Dominican-  
 „extracti sunt. „ Paulo post (lit. g.) subin-  
 „dicat, animadversiones illas, quas Natalis Alexan-  
 „der in librorum suorum editione altera studet  
 „diluere, esse Jesuiticas. Verane hæc, an falsa  
 „sint, mihi curæ non est disquirere: non enim  
 „est tanti res. Pungit Antithesistam, Jesuitas,  
 „quin & ipsum Natalem: antithesin, argu-  
 „mentaque pro illa tam ab hoc, quam illo al-  
 „lata minime pungit. Ostendisset solide argu-  
 „mentorum istorum ante omnia falsitatem, in-  
 „eptiam, fallaciam, inconsequentiam: si deinde  
 „festivum aliquod, atque argutum epiphonema,

ad sublevandum lectoris tedium, modeste subjecisset, potuisset aliquis videri : Nunc non nisi inficeti Zoili, aut mordacis Aristarchi nomen refert apud solidæ eruditionis viros, qui offenduntur his nugis:

*Nec, si quid fricti ciceris probat, aut nucis emptor,  
Æquis accipiunt animis, donantve corona. Hor. de Arte.*

II. Antithesistam suum pag. 82. N. XIII. his verbis aggreditur : „ Non negabit jus Imperatori suo, tales indicendi, & moderandi „ Synodos, cum assistentia Episcoporum sui „ Imperii „ Videntur hæc eo spectare, ut Antagonistam suum, si forte respondere ejus Vindiciis aliquando voluerit, avocet a præsentis proposito ad quæstionem aliam prolixam; inquam descendere hoc loco non est necessarium. Multa nos utique exempla docent, piissimos, & atque Orthodoxos Imperatores, Reges, ac Principes indixisse, ac procurasse non semel magno Ecclesiæ bono sacras Synodos, accedente vel prævio, vel post consecuto Episcoporum, ac præsertim Romani Pontificis, eo tempore viventis, consensu. Legimus etiam interfuisse Conciliis Imperatores, modo ipsosmet, modo per Legatos, imo & adjunctos quandoque magistratus, & judices, qui Patrum libertatem adversus tumultuum violentias (quales in Latrocinio Ephesino exstiterant) defenderent. Legi-

Legimus suscepisse illos cum reverentia Patrum decreta ; utque observarentur a subiectis sibi populis , sanxisse suis legibus. Hæc facta extra controversiam , & reprehensionem omnem posita sunt. Ast *tales Synodos* , quæ in supremum Ecclesiæ Caput certum conspirarent , de eo exauctorando agerent , facto ipso exauctorare molirentur extra casum deviationis a fide , *tales* , inquam , *Synodos* indicendi , & non modo non consentiente , sed palam interdicente summo Pontifice prosequendi , jus sibi arrogasse nullum Orthodoxorum Imperatorum ante Ottonem legimus. Nihil simile a Provincia Romana ullo sub Imperatore antea factum legi , fatetur ipsemet pag. 37. Post Ottonem id juris sibi arrogasse nonnullos alios legimus ; sed istorum Synodos in schismaticarum , intrusos loco Pontificum legitimorum viventium in Pseudopaparum numero in hanc diem habuit , habebitque semper Ecclesia. Ista ad dissipandos Vindicis cavillos in præsens sufficiunt ; quin alteram quæstionem , quam abunde tractarunt Doctores alii , necesse sit attingere.

12. Postquam pag. 19. *N. VIII. lit. e.* dixisset, Natalem fateri, quod Leonem VIII. auctores plerique coævi legitimum Pontificem dixerint (*quæ de re vid. supra Proæm. §. 5. n. 13. , & 15. de Ditmaro.*) maxime Germani : subito in Antithesistam suum his verbis invehitur indignans : „ Id quod notet Germanus , pane Germanico „ vescens , proindeque in facto , quod defendi



„ commode possit , potius loquatur cum his ;  
 „ quibuscum vescitur ; nec sit ita immemor  
 „ honoris suæ Nationis , sui Imperatoris meri-  
 „ tissimi Ottonis I , quem Deus elegit , ut Ec-  
 „ clesiæ Romanæ , & Imperio succurreret :  
 „ Trevirensis quoque Archiepiscopi Henrici I ,  
 „ qui Synodo illi Romanæ interfuit , ( sed  
 verbum nullum respondit. Non semper autem,  
 qui tacet, consentire videtur ; præsertim si ti-  
 mor humanus linguam coercet, & stans a late-  
 re continuo respiciendus est , cujus offensam  
 reformidare debeas ) „ ut per auctoritates Gal-  
 „ lorum Doctorum velit refutare thesin Ger-  
 „ mani , bene sentientis de Ecclesia Romana ,  
 ( Non illa conjuncta , & consentiente suo vivo  
 legitimo , & certo Capiti ; sed de altera illa  
 larva Ecclesiæ , non Ecclesia Romana , a capi-  
 te suo vivo se rescindente , prostibulo favente  
 mœcho ) „ & Imperio , tunc in evidenti per  
 Papam discrimine „ ( per auxesin conficto )  
 „ constitutis. ) „

13. Præclarum præceptum , si uni-  
 versè spectetur : *Loquere cum his , quibuscum*  
*vesceris* , in materia præsertim , uti hic , Hie-  
 rarchiæ , a Christo Domino constitutæ , statum  
 concernente ! Tacere hic possum , quod me ta-  
 cente perspectum est omnibus , quis genuino-  
 rum Catholicorum hoc de axioma sensus sit.  
 Ipsimet Acatholici , qui verbi divini tenaces  
 videri cupiunt , ferre æquo animo non possunt  
 eos , qui religionem suam frusto panis vena-  
 lem

lem habentes, loquuntur passim cum his, quibuscum vescuntur. Proferre libet unum e multis. Scriptor anonymus Historiæ contentio-  
nis inter Imp. & Sacerd., quæ prodit Halæ 1722. in præf. n. 4. parasitos istos perstringit his verbis. „ Indifferentismi in religione vere  
„ rei sunt, qui apud papistas papistarum, a-  
„ pud reformatos reformatorum, apud lutheranos lutheranorum, apud socinianos soci-  
„ nianorum, apud mahumetanos horum re-  
„ ligionem &c. profitentur „ Loquuntur hi sane, quibuscum vescuntur. Nec per sanat rem illud, quod additur: „ In facto, quod commodè  
„ defendi possit „ Nihil enim est, quod istius fursuris homines existimaturi non sint, posse commodius defendi, quam esurire. Ottonis factum istud commodè defendi posse, quis speret; postquam is, qui omnes pro ejus defensione ingenii sui nervos intenderat, tam illud incommode defendit? Quod hic non potuit, quis tentabit alius? Honoris Nationis suæ, & Imperatoris sui neminem oportet immemorare esse; sed usque ad aras. Honori consulere Henrici Trevirensis, non alias in Synodo ista partes, Ipso fatente agentis, nisi præsentis, & tacentis, opus non est.

14. Age vero, quibuscum Germanis loqui jubet Antagonistam suum? Germani duas in partes divisi sunt, Catholicorum, atque Acatholicorum. Hi Pontificiam omnem auctoritatem explodunt; imo ipsum se gerere pro Papa grave,

atque execrabile crimen esse deprædicant; id quod in Lutherano quodam Scriptore legi. Papa illis est Antichristus, Romana Ecclesia Babylonica meretrix. Cum istis utique non jubebit loqui eum, qui cum iis non vescitur. Restat, ut loqui illum jubeat cum Germanis Catholicis. Hi vero an loquantur cum Vindice, quicum certe non vescuntur? Loqui eos secum, probandum est. Probabit autem, opinor, ad Calendas græcas. Cum antiquis illis coævus, dicet utique, plerisque, qui Leonem VIII. legitimum Pontificem dixerunt, loquatur. At cum istis non vescitur. Deinde legem tulit, ut producatur auctoritas non suspecta, coæva, aut suppar, nixa auctoritate publica, vel sensu communi Ecclesiæ, aut Doctorum ejus temporis *pag. 18. N. V.* Auctoritatem ejusmodi protulit nullam. (*Proëm. §. 5. n. 32.*)

15. Mihi quidem, Theodulphe, dubium nullum relinquitur; quin hi, quorum singulari, ac mera gratia Vindex potitus est pane catholico, atque Ecclesiastico, expectarint, ut sentirent, & loquerentur ejus commentaria, si quæ editurus esset, cum Catholicis, & Ecclesia. Cum his an sentiant, & loquantur ejus hæ Vindicæ, meum non est definire; definiendum relinquo ipsimet cum suo Capite Ecclesiæ. Si non sentiunt autem, & loquuntur; præceptum, quod aliis quasi pro imperio statuit, ipsemet negligit.

16. Pondus additurus effatis suis prioribus, hæc

hæc pagina 29. N. XVI. pro sua gravitate sub-  
jungit : „ Præfertim cum opinio , quæ pote-  
„ statem hanc Ecclesiæ Romanæ disputaret ,  
„ Papam, ut sibi perniciosum, reprobet, nihil  
„ plane utilitatis conferat in Ecclesiam Dei ,  
„ ejusque religionem , & conservationem. „  
Quæro, quam utilitatem opinio opposita, jux-  
ta eum intellectum, quem Vindictæ demon-  
strant, conferat in Ecclesiam Dei, ejusque re-  
ligionem , & conservationem ? Respondebit  
quædam artificiosa in speciem, reipsa sophisti-  
ca; queis non solos alios imperitos, sed, quod  
miserius est, seipsum etiam irretiat. Ego ve-  
ro, non PRÆSIDE ME, sed Præsiede Decreto:  
*Moses*. ostendi (*hic n. 7.*) nullum oppositæ opi-  
nionis, juxta eum intellectum, in vita huma-  
na usum, utilitatemque esse posse. Ad quæ  
Ecclesiæ detrimenta inferenda tendat, manifesto  
loquitur idem Eugenii IV Decretum, ipso sa-  
cro approbante Concilio sancitum. Loquitur  
tot laudibus ab ipsomet. ornata Epistola Conci-  
lii Rom. sub, & pro Damaso anno 378., quæ  
*Apud Pet. Constant col. 27.* memorat factio-  
nem Ursicini schismatici sic profecisse, ut, præ-  
ter cætera „ spoliaretur prope Ecclesia omni-  
„ bus ministeriis, *ea fraude videlicet*, ut dum  
„ causam dicit, qui in omnibus judex fuerat  
„ constitutus, nemo esset, qui de lapsis, vel  
„ de factiosis posset Episcopatûs inuasoribus ju-  
„ dicare. „ Antithesis juxta eum intellectum,  
quod non valeat thesis opposita in usum dedu-

ci, conservat Successorum B. Petri auctoritatem; retinet pacem, atque unitatem inter caput, & membra; schismati aditum præcludit; quo nulla potest Ecclesiæ Dei, ejusque religioni, & conservationi pestis accidere perniciosior. Inflicta a magno Occidentis, post Gregorii XI. mortem, schismate Ecclesiæ Dei vulnera nondum plene coaluerunt.

17. Hac tempestate factionis Jansenianæ alij jam fecere discidium ab Universalis Ecclesiæ Capite; alij exosos pridem habent Rom. Pontifices per septendecim sæcula hæresibus perpetuo infestos; omnem movent lapidem, eorum ut existimationem vilipendere condocescant populos; Justinus Febronius Cap. 9. §. 2. a n. 2, ad subtractionem ab obedientia Papæ, *etiam agnit*, palam exhortatur, saltem temporariam. Quasi vero incendium qua facilitate inflammatur pro arbitrio, posset pro arbitrio restringui. Synodorum generalium convocandarum difficultatem vident; nullam ea, qua ipsi postulant, conditione (*Voyez La Réalité du Projet de Bourgsfont. P. 6. Art. 2.*) impetraturos se prævident, uti nec impetrare sine totius, stabiliti a Christo Domino, Status Hierarchici eversione poterunt. Quod Vindex soli Ecclesiæ particulari Romanæ tribuit, extendere poterunt eodem, id est, nullo fundamento ad nationalem quamlibet Ecclesiam, facem ad incendendum schisma præferente palam Febronio; cujus (*l. c.*) suasu nationales Ecclesiæ  
caput

caput sibi extra ordinem , & ad tempus providere poterunt , ut providit sibi Ultrajectina , non ingressum per ostium. Morum deformitates , quæ objici possint cuivis Papæ , suggerunt magno numero sparsi in vulgus post sæculi XVI. Novatores Jansenianorum libri & post eos Febronius ; qui identidem plenis buccis abusus , abusus (a) ingeminat , quos nemo tolerare bona conscientia possit. Hoc si tentaret factio ; quo pacto refelli posset ex stabilitis a Vindice nostro principiis ? An foret id scandalum acceptum , & pharisaicum , non datum , & natum ?

(a) Quædam , quæ abusus esse convitiatur Febronius , non sunt abusus , sed ipsissima , constitutæ a Christo Domino , hierarchiæ fundamenta ; quæ nemini licet evertere. Qualia sunt , quæ ad supremam in Ecclesiam Christi universam Successoris B. Petri potestatem pertinent : quod liquido ex perpetua Patrum traditione demonstrarunt multi. Alia sunt per pacta conventa Romanis Pontificibus a Principibus , Nationibus , & populis legitime concessa , quæ allatrari a privato publice , impudens est. Alia pridem emendata sunt ; quæ per schismata præcedentia irreperant. Alia per eminentem superjectionem ultra verum exaggerat , & maligne traducit Febronius. Alia sunt per virulentas calumnias conficta , ac non modo Rom. Pontificibus , sed Episcopis etiam , & Principi-

cipibus Orthodoxis contumeliosa. Alia sunt ejusmodi, quæ nunquam deerunt in hac generis humani infirmitate; quæque per præscripta ab illo remedia non corrigi, sed augeri nata sunt. Hæc totius Libri singularis summa est. *Videri possunt Rdmi D. Abbatis, & Clariss. viri Gregorii Trautwein Vindicia adversus hunc Librum plane singularem.*

18. Superest aliquid levidense, quod paucis expediam. Concoquere animo non potens, quod Natalis Alexander, & ex eo Antithesista dixerat: Germanos habuisse Leonem VIII. pro legitimo Pontifice, Ottoni Imperatori ut adularentur; clamat pag. 19. *N. VIII. lit. d.*  
 „ Germani, natura sinceri, non adulantur;  
 „ nisi cum disciplina ad hoc peculiari institu-  
 „ untur „ Sunt inter Germanos non minus,  
 quam cæteras inter Nationes universas homines sinceri, & aperti pectoris, sunt & versipelles, ac duplici corde. Neutrum omnibus sine discrimine imponi nomen potest. Illos, de quibus hic agitur, credam, sinceros fuisse, nihil adulationi, nihil gratiæ tribuisse. Si tamen rationem rerum, & temporum illorum intueamur; difficile erit, ut insinuavi non semel, eos defendere a timore humano; qui sine disciplina peculiari in animos tam aliorum, quam Germanorum, sensim sine sensu non raro solet irrepere. Didicerunt nonnulli sine peculiari disciplina, aucupari blandimentis plus, quam servilibus, eorum

rum

rum solorum a quibus fulciri se vident, benevolentiam, ceteros omnes despuere.

## Epilogus.

I. Ventilandas suscepimus propositæ theses Vindicias. Ventilavimus, Theodulphe. Diffipatis paleis, non reperies granum ullum solidum, nisi vehementer me fallo. Potestatem exauctorandi certum Romanæ, & Universalis Ecclesiæ Pontificem extra casum deviationis a fide, privati quidem Doctores nonnulli Cciis Oecumenicis tribuunt opinione speculatrice; ejus tamen praxin, & usum reprobavit Ccium Florentinum, ac Ss. Scripturæ, Patrum, & ipsius Ccii Constantiensis sensui declaravit contrarium. Synodi Basileensis hoc in negotio decreta cujus sint pretii, quid necesse est repetere post Decretum: *Moyse*.? Aliud ex Ccio legitimo exemplum, alium specificum Canonem non protulerunt Vindiciæ. Quam potestatem igitur ipsis usque adeo Conciliis in Oecumenicis non agnoscit Universalis Ecclesia: qua veritatis specie asserent Vindiciæ particulari Romanæ Ecclesiæ, de qua nihil unquam simile lectum confitentur? Reliqua, quæ ad conciliandam præcipuo huic thesæos argumento fucatam aliquam veritatis speciem corraferunt undique Vindiciæ, quam sint inania, nemo non videt, credo, postquam admota severæ criseos face



8. Eadem pag. 17. N. IV. minatur; se alterum Joannis XXIII. exemplum alio tempore discussurum. Id si facturus est; mone eum, Theodulphe; ut sumat sibi novem menses integros, humano partui a natura destinatos; ne iterum post tres menses tam foedus abortus prodeat. Prædic; si tam dyscolum filium, denovo in lucem ediderit; præparatam mihi esse domi ferulam, qua cum egregie excepturus sim, si me vivo, & incolumi natus fuerit.

9. Summo cum despectu loqui de non suis, est Ipsi perpetuum. Galli auctores non debent suscipi contra Germanos, & Italos ab his, qui sunt de S. Rom. Imperio. Cardinalis Baronius maximi nomen meriturus fuisset, si intra historici mansisset terminos. Non didicit jura ex professo, multo minus fuit ICTus graduatus. Dumefnil est Gallus, & Jesuita, duo exota ipsi nomina, ac despiciata. Atque ut de aliis illustribus viris contemptim ab eo nominatis taceam: Natalis Alexander est Gallus; Antithesista est secutus Gallum, pro pudor, Germanus; est modo Natalis Alexandrista, modo improvidus exscriptor Alexandri; modo fervidus Theologus; modo Theologus non noster. Utriusque asserta sunt audacia, ne dicat, temeraria, auctoritatem publicam desiderantia. Loquuntur audacter, temere, temerarie, contra sanum sensum &c. Ad dimicandum quidem viriliter hæc comparata non sunt; valent tamen ad rixandum. Quid si Antithesista similia in eum, imo

Inno graviora convitia regereret; id quod non futurum esset, opinor, difficillimum; nonne excandesceret, Theodulphe? Ego vero excandescerem in utrumque, & continuo, iste disputandi mos est dicerem, non ingenuae educationum, ac gravium Virorum, in gravi argumento versantium. Antonius Arnaldus, Janseianae conspirationis post Abbatem Sancyranum caput, styli contumeliosi genus in certis dimicationibus adhiberi posse docuit suos, ac geometrica quadam forma pro suo modulo demonstravit. *La Realité de Projet de Bourgfontaine Tom. I. Part. 3. §. 1. pag. m. 178.*

10. „ Miremur „ (inquit pag. 20. N. VIII. lit. f.) si moderni Jesuitae ita ament Natalem, „ cujus libros persecuti sunt, promovendo ipsos in Catalogum Romanum librorum prohibitorum, a quo non nisi post multos annos auctoritate Benedicti XIII. Dominicans extracti sunt. „ Paulo post (lit. g.) subindicat, animadversiones illas, quas Natalis Alexander in librorum suorum editione altera studet diluere, esse Jesuiticas. Verane haec, an falsa sint, mihi curae non est disquirere: non enim est tanti res. Pungit Antithesistam, Jesuitas, quin & ipsum Natalem: antithesin, argumentaque pro illa tam ab hoc, quam illo allata minime pungit. Ostendisset solide argumentorum istorum ante omnia falsitatem, ineptiam, fallaciam, inconsequentiam: si deinde festivum aliquod, atque argutum epiphonema,

ad sublevandum lectoris tedium, modeste subjecisset, potuisset aliquis videri : Nunc non nisi inficeti Zoili, aut mordacis Aristarchi nomen refert apud solidæ eruditionis viros, qui offenduntur his nugis:

*Nec, si quid fricti ciceris probat, aut nucis emptor,  
Æquis accipiunt animis, donantve corona. Hor. de Arte.*

II. Antithesistam suum pag. 82. N. XIII. his verbis aggreditur : „ Non negabit jus Imperatori suo, tales indicendi, & moderandi „ Synodos, cum assistentia Episcoporum sui „ Imperii „ Videntur hæc eo spectare, ut Antagonistam suum, si forte respondere ejus Vindiciis aliquando voluerit, avocet a præsentis proposito ad quæstionem aliam prolixam; inquam descendere hoc loco non est necessarium. Multa nos utique exempla docent, piissimos, & atque Orthodoxos Imperatores, Reges, ac Principes indixisse, ac procurasse non semel magno Ecclesiæ bono sacras Synodos, accedente vel prævio, vel post consecuto Episcoporum, ac præsertim Romani Pontificis, eo tempore viventis, consensu. Legimus etiam interfuisse Conciliis Imperatores, modo ipsosmet, modo per Legatos, imo & adjunctos quandoque magistratus, & judices, qui Patrum libertatem adversus tumultuum violentias (quales in Latrocinio Ephesino exstiterant) defenderent.

Legi-

Legimus suscepisse illos cum reverentiâ Patrum decreta ; utque observarentur a subiectis sibi populis ; sanxisse suis legibus. Hæc facta extra controversiam , & reprehensionem omnem posita sunt. Ast *tales Synodos* , quæ in supremum Ecclesiæ Caput certum conspirarent , de eo exauctorando agerent , facto ipso exauctorare molirentur extra casum deviationis a fide, *tales* , inquam , *Synodos* indicendi , & non modo non consentiente , sed palam interdicente summo Pontifice prosequendi , jus sibi arrogasse nullum Orthodoxorum Imperatorum ante Ottonem legimus. Nihil simile a Provincia Romana ullo sub Imperatorè antea factum legi , fatetur ipsemet *pag. 37.* Post Ottonem id juris sibi arrogasse nonnullos alios legimus ; sed istorum *Synodos* in schismaticarum , intrusos loco Pontificum legitimorum viventium in Pseudopaparum numero in hanc diem habuit , habebitque semper Ecclesia. Ista ad dissipandos Vindicis cavillos in præsens sufficiunt ; quin alteram quæstionem , quam abunde tractarunt Doctores alii , necesse sit attingere.

12. Postquam *pag. 19. N. VIII. lit. e.* dixisset, Natalem fateri, quod Leonem VIII. auctores plerique coævi legitimum Pontificem dixerint (*qua de re vid. supra Proæm. §. 5. n. 13. , & 15. de Ditmaro.*) maxime Germani : subito in Antithesistam suum his verbis invehitur indignans ; „ Id quod notet Germanus , pane Germanico „ vescens , proindeque in facto , quod defendi

„ commode possit , potius loquatur cum his ;  
 „ quibuscum vescitur ; nec sit ita immemor  
 „ honoris suæ Nationis , sui Imperatoris meri-  
 „ tissimi Ottonis I , quem Deus elegit , ut Ec-  
 „ clesiæ Romanæ , & Imperio succurreret :  
 „ Trevirensis quoque Archiepiscopi Henrici I ,  
 „ qui Synodo illi Romanæ interfuit „ ( sed  
 verbum nullum respondit. Non semper autem,  
 qui tacet, consentire videtur ; præsertim si ti-  
 mor humanus linguam coercet, & stans a late-  
 re continuo respiciendus est , cujus offensam  
 reformidare debeas ) „ ut per auctoritates Gal-  
 „ lorum Doctorum velit refutare thesin Ger-  
 „ mani , bene sentientis de Ecclesia Romana „  
 ( Non illa conjuncta , & consentiente suo vivo  
 legitimo , & certo Capiti ; sed de altera illa  
 larva Ecclesiæ , non Ecclesia Romana , a capi-  
 te suo vivo se rescindente , prostibulo favente  
 mœcho ) „ & Imperio , tunc in evidenti per  
 Papam discrimine „ ( per auxesin conficito )  
 „ constitutis. ) „

13. Præclarum præceptum , si uni-  
 versè spectetur : *Loquere cum his , quibuscum*  
*vesceris* , in materia præsertim , uti hic , Hie-  
 rarchiæ , a Christo Domino constitutæ , statum  
 concernente ! Tacere hic possum , quod me ta-  
 cente perspectum est omnibus , quis genuino-  
 rum Catholicorum hoc de axioma sensus sit.  
 Ipsimet Acatholici , qui verbi divini tenaces  
 videri cupiunt , ferre æquo animo non possunt  
 eos , qui religionem suam frusto panis vena-  
 lem

lem habentes, loquuntur passim cum his, quibuscum vescuntur. Proferre libet unum e multis. Scriptor anonymus Historiæ contentio-  
nis inter Imp. & Sacerd., quæ prodit Halæ 1722. in præf. n. 4. parasitos istos perstringit his verbis. „ Indifferentissimi in religione vere  
„ rei sunt, qui apud papistas papistarum, a-  
„ pud reformatos reformatorum, apud luthe-  
„ ranos lutheranorum, apud socinianos soci-  
„ nianorum, apud mahumetanos horum re-  
„ ligionem &c. profitentur „ Loquuntur hi sa-  
ne, quibuscum vescuntur. Nec persanat rem il-  
lud, quod additur: „ In facto, quod commodè  
„ defendi possit „ Nihil enim est, quod istius  
furfuris homines existimaturi non sint, posse  
commodius defendi, quam esurire. Ottonis  
factum istud commodè defendi posse, quis spe-  
ret; postquam is, qui omnes pro ejus defen-  
sione ingenii sui nervos intenderat, tam il-  
lud incommode defendit? Quod hic non po-  
tuit, quis tentabit alius? Honoris Nationis suæ,  
& Imperatoris sui neminem oportet immemo-  
rem esse; sed usque ad aras. Honori consulere  
Henrici Trevirensis, non alias in Synodo ista  
partes, Ipso fatente agentis, nisi præsentis, &  
tacentis, opus non est.

14. Age vero, quibuscum Germanis loqui jubet  
Antagonistam suum? Germani duas in partes  
divisi sunt, Catholicorum, atque Acatolicorum.  
Hi Pontificiam omnem auctoritatem ex-  
plodunt; imo ipsum se gerere pro Papa grave,

atque execrabile crimen esse deprædicant; id quod in Lutherano quodam Scriptore legi. Papa illis est Antichristus, Romana Ecclesia Babylonica meretrix. Cum istis utique non jubebit loqui eum, qui cum iis non vescitur. Restat, ut loqui illum jubeat cum Germanis Catholicis. Hi vero an loquuntur cum Vindice, quicum certe non vescuntur? Loqui eos secum, probandum est. Probabit autem, opinor, ad Calendas græcas. Cum antiquis illis coævis, dicet utique, plerisque, qui Leonem VIII. legitimum Pontificem dixerunt, loquatur. At cum istis non vescitur. Deinde legem tulit, ut produceretur auctoritas non suspecta, coæva, aut suppar, nixa auctoritate publica, vel sensu communi Ecclesiæ, aut Doctorum ejus temporis *pag. 18. N. V.* Auctoritatem ejusmodi protulit nullam. (*Proëm. §. 5. n. 32.*)

15. Mihi quidem, Theodulphe, dubium nullum relinquitur; quin hi, quorum singulari, ac mera gratia Vindex potitus est pane catholico, atque Ecclesiastico, expectarint, ut sentirent, & loquerentur ejus commentaria, si quæ editurus esset, cum Catholicis, & Ecclesia. Cum his an sentiant, & loquantur ejus hæ Vindicia, meum non est definire; definiendum relinquo ipsimet cum suo Capite Ecclesiæ. Si non sentiunt autem, & loquuntur; præceptum, quod aliis quasi pro imperio statuit, ipsemet negligit.

16. Pondus additurus effatis suis prioribus, hæc

hæc pagina 29. N. XVI. pro sua gravitate sub-  
jungit : „ Præfertim cum opinio , quæ pote-  
„ statem hanc Ecclesiæ Romanæ disputaret ,  
„ Papam, ut sibi perniciosum, reprobet , nihil  
„ plane utilitatis conferat in Ecclesiam Dei ,  
„ ejusque religionem , & conservationem. „  
Quæro , quam utilitatem opinio opposita , jux-  
ta eum intellectum , quem Vindicia demon-  
strant , conferat in Ecclesiam Dei , ejusque re-  
ligionem , & conservationem ? Respondebit  
quædam artificiosa in speciem , reipsa sophisti-  
ca ; queis non solos alios imperitos , sed , quod  
miserius est , seipsum etiam irretiat. Ego ve-  
ro , non PRÆSIDE ME , sed Præside Decreto:  
*Moses*. ostendi ( *hic n. 7.* ) nullum oppositæ opi-  
nionis , juxta eum intellectum , in vita huma-  
na usum , utilitatemque esse posse. Ad quæ  
Ecclesiæ detrimenta inferenda tendat , manifesto  
loquitur idem Eugenii IV Decretum , ipso sa-  
cro approbante Concilio sancitum. Loquitur  
tot laudibus ab ipsomet ornata Epistola Conci-  
lii Rom. sub , & pro Damaso anno 378. , quæ  
*Apud Pet. Constant col. 27.* memorat factio-  
nem Ursicini schismatici sic profecisse , ut, præ-  
ter cætera „ spoliaretur prope Ecclesia omni-  
„ bus ministeriis , *ea fraude videlicet* , ut dum  
„ causam dicit , qui in omnibus judex fuerat  
„ constitutus , nemo esset , qui de lapsis , vel  
„ de factiosis posset Episcopatus invasoribus ju-  
„ dicare. „ Antithesis juxta eum intellectum ,  
quod non valeat thesis opposita in usum dedu-



ci, conservat Successorum B. Petri auctoritatem; retinet pacem, atque unitatem inter caput, & membra; schismati aditum præcludit; quo nulla potest Ecclesiæ Dei, ejusque religioni, & conservationi pestis accidere perniciosior. Inflicta a magno Occidentis, post Gregorii XI. mortem, schismate Ecclesiæ Dei vulnera nondum plene coaluerunt.

17. Hac tempestate factionis Jansenianæ alii jam fecere discidium ab Universalis Ecclesiæ Capite; alii exosos pridem habent Rom. Pontifices per septendecim sæcula hæresibus perpetuo infestos; omnem movent lapidem, eorum ut existimationem vilipendere condocescant populos; Justinus Febronius Cap. 9. §. 2. a n. 2, ad subtractionem ab obedientia Papæ, *etiam agnit*, palam exhortatur, saltem temporariam. Quasi vero incendium qua facilitate inflammatur pro arbitrio, posset pro arbitrio restringui. Synodorum generalium convocandarum difficultatem vident; nullam ea, qua ipsi postulant, conditione (*Voyes La Realité du Projet de Bourgsfont. P. 6. Art. 2.*) impetraturos se prævident, uti nec impetrare sine toti-  
us, stabiliti a Christo Domino, Status Hierarchici eversione poterunt. Quod Vindex soli Ecclesiæ particulari Romanæ tribuit, extendere poterunt eodem, id est, nullo fundamento ad nationalem quamlibet Ecclesiam, facem ad incendendum schisma præferente palam Febronio; cujus (*l. c.*) suasu nationales Ecclesiæ  
caput

caput sibi extra ordinem , & ad tempus providere poterunt , ut providit sibi Ultrajectina , non ingressum per ostium. Morum deformitates , quæ objici possint cuivis Papæ , suggerunt magno numero sparsi in vulgus post sæculi XVI. Novatores Jansenianorum libri & post eos Febronius ; qui identidem plenis buccis abusus , abusus (a) ingeminat , quos nemo tolerare bona conscientia possit. Hoc si tentaret factio ; quo pacto refelli posset ex stabilitis a Vindice nostro principiis ? An foret id scandalum acceptum , & pharisaicum , non datum , & natum ?

(a) Quædam , quæ abusus esse convitiatur Febronius , non sunt abusus , sed ipsissima , constitutæ a Christo Domino , hierarchiæ fundamenta ; quæ nemini licet evertere. Qualia sunt , quæ ad supremam in Ecclesiam Christi universam Successoris B. Petri potestatem pertinent : quod liquido ex perpetua Patrum traditione demonstrarunt multi. Alia sunt per pacta conventa Romanis Pontificibus a Principibus , Nationibus , & populis legitime concessa , quæ allatrari a privato publice , impudens est. Alia pridem emendata sunt ; quæ per schismata præcedentia irrepsérant. Alia per eminentem superjectionem ultra verum exaggerat , & maligne traducit Febronius. Alia sunt per virulentas calumnias conficta , ac non modo Rom. Pontificibus , sed Episcopis etiam , & Principi-

rum solorum a quibus fulciri se vident, benevolentiam, cæteros omnes despuere.

## Epilogus.

I. Ventilandas suscepimus propositæ theses Vindicias. Ventilavimus, Theodúlphé. Diffipatis paleis, non reperies granum ullum solidum, nisi vehementer me fallo. Potestatem exactorandi certum Romanæ, & Universalis Ecclesiæ Pontificem extra casum deviationis a fide, privati quidem Doctores nonnulli Cciis Oecumenicis tribuunt opinione speculatrice; ejus tamen praxin, & usum reprobavit Ccium Florentinum, ac Ss. Scripturæ, Patrum, & ipsius Ccii Constantiensis sensui declaravit contrarium. Synodi Basileensis hoc in negotio decreta cujus sint pretii, quid necesse est repetere post Decretum: *Moyse*.? Aliud ex Ccio legitimo exemplum, alium specificum Canonem non protulerunt Vindiciæ. Quam potestatem igitur ipsis usque adeo Conciliis in Oecumenicis non agnoscit Universalis Ecclesia: qua veritatis specie asserent Vindiciæ particulari Romanæ Ecclesiæ, de qua nihil unquam simile lectum consistentur? Reliqua, quæ ad conciliandam præcipuo huic theses argumento fucata aliquam veritatis speciem corraferunt undique Vindiciæ, quam sint inania, nemo non videt, credo, postquam admota severæ criseos

face

face dissipatæ sunt obscurorum sophismatum tenebræ, quibus delitescabant involuta.

2. Nullas tamen adversus Ipsum, sed adversus solas Vindicias ipsius inimicitias suscipere volui; potius ex charitatis officio studui arguere eum, obsecrare, increpare in omni patientia, & doctrina; ut temperare imposterum calami præcipiti festinationi velit; memor, non solis Candidatis suis, parum per ætatem expertis, sed orbi literato probanda esse, quæ in lucem publicam emittuntur. Usus fuisset correptione fraterna inter me, & ipsum solum, vel adhibitis paucis testibus; si solus ipse fuisset corripiendus. Sed sunt etiam fraterne monendi, docendique; qui foliis istis publice sparsis irretiti, extricare se proprio Marte minus valuerint. Istos convenire autem non possum, nisi scriptis publicis. Doloꝛe illum si afficio, egomet doleo. Persanare ulcus qui cupit medicus, exprimere debet totam saniem. Fieri id sine gravi patientis dolore non potest; at non odio illius fit, sed amore a medico compatiēte ipsi, & condolente. Morbum gravem qui levi, & leni brachio tractat, illo laborantem non amat. Contumeliam si suam existimare velit, quod ulcus detegat, & curare studeat medicus; facit huic sane injuriam. Qui fallaciis, & sophismatis pertrahere lectorem suum in sententiam molitur scriptor; is suæmet estimationi, & famæ plurimum detrahit; non qui ea in lucem profert, & dissipat ad Lectoris

cau-

cautionem. Neque est, quod antiquissima, atque inclyta Universitas Trevirensis, quam omnino revereor, suspicetur, cedere in ejus injuriam, & despectum hanc meam disceptationem. Non possum enim mihi persuadere ulla ratione, cœteros illustrissimi, eximii, clarissimi, eruditissimique hujus Collegii Proceres sentire cum istis Vindiciis; credidero potius, eos ab illis vehementer abhorrere. Non possum tamen non mirari, quid Sacram Facultatem moverit; ut eum ad Doctoratum Theologicum admiserit.

3. Si quid respondere voluerit hisce meis observationibus; rogo, cordate, sed solide, respondeat: argumento proposito pressè inhæreat, non divagetur ad aliena ad materiam præsentem non attinentia; ne videatur subterfugere velle certamen, non subire: non unam duntaxat, alteramve laciniam mordicus discerpendam invadat; sed totum suum systema defendendum esse cogitet; causamque non in solius vulgi, sed orbis literati, & S. Romanæ Ecclesiæ oculis sibi esse dicendam. Non eripiet eum Judicium istorum manibus illud: *Sic non intellexi. Non bene intellexit me Exim. Antithesista, & Leodiensis.* Nam Publicum, & Ecclesia, ut monui non semel, judicare de scriptis solet secundum communem, obvium, & proprium verborum sensum, nulla habita ratione intellectus animo re-tenti. Si erroris me alicujus convictum videro; corrigere eum non recuso, non abnuo.

Si

Si non nisi convitia, & probra in me regesserint, nihil reponam; sed ea, velut testes victoriæ laureas, legam cum voluptate. Si imitatus fuerit Xantippen; imitabor Magistrum Platonis Socratem; qui importunæ Uxoris vociferationes inconditas non ulcisccebatur, nisi serenæ frontis risu, & renidente silentio.

4. Forte nauci me faciendum putabit eo, quod sim homo IPSI ignotus, nullius auctoritatis publicæ, ac latebras quærere videar. Vefum latebras certe non quæro, qui luci publicæ, imo & S. Ecclesiæ judicio meas animadversiones expono. Auctoritate publica me carere, palam profiteor, ac propterea nihil dixi PRÆSIDE ME; nihil mihi sumpsi definiendum: sed omnia eorum, ad quorum officium spectat, sententiæ subijcio. Ignotus Ipsi sum, sicut ille mihi. Norunt me, quos necesse est nosse. Hi disceptationem istam meam, rigido prius non uni examini subjectam, probaverunt, atque in lucem emittendam permiserunt. Cuivis me notum esse, haud opus est. Cæterum non sum ficto, & sinistro, sed verissimo, & dextro nomine ADEODATUS ENS. Sale, & facetiis aspersi orationem hinc inde, ut servirem palato hujus sæculi, quod fastidit facile scripta austera, gravia, & horridiore stylo composita; desiderat subinde festiva, quæ legendi orexin excitant; nec sinant, folia volventibus somnum obrepere. Hæc si nullo loco  
du-

ducenda existimat : acuat stylum suum in seria,  
& gravia ; quibus non caret disceptatio.

5. Post subjectam vindictis suis Theologi Anti-  
thesin cum suis probationibus quasi de re  
præclare gesta sibi applaudens, exclamat :

**HUCUSQUE ANTITHESISTA : TU , LEC-  
TOR , JUDICA.**

Ego vero lectorem e trivio quemlibet judi-  
cem non admitto.

**T U**

**Beatissime Pater, ac Domine Noster**

**CLEMENS XIII,**

**TUQUE**

**Cum tuo Sanctissimo Capite**

**Sancta Mater , ac Magistra nostra  
S. Romana Ecclesia ,**

**Judicare ut velitis ,**

**cum Devotissimo Ss. Pedum osculo oro.**

## Errata sic corrige.

Pag. 16. *Vigilus*. Lege. *Vigilius*.

Pag. 32 L. 26. *Cardinales*. leg. *per Cardinales*.

Pag. 48. lin. 22. delendus N. 30.

Pag. 50. lin. 14. *accidenti* leg. *ex accidenti*.

Pag. 55. lin. 18. *Sol & licito*. leg. *solicito*.

Pag. 57. lin. 31. delendus N. 7.

Pag. 70. lin. 23. *Oecumenica*. lege. *Oecumenicam*,

post paginam 112. lege 115. post paginam 130.  
lege 131.

Pag. 184. lin. 14. *Fugia* lege *jurgia*.

Pag. 219. lin. 20. N. 4. lege. N. 2.

Pag. 227. lin. 28. delendus. N. 11.

Cætera prudens LECTOR CORRIGAT.















